



ԳՐԱԿԱՆ, ԲԱՂԱՔԱԿԱՆ, ՊԱՏՄԱԿԱՆ ԵՒ ՀԱՆՐԱՅԻՆ

ԱՄՍԱԳԻՐ

ՏԱՍՆԵՐՈՐԴ ՏԱՐԻ

1905

№ 8

ՀՈԿՏԵՄԲԵՐ

ԹԻՖԼԻՍ

Ի ՆԱԿԿԱՆ ԹԻՖԼԻՍ 1906 թ. ԴԵԿՏԵՄԲԵՐ ԵՐ ԲԱՅՈՒՆԻՆԻ ՄԵՍԻՍԻՆԻ

ԽՄԲԱԳՐՈՒԹԵԱՆ ԿԱՆՈՆՆԵՐ

1. Խմբագրութիւնը ոչ մի չը սպուելու յօդուած չի վերադարձնում. ցանկացողները յիշ ստանալ՝ կամ պէ՛տ է ինքները դիմեն յիշ ստանալու եւ կամ ուղարկեն փոստի ծախքը:

2. Խմբագրութիւնը իրաւունք ունի հարկաւոր դեպքում փոփոխել կապիմասեղ սպագրուելի յօդուածները:

3. Խմբագրութեան ուղարկած յօդուածները պէ՛տ է շինեն գրուած մտքոր, պարզ եւ մի երեսի վերայ. մանաւանդ պարզ պէ՛տ է գրել յստուկ անուններն ու օտարազգի բառերը:

4. Խմբագրութիւնը իրաւունք ունի բոլոր յօդուածները եւրոպիկ իւր ուղղագրութեան:

5. Թարգմանական յօդուածներէ հետ միշտ պէ՛տ է ուղարկել եւ բնագիրը, առանց որի ոչ մի թարգմանութիւն չի կարող սպուել:

6. Խմբագրութեան զանազան հարցերով դիմողները պարտաւոր են ուղարկել պատասխանի համար նամակադրոշմ:

7. Հաւցի փոխելու համար պէ՛տ է ուղարկել 50 կոպէկ դրամով կամ նամակադրոշմով:

8. «Առումայի» որեւէ համար չը ստանալու դեպքում պէ՛տ է յայտնել խմբագրութեանն առանձին նամակով մի ամսուայ ընթացքում, որպէս զի կարողանանք պատշաճաւոր դիմում անել փոստային վարչութեան:

Լոյս տեսաւ

Ս. ԳՐԻԳՈՐ ԼՈՒՍՆԱՌՈՐՉԻ


(նկար եղիշէ Թադէոսեանի)

Իւզատիպ մեծադիր պատկերը (96×66 սանտ.) տպուած Լայպցիգի Էմիլ Պինկաուհշանաւոր փորժարանում 14 գոյնով:

Գինն է առանց ճանապարհի ծախքի
3 ռուբլի:

Միևնոյն պատկերը, տպուած միևնոյն դիրքով **ԿՏԱԻ** վերայ, վաճառոււմ է իւրաքանչիւր օրինակը **15 ռուբլի**ով: Ցանկացողները կարող են զիմեւ մեզ, ուղարկելով պատկերի արժէքը:

ԳԻԻՏ Ա. ՔԱՅ ԱՂԱՆԵԱՆՑ



ԳՐԱԿԱՆ, ԲԱՂԱՔԱԿԱՆ, ՊԱՏՄԱԿԱՆ ԵՒ ՀԱՆՐԱՅԻՆ

ԱՄՍԱԳԻՐ

ՏԱՍՆԵՐՈՐԴ ՏԱՐԻ

1905

№ 8

ՀՈԿՏԵՄԲԵՐ

ԹԻՖԼԻՍ 1905

Տպարան Ա. Գուրարեղանի. № 21.

Այս համարը հրատարակում է առանց նախնական ցենզուրայի:

ԲՈՎԱՆԴԱԿՈՒԹԻՒՆ

I	Սրտիս տենչանքը. ԽՈՍՏՈՒԿ	5
II	Հօրական տունը. ՅՈՎՀ. ՄԱԼԽԱՍԵԱՆՑ.	6
III	Բուդհայականի բարոյականութիւնը. գերմ. Թարգմ. ՔԱՄԱԼԵԱՆՑ Ս.	20
IV	Յիշատակ. ՀԱՄԲ. ԻՍԱՀԱԿԵԱՆ	29
V	Հակումներ. դրամա. Յ. ԲՈԶԻՆԱՆ	30
VI	Զէկի, Ֆրանս. Թարգմ. Տ. Վ.	49
VI	Պետութեան էութիւնն ու ծնւոյնը. Հ. ՅՈՎԱԿԻ- ՄԵԱՆ	56
VIII	Երկրորդ Պահլաւունիք. ԲՆՆԱՍԷՐ.	68
IX	Նոր Իսրայէլի սաղմոսներից ՅՈՎՀ. ԿՈՍՏԱ- ՆԵԱՆ	76
X	Պրօֆ. Մ. Կապլեւսկին եւ Ռուսաստանի հալա- տակները. ԳԱՐ. ԵՆԳԻՐԱՐԵԱՆ	79
XI	Բէհայիներ կամ Բաբիզմ. ԱՏՐՊԵՏ.	88
XII	Այդեմիւրկան. չերքեզական երգ. ՅԱՐ. ԹՈՒ- ՄԱՆԵԱՆ.	97
XIII	ՄԵՐ ԹՂԹԱԿԻՑՆԵՐԸ Նամակ Կ. Պօլսից. * * —նամակ Մոսկուայից. Մ. ՇՈՎՐԵԱՆ.	101
XIV	ԳԻՏՈՒԹԻՒՆ ԵՒ ԱՐՈՒԵՍ Բերինգի հսկայական գիտք. ՕՐ. ՆՈՒԱՐԴԱ- ՂԱՆԵԱՆՑ.	117
XV	ՄԱՏՆԵԱԽՕՍԵԿԱՆ 1. Մարգար. Հալածանքի ծնունդը: 2. Ժ. Մասօն. Կապաստակ Խէչանի վրէժխնդրու- թիւնը կամ ինքդ քեզ օգնիր: 3. Յար. Նա- յեան. Միեւնոյն դազադում: 4. Совѣщаніе учи- телей начальныхъ училищъ: 5. Ալէքսանդրա- պօլից Ղանլիճա. Ն. Բ. Նիկողոսեան: ԲՐԻՉ. —Ստացուած գրքեր	120
XVI	ՆԵՐՔԻՆ ՏԵՍՈՒԹԻՒՆ Բարձրագոյն մանիֆէստ կօնստիտուցիայի մասին:—Համառուական գործադու: Հոկտեմ-	

ըբրի 17-ի մանիֆէստը: Ժողովրդի քաղաքացիական ազատութիւն: Ազատութեան տօնախմբութիւնը Ռուսիայում: Ազատութեան թըշնամի տարրերը եւ նոցա դիմադրութիւնը ազատական շարժման: Խուլիզանային բարբարոսութիւններ հայրենասիրական դիմակի տակ: Ռուս մամուլի միահամուռ ըողորը կատարուած զազանութիւնների դէմ: Կառավարութեան մեծ սխալը: Ի՞նչպէս պիտի հաստատուի սահմանադրութիւնը Ռուսաստանում:—Ազատութեան տօնը Թիֆլիսում: Հոկտ. 21-ի պարադը: Մանիֆէստացիայի նախօրը: Մամուլի ազատութիւն: Հոկտ. 22-ի ջարդը: Սպանուածներ եւ վիրաւորներ: Խմբագրութեանց զնդակումը: Սպանուածների թաղումը: Ռումբերի առասպելը: Հայ ժողովրդի շնորհաւորութիւնը Հոկտ. 17-ի մանիֆէստի առիթով: Կուսակցութիւնների երեսան գալը: Զինուորական դրութեան վերացումն: Դպրոցական գործադուլ: Եւրոպական տէրութեանց սպաննալիքը:—Հայոց ջարդը:—ՆԵՐՔԻՆ ԼՈՒՐԵՐ: Ծամակ խմբագրութեան . . . 126

XVII ԱՅԼ ԵՒ ԱՅԼՔ

«Լումայի» խմբագրութեան: Մ. ՇԻՈՏ. . . 137

XVIII ԽՄԲԱԳՐՈՒԹԵԱՆ ՊԸՏԱՍԽԱՆՆԵՐ . . . 143

XIX ՅԱՅՏԱՐԱՐՈՒԹԻՒՆՆԵՐ.

XX ՅԱԻԵԼՈՒԱԾ

I. Փրէդերի Միսթրալ. Միլէյօ. Պրովանսական քերթուած. քնն. ուսումնասիրութեամբ թարգմ.: ԱՐՇԱԿ ՉՕՊԱՆԵԱՆ. . . 17—32

III. Ժ. Ժ. Ռուսօ. Էմիլ. II գիրք. գերմ. թարգմ. ԻՍ. ՅԱՐՈՒԹԻՒՆԵԱՆՅ . . . 65—80

ՄՐՏԻՍ ՏԵՆՉԱՆՔԸ

Անհաւատ դարիս յուսահատ զաւակ,
Կարօտ եմ տեսիլի յուսոյ արեգակ,
Ես սեր փնտոցի եւ ծաղիկ բնութիւն
Եւ սիրոյ կեանքի սուրբ ազատութիւն:

Աւա՛ղ, մանկական ցնորներ սիրուն.
Կոյսի նազանքով անցաք երեւուն
Եւ^ք սիրսս որբացած այրունով է շաշիս,
Մայր մհաւ սփռոյն յուսաստ կեանքիս:

Եկե՛ք պատեցե՛ք անցած ստուերներ,
Եւ ներշնչեցե՛ք նոր նոր^ք երազներ:
Ցնորքն ու երազ հերոսի կրօնով,
Ցնորքն է թառել գիտունի^ք գանգով:

Ցնորքն ու երազ մեր կեանքի թելեր
Մարդու մեծութեան, հանճարի ընկեր.
Երկինքն մարդկութեան ցնորքն է սիրուն.
Այնտեղ մարգարէն զաշիքն երազուն:

Երազ եմ^ք անտուն եւ ոչ տեսութիւն,
Կեանքի ծառն է միայն զուարթ ու սիրուն.
Սեւ կասկածն է հիմք դարիս գիտութեան
Հեռու ինձանից կասկածն յաիսեան:

Տուե՛ք շողշողուն փայլը աստղերի,
Սրբազան^ք ոգին մարգարէների,
Եւ^ք բանաստեղծի վառվառ երազանք
Այս է իմ արտի այրունոյ տեղանք:

ՀՈՐԱԿԱՆ ՏՈՒՆ

(Պատկեր իրական կեանքից)

Առանձնասենեակի դուռը բացուեց և ներս մտնող աղախինը յայտնեց ճարտարապետի գալուստը:

— Խնդրիր —, ձայնեց Մելքոն աղան և վերկենալով տեղից շարժուեց դէպի դուռը:

— Աւ, բարև ձեզ Մելքոն աղայ—, քիչ լետոյ ներս մտնելով ձայնեց ճարտարապետը և ձեռի կոլորած թուղթը դրեց սեղանի վրայ:

Մելքոն աղան ինքն սկսեց լետ ծալել թուղթը և նայել գծագրած յատակագծին:

— Գեղարուեստի վայելչութիւնը նրա արտայայտութեան մէջն է կայանում. իսկ արտայայտութիւնը անցնում է մեզ գլխաւորապէս մեր տեսողութեան ու լսողութեան միջոցով. եթէ որեւէ բան խանգարում է նրա կանոնաւոր և ներդաշնակ արտայայտութիւնը՝ գեղարուեստը խանգարւում է, կորցնում է իւր իլիւզիան: Օրինակի համար, վերցնենք մի վայելչահասակ կին. երբ տեսնում ես հեռուից՝ գրաււում ես նրա վայելչութեամբ. մօտենում ես, նայում ես դէմքին. և ի՞նչ վատ ես զգում, երբ նրա փարթամ հասակին համապատասխան դէմք չես տեսնում. ամբողջ տպաւորութիւնդ յեղաշրջւում է և ինչ որ անհաճոյ տրամադրութիւն գալիս վրադ:

— Բոլորովին ճիշտ է, պարոն ճարտարապետ, բոլորովին—, հառաչ արձակելով նրա ասածին արձագանք տուեց Մելքոն աղան:

— Նոյնը և տունն է. դա ևս մի գեղարուեստական

քան է. եթէ չկառուցանես նրան համաչափ և ամեն մի մասը իր տեղում, նա կորցնում է իր ամբողջ գեղեցկու-
թիւնը,

Մեկքոն աղան խիստ լաւ հասկանում էր ճարտա-
րապետի առաժի միտքը և ըմբռնում. և այդ մտքից աւե-
լի էր յուզւում, երբ մտաբերում էր, որ խարազ Սբէլը
չի ուզում իւր փոքրիկ տան տեղը ծախել: Նեղութիւնը
մինոր ալիքով գալիս էր վրան և նրա տրամադրութիւնն
աւելի վատացնում:

—Այդ բոլորը լաւ ես ասում, պարոն ճարտարապետ.
բայց դրանով գործը չդրստուեցաւ. դու դրա հնարը գի-
տես, հնարն ասա:

—Հնա՞շը, հարցնում ես:

—Այո՛. հնարը:

—Հնարը այդ մի կտոր հողն առնելն է. ուրիշ հը-
նար չկայ:

—Իսկ եթէ չուզենայ ծախել, —պապիրոսի մոխիրը
մատի ծայրով թափելով խօսեց Մեկքոն աղան:

—Շատ փոշ առաջարկիր, գրաւիր.

—Իսկ եթէ այդ էլ անեմ, չգրաւի, չծախէ:

—Այն ժամանակ այդ տեղ տուն շինելու մտքից պի-
տի հրաժարուիս:

—Ի՞նչ, հրաժարուի՞մ, — համարեա բարկացած կան-
չեց Մեկքոն աղան:

—Այո, հրաժարուիս. այդպիսի դէպքում աւելի լաւ
է չշինելը, քան շինելը:

—Պարոն ճարտարապետ, գիտէ՞ք դուք ինչ էք աս-
ում, — զայրոյթով առաջ տարաւ, Մեկքոն աղան, — Ի՞նչ-
պէս կարող եմ ես տուն չշինել. ի՞նչպէս կարող եմ ես
առանց տուն մնալ. և այս տո՞ւն է, որ ես բնակւում
եմ. ոչ կանոնաւոր մուտք ունի, ոչ բաւականին սենեակ-
ներ. մի պատուաւոր մարդ է գալիս՝ փողոցի վրայ պս-
ղեզդ չկայ, որ ընդունեմ, հրաւէր պէտք է սարքեմ՝ սե-
ղանատունս 50 մարդուց աւելի չի տանում. նոր կահ-

կարասի պէտք է առնեմ՝ չգիտեմ որտեղ դնեմ. մի խօսքով մնացել եմ շուարած. ինքներդ ասէք, ինչպէս չղինեմ:

Մելքոն աղայի այդ ասածի տոնը այնքան ստիպողական էր, որ նա ինքը ուրիշ կերպ չհասկանալով՝ կասես պահանջում էր, որ ուրիշներն ևս ուրիշ կերպ չհասկանային:

— Այդ ամենը խիստ լաւ ես ասում, բայց և այնպէս այդ պլանով տուն շինելը միտք չունի: Նայեցէք խնդրեմ մի րոպէ այստեղ, — յատակագիծը բաց անելով մատով սկսեց ցոյց տալ ճարտարապետը. — այս կողմը փողոց է, միւս կողմը նոյնպէս փողոց, որ իրար կտրոււմ են. իսկ այդ իրար կտրած տեղի անկիւնը ձերը չէ, որը հիանալի ճակատ կլինի. ասել է տունդ առանց ճակատի է լինելու:

Մելքոն աղան այդ լսելով աւելի և աւելի յուզուեց, ծիաքարշը հուպ տալով ատամների մէջ՝ չաղլիկ մատը դրեց յատակագծի այն տեղին, որ իրեն չէր պատկանում, ուղեւով կասես պոկելու հանելու թղթի երեսից այդ կտորը, որ խանգարում էր իր շինութեան գործը:

— Իսկ եթէ երկու փողոցի երեսին երկու ճակատ անեմ՝ դա այնքան անճոռնի կը լինի, ինչպէս անճոռնի է գէմքը առանց քթի:

— «ԹԻՒԼԷ», աւելի զարացած շնչաց Մելքոն աղան, և յիշեց գէմքը թափած քթով: Նրա համար այդ րոպէ դրանից աւելի զուռելի բան չկար. — ուրեմն:

— Ուրեմն այն, որ կամ չպիտի շինես, կամ եթէ ուզում ես անսպառճառ շինել՝ այդ մի կտոր տեղը աժան թէ թանգ պիտի ձեռք բերես. այլապէս բոլոր ծախքդ իզուր է:

Հարցը դրուած էր Մելքոն աղայի համար վճռական կերպով: Նա մի-երկու վայրկեան մտածող աչքերով նայեց ճարտարապետի երեսին, ձեռը տարաւ լայն ճակատին ու ճաղատ գլխին ձայնեց, «պիտի աշխատել...»

II

Երեկոյ էր: Մեղմիկ զեփիւռը օրօրուելով անց կենսա-
յով քաղաքով՝ փարում էր ծառերի կատարները, մտնում
էր բաց դռներն ու պատուհանները, ներս էր սողում տա-
նիքները, գուրգուրում էր իրար հետ ընդգրկուած թը-
փերն ու մացառները, շոյում էր վաստակաբեկ մարդկանց
ճակատները, տատանում էր կանանց թել-թել կախ ըն-
կած մագերը, խաղում էր մարդկանց վրայի ամառուայ
թեթեւ զգեստների հետ իւր ալիքներով փռփռացնելով
նրանց փեշերը. սողում, վազում էր ամեն տեղ իւր հան-
գիստ բերող զովուժիւնն ու թարմութիւնը տարածելու:
Ամառուայ անուշ մի երեկոյ էր:

Պատից քաշ արած լամպարի աղօտ լոյսի տակ նստած
էր խարազ Աբելի ընտանիքը: Լապտերի երերուն ճառա-
գայթները հազիւ լուսաւորում էին խարխուլ շինութեան
ցածր պատերը, որոնք իրար հետ մէկ եղած կարծես ճիգ
էին թափում պահելու իրենց վրայ կառուցած խարխուլ
ձեղունը: Նեղլիկ լուսամուտից ներս էր հոսում օդը և
պտոյտներ կազմելով նորից ետ դառնում, երբեմն-երբեմն
տատանելով լամպարի աղօտ երերուն բոցը:

Թաղթի վրայ նստած էր Աբելի ամուսինը՝ Ասլին
իր երեք փոքրիկ զաւակներով: Նրանք լուռ էին: Կեն-
դանութիւն տուողը մոխրագոյն կատուն էր, որ մէջքով
քսուելով մանուկների մէկին, միւսին՝ մեղմազձոտ մրմը-
ռոց էր արձակում և պուշով շոյում փոքրիկների ձեռքե-
րըն ու դէմքերը:

Տնակի դուռը ճռռալով բացուեց և ներս մտաւ Ա-
բելը:

Նրա գալը իրեն հետ կասես կենդանութիւն ներս
բերեց:

— Հայրիկս, հայրիկս, — կանչեցին մանուկները և
վեր թռան նստած տեղերից: Ամենից մեծը Աւօն վազ
տուեց դէպի հայրը, նրա ետեւից Սաթիկը, իսկ ամենա-

փոքրը Լուսիկը թւերը պարզեց ու կանգնած տեղից կանչեց.

Հայրիկ, ինձի ալ, հայրիկ, ինձի:

— Հիմա, բալիկս, — ձայնեց հայրը:

Ասլին վեր կացաւ տեղից, ընդունեց ամ ուսնու ձեռից աղլուխի մէջ կապած ընթրիքի համար բերած մթերքը և դրեց դարակի վրայ:

— Հայրիկ, հայրիկ, գլխէ:

— Հա՛, հա՛, գառնուկս, Լուսիկս, Լուսս, — խօսեց հայրը և գրկելով նրան պինդ հուպ տուեց դէմքին:

— Հայրիկս, հայրիկս, — ձայնեց Սաթիկը և թուա նրա գիրկը:

Իսկ Աւօն մնաց հօր ծնկան հետ կանգնած:

— Ասլի, ջուր տուր քիչ լուացուեմ, զովանամ. ովմէ՛հ, էսօր 6 զոյգ ոտնաման եմ կարել՝ հագիս դուրս է եկել. օրը շո՛ք, երկա՛ր. սաստիկ յօգնել եմ:

— Դէ, հայրիկին հիմի մի քիչ հանգիստ թողէք գայ լուացուի. իջէք գրկից, — խօսեց Ասլին և ջուրը տալով ամուսնուն՝ ինքը գնաց խոհանոց ընթրիք պատրաստելու:

Արէլը լուացուեց, սրբուեց, շորը փոխեց, էլի նստաւ իւր տեղը, երեխաները հաւաքեց չորս բոլորը:

Ձեփիւռը շարունակ խաղում էր տնակի շուրջը բոլորած ծառերի կատարների ու թփերի խմբերի հետ, շարունակ առաջացնելով մի ընդհատուող սօսափիւն: Օդը քանի գնում աւելի և աւելի զօրեղ և աղմկող էր դառնում,

Անհուն երջանկութիւն էր զգում խարազ Արէլը, որ օրուայ աշխատանքից յետոյ երեկոյեան հովին հանգիստ էր առնում հօրական տան մէջ, բոլորուած իր զաւակներով:

— Իմ բալաս, իմ սիրուն բալաս. էս մայրիկդ քեզ նոր շո՛ր է կարել:

— Հըմ, — ժպտաց Լուսիկը և ծռուելով դէպի Սաթիկը չարաճճի ժպիտով նայեց նրա երեսին:

—Մայրիկս ինձ համար էլ է կարել, ա՛յ,—աղմկեց Սաթիկը և վազ տուեց մօր սնդուկից իր նոր շրջագգեստը հանելու։

—Իմս էլ վաղը պատրաստ կլինի,— գլուխը ետ ու առաջ տանելով խօսեց Աւօն, որ հօր ծնկից չէր հեռանում։

—Հա՛, հա՛ Վարդավառին բոլորդ էլ նոր շոր կունենաք,—չրայ բերեց Ասլին, որ ներս մտաւ սեղան պատրաստելու։

—Հայրիկ,—կանչեց Սաթիկը, որ կիսով չափ հօր գիրկն էր բարձրացել։

—Ասա՛ բալիկս։

—Մանչերը Վարդավառին շորերիս վրայ ջուր չե՛ն ածի։

—Որ խելօք մնաք, ինչի՞ պիտի ածեն,—վրայ բերեց մայրը։

—Բա ես հերու խելօք էի, ապա ինչո՞ւ Մարանենց Սիրօն վրէս ջուր ածեց։

—Ու դու էլ վեր-վեր ընկար,—ծաղրեց Սաթիկը։

—Հա՛, վեր-վեր ընկար,—կատակի տուեց հայրը։

—Ըստ սառն էր, հայրիկ ջան, «Պաղ Աղբիւրի» ջրից էր։

—Ամօթ քեզ, հազար ամօթ, որ ուսումնարան գնալու տղայ ես՝ ջրից վախենում ես,—կատակը շարունակեց հայրը։

Մանուկը ոտքը ոտքի ետեւը տարաւ և ամաչելուց խուլ կերպով ժպտաց։

—Ամօթ թեզ, հազա՛ւ ամօթ,— ջգրացրեց նրան Լուսիկը։

—Էստարի Վարդավառին մենք կերթանք «Պաղ Աղբիւր»,—խօսեց հայրը,—հետներս կը տանենք հաց, ձու կանաչի, տանձ...

—Խնճուլ,—ձայնեց Լուսիկը։

—Սալոր,—վրայ բերեց Սաթիկը։

—Ասեղ,—աւելացրեց մայրը:

—Ասեղ... հա, հա, հա,—ծիծաղեց Աւօն.—ինչի՛:

—Որ ով շատ խօսի՝ նրա լեզուն ծակենք,— վրայ բերեց մայրը:

Մանուկները չարաճճի ժպիտով նայեցին իրար երեւոյի և լուռ ծիծաղեցին:

Սեղանն արդէն պատրաստ էր, նրանք բոլորուեցան նրա շուրջը:

—Փառք Քեզ Տէր, Փառաց թագաւոյ. գոհանամ շուքրիմ տուածիդ—պարգեւածիդ Աստուած. կինս ժիր, երեխաներս կայտառ, ինքս առողջ. ատէր եմ ու արժանի չեմ,—գոհունակութիւն յայտնեց Աբէլը, և խաչակնքելով երեսը ձեռը տարաւ բողբաջին:

III.

Երեկոյ էր: Սեղանի վրայի դրած հսկայ լամպարը թր լուսամփոփի պատերի միջով արձակում էր մեղմ կաթնագոյն լոյս:

Մեղքոն աղան դարձեալ նստած էր իր սովորական տեղում, բազկաթոռին, երկու արմուկով յենուած ծնկներին՝ ճաղատ գլուխը շարժել էր առաջ, որի մասլի կատարը պսպղում էր լամպարի շեշտակի ճառագայթների դիմաց: Նա հատ-հատ գցում էր սև սաթ թաղբէյի խոշոր հատերը, և շրթունքների արանքով երկու կողմից դուրս էր թողնում ծխի սիւնեակները:

Սենեակի և Մեղքոն աղայի լուսթիւնը խանգարեց քայլերի փափուկ ձայնը: Նա գլուխը վեր բարձրացրեց և տեսաւ իւր դիմաց խարաղ Աբէլին:

—Աւա, Աբէլ ջան, դու ես. եկան:

—Հրամանք ես. բարի իրիկուն:

—Բարով եկար: Հրամէ, նստի:

Աբէլը նստեց Մեղքոն աղայի դիմաց և մտածեց. «անպատճառ էլի տանս համար կանչած կլինի, եթէ յի»:

բաւի էլի գրա համար է, էլ էս անգամին ոչ մի բան խնայելու չեմ, ինչ բերանս գալ ասելու եմ»:

Մելքոն աղան դանդաղ ետ շրջուեց բազկաթողի մէջին ու հարցրեց.

—Այսօր օրն ինչ է:

—Հիգշաբթի:

—Ասել է վաղը ուրբաթ, միւս օրը շաբաթ, էն միւս օրը կիրակի Վարդավառ: Զէ:

—Հրամանք ես:

—Ասել է դեռ երկու օր կալ Վարդավառին:

—Այո,—ձայնեց Աբէլը և սպասեց, թէ ինչ էր լսելու Մելքոն աղայից:

—Աբէլ ջան, էս երկօրս մի ազատ օր չունի՞ս:

—Ինչ կալ որ,—, անսրոշ հարցրեց Աբէլը:

—Խանթի համար թթու ջուր է հարկաւոր, ոչ ոք չունեմ էնպէս մէկը, որ գնալ բերէ. կիրակի իրիկունը հազար տեղից թթու ջուր են ուղեւում, քանի օրէ ջուրը հատել է: Յոյսս էլի դու ես, տեղի հետ ծանօթ ես. գիտես: Թէ կարաւ վերցրու 2 ջորի, մի 200 հատ էլ շիշ գնա՛ բեր: Շշին 1½ կոպէկ քեզ. խորջղ էլ իմ վրաս:

Երեք ուրբի՞. դա այնպիսի մի գումար էր Խարազ Աբէլի համար, էն էլ մի օրում, որ նրա համար կատարեալ մի գիւտէր մի բաղդաւորութիւն. ո՞վ գիտէ, քանի օր պիտի նստէր աշխատէր, որ կարողանար երեք ուրբի ձեռ բերել: Սաստիկ ուրախութիւնը պատեց նրան և նա մտքում խօսեց. «Վարդավառի ծախքս Աստուած ուղարկեց»:

—Ուզում ես մի ընկեր հետդ վերցրու,—մեղմ նախաձեռն ատամների արանքով հագիւ բաց թողեց Մելքոն աղան, որ լսողը կը կարծէր, թէ նա այդ ասում էր երեք ուրբին մի մարդու տալուն մեղքանալուն համար. մինչդեռ գրա հակառակն էր. նրան հարկաւոր էր, որ երեք ուրբին միայն Աբէլը առնէր և նա միայնակ ջրի գնար:

— Բնկերն ինչ եմ անում. ինքս մենակ հերիք եմ:

— Լաւ: Ե՞րբ կգնաս, — ալս անգամ բարձր և ուրախ հարցրեց Մելքոն աղան:

— Վաղը ուրբաթ է, ձեռքիս գործերը վերջացնեմ տէրերին տամ, որ գիմացի երկու օրը իրար վրայ կիրակի են, մուշտարիներս առանց ոտնամանի չմնան, շաբաթ առաւօտ կերթամ. կիրակի ծէգին այտեղ կլինեմ:

— Լաւ. շատ լաւ, — գոհ եղանակով ձայնեց Մելքոն աղան և աւելացրեց. — Էնպէս լինի, որ կիրակի առաւօտ ջուրն էստեղ լինի:

— Աչքիս վրայ, — խօսեց Աբէլը և վերկացաւ գնալու:

— Սպասիր, ինչ ես շտապում. սպասիր մի պատահ հաց ուտենք, — նրան նստելու ձեռքով նշան արեց Մելքոն աղան. ապա շաղիկի ձեռք տարաւ սեղանի վրայի վահանաձև գանգակին և հնչեցրեց. ու ներս մտնող աղախինն հարցրեց. —

— Սեղանը պատրաստ է:

— Հիմա կլինի, — պատասխանեց ձայնի վրայ ներս մտնող աղախինը և հեռացաւ:

— Ե՛հ, հիմի Աբէլ ջան, հօ եղածն եղել անցել գընացել է, ծուռը նստենք շիտակ խօսենք, — քիչ լուծիւնից լետոյ հառաչ քաշելով առաջ տարաւ Մելքոն աղան:

«Ձէ, ուրեմն սրա կանչելը էլի տան համար է եղել. էտ ջուրը միմիայն պատճառ է», անցկացաւ Աբէլի մտքով:

— Ինչի՞ էտ մի կտոր հողը չծախեցիր, որ էս քանի տարի է ուզում եմ շինութիւն անել, մնացել եմ:

— Մելքոն աղայ, եթէ կարելի լինէր ծախել, միթէր խաթրդ կկոտրէի, կմերժէի:

— Ինչո՞ւ համար չէր կարելի:

— Նրա համար, որ հօրիցս ժառանգութիւն մնացած տուն է, չեմ ուզում, որ ծախեմ: Ողորմած հէրս մեռնե-

լիս ստաց. «որդի՛, ես քեզ բացի էս մի աչք տանից ոչինչ—
չեմ թողնում, էտ էլ հօրիցս մնացած օջախ է. պահպա-
նիր, ու դու էլ քու որդոցդ թող. սեպհական մի ան-
կիւն ունենալը լաւ բան է

Մելքոն աղալի գէմքը փայլեց մի տարօրինակ ժպի-
տով. այդ ժպիտը նենգութիւն էր, թէ բարկութիւն՝
դժուար էր որոշելը. սակայն երևում էր, որ այս ժպի-
տի մէջ մի գաղտնի, խորհրդաւոր բան կար: Դառաւ:

—Հէրդ շատ խելօք բան է ասել, ամեն մի
հայր էլ իւր որդոցը միւսնոյն բանն է ասում: Բայց այդ
չի նշանակում թէ անպատճառ տունդ այն ինչ կամ այս-
ինչ տեղում պիտի ունենաս: Տուն ունեցի՛ր, այդ միւս-
նոյնն է, որտեղ ուզում է լինի:

Աբէլի սիրտը նրա ասածի հետ չգնաց, տուն ասելով
նա սովոր էր լինել այն տունը, որ հայրն էր թողել, և
այն տեղը, ուր նա չինած էր. ուրիշ կերպ նա չէր կա-
րողանում հասկանալ. խօսեց.

—Ձէ աղալ, ուրիշ բան է հօրական տունը:

Մելքոն աղալի հասկացող հայեացքից ծածուկ չմնաց
Աբէլի զգացածը. սակայն իբրեւ թէ ոչինչ չի հասկանում՝
շարունակեց.

—Ես քեզ համար կգտնէի մի ուրիշ ընդարձակ հող,
կտալի բաւականին փող, որ գնայիր աւելի լաւ և ա-
ւելի ընդարձակը շինէիր: Սակայն չուզեցիր մի լաւութիւն
անել, տունս թողիր շինելու:

—Ինչ անեմ ողայ ջան. ես մեղաւոր չեմ,—խեղճա-
ցած ձայնեց Աբէլը և ուսերը վեր թօթուեց, կասես այդ-
պիսով ուզենալով իւր վրայ բարդած մեղքը գէն ձգել:

—Լաւ բան չարիւր... մենք այսքան տարուայ իրար
դրացի ենք, դեռ իրար հաւի «քշօ» չենք ասել. իրարու
լաւն ենք կամեցել... իսկ դու...

Մի րոպէ Աբէլը մնաց լուռ, մտածելիս. նա մտաւ
իւր դրացու գրութեան մէջ. սակայն այդ րոպէ երբ լի-
շեց հօր «պահպանիր» խօսքը՝ իր դրութիւնն աւելի զօ-
րեղ կերպով պատկերացաւ նրան:

— Գուցէ հիմա միտքդ փոխել ես, հա՛, — նրա գէմքի բարի արտայայտութեանը նայելով սիրալիւր հարցրեց Մելքոն աղտն:

— Աստուած չանէ, որ հօրս խօսքը գետին ձգեմ, — կտրուկ խօսեց Աբէլը:

— Գեղեցիկ. ասենք էդ լաւ ես ասում. ապա ինչ ես անելու մի քանի ժամանակից, երբ տունդ թափուի. ինչով պիտի շինես,

— Աստուած ողորմած է. մէկ օր կհարստանամ, կքանդեմ կշինեմ:

— «Ի՞նչ... ա՛-ա՛-ա՛... դրան մտիկ արա... դեռ բաւական չէ, որ չի ծախում, ալլ և ուզում մէկ օր էլ շինել... տանս առաջը կտրել... լաւ... կտեսնե՞նք»... չըրթունքները կրծոտելով քթի տակ մրմուսաց Մելքոն աղտն:

— Ընթրիքը պատրաստ է. համեցէ՛ք, — դռան միջից ձայնեց աղախինը:

IV

Վարդավառի առաւօտն էր: Սաղ քաղաքը ոտքի վրայ էր: Ամեն տեղ կենդանութիւն էր տիրում: Կարծես Շ... քաղաքացիները որոշել էին այդ տարի վարդավառն աւելի ուրախ անցկացնել: Վաղ առաւօտից մարդիկ շարան շարան որոնք կառքով, որոնք ոտքով, որոնք ձիով գնում էին քաղաքից դուրս հով ալգիները, դալար պարտէզները օր անցկացնելու քէֆ անելու: Հեռուից լսում էր փողի ու թմբուկի ձայնը, որ վաղ առաւօտեան «սահարին» էր սկսել. թառի ու ջութակի արձագանքը, որ «ճէգալիւրն» էր նուագում. սրնգի երկար ու ձիգ հնչիւնները, որ «Առաւօտ լուսաբեր», էին երգում: Դրանց հետ խառնուել էին երգերի, խաղերի, պարերի և ուրախութեան աղաղակների ձայները, որոնք մերթ այս կողմից, մերթ այն կողմից արձագանք էին տալիս օդում: Երևում էր, որ մարդկանց սրտում կուտակուած ուրախութիւնը իւր ընկեր վշտի հետ առիթ էր գտել դուրս թռչելու նրանց

կրճքերից: Գեղեցիկ էր և սիւնեաց աշխարհի բնութիւնը. իրաքանչիւր քերձ ու ժայռ, իւրաքանչիւր խոտ ու արօտ, իւրաքանչիւր ծառ ու ծաղիկ այնտեղ ունին իրենց վայելչութիւնը: Թռչունների ելգը, երկնքի կապուտակը, ծաղկած բուսականութեան անուշահոտութիւնը, բացուած վարդի տեսքը, խոխոջող առուակը կարկաչող աղբիւրը... այդ բոլորը, բոլորը միասին թեւ առած կասես պարում էին իրար հետ: Մարդը, բնութեան այս ազիզ արարածը զգում էր այդ, օգտւում և վայելչանում նրանով:

Խարազ Աբէլի ընտանիքն ևս պատրաստւում էր գնալու, Ասլին առաւօտ վաղ վերկացած օրուայ պաշարն էր խուրջինում տեղաւորում, տղայոց երեսները լուանում, նրանց շորերը հագցնում, ինքը կոկոււմ-զուգոււմ, որ «Պաղ-Աղբիւրը» գնային, սպասում էին Աբէլին, սակայն արեւն արդէն ծագել էր, Աբէլը դեռ չէր երևում:

—Դէ՛, Աւօ ջան, դու էս աղւուխը բռնիր տար պատշգամբ, ես մինչև խուրջինը դուրս կբերեմ. նստի՛ր, զգոյշ, մէջը ձուեր են. վայր չձգես, չկոտրես:

—Մայրիկ, խնժո՞ղը. ո՞ւր է:

—Այնտեղ է, զամբիւղի մէջ է, բալիկա:

—Մայրիկ, հայրիկը դեռ շատ է ուշանալու:

—Ձէ, հիմի կգայ. քիչ էլ սպասենք,—Օաթիկին պատասխանեց մայրը. և երեխաների հետ դուրս գալով դէպի պատշգամբ՝ նստեց այնտեղ Աբէլի ճամբան սպասելով: Բայց ուշանում էր Աբէլը: Արեւն արդէն մի նիզակի բոյ վեր էր բարձրացել, Աբէլը դեռ չէր երևում:

—Էդ մարդն ինչե՞ տգիտն ուշացաւ: Բոլոր քաղաք արդէն դատարկուեց. լաւ տեղերը բռնեցին: Իսկ նա դեռ չկայ:

Այդ ասելու հետ կասես Ասլու սիրտը տրորուեց. կասես դարդը այն չլինէր, որ դրացիներն առաջ գնացին, լաւ տեղերը բռնեցին, այլ այն, որ Աբէլը չէր երևում: Այդ բոպէ նրա աչքին ընկաւ դրացու որդին. կանչեց.

—Միբէլ, ա՛ Միբէլ:

—Աստ ազի:

—Քը մտաղ, մի գնաս Մելքոն աղունց տուն, իմանաս, թէ Աբէլէն ինչ խաբար ունեն:

—Ի՞նչպէս հարցնեմ,—կանգ առնելով հարցրեց Միքէլը:

—Աստ, որ Աբէլին որ խրկել էիք Թթու ջուրը, դեռ չէ եկել:

—Լաւ,—ձայնեց պատանին և թռաւ:

Ասլին մնաց իւր ձագերով նստած պառչգամբում, և միեւնոյն միտքն էր որոճում, «ինչի՞ ուշացաւ». և այդ միտքը քանի գնում աւելի և աւելի ծանր էր դառնում նրա համար և անմարսելի: Նրա մտածմունքները քանի գնում բարդւում էին, ուռճանում և սև գոյն կրում: Այդ անորոշ թախիծը հետզհետէ քողաւորում էր մանկամարդ կնոջ սիրտը և ծածկում վշտի շղարշով, որը հետզհետէ ստուարանում էր և հաստատուն դառնում: Նրա սիրտը ինչ որ անախորժ բան էր նախազգում. «Տէր Աստուած, սա ինչ բան է. արար աշխարհքը այսօր ուրախանում է, իսկ ես...»

—Վայ,—յանկարծ ճչաց նա և անզգայօրէն ձեռով խփեց ծնկանը:

—Ի՞նչ եղաւ քեզ մայրիկ,—իրար հետ հարցրին Աւօն ու Սալիկը:

—Ոչինչ. էնպէս,—մանուկներին հանգստացրեց Ասլին և յիշեց գիշերուայ երազը, որ իրենք պտրտիզում մի թառլան զուշ ունէին՝ թռաւ ծառի վրայէն գնաց... Այդ երազը վայրկենաբար վերայիշուեց նրա ուղեղում, բայց տպաւորութիւնը չանհետացաւ: Գիտակցութիւնը նրա սրտի անորոշ տխրութեան հետ զոյգ դարձած աւելի ծանրացաւ նրա մանկատի սրտի վրայ:

Այդ ժամանակ առաջ քալլելով երևաց Միքէլը:

—Ասում են «մենք էլ չգիտենք. ջորու մէկն եկել է բեռնով, միւս ջորին ու ինքը չեն երևում»:

—Չեն երևում,—ձայնեց Ասլին և մնաց քարացած:

Նրա ուղեղը վայրկենաբար կանգ առաւ մտածելուց, սիրտն սկսեց սաստիկ բաբախել ու լեզուն համրացաւ բերանում:

— Ասում են, որ մարդ են խրկել ետեւից, — իւր խաբարը վերջացրեց Միքէլը:

Ասին մնաց նոյն գրութեան մէջ, Նրա լացը կամաց-կամաց սկսեց գալ, կոկորդի ճնշւում էր, սակայն նա չուզէնալով երեխաների սիրտը կսկծացնել զսպում էր իր արտասուքը:

Մանուկներն զգալով մօր թախիծը, նրա ծնկների հետ շարուած արձանացած կեցել էին և չգիտէին ի՛նչ ասէին:

Այդ ըոպէ քաղաքի չափառն երևաց և մօտենալով Ասլուն հարցրեց.

— Խարազ Աբէլի տունը սա՞ է:

— Հրամանք ես, աղայ, Աբէլը ինքը տանը չէ՝ ինչի՞ համար ես հարցնում:

— Ինչի համար, — սկսեց կրկնեց չափառը և երեսը շրջեց գէպի փողոցի միւս կողմը:

Այդ ժամանակ երկու մարդ շալակած բերում էին մի արնաքամ դիակ:

Ասլին ճանաչեց այդ դիակը.

— Վա՛շ մալրիկ ջան, ի՛նչ եմ տեսնում, — սաստիկ ճիչ արձակեց նա և ընկաւ ամուսնու սառած դիակի վրայ:

V

Մի տարի, յետոյ Մեւքոն աղայի առունը շինուած էր:

ՅՈՎՀԱՆՆԷՍ ՄԱԼԽԱՍԵԱՆ

ԲՈՒԴՅԱՅԱԿԱՆԻ ԲԱՐՈՅԱԿԱՆՈՒԹԻՒՆԸ

Պանդուն, մի հարուստ ակնավաճառ էր բրահմանների դասից, կառքով իւր ծառայի հետ գնում էր Բինարէս մի առևտուր գլուխ բերելու. ճանապարհին հանդիպեց մի բուդհայական կրօնաւորի, որ ակնածելի տեսք ունէր ու գնում էր նայն ուղղութեամբ. ակնավաճառը առաջարկեց նրան նստել իւր կառքի մէջ: Կրօնաւորը Նարադա էր կոչւում, ընդունեց հրաւէրն ու ասեց.— ներողութիւն, որ չեմ կարող փող հատուցանել, միայն երեւի հնար կունենամ ձեզ փոխադարձ ծառայութիւն մատուցանել որևէ խրատով, որ վերցնելու եմ իմ մեծ վարդապետ Բուդհայի, մարդկութեան ուսուցչի հոգևոր դանձից:

Ճանապարհը իրար հետ շարունակեցին. Պանդուն մեծ բաւականութիւնով ակննջ էր դնում Նարադայի զրոյցներին: Մի առ ժամանակից ետ հասան այնպիսի տեղ, ուր ճանապարհը գրեթէ անանցանելի էր. անձրևի հեղեղից փոս էր կտրուել, մի գիւղական սայլ էլ եկել մէջը մնացել: Սայլի տէրը՝ Դէվալան գնում էր Բէնարես բրինձ վաճառելու. հետևեալ առաւօտ լոյս ծէգին պէտք է քաղաքում լինէր, եթէ ուզում էր ապրանքը ծախել:

Ակնավաճառը այս խափանառիթների վրայ չարանալով հրամայեց իւր ծառայ Մահադուտային, որ գիւղացու սայլը մի կողմը քոճնչի: Գիւղացին ընդդիմացաւ ու ասեց.— երկիւղալի է սայլին դիպչելը, կարող է պարանուել. այն ժամանակ ես ի՞նչ անեմ, եթէ վրայի բեռը փչանայ, կորչի:

Բայց Պանդուն ուշ չգարձրեց այդ առարկութեան վրայ. Մահադուտան էլ արեց, ինչպէս իրան հրամայած էր: Սակայն երբ ճանապարհը պէտք է շարունակէին, կրօնաւորը ներքև թռաւ կառքից ու ասեց Պանդունին.— ներողութիւն արեք, եթէ ձեզ այստեղ թողնեմ. ես բաւական հանգստացել եմ և որովհետև այն գիւղացու մէջ տեսայ ձեր նախնիներից մէկին վերածնուած, ուստի ձեր բարութիւնը փոխարինելու համար կամենում եմ գնալ ու նրան այդ նեղ վիճակում օգնել:

Բրահմանը այս տեղեկութեան վրայ խիստ վախեցաւ, սկըսեց ամեն կերպ պնդել, որ նրա ասածը անկարելի բան է. այն գիւղացին օտար մարդ է, իւր պապը չէ: Կրօնաւորը պատասխանեց.

— Ես գիտեմ, որ ձեր ճակատագրի ու այս գիւղացու մէջ եղած կարեւոր յարաբերութիւնները ձեզ անյայտ են: Չէ՞ որ կոյրերը տեսնել չեն կարողանում. ցաւում եմ, որ դուք ձեզ վնաս էք պատճառում: Ես փորձելու եմ ձեզ պաշտպանել ձեր կուրուքեան հետեանքներից,

Վաճառականը որ իւր կեանքում նախատինք լսած չէր. սրտին առաւ կրօնաւորի խօսքերի մէջ պարունակուած յանդիմանութիւնը ու հրամայեց ծառային ճանապարհը շարունակել:

Նաբադան դարձաւ գիւղացու մօտ, օգնեց, սայլը շտկեցին, ներքե թափուած տոպրակները կրկին բարձեցին: Այս բանը այնպէս արագ կատարուեց, որ Դէվալան կարծեց թէ կրօնաւորը մի սուրբ մարդ է, աներևոյթ հոգիների հովանաւորութեան տակ, ուստի հարցրեց նրան.

— Ես այդ գոռոզ Բրահմանին երբէք չեմ վիրաւորել, ինչո՞ւ նա այնպէս տմարդի վարուեց:

— Իմ բարեկամ, ասեց կրօնաւորը, դուք անարդար բան չէք կրում, այլ համբերում էք այն վարմունքին, որ դուք ձեր անցեալ կեանքում ակնավաճառին արած կը լինէիք, եթէ նրա տեղը լինէիք: Եթէ ձեր մտքերը գուշակելու մէջ սխալ չեմ, կարծում եմ, եթէ այս ըոպէին ակնավաճառի տեղը լինէիք ե այնպէս ուժեղ ծառայ ունենայիք, ճիշտ այնպէս կը վարուէիք, ինչպէս նա:

Գիւղացին լսածները խղճի տակ դնելով խոստովանեց, որ կրօնաւորը արդար է նկատում, խոստացաւ ապագայում աւելի յարգանքով վերաբերուել դէպի մարդիկ:

Սայլի բեռը արդէն ուղղած էր, ուստի երկուսն էլ ճանապարհը շարունակեցին դէպի Բենարէս: Մէկ էլ յանկարծ այն տեսան, որ սայլի ձին խրտնեց ու կողքի վրայ քաշեց:

— Ա՛յ օձը, օձը, գոչեց գիւղացին: Բայց կրօնաւորը լաւ դիտելով ընկած առարկան, որից ձին զարհուրել էր, տեսաւ որ ոսկով լիք քսակ էր: Իսկոյն հասկացաւ, որ սա ակնավաճառինը պէտք է լինի: Վերցնելով յանձնեց գիւղացուն և ասեց.

— Պահիր այս քսակը. Բենարէս հասնելուն պէս կը գնաս այն իջեանը որ քեզ կասեմ: Այնտեղ կը հարցնես Պանդու Բրահմանի մասին ու քու ձեռով այս քսակը կըտաս նրան: Քո դէմ արած տմարդի վարմունքի պատճառով նա անշուշտ ներողու-

թիւն կը խնդրի: Կասես նրան որ դու արգէն ներել ես ու նրա բոլոր ձեռնարկութիւնների համար բաղդաւորութիւն ես ցանկանում: Որովհետեւ՝ քանի որ նա շատ յաջողութիւն ունենայ, այնքան աւելի օգտաւէտ ու լաւ կը լինի քեզ համար: Քու ճակատագիրը շատ պարագաներում կախուած է նրանից: Եթէ ակնավաճառը աւելի բացատրութիւնների ետնից ընկնի, առաքիւր նրան Վիհարա (Բուդհայական տաճար կամ ապաստանարան), ուր ես պատրաստ եմ նրան ամեն կարևոր բանում օգնելու:

Այդ միջոցին Պանդուն հասել էր Բենարէս և իւր առևտրի ընկեր Մալլիքային, հարուստ բանկիրին, գտել խօսում էր:

— Ես կործանուածի պէս եմ, պատասխանեց նա, չեմ կարող ոչ մի առևտուր սկսել ձեր հետ, եթէ չկարենամ մի սայլ ընտիր բրինձ գնել թագաւորի սեղանի համար: Իմ հակառակորդը լսելով որ ես թագաւորի գանձապահի հետ պայման եմ կապել վաղուանից բրինձ մատակարարել, ինձ միտնելու համար Բենարէսում եղած բոլոր բրինձը գնել է: Գանձապահին կաշառով գրաւել է, նա չի ուզում պայմանից պոկ գալ: Այդ պատճառով վաղը դառնալու եմ մի սնանկ մարդ, եթէ Կրիշնան երկնքից մի հրեշտակ չուղարկի ինձ օգնելու:

Մալլիքան իւր վիճակից այսպէս գանգատուած էր, երբ Պանդուն նկատեց որ իւր ոսկու քսակը չկայ: Կառքի մէջ փրնտոնեց, չկար. կասկածն ընկաւ ծառայ Մահադուտայի վրայ. նրանից խոստովանութիւն հանելու համար ենթարկեց խիստ հարց ու փորձի և ծեծի. խեղճ մարդը ինչքան էլ երդում էր իւր անմեղութիւնը հաստատելու համար, զուր էր անցնում. անճարացած մտքի մէջ միտթարւում էր թէ այդ պատիժն ու կսկիծները երևի առաջուց գործած մեղքերի և մանաւանդ այն անիրաւութեան պատճառով էին, որ նա խեղճ գիւղացուն հասցրել էր:

Ոստիկանը դեռ զբաղուած էր քամբադէին վերջին հարուածները ուտացնելով, երբ վրայ հասաւ գիւղացին և ի զարմանս բոլոր ներկայ եղողների, Պանդուն յանձնեց ոսկու քսակը: Իսկոյն ազատ թողնուեց ծառան դահճի ծնկան տակից. սակայն նա խոր վշտացած լինելով, այլ ևս չուզեց ծառայել, ծածուկ փախաւ իւր տիրոջ մօտից և միացաւ լեռներում շրջող մի աւազակախմբի, որ նրա ուժեղութեան ու աներկիւղութեան պատճառով ընտրեց իրան գլխաւոր:

Երբ Մալլիքան լսեց որ այդ գիւղացին ընտիր բրինձ ունի, թագաւորի սեղանին վայել, ողջ սայլի բեռը գնեց Դէվա-

չայի ուզածի եռապատիկը վճարելով: Պանդուն դո՛հ և ուրախ որ իւր սեպհականութիւնը կրկին ձեռն եկաւ, շտապեց իսկոյն դէպի Վիհարա՝ Նարադայից ուրիշ տեղեկութիւններ խնդրելու:

Նարադան ասեց. ես կարող էի քեզ մի բացատրութիւն տալ. բայց իմանալով որ դու անընդունակ ես հոգեւոր ճշմարտութիւն ըմբռնելու, գերադասում եմ լռել: Այնուամենայնիւ քեզ կը տամ հետեւալ խորհուրդը, «Վարուիր քեզ հանդիպող մարդու հետ այնպէս, իբրեւ թէ այդ դու լինէիր. եղիր նրա հետ քաղցրաբարոյ, ինչպէս կը ցանկանայիր ինքդ քաղցրաբարոյութիւններ տեսնել և լսել: Այս կերպով դու կունենաս բարի գործողութիւնների մի ցանք, որ անկասկած քեզ սիրուն պտուղներ կը բերի»:

—Տուր ինձ, ո՞վ Նարադա, քու խոստացած բացատրութիւնը, թախանձեց ակնավաճառը, նրանից ես աւելի լաւ կարող եմ քու խորհրդին հետեւել:

—Դէ լաւ, խօսեց Նարադան, ես կը տամ քեզ զաղանիքի բանալին, լսիր: Եւր մի պատրանք է, խաբէութիւն է, և նա ով միայն իւր Եսին է հետևում, հետևում է մի շրջմովիկ լոյսի, որ նրան դէպի ճահիճն է տանում: Ես իսաբէութիւնը Մայայի քողն է, որ մեր աչքերը փակում է և չի թողնում մարդկանց հետ միացնող նեղ կապերը նշմարենք և մեր եւր ուրիշներին նս-ի մէջ ճանաչենք: Տգիտութիւնը մեղքի աղբիւրն է: Ով ուրիշներին անիրաւութիւն է անում, իրան է անում: Թող Ես-ի խաբէութիւնը քո հոգուց չքանայ, իսկոյնեթ կը գտնես արդարութեան ճանապարհը: Նա, որի աչքը Մայայի քողով կուրացած է, տեսնում է միայն անթիւ Ես-եր, զբանով անընդունակ է դառնում ըմբռնելու բոլոր կենդան արարածների, ամեն բան իւր մէջ պարունակող մանկութեան արժանիքը:

Ակնավաճառը պատասխանեց.

—Արժանապատիւ հայր, ձեր խօսքերը ինձ համար անասելի կարեւորութիւն ունեն, նրանք յաւիտեան կը մնան յիշողութեան մէջ: Բեհարէս գնալիս մի չնչին բարութիւն արի աղքատ կրօնաւորիդ ու նրա փոխարէն այսպէս առատ վարձատրուեցի: Անհուն շնորհապարտ եմ ձեզ, որովհետեւ առանց ձեզ ոչ միայն քսակս կորցրած կը լինէի, այլ և անկարող Բէհարէսում գործ տեսնելու, որ ինձ գրեթէ աղքատութեան մէջ էր գցելու: Բացի այդ ձեր հոգացողութիւնը գիւղացու համար, բրնձի սայլը քաղաք ուղարկելը իմ բարեկամ Մալիքայի կործանման առաջն առաւ: Եթէ բոլոր մարդիկ ձեր ուսմունքների ճշմարտութիւնը ճանաչել կամենային, ինչքան հրաշալի և սի-

րուն կլինէր աշխարհը: Իմ փափագն է, որ Բուդհայի իմաստութիւնը ողջ աշխարհին յայտնի դառնայ, ուստի իմ տանը շինելու եմ մի Վիհարա, խնդրում եմ ինձ յաճախ այցելութեան գաք, որպէս զի այդտեղը կարենամ Բուդհայի աշակերտներէ եղբայրութեանը նուիրել:

Իրա վրայ աարիներ անցկացան և Պանդուի Վիհարան Կաուղհամբի մէջ դարձաւ հռչակաւոր ուխտատեղի բուդհայական ուսուցիչների և աշակերտների համար:

Այդ միջոցին դրացի թագաւորը լսել էր Պանդուի ակնքի գեղեցկութեան համբաւը, գանձապետին ուղարկեց նրա մօտ որ թանկագին ակներով զարդարուած ոսկէ թագ շինել տայ: Պանդուն յանձն առաւ ու աշխատանքը աւարտելուց ետը վերցրեց թագը, ուղևորուեց թագաւորի մայրաքաղաքը, հետը տանելով ուրիշ հագուածիւս զարդարանքներ էլ, յոյս ունէր այլ շահաւէտ գործեր անելու: Քարուանը շրջապատած էր զինավառ պահապաններով, բայց հէնց որ լեռների մէջ տեղը հասաւ, ենթարկուեց Մահադուտայի աւաղակախմբի յարձակման: Ու ամբողջովին կողոպտուեց: Պանդուն մեծ նեղութիւնով հագիւ ձեռներից սզատուեց: Այս ձախորդութիւնը ահագին հարուած սուեց Պանդուի հարստութեան: Իրանից ետ ուրիշ կորուստներ էլ կրեց: Բնական է որխիստ ընկճուէր, բայց այդ անաշդութիւնները քաջութեամբ տարաւ, որովհետեւ ինքն իրան այսպէս էր մտածում. «այս հարուածները կրում եմ այն մեղքերի համար, որ իմ անցեալ կեանքում գործել եմ: Երիտասարդ հասակումս ես սնողօք էի դէպի ուրիշները. եթէ այժմ իմ գործերի պտուղները հնձում եմ, տրտնջալու իրաւունք չունիմ»:

Պանդուն միայն այն պատճառով էր անխիթար, որ այլ ևս միջոց չունէր ուրիշներին բարութիւն անելու և իւր Վիհարայի միջով ճշմարիտ կրօնի ուսմունքների տարածմանը նպաստելու:

Դարձեալ բաւական տարիներ անցան. ճակատագիրը կամեցաւ, որ Նարադայի աշակերտ Պանտաքան Կաուղհամբից լեռների վրայով ճանապարհորդելիս աւազակների ձեռն ընկնի: Որովհետեւ մօտը բան չունէր, աւազակապիտը նրան լաւ ծեծեց ու թողեց որ հեռանայ: Հետեւալ առաւօտ, երբ Պանտաքան անտառների միջով քայլում էր, ականջով ընկաւ մարդկանց վէճ ու աղմկալի կռիւ. մօտ գնալով նշմարեց բազմաթիւ կատաղի աւազակներ և նրանց մէջ տեղը իրանց գլխաւոր Մահադուտան: Այս վերջինը կռւում էր յուսահատաբար, ինչպէս շներով

պաշարուած մի առիւծ. իւր վրայ յարձակողներէն շատերին թափել էր գետնին. բայց նրանք չափազանց շատ էին, երկար կռուելուց ետը ընկաւ Մահադուտան վէրքերով պատած և ըստ երևութիւն մեռած: Հէնց որ աւազակները նրան թողին հեռացան, Պանտաքան մօտ վազեց վիրաւորին և տեսաւ որ դեռ վրէն շունչ կայ:

Մօտակայ առուից պաղ ջուր հասցնելով նրան ուշքի բերեց: Վիրաւորը աչքերը բանալով բացականչեց. «Ո՛ւր են այն ապերախտ շները, որոնց ես յաղթութեան ու աւարի եմ առաջ նորդել: Առանց ինձ, իրանց պետի նրանք շուտով կը չքանան հալածական չաղախների պէս:

—Այժմ մի մտածէք ձեր մեղսալից կեանքի ընկերների վրայ, ասեց Պանտաքան, այլ ձեր հոգու փրկութեան վրայ: Ահա ձեզ խմելու ջուր, թողէք վէրքներդ լուանամ, գուցէ կարողանամ ձեր կեանքը ազատել:

—Ոհ, ոհ, կարեւոր հառաչեց Մահադուտան, արդեօք դուք այն մարդը չէք, որին երէկ ծեծեցի, այժմ եկել էք ինձ այս նեղ տեղը օգնելու: Զուր կանցնի ձեր ջանքը, աչքի լոյս, ես կորած մարդ եմ: Ստոր արարածները խիստ ծանր են վիրաւորել, հարուածները իմ սովորեցածի պէս հասցնելով:

—Ինչ որ ցանկ էք, այն էլ հնձում էք, աւելացրեց Պանտաքան, ձեր ստացած հարուածները ձեր սեպհական արարքներն են:

Ճշմարիտ, շատ ճշմարիտ է, ասեց աւազակը, իմ տեղս է. բայց ինձ համար խիստ տխրագին է, որ չար արարքներու լիառատ հոռւձը ապագայ կեանքում պէտք է ճաշակեմ, Ոհ, սուրբ մարդ, խորհուրդ տուէք ինձ, ի՞նչ հնարով կարող եմ կուրծքս ճնշող այս կեանքի մեղքերը թեթեւացնել:

Պանտաքան պատասխանեց:

—Դուրս հանեցէք ձեր մեղաւոր ցանկութիւնները, սպանեցէք չար կրքերը և լցրէք ձեր հոգին սիրով դէպի ձեր նըմանները:

Աւազակապետն ասեց.

—Ես անթիւ չարիքներ եմ արել և ոչ մի բարիք: Ի՞նչ պէս կարող եմ դէն շարունակ այն ցանցը, որ մեղքերս գցել են իմ վրայ: Ծակատագիրս տանելու է ինձ դժոխքը և ես երբէք հնար չեմ ունենալու ազատութեան ճանապարհն ընկնել:

Սրա վրայ Պանտաքան ասեց:

—Ծիշտ է, ձեր ճակատագիրը ապագայ վերածնման միջոցին պէտք է ձեր չար գործերի սերմերը հասունացնէ: Ոչ ոք չի կարող իւր արարքների հետևանքից խոյս տալ: Բայց և

այնպէս վնասելու պատճառ չունէք: Մի մարդ, որ Ես-ի խաբէութիւնը իւր բոլոր մեղաւոր կրքով դուրս է վռնդել, նա կարող է օրհնութեան աղբիւր լինել իւր և ուրիշների համար: Իբրեւ այդ բանի ապացոյց կը պատմեմ ձեզ հետեւալը. «Կանդատաւ անունով մի հզօր աւագակ մեռաւ առանց զղջումի և իբրեւ չար ոգի կրկին ծնունդ առաւ դժոգքի մէջ, ուր նա սոսկալի տանջանքներ կրեց: Այնտեղ նա շատ կալալաւ (հնդկական մեծ ժամանակաշրջան) անցկացրեց առանց փրկութեան, մինչև որ Բուդհան երկրի վրայ երևաց ու երկնային լուսաւորութիւն բերեց: Դրանով լոյսի ու յոյսի մի ճառագայթ ընկաւ տանջուողների հոգու մէջ և Կանդատան բարձրաձայն կանչեց.

—Ով օրհնեալ Բուդհա, գթա ինձ, ես տանջուած եմ սարսափելի կերպով, ցանկանում եմ կրկին դառնալ դէպի առաքինութեան շաւիղը: Բայց ինձ ու ինձ անկարող եմ, օգնեցէք, գթացէք ինձ, տէր: Անշուշտ Կարմայի օրէնքն է, որ բարութեան ամենաշնչին գործողութիւնը բարութեան նոր սերմեր է ծնում, որոնք աճելով հոգուն սննդում են իւր զանազան թափառումների մէջ այնքան ժամանակ, մինչև որ նա բոլոր փորձութիւններից վերջնական ազատութիւն գտնում է նիրվանայի մէջ:

Երբ Բուդհան աղաչող չար ոգու ձայնը լսեց, մի սարդ ուղարկեց նրա մօտ ոստայնի թելի վրայ: Սարդը ասեց Կանդատային—ամուր կպիր այս թելին և բարձրացիր վերև: Կանդատան զատուէրը կատարեց, այն էլ շատ յաջողութեամբ: Թելը ամուր էր, չը կտրուեց. Կանդատան բարձրանում էր շարունակ վերև ու վերև: Բայց յանկարծ նկատեց, որ թելը ճոճում օրօրում է. իւր տանջանքի մասնակիցներից շատերը նոյնպէս փորձ էին անում վեր բարձրանալու: Ծանրութիւնը մեծ էր, թելը ձգուեց ու խիստ բարակեց: Այս նշմարելով Կանդատան երկիւղի մէջ ընկաւ, չլինի թէ թելը կտրուի: Նա մրտածեց միայն իւր անձի վրայ և իրան հետևողներին ձայն տուեց.—թելը բաց թողէք, այդ մենակ իմի է: Այդ իսկ վայրկենին կտրուեց թելը և Կանդատան ընկաւ կրկին դժոգքը:

Այսպէս ուրեմն նա Ես ի խաբէութեանը դեռ չէր յաղթահարել, չէր ճանաչում անձնութեան զարմանալի զօրութիւնը, որպէս զի առաքինութեան և արդարութեան ազնիւ ճանապարհին հասնի: Այդ ճանապարհը բարակ է ինչպէս սարդի թելը, բայց կարող է միլիոնաւոր մարդիկ իւր վրայ կրել. քանի շատ է նրա վրայով երնողների թիւը, այնքան թեթեւ է իւրաքանչիւր անհատի ուժերի լարումը: Հէնց որ մարդի սրտի մէջ յղանում է այն միտքը, թէ թելը միայն ինձ համար է, ու-

ընդի բաժին չհամալ. իսկոյն կտրուում է և նա ընկնում է դարձեալ ինքնասիրութեան ու դատապարտութեան նախկին վիճակը: Ինչ բան է դժուարը: Նա ոչ այլ ինչ է, եթէ ոչ շահասիրութիւն, և Ներվանան է արդարութեան կեանքը:

—Մի խնայէք ինձնից սարդի թելի պաշտպանութիւնը, ասեց մեռնող աւագակը, երբ Պանտաքան խօսքը վերջացրել էր— ևս դրանով դժողքի խորքից կը բարձրանամ վերև:

Փոքր միջոց լռելուց ետ շարունակեց:

—Լսէք, արժանապատիւ հայր, ձեզ ասելու խոստովանք ունեմ: Ես Կառլգհամբի ակնավաճառ Պանդուի ծառան էի. երբ նա ինձ անարդար տեղը գանակոծութեան ենթարկեց, ես փախայ նրա մօտից ու դարձայ աւագակապետ: Մի ժամանակ լրտեսների միջոցով իմացայ, որ նա լեռներով անցնելու է, յարձակուցի վրէն և հարստութեան մեծ մասը խլեցի: Բարի եղէք, գնացէք նրա մօտ, ասէք, որ ես նրա գործած անիրաւութիւնը սրտանց ներել եմ, խնդրեցէք որ նա էլ իւր կողմից իմ յափշտակութիւնը ների:

Քանի որ նրա մօտ էի, նա քարից էլ ամուր էր. նրանից վերցրի ինքնասէր բնաւորութիւն: Այնուհետև լսել եմ, որ նա սրտով փոխուել, այժմ դառել է գթութեան և բարեգործութեան տիպար: Այդ պատճառով չեմ ուզում նրան պարտական մնալ. ասա, որ թաղաւորի համար շինած թագը և միւս գանձերը այստեղ մօտիկ մի այրի մէջ պահուած են: Այդ բանը երկու հոգի գիտէին իմ մարդկանցից, նրանք էլ մեռած են: Թող Պանդուն զինուած մարդկանցով գայ և իւր սեպհականութիւնը տանի:

Մահադուտան այրի տեղը մանրամաս նկարագրելուց ետ շունչը փչեց Պանտաքայի բազուկների վրայ: Սա որ Կառլգհամբի հասաւ, գնաց ակնավաճառի մօտ և պատմեց նրան իւր գըլ խին եկածը: Պանդուն զինավառ մարդկանցով իսկոյն գնաց նկարագրած տեղը իւր ապրանքը բերելու: Շուքով թաղեցին աւագակապետին և իւր ընկերներին: Պանտաքան գերեզմանի վրայ ասեց Բուդհայի հետեւեալ խօսքերը.

—Անձնասիրութիւնը ծնում է չարիք և կսկիծ, միայն իւր սեպհական Եսի միջոցով կարելի է չարիքից խոյս տալ և մաքրուել: Սրտի մաքրութիւնը և անմաքրութիւնը Եսի բաղկացուցիչ մասերն են. ոչ ոք չի կարող ուրիշ մէկի մաքրել: Դուք ինքներդ պէտք է հետամտէք մաքրուելու: Միայն Բուդհաներն են ուսուցիչ և հրահանգիչ: Մեր ճակատագիրը (կարմա) ոչ Իշվարայի գործ է, ոչ Բրահմայի, ոչ Ինդրայի և ոչ այլ աստ-

ծու, այլ ծնունդ է մեր սեպհական գործողութիւններին: Իմ վարձուները ինձ կրող մայրական գոգն է և ինձ բաժին ընկած ժառանգութիւն: Նա նզովք է, երբ ես անիրաւութիւններով եմ ապրել, և օրհնութիւն՝ երբ առաքինի ու արդար եմ եղել: Իմ կենցաղը այն միջոցն է, որով ես միայն կարող եմ իմ փրկութիւնը ձեռք բերել:

Պանդուն իւր գանձերը բերեց Կառլզամբի, զգուշութեամբ գործածելով իւր կարողութիւնը առաջուանից մեծացրեց: Երբ խոր ծերութեան էր հասել ու հոգեւորք վիճակում էր, իւր մահ ճիշտը կանչեց բոլոր որդիներին, թոռներին ու ասեց.

— Իմ աչքի լոյս զաւակներ, ուրիշին մի դատապարտէք թէ ինչու գործով յաջողակ չէք: Ձեր ձախորդութեան աղբիւրը փնտռեցէք ձեր մէջ: Եթէ դուք ունայնասիրութեամբ չկուրանաք, կարող էք այդ աղբիւրը գտնել. երբ այն գտել էք, նշանակում է գտել էք փրկութեան ճանապարհը: Ձեր տառապանքների պալատանը ձեր մէջ փնտռեցէք: Ամենեին մի թողէք, որ ձեր աչքերը խաւարեն Մայայի քողով. յիշեցէք այս խօսքերը, որ կեանքիս իբրեւ թալիսման պէտք են եկել. — Ով օգնում է ուրիշի, այդ իրան է օգնում: Հանեցէք ձեր հոգու միջից Նսի խաբէութիւնը. դրանով դուք գնացած կը լինէք ճշմարտութեան և արդարութեան ճանապարհով:

Թարգ. գերմ. ՔԱՄԱԼԵԱՆՅ Ս.

ՅԻՇԱՏԱԿ

Ազգեր կը գան, կանհետանան,
Մարդիկ ծնուին, կը մահանան.
Միայն կանգուն, միշտ համարձակ,
Անմահ կը մնայ սուրբ յիշատակ:

Շքեղ տներ, մեծ պալատներ
Շուտով կանցնեն, որպէս ստուեր.
Միայն կանգուն, միշտ համարձակ,
Յաւերժ կըմնայ սուրբ յիշատակ:

Կըթողմի գեղը գեղունու,
Կանցնի ոյժը քաջ պատանու.
Միայն կանգուն, միշտ համարձակ,
Անվերջ կըմնայ սուրբ յիշատակ:

Կը փոխեն գետք իրենց ընթացք,
Կանհետանան շատ արարածք.
Միայն ատուած, միշտ նզոված
Անջինջ կըմնայ շա՛ր յիշատակ:

Ազգին սիրեց ազնիւ Վարդան,
Ազգը մատնեց անարգ Վասակ,
Ազգը մոռցաւ շա՛տ ու շա՛տ քան,
Բայց չըմոռցաւ Վասա՛կ, Վարդա՛ն:
ՀԱՄԲ. ԻՍԱՀԱԿԵԱՆ

ՀԱՎՈՒՄՆԵՐ ¹⁾

Դրամա 4 արարուածով

III ԳՈՐԾՈՂՈՒԹԻՒՆ

Նինայի հիւրասենեակը. (տես I գործ.): Աղախինը կարգի է բերում սենեակը:

ԱՆՆԱ. Յոգնեցինք այս անթիւ հիւրասիրութիւններից: Մի բանի օր է ընդամենը ինչ Նինան մի հիւրասիրութիւն էր կազմել Հենրիկի սիրուն, մի հիւրասիրութիւն էլ վազն է կազմում, երկի այս էլ մի ուրիշի սիրուն: Թէ Նինային ես եմ ճանաչում, անշուշտ մի նորը գտած կը լինի: Բժշկի սիրոյ այս մի շաբաթը շատ հետաքրքիր տեսարաններ ունէր: Այսչափ համբոյրներից իսկապէս որ մարդ շուտ կը ձանձրանայ, ահա թէ ինչու Նինան միշտ նորն է փնդողում: Բայց գովելի է, որ միշտ խաղաղութեամբ է գործը վերջացնում ու ճամպայ դնում: Ասենք ճամպուոյներն էլ աւելի ուրախ պիտի լինեն, քանի որ ոչինչ չեն կորցնում:

ՆԻՆԱ. (Մտնում է դրսից): Ամեն ինչ գնում է, Աննա. նայիր ու կարգադրիր ծառային: Վաղը երեկոյեան հիւրերը պարտիզում պէտք է անցնեն. պատուիրել կարգի բերել, պարտէզը մաքրեն և գոյնզգոյն լապտերներ կախն: Աթոռները հէնց այսօրուանից կարող են շարել: Մի խօսքով այնպէս լինի, որ ես գոհ մնամ, դու հօ լաւ գիտես իմ ճաշակը: (Հանում է վերարկուն ու գլխարկը):

ԱՆՆԱ. Ամեն ինչ գոհացուցիչ կը լինի: (Օգնում է հանուելու):

ՆԻՆԱ. Դու այժմ նախ գնա, գնումս իրերը տեղաւորիր: ԱՆՆԱ. Իսկոյն: (Չնում է):

ՆԻՆԱ. Կատարեալ յոգնեցի այստեղ-այնտեղ վազվզելուց. հազարաւոր առնելիք կային: Լաւ է որ Աննայի պէս նաժիշտ ունինք, ամեն ինչ իսկութեամբ հասկանում է ու արագ կատարում, այլապէս տանն էլ հանգիստ չը պիտի ունենայի: Մեծ նշանակութիւն ունի տան ծառան, մանաւանդ որ տան բոլոր գաղտնիքները ամենից շուտ ու լաւ միայն ծառաներն են նկատում: Եւ ես Աննայից ոչ մի գաղտնիք չունիմ. ինչո՞ւ թագցնել երբ նա ինքը կարող է ամեն ինչ հեշտութեամբ նկատել և դեռ աւելի վատ ենթադրութիւններ անել: Երկար տարիներ մեր տանը լինելով, մենք իրար այնպէս ենք սովորել, որ այժմ վստահութեամբ կարողանում եմ նրա հետ զրուցել. ընկերից անգամ հաւատարիմ գաղտնապահ է, նոյն իսկ օգնում է ինձ խորհուրդներով: Դեռ չը գիտէ Դէորգի մասին, շատ կ'ուրախանայ: Ա՛ննա, Ա՛ննա:

ԱՆՆԱ. (Մտնում է):

ՆԻՆԱ. Վերցրու գլխարկս ու վերարկուս տար այստեղից, գուցէ մէկը գալիս է:

ԱՆՆԱ. (Վերցնում է իրերը ու քայլում գնալու):

ՆԻՆԱ. Դու գիտե՞ս վաղը ինչ հետաքրքիր հիւր պէտք է ունենանք:

ԱՆՆԱ. Նոր փեսայ:

ՆԻՆԱ. Հենրիկը կարծում ես:

ԱՆՆԱ. Աւելի նորը:

ՆԻՆԱ. Դու գիտե՞ս արդէն:

ԱՆՆԱ. Ոչինչ:

ՆԻՆԱ. Երևի չես էլ կարող գուշակել:

ԱՆՆԱ. ? !

ՆԻՆԱ. Դէորգը. ճանաչում ես, Դէորգը,

ԱՆՆԱ. Դէորգը. Տէր Աստուած: (Վեր է դնում ձեռքի իրերը): Բայց այդ...

ՆԻՆԱ. Հա, հա... գիտե՞ս ես ով եմ: Թող այժմ ամբողջ քաղաքը ճաքուի: Տեսա՞ր ինչպէս սարքել գիտեմ:

ԱՆՆԱ. Բայց այդ ինչպէ՞ս եղաւ:

ՆԻՆԱ. Հենրիկն է մեզ ծանօթացրել անցեալ օրը ապա աչքերս այնպէս շարժեցի, որ մի կէս ժամից լստոյ նա այլ ևս ինձնից չէր կամենում բաժանուել: Շատ ինտելիգենտ տղայ է. հոււանում ես:

ԱՆՆԱ. Ինչպէս թէ: Այնքան հարուստ...

ՆԻՆԱ. Այո, շատ հարուստ է. այժմ ամեն ինչ լաւ կը լինի. ես կ'ամուսնանամ, քեզ էլ հետս կը տանեմ—

ԱՆՆԱ. Չէ, չէ, ես չեմ գալ, քեզ բարի ճանապարհ:

ՆԻՆԱ. Ինչո՞ւ, կամենում ես ինձ թողնել:

ԱՆՆԱ. Ես կը մնամ մայրիկի մօտ, հիւանդ օրերին նրան մենակ թողնել լաւ չէ: Քեզ հետ գալ... չէ, մեծ տուն է, մի քանի ծառաներ կ'ունենաք, իսկ նրանց մէջ հանգիստ ապրել անկարելի է:

ՆԻՆԱ. Դու մոռանում ես, որ ամեն իրաւունք իմ ձեռքն է. ո՞վ կարող է քեզ բան ասել: Բայց դու ճիշտ ես ասում, որ մայրիկին թողնելը լաւ չէ: Զանգահարում են, տես ո՞վ է:

ԱՆՆԱ. (Գնում է):

ՆԻՆԱ. Մնացել եմ տարակուսած չը գիտեմ Հենրիկին էլ հրաւիրեմ: Նրա ներկայութիւնը խանգարում է ինձ աւելի մօտ լինել Գէորգին. բացի այդ, տնցեալ գիշերուայ գէպքից լետոյ կարևոր է սպասել մինչև նա ներողութիւն խնդրելու գայ: Չը հրաւիրեմ էլ նշանակում է պարզ ասել թէ ամեն յարաբերութիւն ընդհատել եմ կամենում. իսկ այս դեռ վաղ է: Մէկ էլ ճիշտն ասած Հենրիկը լաւ անձնաւորութիւն է, նա ինձ շատ էսիրում, մենք հօ կարող ենք բարեկամ մնալ:

ԱՆՆԱ. (Մտնում է): Բժիշկը հարցնում է:

ՆԻՆԱ. Ահ. խնդրիր:

ԱՆՆԱ. (Գնում է):

ՆԻՆԱ. Պէտք է խիստ լինել և թոյլ չը տալ որ առաջինը ինքը գոգոհութիւն յայտնէ: (Մտտում է լուրջ, մէջքը դէպի դուռը):

ՀԵՆՐԻԿ. (Մտնում է): Յուսով եմ իմ այցելութիւնը անպատեհ չի համարուիր:

ՆԻՆԱ. (Անուշադրութեամբ): Խնդրեմ:

ՀԵՆՐԻԿ. Խիստ մեծ գոգոհութիւն եմ նկատում, սակայն զրգոտած բոպէին ներելի յանցանք էր այն իմ կողմից և ես եկել եմ ներողութիւն խնդրելու:

ՆԻՆԱ. Նման գէպքեր անուշադրութեան միայն արժանի են:

ՀԵՆՐԻԿ. Եւ ներման:

ՆԻՆԱ. Նո՛ւ, այո՛:

ՀԵՆՐԻԿ. Շնորհակալ եմ: Կարծում եմ օրիորդը ժամանակ ու տրամադրութիւն կունենայ մի քանի կարևոր բացադրութիւնների համար:

ՆԻՆԱ. Ամենից առաջ ես չեմ ներում այդ տոնը, այդ սալոնական «գուրք»-ը: Մեր մէջ տեղի ունեցած բարեկամութիւնից յետոյ, դրանից աւելի վիրաւորական ձև չի կարող լինել:

ՀԵՆՐԻԿ. Մի ձև սակայն, որը վիրաւորական էք գտնում միայն այսպիսի բողոքներում, երբ մենք մենակ ենք, ընդհակառակը կրկնակի վիրաւորուելով, երբ հասարակութեան մէջ յանդգնում եմ «գու»-ով խօսել: Միթէ նախանձեղի դրութիւն է այս:

ՆԻՆԱ. Քանի հասարակութեան ծանօթ չէ մեր յարաբերութիւնը. մենք ստիպուած պիտի լինենք այսպէս վարուել:

ՀԵՆՐԻԿ. Այն ամեն վիրաւորանքներից յետոյ, ինչ ես կըրեցի, հազիւ այլ ևս մեր մէջ որ և է կապ, որն է ակնկալութիւն մնաց: Մենք պաշտօնական ծանօթներ ենք այլ ևս:

ՆԻՆԱ. Եւ այդ լուրջ ես ասում, այս ամենը քեզնից եմ լսում, Հենրիկ: Ուրեմն դու մերձեցել էիր ինձ միայն պարապ ժամերդ անհոգ անցնելու:

ՀԵՆՐԻԿ. Ես ձեզ մերձեցել էի շատ լուրջ զգացմունքով կեանքում ձեզ յարակցուելու, ձեր ընկերակցութեամբ ապրելու, սակայն այս մի շաբաթը բաւական եղաւ որոշելու, որ մենք տարբեր մարդիկ ենք և սիրով կապակցուել հազիւ կարող ենք:

ՆԻՆԱ. Ես չէի սխալւում, երբ կասկածում էի ձեզնից: Դուք սիրում էիք ինձ մի այնպիսի զգացմունքով որ հասարակ բշտիկով ատելութեան կարող էր փոխուել. եւ ահա եկել, ձեր մէջքը ուրիշի վզով փաթաթել էք կամենում: Լաւ առիթներ են, սակայն և գեղեցիկ նշան, որ դէպի ինձ որևէ լուրջ զգացմունք չէիք տա՞նում: Ես միամիտ էի և դուք կարողացաք փառաւոր օգտուել իմ միամտութիւնից:

ՀԵՆՐԻԿ. Դուք անկեղծ էք խօսում, թէ՛ այս դէպքում էլ գործ էք դնում ձեր երկնային շնորհքը:

ՆԻՆԱ. Ես ձեզ արգելում եմ այդպէս խօսել:

ՀԵՆՐԻԿ. Ձեզ վիրաւորելու ես ամենեին նպատակ չունիմ: Ես եկել եմ միայն պարզելու մեր յարաբերութիւնը, որ ինքնընտրեալ մի մեծ թիւրիմացութիւն է մեր վերաբերմամբ: Թողէք լուրջ խօսենք ու քննենք:

ՆԻՆԱ. Այսքան վիրաւորանքներից յետոյ այլ ևս ի՞նչ խօսել, կամ էլ ի՞նչ յարաբերութիւն:

ՀԵՆՐԻԿ. Մեր մէջ ոչ մի յարաբերութիւն, ես կատարեալ համաձայն եմ ձեզ հետ և եկել եմ հենց այդ պարզելու:

ՆԻՆԱ. Եւ ինձ կրկնակի անպատուելու, աւելացրէք: Սակայն այլ գէնք կարող էինք ընտրել:

ՀԵՆՐԻԿ. Ես չեմ եկել ձեզ անպատուելու կամ վիրաւորելու, և ոչ էլ օգտուում եմ որևէ գէնքից: Ես եկել եմ ձեզ հարցնելու միայն, կա՞յ արդեօք մեր մէջ որևէ կապ կամ կարո՞ղ է

լինել և եթէ կայ, թնչ են նշանակում ուրեմն այս ամենը:

ՆԻՆԱ. Անշուշտ մեր մէջ որևէ կապ չը կայ, այլապէս այս տօնը, այս վերաւորանքները ես չէի լսի:

ՀԵՆՐԻԿ Ուրեմն կրկին անգամ ես եմ մեղաւոր:

ՆԻՆԱ. Պարզ պէտք է լինի:

ՀԵՆՐԻԿ. Նինա, դուք չէիք կամենալ մի բոլոր ամեն ինչ օրյեկտիւ կերպով հաշուի առնել:

ՆԻՆԱ. Ես հաշուի առնելու այլ ևս ոչինչ չունեմ: Մի անգամ եկաք, իմ բարեկամութիւնը խնդրեցիք, այժմ եկել այդ բարեկամութիւնը խզել էք կամենում: Համեցէք:

ՀԵՆՐԻԿ. Ես եկել ձեր բարեկամութիւնը խնդրել եմ ամենալուրջ զգացմունքով, կրկնում եմ ձեզ: Սակայն ցաւ ի սիրտ, պարզուեց ինձ. որ մեր շաղկապումը դժգոհութիւնների մի ահագին պատմութիւն պիտի ստեղծէ: Ուրեմն և մեծ անխոհեմութիւն է հենց այժմ իսկ հաշուի չառնել այս ամենը ու պարզել մեր յարաբերութիւնը: Ես յարակցուել եմ ձեզ, ստանալով ձեր ուրախ համաձայնութիւնը ու նկատելով փոխադարձ զգացմունքի ամենաշերտ արտայայտութիւններ: Սակայն դուրս է գալիս որ ես սխալուել եմ: Առանձին վայելելով ձեր համակրանքը, հասարակութեան մէջ ես ձեզ համար անտանելի մարդ եմ եղել. ինչո՞ւ ուրեմն ձանձրացնեմ ձեզ կամ մինչև երբ:

ՆԻՆԱ. Դուք ինձ ամենեւին չէք ձանձրացրել, այլապէս ես քաջութիւն կունենայի այդ ուղիղ ձեր երեսին ասելու: Իսկ եթէ տեղի են ունեցել չնչին դէպքեր, այդ անպայման չնորհիւ ձեր զգայուն ու խանգոտ բնաւորութեան, կարծես յանցանք է մի երկու բոլոր ուրիշի հետ անցնել կամ պատուխանել շրջապատողներին:

ՀԵՆՐԻԿ. Ես իրաւ որ զարմանում եմ լսել իմ խանդոտութեան մասին, մանաւանդ որ դուք Գէորգի հետ էիք, որը շաւլաւ գիտէ ընկերոջ պատիւը յարգել և որը ապագայում ևս կը մնայ իմ ընտանիքի մօտ բարեկամը:

ՆԻՆԱ. Ո՛չ, դուք խանդոտում էիք. այդ շատ պարզ է:

ՀԵՆՐԻԿ. Նու, թնչ կայ որ: Աւելի լաւ եթէ խանդոտում էի, դա հօ մաքուր ու մեծ սիրոյ նշան է:

ՆԻՆԱ. Յանուն սիրոյ խօսող մարդու տոն չէ այս, որ ահա ուղղուած է իմ դէմ. այլապէս կը խնայէիք իմ ջղերը:

ՀԵՆՐԻԿ. Ներէք ինձ, խնդրում եմ: Սակայն թոյլ տուէք վերջին անգամ հարցնել ձեզ, կա՞յ մեր մէջ կապ, սիրո՞ւմ էք ինձ:

ՆԻՆԱ. (պառուզա): Ի՞նչպէս էք կարծում դուք:

ՀենՐիկ. Որ մենք անչափ տարբեր մարդիկ ենք:

ՆՐՆԱ, ?!

ՀենՐիկ. Ձէ:

ՆՐՆԱ. (Խորհում է): Ինչքան էլ ճիշտ լինի այդ, սակայն դժուար է հաշտուել այն մտքի հետ, որ դուք այլ ևս չը մոռանաք ինձ:

ՀենՐիկ. Մենք ծանօթներ ենք և կը մնանք բարեկամ:

ՆՐՆԱ. Յուսմամ:

ՀենՐիկ. Վստահ եմ:

ՆՐՆԱ. Դուք ազնիւ մարդ էք: Ինչքան ցաւ է պատճառում ինձ այս, սակայն խոհեմութիւնը պահանջում է յետ վերցնել տուած խօսքս:

ՀենՐիկ. Մենք ազատ ենք ուրեմն փոխադարձաբար յանձն առած պարտականութիւնից: Ձեզ ցանկանում եմ երջանիկ կեանք, իսկ այս ամենի մասին միայն քաղցր յիշողութիւններ:

ՆՐՆԱ. Անպայման քաղցրիկ յիշողութիւններ: Իսկ իբրեւ ապացոյց մեր բարեկամութեան, խնդրում եմ ձեզ վաղը երեկոյեան պատուել իմ անուանակաջութեան հանդէսը:

ՀենՐիկ. Շնորհակալ եմ: Այժմ հազիւ որ հանգիստ է իմ ներքին աշխարհը երկօրեայ վրդովմունքից: Շնորհակալ եմ: Ցը տեսութիւն:

ՆՐՆԱ. Ցը տեսութիւն: Վաղը եկէք անպատճառ:

ՄԻՔԱՅԷԼ. (Մտնում է): Ա՛հա: Դու ևս այստեղ ես:

ՀենՐիկ. Այստեղ էի և այժմ կամենում եմ գնալ:

ՄԻՔԱՅԷԼ. Սպասիր փոքր, միասին կերթանք, երկար չեմ մնալու, եկայ մօրաքրոջս ու Կուզենայիս քէփը հարցնելու:

ՆՐՆԱ. Այդ կողմից դու իսկապէս պարտաճանաչ մարդ ես, շնորհակալ պիտի լինել:

ՄԻՔԱՅԷԼ. Մօրաքոյրը ինչպէ՞ս է: Դ՞ուք ինչպէս էք: (Յոյց է տալիս երկուսին) չա՜յտ թէ—

ՆՐՆԱ. Ամենահաշտ բարեկամներ:

ՀենՐիկ. Ես կամենում էի իսկապէս քեզ հետ առանձին տեսնուել:

ՆՐՆԱ. Այդ դէպքում ես կարող եմ ձեզ մենակ թողնել:

ՄԻՔԱՅԷԼ. Խնդրեմ, խնդրեմ: Մենք յետոյ էլ տեսնուել կարող ենք:

ՆՐՆԱ. Ի դէպ ես փոքր գործ ունեմ, այժմ ինձ ներէք: Իսկ դուք կարող էք հանգիստ զրուցել այստեղ:

ՀենՐիկ. Շնորհակալ ենք:

ՆՐՆԱ. (Գնում է):

ՄԻՔԱՅԷԼ. Ի՞նչ նորութիւն ունես: Կրկին մուայլ:

ՀԵՆՐԻԿ. Ես կամենում եմ քո մասին հարցնել:

ՄԻՔԱՅԷԼ. Պատրաստ եմ պատասխանել:

ՀԵՆՐԻԿ. Դու հաստատ վճռել ես ամուսնանալ:

ՄԻՔԱՅԷԼ. Էլզայի հետ անպատճառ:

ՀԵՆՐԻԿ. Սիրում ես նրան:

ՄԻՔԱՅԷԼ. Անշափ: Հազիւ որ յաջողուեց ինձ գրաւել նրա սիրտը և կամուսնանամ անպայման, առանց տատանուելու:

ՀԵՆՐԻԿ. Բայց դու գիտե՞ս ինչ համարձակ քայլ ես անում, մտածել ես այդ մասին:

ՄԻՔԱՅԷԼ. Քեզ շատ լաւ յայտնի է, որ ինքս իմ մասին այնքան էլ մեծ կարծիքի չեմ, սակայն այս դէպքում սեպհական երջանկութեանս դէմ չեմ կարող: Մի նախատիր ինձ. մի՛ պընդիլ, որ ամէն ինչ ինձ համար կորած է: Վերջապէս միթէ՞ մի երկրորդ փեսացու ինձնից աւելի բարձր է կանգնած:

ՀԵՆՐԻԿ. Ճիշտ ես շեշտում. շրջապատդ առանձին առաւելութիւններ, կամ բարոյական առաքելութիւն չունի: Բարոյական այն մեծ այլասեռումն, որին ենթակայ են մանաւանդ տղամարդիկ, դարձել է սովորական յանցանք, որին ժամանակակից հասարակութիւնը ժպտով է վերաբերում: Սակայն այդ յանցանքը քո մէջ չնորհիւ ստացածդ հիւանդութեան մի այնպիսի ձև է ստացել, որ դու այժմ պարտաւոր ես սահման դնել քո ձգտումներին: Ընտանիք ունենալ քեզ համար սարսափելի միտք պիտի լինի, գոնէ առ այժմ, մի քանի տարիներ շարունակ: Այժմ քեզ ամենից կարևոր է ստեղծել հանգիստ ու համապատասխան պայմաններ քո բժշկութեան համար: Այդ դրութեամբ ամուսնանալ, նշանակում է տալ հասարակութեան հիւանդ, թոյլ ու համարեա այլանդակ սերունդ:

ՄԻՔԱՅԷԼ. Ես առաջինը չեմ, մի՛ մոռացիր այս և մի շեշտիլ: որ ամեն ինչ ինձ համար անդառնալի կորած է:

ՀԵՆՐԻԿ. Ես չեմ պնդում, որ կեանքը քեզ համար կորած է, անգամ յաջող պայմանները մեծ յոյսեր կարող են տալ: Ես մատնացոյց եմ անում միայն քո այժմեան դրութեան վրայ, դեկավարուելով մի շարք կարծիքներով, որոնք բժշկական օրէնքների անհրաժեշտ հետեանքներն են կազմում: Ինչ վերաբերում է նրան, որ քեզպիտաների թիւը լեզէոն է, չեմ կասկածում, սակայն դա շատ թեթեւ միջիթարանք պիտի լինի քեզ համար: Դու մեծ ես, այո, սովորական տղամարդկանցից, որոնք պատճառաբանելով որոշ պայմաններ, հիմնուած նոյն իսկ բժշկական ու առողջապահական օրէնքների վրայ, խախտում են բարոյա-

կանութեան սահմանները: Սակայն նրանց յանցանքը մեծ չէ, քանի որ նրանք մերձենում են ամուսնութեան այն հաստատ համոզմունքով, որ անցած անդուսպ կեանքը չէ կարող Ֆիդի-քական այլասեռումներ դրոշմել ապագայ սերունդի վրայ: Եւ այստեղ նրանց խիղճը ազատ է:

ՄԻՔԱՅԷԼ. Նախատիր, յանդիմանիր, իրաւունք ունես, ՀԵՆՐԻԿ. Ես չեմ յանդիմանում, այլ ներկայացնում եմ իրերի դրութիւնը այնպէս, ինչպէս նա կայ, ինչ հետեանք նա կունենայ ամուսնութեան դէպքում: Ինձ ցանկալի է, որ դու լուրջ հաշուի առնես այս ամենը, քանի խնդիրը բարդ ձև չէ ստացել, քանի դու այդ էակի հետ ոչ մի լուրջ պայմանով չես շաղկապուել:

ՄԻՔԱՅԷԼ. Աւելի՛ լուրջ պայման, քան առաջարկութիւնս ու տուած խօսքս:

ՀԵՆՐԻԿ. Բայց աւելի թեթև դրութիւն, քան ամուսնութիւնը:

ՄԻՔԱՅԷԼ. Ես բեզ շեշտում եմ, որ սեպհական ձեռքով բախտաւորութիւնս աւերել չեմ կարող և չեմ ուզում (քայլում է): Դու չես կարող երեակայել. սիրտս լցուած է երջանկութեամբ: Ես ցնցւում, զոգոցում եմ հենց այն մի հատիկ մտքի տակ, որ ահա կը տեսնուեմ ինձ անկեղծ սիրող մի էակի հետ: Ի՞նչ զմայլմունք, ի՞նչ սփոփանք անեռանդ հողու համար: Ես նրան անչափ ու անհուն կերպով սիրում եմ: Նա լցել է իմ ամայի կեանքս, վերածնել ինձ և ես այլ ևս թեթև եմ մտքով ու սրտով: Հասկանում ես ինչ է նշանակում թեթև լինել: Մի շարք դաժան, խեղդիչ մտքեր հալուել անհետ կորել են նրա ազդեցութեան տակ և ուղեղս անդորր է այլ ևս: Ինչպէս թողնեմ այս ապաւէնը, այս երջանկութիւնը: Կոյր մարդու պէս սեպհական մատս հարազատ աչքս կոխեմ: Ո՛չ, ազնիւ ընկեր: Թող, մի շարժիր վերքս:

ՀԵՆՐԻԿ. Սիրոյ զգացմունքը անչափ ուժեղ է ձայնում քո մէջ և դու գործում ես կատարեալ անգիտակ: Սակայն ես կասկածում եմ, որ հազիւ քո մէջ այդ զգացմունքը երկարատև լինի, ի նկատի ունենալով այն ժանգի ոյժը, որ ներքնապէս ուտում, ոչնչացնում է քո եռանդը, քո թարմութիւնը:

ՄԻՔԱՅԷԼ. Հարցի գլխաւոր տարբերութիւնը հենց այդ տեղ է ահա: Էլզայի դիմաց ես ոչ թէ կը սպառուեմ այլ ընդհակառակը կը սկսեմ ապրել, այս բոռի ամենալաւ իմաստով: Ես մերձենում եմ նոր կեանքի, որ երջանկութիւն ու մխիթա-

ընք է խոստանում, որ բարոյական վերածննդն լայն դռներ է բանում առաջնա: Եթէ անցածս փրկել չեմ կարող, գոնէ ապագաս կը պսակեմ բարոյականութեան մաքսիմներով: Անասնական կեանք եմ վարել մինչև այժմ, սակայն նոր կեանքում կը փրկեմ խորտակուող պատիւս:

ՀԵՆՐԻԿ. Ուրեմն դու ձեռք ես մեկնում սիրածդ էակին ոչ թէ նրան երջանիկ դարձնելու, այլ քո նեխուող կեանքին մի յենարան գտնելու: Եւ դեռ խօսում ես սիրոյ անունից:

ՄԻԲԱՅԷԼ. Ես սիրում նրան, այո՛ և կրկնակի մեծարում, զգալով որ նա կը լինի և իմ կեանքի յենարանը: Ինձ նման մարդու համար այս աւելի քան անհրաժեշտ է: Դու կարծում ես ինձ չի սարսափեցնում այն միտքը՝ որ այս թառամած բարոյականութեամբ, այս կեղտոտ ձեռներով պիտի փայփայեմ մի անարատ կոյսի: Ինչե՛ր չէի տալ անհետ ջնջելու անցածս կեանքի կեղտոտ հետքերը, որ այսպէս խորը դրոշմուել են ճակատիս, դրոշմուել մտքիս ու սրտիս մէջ և լափում բարոյական ու ֆիզիքական առողջութեանս վերջին կտորը, վերջին յոյսը: Անցածս կեանքի ջնջին յիշողութիւնն անգամ խանձում է միտքս: Ես սարսափում եմ, այո՛, որ այսպէս այլասեռուած ու յագեցած սիրով եմ դիմում դէպ այդ էակը, որ մաքուր է ու անարատ, որպէս գարնան առաւօտ: Օ՛, ուղեղս ճայթում է: Սարսափելի է:

ՀԵՆՐԻԿ. Գիտակցում ես ու սարսափում. այլպէս աւելի ցածր մարդ կը լինէիր: Ի՞նչպէս չը սարսափել այն մտքից, որ սիրածդ էակին պիտի համբուրես այն շրթունքներով, որ հազարաւոր ապօրինի համբոյրներից սրբապղծուել, այլ ես անըզգայ է դարձել: Բայց կրկնակի դաժան է այն միտքը, որ քո բախտաւորութեան, քո հաճոյքի համար դո՛ւ ես ընտրում հէնց քո մտքի ամենաթանգ պատկերը:

ՄԻԲԱՅԷԼ. Զո՛հ, Ի՞նչ ես ասում: Եթէ իմ ամայի կեանքս յանձնում եմ նրան երջանկութեամբ լցնելու, միթէ՞ դոհում եմ նրան: Ինչու ես յամառում, որ ես նրան մաքուր սիրել ու երջանիկ դարձնել չեմ կարող: Կը լարեմ ուշքս, նրան իմ մտքի բազմընդ կը դարձնեմ, ուր և անդորր կապրի նա, իսկ ես կը վերածնունեմ: Ինչ վերաբերում է նրան, որ ես ընտրում եմ ինձնից անհամեմատ բարձր ու անարատ էակի, այդ ինչքան ճիշտ է, նոյնքան էլ սակայն կարևոր է իմ ամայի կեանքին: Նրա ազդեցութիւնը ինձ վրայ անչափ մեծ է, իսկ նրան իմ սրտից դուրս մղելու համար ինձ հոռու, կամք է պակասում: Նրանից խուսափելը գուցէ իդէալական քայլ ես համարում, սակայն ա-

նոյժ եւ սեպհական բախտաւորութիւնս աւերելու:

ՀԵՆՐԻԿ. Ծայրահեղ էգոիստութիւնը խեղդում է քո մէջ ազնիւ մտքերը, սակայն դու պարտաւոր ես վերջին ոյժերդ հաւաքելու այդ պատուաբեր քայլի համար:

ՄԻՔԱՅԷԼ. Այս դէպքում ես յիշաւի որ էգոիստ եմ: Սակայն չեմ ուզում փրկիստփայութիւն անել: Այն միտքը, որ ահա կը տեսնեմ նրան և նրա անոյշ ձայնը կը հնչէ ականջներումս՝ «սիրում եմ քեզ», փշրում է ամեն յողգողդ կամք ու միտք իմ մէջ: Նրան տիրանալը իմ մտքի փափագն է: Չեմ ուրանում անցեալս, սակայն պնդում եմ, որ ապագաս կը սրբէ անցեալս: Ես ցոյց կը տամ, որ ամենապարտաճանաչ ամուսին կարող եմ լինել:

ՀԵՆՐԻԿ. Ես չեմ կասկածում, որ դու հաւատարիմ ամուսին կը լինես, սակայն քեզ պակասում է այլ եւ առողջութիւն ու թարմ եռանդ, իսկ այդ փոքրիկ բոլբոլը զգացմունքդ հաւելի երկար դիմանայ ժամանակի լափիչ ակիքներին: Դրա հետ հանդերձ համոզուած եմ, որ քեզ երբէք չի յաջողուիլ անդորր ամուսնութիւն ստեղծել, քանի որ շուտ թէ ուշ կինդ պիտի ծանօթանայ քո այդ դրութեան հետ: Հենց այս տեսակէտից ես աւելի յարմար եմ գտնում այժմ իսկ խօսել ընտրածիդ հետ և լսել նրա կարծիքն ու խորհուրդը:

ՄԻՔԱՅԷԼ. Սօսե՛լ. ասել է բարոյապէս մերկանա՞լ նրա առջև:

ՀԵՆՐԻԿ. Ապագայ դժգոհութիւններից խոյս տալու ամենալաւ միջոցն է այդ: Մի մոռանաւ, որ քեզ վրայ կրկնակի պարտականութիւն կայ, իբրեւ շրջապատից բարձր մարդու, իբրեւ ինտելիգէնտի վրայ: Յանուն այն հիմնարկութեան, ուր քո կրթութիւնը ստացել ես, պարտաւոր ես աւելի քան ազնիւ լինել, պարտաճանաչ մնալ: Մի մոռանալ այս ամեն: Վերջապէս չէ՞ որ դու սիրում ես այդ էակին, ինչպէս ուրիմն չես սարսափում նրան մասնակից անել քո յանցանքին:

ՄԻՔԱՅԷԼ. Դու իզուր ես յուզւում:

ՀԵՆՐԻԿ. Յանուն քո պատուի, յանուն այդ էակի սիրուն, քեզ կրկին շեշտում եմ յետ կանգնել այդ քայլից, կամ գոնէ նախապէս պարզել նրան իրերի այս անմխիթար դրութիւնը: Ես պնդում եմ քեզ իբրեւ ընկեր ու իբրեւ բժիշկ:

ՄԻՔԱՅԷԼ. Դու սկսում ես պահանջկոտ դառնալ:

ՀԵՆՐԻԿ. Պարտաճանաչութիւնը ստիպում է ինձ այդ պահանջել քեզնից: Կարծում եմ դու կը գերադասես այդպէս վարուել, նախ քան օտար աղբիւրներից օրիորդը տեղեկանայ:

ՄԻՔԱՅԷԼ. Թերևս մտածում ես այդպիսի դեր յանձնառնել:

ՀԵՆՐԻԿ. Ինձնից բացի գործին ծանոթներ շատ կան և եթէ դու զլսնում ես պարտքդ կատարել, մնում է մեզ այդքային անել:

ՄԻՔԱՅԷԼ. Ուրեմն դու մերժում ես մեր ընկերութիւնը:

ՀԵՆՐԻԿ. Դա կը լինի միմիայն հետևանք մեր կատարած պարտականութեան:

ՄԻՔԱՅԷԼ. Վատ պարտականութիւն: (Պաուզա): Թող լինի այնպէս, ինչպէս կամենում էք:

ՀԵՆՐԻԿ. Ինձ ցանկալի է քո բարեկամութիւնը, իբրև պարտակատար ընկերի:

ՄԻՔԱՅԷԼ. Այս պայմաններում մենք հազիւ ընկեր ենք:

ՀԵՆՐԻԿ. Այդպէս ուրեմն: Այս դահլիճում թողեցի Նինայի ընկերակցութիւնը, թող խզուի և մեր բարեկամութիւնը: (Գնում է):

ՄԻՔԱՅԷԼ. Ստոր մարդիկ: Նա ինձնից ոչնչով բարձր չէ, ան տարբերութեամբ միայն, որ բախտի մի բարի դիպուածով նա ազատ է մնացել այս ախտից, որ ահա արատաւորում է իմ պատիւը: Նա մնացել է քողարկուած, ուստի և իրաւունք է համարում բարձր ձայնով բարոյականութեան մասին ճառել: (Պաուզա): Սակայն նա այժմ վտանգաւոր թշնամի է ինձ. — նա, իմ ամենամտերիմ ընկերը, դպրոցից սկսած: Օ՛, դաժան կեանք, խաբուսիկ յոյս: (Չանգահարում է):

ԱՆՆԱ. (Մտնում է): Պարոնը ի՞նչ է հրամայում:

ՄԻՔԱՅԷԼ. Նինային այստեղ խնդրիր:

ԱՆՆԱ. Իսկոյն: (Գնում է):

ՄԻՔԱՅԷԼ. Սոսկալի մտքեր: Յոյզերի այս ուժեղ ըռպէին ես կրկնակի եմ գիտակցում, որ ամեն յանդիմանութիւն իմ հասցէին կատարեալ իրաւացի է, սակայն... ես ապրել եմ ցանկանում, ես երջանկութիւն եմ տեսնում: (Լուռ քայլում է):

ՆԻՆԱ. (Մտնում է): Պարոն Հենրիկը գնաց: Ի՞նչ էիք այսքան երկար խօսում: Դուք կուուկէ՞ք: Ի՞նչ է պատահել որտէ՞

ՄԻՔԱՅԷԼ. Նա իմ ընկերը չէ այլ ես:

ՆԻՆԱ. Չեմ հասկանում:

ՄԻՔԱՅԷԼ. Ինձ այժմ ներիւր: Բարեւ մայրիկին: (Գնում է):

ՆԻՆԱ. Հետաքրքիր է, ի՞նչ կարող է լինել, Հա, հա. Հենրիկին այժմ ոչինչ չի յաջողւում. մի կէս ժամում երկու մերժում: Հա, հա, հա: Ամեն ինչ սպասել կարելի էր, միայն ոչ այս աստիճան սիրալիր հրաժեշտ, բարեկամութիւնն էլ վերա-

դիր, թէ չէ առանց Հենրիկի բարեկամութեան ես կը մեռնէի, Ա՛, յիմար մարդիկ: Կարելի է ականջներից բռնել ու շրջել ինչպէս կամենաս: Օ՛, կի՛ն, կի՛ն, ի՞նչե՛ր անել չես կարող. առիւծներ անգամ հեծնում ես: Այժմ ինձ մնում է լուրջ գործունէութիւն Գէորգին սանձահարելու. շատ վայրենին է երևում, սակայն կնոջ ազդեցութեան տակ նա պարտաւոր է դունչը գետնին քսել, և այն անպատճառ իմ առջև:

ԱՆՆԱ. (Մտնում է): Պարտէզը արդէն դարձարում են—

ՆԻՆԱ. Դու չիմացա՞ր ինչի մասին էին խօսում պարոն-

ները:

ԱՆՆԱ. Վիճում էին խիստ տաք-տաք:

ՆԻՆԱ. Բայց ինչի՞ մասին:

ԱՆՆԱ. Ձը կարողացայ լսել:

ՆԻՆԱ. Դու ոչնչով սկի չես հետաքրքրւում:

ԱՆՆԱ. Գործի այս եռուն ժամանակը ինչպէ՞ս հետաքրքրուէի:

ԼԻԶԱ. Ե՛ի ԼԻՈՆՈՐԱ: (Մտնում են):

ՆԻՆԱ. Ամ: Եկա՞ք: Ափսոս, փոքր շուտ գայիք Միքայէ-
ին ու Հենրիկին կը պատահէիք այստեղ:

ԼԻԶԱ. Այստեղ: Ի՞նչ կար որ:

ՆԻՆԱ. Հենրիկը եկել էր ներողութիւն խնդրելու ինձնից
անցեալ գիշերուայ անքաղաքավարութեան համար:— Աննա,
օգնի՛ր Լիոնորային հանուելու:

ԱՆՆԱ. (Օգնում է հանուել Լիոնորային, որ միեւնոյն
ժամանակ լսում է Նինային):

ՆԻՆԱ. Ապա հենց կամենում էր գնալ, երբ մտաւ Միքայ-
էլը: Նրանք ինչ որ առանձին խօսելիք ունէին, ուստի ես մե-
նակ թողեցի, և երբ ես վերադարձայ, Հենրիկը գնացել էր ար-
դէն, իսկ Միքայէլին խօսեցնել չը կարողացայ, նա միայն
շեշտեց, որ Հենրիկն այլ ևս իր ընկերը չի:

ԼԻԶԱ.

Ի՞նչ:

ԼԻՈՆՈՐԱ. Նո՛ւ: Ի՞նչ է պատահել:

ՆԻՆԱ. Միքայէլն աւելի քան մոռալ դուրս գնաց:

ԼԻԶԱ. Չեմ հասկանում: Յամենայն դէպս ես կը հարցնեմ
այսօր, (Թոյլ է տալիս Աննային օգնել իրան հանուելու):

ՆԻՆԱ. Հետաքրքիր է. հարցրո՛ւ Միքայէլին և պատմի՛ր
մեզ: Այժմ սկսենք մեր գործը:

ԼԻՈՆՈՐԱ. Ի՞նչ ունես:

ՆԻՆԱ. Մի խելքը լաւ է, բայց երեքը աւելի լաւ: Կնա-
քնոր է վաղուայ համար խորհրդակցել: Կամենում եմ այս ան-

գամ իմ անուանակոչութիւնը շատ շքեղ տօնել:

ԼԻԶԱ. Վերջին անգամ իբրեւ օրիորդական՝ անուանակոչութիւն. հետեեալ տարի կը լինես այլ ևս տիկնաց տիկին: Հա, հա:

ԱՆՆԱ. (Օրիորդների նանուած իրերը վերցնում դուրս է գնում):

ԼԻՈՆՈՐԱ. Ծիշտն ասած երեք հոգով գործը աւելի դանդաղ առաջ կերթայ, քանի որ ժամանակի մեծ մասը անցնում ենք խօսակցութեամբ:

ՆԻՆԱ. Այդ ևս կարևոր է:

ԼԻԶԱ. Իսկապէս շատ լաւ ժամանակներ են, յոյգերի շրջան. շարունակ զուբւում, սրտատրոփ սպասում ևս նշանածիդ գալուն, ապա թէ ամեն յիմարութիւններ սարքում հրճւում ու դուարճանում:

ՆԻՆԱ. Տեսնում եմ շատ լաւ օրեր ես անցնում:

ԼԻԶԱ. Շտապիր, դու ևս նշանուիր, այն ժամանակ իրար աւելի լաւ կը հասկանանք:

ՆԻՆԱ. Այնպէս ես խօսում, կարծես նշանուած ժամանակ մի առանձին նորութիւն պիտի վայելենք. նորից նոյն սիրախօսութիւնները, խանդոտումները և այլ անթիւ անմիտ յիմարութիւններ, որ աւելի շուտ երեխայական զգացմունքի արտայայտութիւններ են: Ոչ, ես այլ ևս հաստատ վերջ եմ դրել նման բաների միայն ամուսնանալ եմ ցանկանում, մի հաստատ ու որոշ կեանք հիմնելու նպատակով:

ԼԻԶԱ. Դու կատարեալ պրոգնայիկ ես դարձել ահա ինչու այս ամենը յիմարութիւններ ես անուանում: Միւրոյ այս որոշ շրջանը ունի ամենալաւ առաւելութիւններ, երբ մի շարք յոյգեր, քաղցրիկ մտքեր վառվում յոյսեր քեզ ոգևորում արեցնում են. երբ հոգու այդ զգայուն դրութեամբ դու պատրաստւում ես ոտք դնելու մի նոր կեանքում ուր կոչում ես ընդունում քեզ վերայ, կապւում որոշ պարտականութեամբ, ուր այլ ևս որոշ է քո դիրքը և դու գործում ես այլ ևս մի նպատակով — խնամել սիրածդ էակին և կազմակերպել օրինակելի ընտանիք: Այս ամենի համար սէր է կարևոր, մաքուր ու հաւատարիմ սէր և ես ամուսնանալ ասելով, սիրածս էակի հետ կապուել եմ հասկանում: Սրա հետ միասին չեմ ժխտում նոյապէս և այն, որ ամեն հաճոյքներով հանդերձ, ամուսնութեան միտքը բերում է և չար ու մթին նախազգացումներ: Սակայն այդ առաջանում է այն մտքից, որ մենք թողնում ենք ամեն անհատական անկախութիւն և ոտք դնում մի նոր ասպարիզում ուր:

այսպէս թէ այնպէս սահմանափակուած են որոշ պարտականութիւններով:

ԼԻՈՆՈՐԱ. Մարդ անպայման տատանումներով է ոտք դնում ամեն մի նոր ասպարիզում, այս իսկ պատճառով ամուսնութեան միտքը առաջ է բերում զժուռութիւններ, երկմտումներ: Սակայն այդ ամենը չքանում են հենց այն լուրջին, երբ հաշուի ես առնում, որ այդ անծանօթ նոր կեանքում քեզ ընկերակցում է ըո սիրածդ էակը, որ պատրաստ է փոխադարձաբար քեզ համար իր կեանքը զոհելու: Սրանից էլ լուծ պայման: Եւ դու երջանիկ կը լինես, էլզա: Քեզ մնում է այժմ միայն վերջին անգամ օբյեկտիւ քննել ձեր զրութիւնը—սիրում ես դու նրան այդ խօսքի իսկական իմաստով և սիրում է փոխադարձաբար նա քեզ այնպէս, որ կարող լինի քեզ կեանքում երջանիկ դարձնելու:

ԼԻԶԱ. Ես նրան սիրում եմ իսկ թէ նա սիրում է ինձ փոխադարձաբար, չեմ կասկածում:

ՆԻՆԱ. Միքայելը համակրելի անձնաւորութիւն է, դու նրա հետ հաշտ կապրես:

ԼԻՈՆՈՐԱ. Ինձ շատ հետաքրքրում է Միքայելի ու Հենրիկի վէճը:

ՆԻՆԱ. Դու կարծում ես այդ վէճը այս հարցի հետ կապ ունի:

ԼԻՈՆՈՐԱ. Դժուարանում եմ ասել:

ՆԻՆԱ. Ինձ իսկապէս մի նման բան թւում է:

ԼԻՈՆՈՐԱ. Բայց ասա, էլզա. Միքայելը հիւանդ հօ չէ:

ԼԻԶԱ. Նա բեղմատիղմ ունի: Սակայն դու մէկ բան կասկածում ես:

ԼԻՈՆՈՐԱ. Ես միայն մտածում եմ, թերեւ նա լուրջ հիւանդ է:

ՆԻՆԱ. (Ընդհատում է): Ա՛խ, չէ: Նա կատարեալ առողջ է:

ԼԻԶԱ. Ճիշտ որ ամուսնութիւնը սարսափելի ծանր հարց է: Տեսէք այժմ ինչե՞ր չեն կարող ծնուել իմ գլխում:

ՆԻՆԱ. Թող յիմար մտքերը: Համբերութիւն ունեցիր և չուտով կը հարցնես Միքայելից, ես կարող եմ երաշխաւորել նրա առողջութեան համար: Այժմ մենք խօսենք վաղուայ մասին:

ԼԻՈՆՈՐԱ. Բայց դու նախ պատմիր ի՞նչպէս վերջացրիր Հենրիկի հետ:

ՆԻՆԱ. Մերժեցի, հասկանալի է: Առհասարակ նրա վարմունքը ներել չի կարելի:

ԼԻԶԱ. Նորից դու էիր մեղաւոր: Դու այնպէս գրաւուած ես Գէորգով, որ ինքդ էլ արածդ չես նկատում: Բայց քեզ կրկին ասում եմ որ ես Հենրիկին կընտրէի:

ՆԻՆԱ. Դու այո և ոչ ես: Քանի համեմատութիւն չը կար ես ևս ոգևորուած էի Հենրիկով, սակայն այժմ նրա դիմաց կանգնած է Գէորգը, կատարեալ իմ ճաշակով մի մարդ:

ԼԻԶԱ. Հարստութիւնից բացի, Հենրիկը կարող է գերադասուել միւս բոլոր առաւելութիւններով: Նա ունի հասարակական որոշ գիրք և իբրև բժիշկ կատարեալ ապահով է գոյութեան կռուի մէջ հանգիստ ապրելու,

ՆԻՆԱ. Ի՞նչ ապահովութիւն, երբ ամբողջ դրութիւնդ կախուած կը լինի զանազան ողորմելի հիւանդների թուից ու առատաձեռնութիւնից: Չեմ ասում և այն, որ բժիշկ մարդը շնորհիւ իր դրութեան, հազիւ ժամանակ ունի իր կնոջ սիրոյ համար: Այն ինչ, ես կրկնում եմ, ինձ կարևոր է մի ամուսին որ օրուայ մեծ մասը ինձ հետ անցնելու յարմարութիւն ունենայ, միշտ ինձ նուիրուած, ինձ հոգատար: Ես ոչ մի բոլոր առանց սիրուելու մնալ չեմ կարող, այլապէս դժբախտ կը լինեմ և ստիպուած նոր երջանկութեան ձգտել կը սկսեմ:

ԼԻԶԱ. Իսկ Գէորգը քեզ առաջարկութիւն արդէն արե՞լ է: ՆԻՆԱ. Համարեալ:

ԼԻԶԱ. Ինչպէ՞ս:

ՆԻՆԱ. Անցեալ երեկոյ կամենում էր խօսել, բայց հենց այդ րոպէին մտաւ Հենրիկն ընթրիքի հրաւիրելու: Բայց մենք ուշանում ենք, այժմ շտապենք պարտէզ: Գիտէ՞ք ես վճռել եմ վաղը երեկոն պարտիզում անցնել՝ տաք գիշեր է, լուսնեակ գիշեր, շատ հրաշալի կը լինի:

ԼԻՈՆՈՐԱ. Սիրահար զոյգերի համար շատ նպաստաւոր է, մանաւանդ ձեր արանժերէյները աւելի քան յարմարութիւններ ունեն:

ԼԻԶԱ. Ամեն տեղ Նինան իր դրութիւնը ապահովել է աշխատում:

ՆԻՆԱ. Իբր թէ քեզ ձեռնտու չէ: Վերջապէս մի փոքր էլ պոյնզիայով պէտք է ոգևորուել. Լուսնեակ տաք գիշեր, կանաչ թաւուտում, սիրածս էակի կողքին, ազատ հետամտող հայացքներից, երաժշտութեան ներդաշնակման տակ,—Օ', ի՞նչ բերկրանք: Եւ դուք դեռ շնորհակալ չէք:

ԼԻԶԱ. Կատարեալ շնորհապարտ:

ՆԻՆԱ. Վաղը երեկոյեան Հենրիկն էլ կը լինի:

ԼԻՈՆՈՐԱ. Այսքան պատմութիւններից յետոյ:

ՆԻՆԱ. Ի՞նչ պատմութիւններ: Ես ջղային եմ, իսկ նա էլ փոքր անբաղաճ վարի էր, եկաւ ներողութիւն խնդրեց և մենք հաշտուեցինք:

ԼԻՈՆՈՐԱ. Իսկ ձեր յարաբերութիւնը:

ՆԻՆԱ. Նո՛ւ, պարզ է որ մենք տարբեր մարդ ենք, ուստի և յետ վերցրի տուած խօսքս, ապա հաշտութեամբ բաժանուեցինք:

ԼԻԶԱ. Բայց ի միջի այլոց թոյլ տուր ասել, որ անցեալ երեկոյեան դու շատ լաւ օգտուեցիր դէպքից, Գէորգի գիրկը նետուելու: Այնպէս պի՞նդ կպել էիր նրան:

ՆԻՆԱ. Ինչե՞ր հստուծ: Միթէ այդպիսի բոպէսներին մարդ բան զգում է որ: Գլուխս բարկութիւնից պտտուեց և ես կընկնէի, եթէ նա չը լինէր:

ԼԻԶԱ. Նո՛ւ նո՛ւ:

ԼԻՈՆՈՐԱ. Թողէք, լաւ: Այժմ իջնենք պարտէզ նայելու ինչպէ՞ս են պատրաստուած:

ՆԻՆԱ. Այո, դուք իջէք ես իսկոյն գալիս եմ, դեռ որսի հագուստս չեմ փոխել:

ԼԻԶԱ. Ե՛ի ԼԻՈՆՈՐԱ. Շուտ արի: (Խօսելով իջնում են պարտէզ:

ՆԻՆԱ. Աննա, աննա:

ԱՆՆԱ. (Մտնում է):

ՆԻՆԱ. Աննա, օրիորդները գնացին պարտէզ, պատուիրիւր կարևոր իրերը այնտեղ տանել իսկ դու նայիր, տես նըրանք որտեղ են յարմար գտնում սեղան պատրաստելու:

ԱՆՆԱ. Լսում եմ: Բայց ի՞նչ էր ասում բժիշկը:

ՆԻՆԱ. Հենրիկ. եկաւ ներողութիւն խնդրելու, իսկ ես հասկացրի նրան, ինձնից այլ ես ոչ մի ակնկալութիւն չունեմ: Նա լաւ մարդ է, Աննա, գիտես. առանց աղմուկի լսեց ու գնաց հաշտ:

ԱՆՆԱ. Իսկ այդ Գէորգը հաստատ խօսք տուե՞լ է:

ՆԻՆԱ. Հանգիստ մնայ, ես անփորձ երեխայ չեմ: Բայց դու այժմ շտապիր գործի: Վաղը ամեն ինչ կը վերջացնեմ նրա հետ:

ԱՆՆԱ. (Գնում է): Աստուած տայ:

ՆԻՆԱ. Այո, ես հաւատացած եմ, որ վաղը երեկոյեան նըրան խելքի կը բերեմ: Բայց անցեալ երեկոյ ի՞նչ լաւ էր նրա գրկում: Ես իսկապէս լաւ դերասանուհի կարող եմ լինել. այնպէս գունատուեցի, սկսեցի այնպէս ցնցուիլ, ջղային դառնալ, որ մի բոպէ ինքս էլ կարծեցի թէ ահա կընկնեմ:

ԱՆՆԱ. (Մտնում է: Շփոթուած) Գէորգը հարցնում է:
 ՆԻՆԱ. Ա՛խ, ինչ անյարմար ժամանակ: Մազերս կարգի՞ն
 են, լաւ եմ այսպէս:

ԱՆՆԱ. Շատ լաւ է, կարելի է ընդունել:

ՆԻՆԱ. Ընդունել, ի հարկէ ընդունել: Խնդրիր այստեղ,
 ես իսկոյն դալիս եմ:

ԱՆՆԱ. (Գնում է):

ՆԻՆԱ. Լաւ նշան է, բայց ինչո՞ւ գոյնս տալիս եմ: (Գը-
 նում է հակառակ դռնով):

ԳԷՈՐԳ. (Մտնում է):

ԱՆՆԱ. (Ուղեկցելով): Ներս համեցէք. օրիորդը իսկոյն
 կը գայ:

ԳԷՈՐԳ. Շնորհակալ եմ:

ԱՆՆԱ. (Գնում է):

ԳԷՈՐԳ. (Դիտում է սենեակը): Մի քանի ըոպէ ևս, և
 կլուծուի թերևս խնդիրը: Տատանուել: Ո՛չ, այլ ևս դրական
 պէտք է լինել: Քանի-քանի դէպքեր եմ աչքից թոցրել և այժմ
 ահա աւելի խճճուել իմ փիլիսոփայութեան մէջ: Ինչո՞ւ չը լի-
 նել թէկուզ հենց մի սովորական մարդ. Ո՛չ, այս անգամ պէտք
 է վստահութեամբ գործել: Այս էակը ոտից ցզլուխ ամբողջա-
 պէս կեանք է, նա կարող է ինձ տաքացնել իր սիրող շնչի տակ.
 չը պէտք է այլ ևս կասկածել: Սակայն եթէ մերժի՞ս. Ո՛չ, չեմ
 կարծում: Նրա սիրառատ հայեացքները վստահութիւն են ներ-
 շնչում ինձ:

ՆԻՆԱ. (Մտնում է): Անչափ ուրախ եմ:

ԳԷՈՐԳ. (Դիմաւորում է): Գիտէի որ այսօր զբաղուած
 էք, բայց և այնպէս վստահացայ մի քանի ըոպէով ձեզ մօտ
 մտնել:

ՆԻՆԱ. Օ՛, ժամանակ ևս ունիմ. մեզ մօտ ամեն ինչ ծա-
 ուաներն են կատարում:

ԳԷՈՐԳ. Ձեր թելադրութեամբ ի հարկէ:

ՆԻՆԱ. Անպայման իմ ճաշակով, այլապէս ինչպէս վստա-
 հանալ ծառաներին: Բայց և այնպէս այժմ ես ազատ եմ, դուք
 ինձ չէք խանգարում: Նստէք խնդրեմ: (Նստում են):

ԳԷՈՐԳ. Շնորհակալ եմ. այդ ինձ հաճոյք է պատճառում:
 Ես մտայ ձեզ մօտ, վստահ, որ այդպէս էլ կը լինի, ուզում եմ
 ասել, որ ժամանակ կունենաք իմ ընդունելութեան համար:

ՆԻՆԱ. Այդ ինչ միմիայն բաւականութիւն կարող է պատ-
 ճառել:

ԳԷՈՐԳ. Այլապէս ես խորը վերաւորում կը լինէի: Ձը

կայ ծանր դրութիւն, քան փոխադարձ զգացմունքի չարժա- նանալ: Իսկ ես վստահ եմ, որ վայելում եմ ձեր համակրանքը:

ՆԻՆԱ. Կարող էք վստահ լինել:

ԳԷՈՐԳ. Անչափ շնորհակալ եմ: Կան զգացմունքներ, որոնք պէտք է ըմբռնել աւելի ներքին աշխարհով. իսկ այդ ներքին աշխարհը յոգուտ ինձ է կայանում: Ահա ինչու շեշտում եմ որ վստահութեամբ եմ ոտք դնում ձեզ մօտ:

ՆԻՆԱ. Ուրախ եմ և յուսով, որ ձեր ծանօթութիւնը ինձ համար պատուաբեր կըլինի:

ԳԷՈՐԳ. Երաշխաւորում եմ: Մեր կարճ ծանօթութիւնը միջոց տուաւ ինձ իսկոյն հասկանալու, որ յանձին ձեզ ես ձեռք եմ բերել մի նրբամիտ ֆակի բարեկամութիւն: Ես զգացի, որ ձեզ հետ կարող եմ ամենահետաքրքիր ժամեր անցնել, որ ձեր ներկայութեան երբէք կարելի չէ ձանձրանալ: Իմ ամայի կեանքին մի մտերիմ բարեկամութիւն կրկնակի թանկագին է, իսկ ձեր բարեկամութիւնը աւելի քան ցանկալի, երբ կարելի է նոյն իսկ երջանկութեան տահմաններում ոտք դնել:

ՆԻՆԱ. Նո՛ւ, նո՛ւ:

ԳԷՈՐԳ. Այո, այս շեշտում եմ, ի նկատի ունենալով ձեր ծանօթութեան այն երկու տեսակցութիւնները, երբ ես կատարեալ գոհ ու անդորր էի. երբ պարզ զգում էի, որ կան պատահականութիւններ, երբ կարող եմ ջնջուել ամեն սկեպտիկ հայեացք քո մէջ, երբ կեանքը այլ ևս արժէքաւոր է դառնում: Բացում եմ յայն դռներ, որ դէպի երջանկութիւն են առաջնորդում, միայն թէ պակասում է մէկը, որ վստահութիւն ներշնչէ. քեզ, ներշնչէ երջանիկ ու անդորր ապրելու մտքեր: Այս ամենի համար, ահա, ես անչափ շնորհապարզ եմ ձեզ:

ՆԻՆԱ. Յիրաւի՞ ես կախարդական դեր եմ կատարել ձեր վերաբերմամբ:

ԳԷՈՐԳ. Այո, աւելի քան մեծ ազդեցութեամբ: Ձեր դիմաց ստիպուած եղայ գիտակցաբար նայել իմ դրութեան ու քննել ինքս ինձ. Եւ ինչ, դուրս եկաւ, որ կեանքում դեռ շատ առաւելութիւններ կան, որոնց տիրանալու համար արժէ ապրել: Սկեպտիկ փիլոսոփայութիւնը դադարել է այլ ևս ձայնել իմ մէջ և ես այժմ զրազան միտումներով եմ ձեր անոյշ ներկայութիւնը վայելում: Այժմ ես այլ մարդ եմ, գիտեմ ինչու եմ ապրում, կամ ինչի՞ ձգտում:

ՆԻՆԱ. Դուք այժմ այլ մարդ էք, այն էլ բախտաւոր մտքերով:

ԳԷՈՐԳ. Կատարեալ այդպէս:

ՆԻՆԱ. Նախանձելի է. արժէ ձեզ շնորհաւորել:

ԳԷՈՐԳ. Իսկ այդ միմիայն ձեր շնորհիւ, ձեր դիմաց: Ձեր այդ ձայնը, որ այդքան ախորժալուր է հնչում եմ ականջներում, այդքան հանգստացուցիչ եմ ծանր մտքերի համար, կենսական ու թարմ սթափում առաջ բերաւ իմ նեխուող ամայի կեանքի մէջ: Ես ցնցուեցի ձեր տպաւորիչ հայեացքի տակ, ձեր զուարթ ու կենսալից խօսակցութեան դիմաց. ցնցուեցի ու սթափուեցի որպէս զարնանային առաւօտեան: Այլ ես պարզ էր փայլում իմ գիտակցութիւնս: Պարզ, որ կեանքում ես եւ երջանիկ լինել կարող եմ եւ այն, անպատճառ ձեր ներկայութեամբ, ձեր ընկերակցութեամբ. Դուք սէր ներշնչեցիք ինձ, Նինա եւ ես այժմ սիրում եմ ձեզ:

ՆԻՆԱ. Դուք... այնքան սիրուն էք խօսում...

ԳԷՈՐԳ. Նինա, ես սիրում եմ քեզ: Դու սթափեցրիք ինձ իմ սկեպտիկ դրութիւնից, այժմ էլ պարտաւոր ես ինձ ուղղութիւն տալ իրական կեանքում, ընկերակցելով ինձ հաւատարիմ սիրով: Ես եկել, ահա քեզ աղերսում եմ, ձեռք մեկնել, դնել կրծքիս վրայ, երջանկութիւն ներշնչել ինձ, թարմացնել իմ ամայի կեանքը քո կենսալից ու աշխոյժ բնաւորութեան, քո սիրող շնչի տակ:

ՆԻՆԱ. (Գլուխը ծեռներին յենած, խորհում է):

ԳԷՈՐԳ. Դու լսում ես ինձ: Ձեռք կամենում պատասխանել:

ՆԻՆԱ. Լինում են ըրպէսեր, երբ անկարելի է տիրել յոյզերին: Ես... զգացուած եմ...

ԳԷՈՐԳ. (Մօտենում, ընկնում է նրա գլուխը): Սօսիւր, աննման էակ: Սօսիւր եւ ներազդէր ինձ, որ ես դեռ կարող եմ երջանիկ լինել: Ասիւր, որ ինձ սիրում ես. որ ուրիշ ոչ ոք չի տիրում քո սրտին, քո մտքին: Ասիւր, որ դու ազատ ես եւ ես իրաւունք ունեմ քեզ սիրելու: Սօսիւր հոգիս: Թող հնչէ քո արծաթաձայն անուշ ձայնը եւ իմ հոգին լցուի բերկրանքով:

ՆԻՆԱ. Գէորգ...:

ԳԷՈՐԳ. Նինա, կաթոգին էակ...

ՆԻՆԱ. (Սեղմուելով նրա կրծքում): Ես քեզ սիրում եմ, Գէորգ...

Յ. ԲՈՁԵԱՆ

(ՎԱՐԱԳՈՅՐ)

(Վերջը հետեւալ համարում)

Ջ Է Կ Ի

(Léon Frapié)

Դա մի խոշոր, ուժեղ, ամենահասարակ տեսակի շներէց մէկն էր: Անպարար բօշան և իւր ընտանիքը վաղուց է, որ տէր էին այդ շանը, կարելի է ասել իրենց տուն-տեղ լինելու օրից: Տան մէջ եղած չորս փոքրերը, որոնցից մեծն արդէն եօթ տարեկան էր, նորա օրով էին լոյս աշխարհ տեսել:

Տան անդամներից մէկն էր նա, համարեա թէ իսկապէս ասելով, բօշան նայում էր նորան իբրև իւր խեղճ ազգականներից մէկի վրայ, որին պահում էին տան մէջ եղած բոլոր ծառայութիւնները կատարել տալու պայմանով:

Նորա դերը կատարեալ էր,—սիրում էին և չարչարում, հայհոյում և փաղաքշում, ծեծում և խորհուրդ հարցնում:

—Եթէ այս ճանապարհը բռնենք, ի՞նչ կ'սես, Ջէկի, հօ՛ր,—հարցնում էին նորան ամենայն լրջութեամբ:

Սայլակին լծած Ջէկին իւր կարծիքն էր յայտնում իսկոյն, հազում էր՝ իւր հաւանութիւնը տալիս, գլուխը խոժոռած մի կողմն էր թեքում՝ հակառակ կարծիք ունեցած դէպքում, նայելով թէ օդի մէջ ինչ խորհրդաւոր ազդանշան էր նշմարւում,

Մի մեծ առաւելութիւն էլ ունէր, եթէ մանրավաճառ բօշան իւր սայլակի վրայ դարստած կողովներով, քաղալակներով ու բանջարեղէնի զանազան տեսակի կապոցներով երեկոյեան տուն էր դառնում ամբողջ անցած ճանապարհին ոչ մի բան չվաճառելով, ամենքը առաջուց գիտէին, թէ ում մեղն է դա. «բոլորն այս ապուշի մեղքն է»:

Տան մէջ պատահած տարաձայնութիւնների «կուժն ու կուլան» միշտ Ջէկի մէջքին էր կոտրւում. գիտակից դէպի իւր պարտաւորութիւնը և սկզբունքով կողմնակից լինելով ընտանիքի մէջ բարի յարաբերութիւն պահպանելուն, ինքնակամ՝ վէճի բռնուած ամուսինների մէջ էր ընկնում, մինչև որ սայ-

լակի տակ մի քանի աքացիի հարուած չտանար, իբրև վարձատրութիւն ամուսինների մէջ համերաշխութիւն ձգելու ջանքի:

Կատաղի, զարհուրելի պահապան էր. այնքան ոյժ ու քաջատրութիւն ունէր, որ կարող էր հեշտութեամբ դիմադրել մի քանի մարդու յարձակման:

Իւր սիրելի զբաղմունքն էր՝ երեխաներին հսկել, խնամել և պաշտպանել. դայակից աւելի էր հոգ տանում նոցա, միևնոյն ժամանակ և նոցա խաղալիքն էր չարչարանքի, կատակների նշաւակը, — և չի՞ կարելի խաղալ կենդանի արարածի հետ, առանց նորան չարչարելու: Այդ կողմից նորա համբերութիւնը չափ չունէր. մայրական ծայրահեղ առաքինութեան պարտականութեամբ կարող էր մարդկային արարածի հետ մրցել:

Տարէնը մի անգամ, զուտ առեւտրական տեսակետից, իրաւունք էին տալիս նորան պտղելու: Նոյն հոգատարութեամբ սնուցանում էր և իւր փոքրիկներին: Եւ երբ փոքրիկները ծախում էին լալիս էր լուռ, մեկուսի մի անկիւնում, ինչպէս հասակաւոր մէկը, և շաքաթներ ամիսներ շարունակ չարչարւում, աշխատում էր, խաղում ու հսկում նախկին անձնադրութեամբ բայց նորա աչքերի մէջ կարելի էր կարգաւ մի խորին, անմխիթար վիշտ, որ խօսում էր ձեր սրտի, հոգու հետ:

* * *

Այդ տարին բոշաների համար ցաւի տարի էր: Գարնան բացուելու հետ, բացուեցան և երկնքի դռները, — անձրև էր, որ շարունակ թափւում էր:

Օր եկաւ, որ ամուսինները կատարեալ կարօտութեան մէջ ընկան, — չամաչէին ձեռք կմեկնէին: Ամբողջ օրը պտտել էին, թափառել, բայց ոչինչ չէին շահել և այժմ ճանապարհի մի կողմին կանգնած, ամեն բնակութիւնից հեռու, մոլորուել մնացել էին՝ սայլակի անիւը մնասուելու պատճառով: Կինը չէր կարողացել «սաղցնել» իւր ոգորահիւսներից և ոչ մէկը. փոքրները ուզողութիւն էին արել, բայց անհետեանք, ամբողջ դաշտի մէջ աւեր տարու պատճառով աւերելու ոչինչ չկար, — ոչ պտուղ, ոչ «բոստան», աւելացրէք և այն որ Ջէկիի փոքրներն էլ դեռ հետն էին:

Իհարկէ, կարելի էր առժամանակ ծոմապահութեամբ անցնել. բայց սայլակի անիւը նորոգել տալու համար անհրաժեշտաբար փող էր պէտք:

Որտեղից որտեղ ճանապարհին մի որսորդ լոյս ընկաւ,

Նիհար, արեառ դէմքով, ուրախ տրամադրութեամբ պախիկի հովերով (faunesque) բարձրահասակ էր, երկար սրունքները դեղնաւուն զանգապաններով սեղմած: Իւր շիկաւուն փոքրիկ միւրուքը, ժանգագոյն զգեստը հնադարեան նկարների մէջ պատկերացրած «աղա Սատանայի» պատկերն էր լիշեցնում:

Ձէկին, իւր շուրջը խայտացող փոքրիկներով շրջապատուած, կապուած էր հաստ, երկաթէ շղթայով մօտիկ ծառին: Անհոգ, ինչ որ եղանակ սուլող մօտեցող որսորդին ուղղեց մի խուլ, թշնամական մոմոց:

Վերջինս յանկարծակիի եկաւ, կանգ առաւ, քննական հայեացքով զննեց անուկի գագանը և իւր սերունդը՝ Յանկարծ բարձրածայն, քահ-քահ ծիծաղ արձակեց:

— Է՛յ, բարեկամ, ի՞նչ տամ լակոտներին: Հատը հինգ մա նէթ, հը՛: Ձէ՛: Լսեցէք, ուզում եմ իւր տեսակի մէկ աչքի ընկնող մի զուարճութիւն ունենալ, որ տեսել եմ արտասահմանում, մի տօնավաճառի ժամանակ,— պէտք է փոքրիկներին զնդա-կահարել՝ իրենց մօր աչքի առաջ: Սպասեցէք, թողէք խօսքս վերջացնեմ: Պէտք եղած անհրաժեշտ բաներն ունիք. մեր փոք-րիկ գոհերին կծածկենք այս վառիկների կողովով, ճիշտ այն-քան հեռաւորութեամբ, որ մայրը իւր կատաղի, անկանոն ոս-տիւնների ժամանակ միայն մի սանտիմետր հեռաւորութեամբ կարողանայ մօտենալ կողովին: Է՛, առէք, չորսի համար կվճա-րեմ քսակիս մէջ եղած չորս տասնոց ոսկին, քսան ըուրլու փոխարէն... Այս է, աւելի չկայ:

Բօշաները, — մարդը, կինը, երեխաները, — հակառակեցին այդպիսի մի վայրենի զուարճութեան: Այդ ըոպէին նոքա ա-ռանձին թափով զգացին դէպի Ձէկին տածած իրենց բոլոր սէրն ու քնքշանքը: Վերջինս, անհանգիստ շարժումներով հծծում էր, կարծես շուրջը արագութեամբ փոփոխուող դիմագծերի շարժումներից զգալով մօտաւոր վտանգը:

Որսորդը տարօրինակի մէկն էր. որչափ ընտանիքի ան-դամների անկեղծ տրտմութիւնն էր աւելանում, այնչափ ինքն աւելի էր ուրախանում. հաստակողութիւնը բռնած՝ իւր ասածն էր պնդում և խեղճ ընտանիքն այնքան մեծ կարիք ունէր այդ յանկարծական, երկնքից իջած մանանայի նման, շահին որ ա-կամայից ընդունեց առաջարկը:

Բօշան խնդիրը վճռեց յանկարծակի և ոսկիները ընդու-նեց մի առանձին մոայլ քմծիծաղով, որին վայրագ զուարճա-սէրը նոյնքան ուշադրութիւն դարձրեց, որչափ նոցա գթասրը-տութեան ու անկեղծ մորմոքին:

* * *

Փոքրիկ շնիկները գոցուեցան խոշոր ծակերով կողովի տակ, Ջէկիի շղթայի տարածութիւնը ամենայն հոգատարութեամբ ճշտուեցաւ: Շունը մի կատաղի, վրիժառու հայեացք նետեց և իւր շղթան ուժեղ թափով ձգելով դիմեց դէպի կողովը, որ մի նոր առիթ տուեց որսորդին աւելի ևս ճշտելու մնացած տարածութիւնը, — շան քթի ծայրը համարեա քսուած էր ոգորահիւս կողովին:

Կինը փախաւ, թաքնուեցաւ փոքրիկ սայլակի մէջ, ալանջներ խցեց, որպէս զի ոչինչ չտեսնէ, ոչինչ չլսէ:

Որսորդը լցրեց հրացանը:

— Սպասեցէք, սպասեցէք, գոչեց բօշան:

Դիմեց մի քանի քայլ հեռու խմբուած իւր չարածճիներին առանց բառ արտասանելու բռնեց մեծի թևից, տարաւ սայլակի մօտ, ոտ ու ձեռքն ամուր կապեց սայլակի կողքին: Իրաւունք ունէր. երեխան մի քանի խոշոր քար ձեռքի մէջ աւել, սպասում էր, որի հետևանքը կարող էր շատ ծանր լինել վայրենու ճարպիկ, անվրէպ քար նետելու շնորհքն ի նկատի առնելով:

Զարհուրելի զուարճութիւնը բաւական երկար տևեց: Որսորդը, կամենալով բաւական հեռուից նշան բռնել, մի քանի անգամ վրիպեց շնիկներին կաշիւու, որոնք զուլիս կորցրած, կողովի տակ այս ու այն կողմն էին ընկնում մօրը կանչելով. բազմաթիւ վրիպումներից, ռազմամթերքն արագ սպառուում էր և բօշայինք կարծում էին, թէ այդպիսով կարող կլինէին մէկերկուսին ազատել. բայց, դժբաղտաբար, վերջին փամփուշտով սպանուեցաւ վերջին քոթոթիկը:

Այդ տմարդի զուարճութեան ամբողջ ժամանակը, Ջէկին զմալմունքի կատարեալ պատկեր էր ներկայացնում: Բուրդն ամբողջապէս փուռ-փուռ, բերանը փրփուր, աչքերը բոց-կրակ, որսորդի իւրաքանչիւր նոր նշանին ուստնում, ոռնում, կատաղում կռնչում, սրտմաշուկ հծծիւն էր արձակում. նորա հեծկտանքը ոչնչով չէին զանազանում մարդկային անվերջ տանջանքի հեծկտանքից. դա մի խօսուն էակ էր, որի աչքերից աղի արցունք էին քսւում դիակնացող շնիկներից ամէն-մէկի ջղաձիգ շարժումները: Կսկիծ ու մորմոքից խելակորոյս մօր պաղատանքը աւելի սրտամորմոք լինել չէր կարող. — «Ո՛չ, ոչ, թոյլ մի տաք: Դադարեցէք: «Շնորհ» էին ասում նորա լացող աչքերը, պաղատող հայեացքը...

Զայրոյթի և անզօր կատաղութեան զարհուրելի արտա-

յայտութիւն էր ցոյում այդ ամենի տակից. անգուսպ թռիչքներ, կոյր անձնագոհութիւն ամեն նշանի,—կենդանին ուզում էր ամեն ինչ ջարդել-փշրել, իւր գլուխը մահու տալ, հասնել իւր թշնամուն մի ոստիւնով: Ապա նորա չարագուշակ «աճճ» ոռնոցը, որ ձգուում-տարածուում էր դաշտի ամենահեռաւոր-վայրերը, դա լացող մօր անմխիթար մեղեդին էր, որին ամեն անգամ, և բօշայի կնոջ ու երեխաների աղեխարշ, լալկան «աճճ» էր միանում:

— Ի՞նչ հրաշալի կենդանի է, շուն չէ սա, այլ մի վաղր, մի առիւծ, ասաց որսորդը հրացանը մէջքը ձգելով:

— Կարծում էք, պատասխանեց հեգնօրէն բօշան: Յամենայն դէպս, կարծում եմ, դուք վերջացրիք. պայմանը յարգուած և ոչ մէկս միւսի առաջ այլ ևս ոչ մի պարտականութիւն չունենք, այնպէս չէ:

Մի փոքր կանգ առաւ և յետոյ մի անհամբեր դէմքի ծմոտկոցով աւելացրեց:

— Է՛, այժմ կիւնդրեմ «շնորհքդ պակսեցնել», որովհետեւ շանս պիտի արձակեմ... կարծում եմ իրաւունք ունիմ, այսպէս վարուելու:

Որսորդը սպրտեց, դողաց ամբողջ էութեամբ և երկիւղից կակազեց.

— Ի՞նչպէս, թէ... Ի՞նչպէս թէ... Օգնութիւն: Մարդասպանութիւն է...

Դաժան աչքերն արագ դարձրեց դաշտի կողմը այնտեղ որեւէ ապաստանարան որոնելու համար,—ողջ հորիզոնի վրայ բնակութեան հետք չկար: Կանգնած տեղը վայրկեան դադար մնալ չէր կարողանում, կարծես երկիրն այրում էր նորա ոտները: Եւ չնայելով, որ գրպանում կռակէկ չունէր տենդային շեշտով վերջին միջոցն էր փորձում:

— Ես... ձեզ կտամ... այս ըռպէիս կստորագրեմ պարտագիր... հարիւր... հիզ հարիւր ըռքի...

— Ոչ, պատասխանեց բօշն հաստատ ձայնով, արդէն բաւական վարձատրել էք ինձ, հետն էլ սովորեցնելով՝ չզիջանիւ:

Ջէյին իւր շղթայի վրայ էր պտոյտներ անում. աչքերը անգուսպ վրիժառութեամբ լի, կատաղի հոնչիւններ արձակելով:

Որսորդը ոստոստում էր կանգնած տեղը, փետում էր մագերը, աշխատում էր բօշային փաթառել: Վերջինս յօնքերը կիտած, խոժոր դէմքով արտասանեց իւր վերջին ասելիքը:

— Է՛, բարի, լսեցէք վերջին, միակ պայմանս ձեզ կթողնեմ, որ հիզ հարիւր քայլ առաջ անցնէք, այն մինչև այն բլրի

ծայրը, որտեղից ճանապարհը ծուռւմ է... բայց վազեցէք, լաւ վազեցէք որչափ ոտքներումդ ոյժ կայ: Հասկացածք, ուրիշ ասելիք չունեմ:

Այլ ևս տատամսելու տեղ չկար. որսորդը մի վերջին հայեացք ձգելով բերանը փրփուր պատած, կատաղի կենդանուն, գժի պէս փախաւ:

Եւ երբ որսորդը հասաւ որոշած սահմանին, շղթայից արձակուած Զէկին թռաւ նորա յետեից, ահագին ոստիւններ անելով, փոշու սիւն բարձրացնելով իւր յետեից:

Սայլակի վրայ ելած բռնները շուտով նկատեցին, որ երկու վազողների անշրպետը հետզհետէ փոքրանում էր արագ կերպով, և որչափ աւելի էր քշանում այդ տարածութիւնը, այնքան աւելի պարզ կերպով էին լսում կենդանու ձայնը, որ հետզհետէ աւելի սուր, կատաղի էր դառնում, կարծես շների մի ահագին վոհմակ էր հռնչում՝ կերակրի համար:

Փախչողն էլ էր զգում, որ շան իւրաքանչիւր նոր ոստիւնը իւր մահուան ճգնաժամի ըոպէն էր մօտեցնում: Այն ժամանակ նաէլ սկսեց փախչելով՝ զարհուրելի ձայներ արձակել. կարծես մի կենդանի էր բառաչում. մարդկային ձայն չէր դա: Խելակորոյս, մահուան վրնջիւն էր դա. մինչ այն աստիճան զարհուրելի, որ ճանապարհի մօտ նստած տաւարը նայող մի մանուկ երկիւղից գլուխն ազատել ուզեց. վեր թռաւ, մի կողմ վազեց և յանկարծ հաւասարակշռութիւնը կորցնելով ճանապարհը եզերող խոր ճահճոտ տղմուտի մէջ ընկաւ:

Նոյն վայրկեանին հասաւ և շունը, որ հազիւ մի քանի քայլ միայն հեռու էր իւր թշնամուց: Յանկարծ մի այնպիսի ձայն արձակեց, որ կարծես մէկը նորան վառ հնոցի մէջ նետած լինէր, միևնոյն ժամանակ իւր կատաղի վազքի թափի յանկարծակի դադարից գետին գլորուեցաւ, թաւալուեցաւ փոշու մէջ այնպէս, որ հեռուից գիտողը կկարծէր թէ հրացանի գնդակի զոհ գնաց:

Բայց իսկոյն տեղից վեր ցատկեց, մի զարհուրելի հռնչիւն արձակեց, ասէք մի անտեսանելի, հզօր արգելք նորան ջախջախեց,—պէտք է ձեռքից փախցնէր իւր զաւակների սպանողին իւր արիւնն սպանողն աղատոււմ էր... նա չէր կարող տղմուտի մէջ սուզուող մանկանն անօգնական թողնել. աշխարհիս երեսին ոչ մի արգելք չէր կարող ստիպել նորան անցնելու, ոչ մի արգելափթ դորանից աւելի ուժեղ թափով յետ պահել չէր կարող նորան:

Իսկոյն ջուրը նետուեցաւ, բռնեց երեսայի զգեստից և

սկսած՝ ճանապարհի խոտի վրայ քաշեց, հանեց: Կանգ առաւ ուժով հեացող լեզուով արագ-արագ լիզեց ուշագնաց երեխայի դէմքը ծածկող երկար մազերը, ուժով քաշքրտեց շորերը և կուրծքն ու թևերն արձակեց:

Եւ երբ պարտքը կատարած, ոտքի ելաւ պղտոր հայեացքով աչք ածեց դէպի այն կողմն, ուր փախչում էր ազատուած որսորդը, — նայեց, նայեց, յետոյ արագ-արագ յետ փախաւ իւր փոքրիկների մօտ, դարձաւ իւր ստրկութեան և պարտականութեան՝ աշխատանքին, դէպքի կսկիծը և անմիջական պարտականութիւնից խուսափելու խղճահարուժիւնը սրտումը, մարդկային իսկական հեծկտանք, սիրոյ և վշտի հեծկտանք արձակելով:

Փր. Թ. Տ. Վ.

ՊԵՏՈՒԹԵԱՆ ԷՌԻԹԻՒՆՆ ՈՒ ՁԵՒԵՐԸ

Պետութեան ձեւերը. Ինչպէս տեսանք, պետութեան ամենաէական նշանը՝ անկախ, կազմակերպող, մարդկանց միացնող, մի իշխանութիւնն է: Ձանազան պետութիւններում և նոյնիսկ միենոյն պետութեան մէջ զանազան ժամանակամիջոցներում—շրջաններում այդ իշխանութիւնը շատ տարբեր ձեւերով է կազմակերպուած լինում. հէնց այդ պատճառով էլ զանազան ձեւերի—տիպերի պետութիւններ ենք տեսնում: Այդ զանազանութիւնը խիստ մեծ է, ուստի և մեծ դժուարութեան ենք հանդիպում, երբ փորձում ենք պետութիւնները որոշ դասակարգութիւնների բաժանել: Արիստոտելը գիտական հիմքերի վրայ դնելով իւր տեսութիւնը՝ պետութիւնները բաժանում է. միապետութեան (Monarchia), ազնուապետութեան (aristokratia), և բազմիշխանութեան (politia)՝ նայելով թէ իշխանութիւնը ո՞ւմ ձեռքին է գտնուում. մէկը, բազմութեան, թէ՛ ամբողջ ժողովրդի: Եւ երկրորդ՝ շիտակ—ուղիղ և փչացած—այլանդակուած՝ նայելով թէ պետութիւնն իշխանութիւն իրեն շահերի—օգտի համար է գործ դնում, թէ ամբողջ պետութեան— ժողովրդի: Այլանդակ կամ այլասերուած պետութիւնների համար Արիստոտելը գործ էր ածում բռնակալ, օլիգարխ (սակաւապետութիւն—ջոշապետութիւն, որ կարելի է նոյնացնել ազնուապետութեան հետ) և դեմօկրատ եզրները (տիրմին)՝ նայելով թէ դրանք ի՞նչ ձևի պետութիւններ էին—միապետութիւն, ազնուապետութիւն, թէ՛ բազմիշխանութիւն: (Դեմօկրատիա տերմինն Արիստոտէլից յետոյ սկսեցին լաւ իմաստով գործ ածել. այսինքն այն իմաստով, ինչ իմաստով որ Արիստոտել գործ էր ածում պօլիտիա Տերմինը. այսինքն մի պետութիւն, ուր իշխանութիւնը պատկանում է ժողովրդին. ժողովուրդն է կառավարում ինքն իրեն և ոչ թէ մի միապետ, կամ մի խումբ արտօնեալներ: Իսկ Արիստոտէլեան դեմօկրատիայի տեղ առաջ եկաւ օլիգոկրատիայ տերմինը, որ նշանակւում է ամբոխի պետութիւն, խուժանի իշխանութիւն): Արիստոտէլի դասակար-

գութիւնը շատ յարմար էր իրեն յայտնի՝ համեմատաբար հասարակ—պարզ կազմակերպութիւն ունեցող պետութիւնների համար: Սակայն Արիստոտէլից յետոյ ստիպուած եղան մտցնել այդ դասակարգութեան մէջ նաև խառն պետութիւնների մի դաս. այսինքն այնպիսի պետութիւնների, որոց մէջ գտնուում են միաժամանակ զսոնազան տարրեր. և՛ միապետութիւն, և՛ ազնուապետութիւն, և՛ ժողովրդապետութիւն— դեմօկրատիա. (Հոմ): Ներկայումս այդ դասակարգութիւնները կատարելապէս անգործադրելի են. այլապէս բոլոր պետութիւնները (սակաւ բացառութեամբ) հարկ կը լինէր մտցնել խառն պետութիւնների դասի մէջ: Եւ իրօք. ո՞ր ձևին վերագրել անգլիական պետութիւնը, ուր բարձրագոյն իշխանութիւնը պատկանում է ժառանգական թագաւորին, բայց այդ իշխանութիւնն էլ սահմանափակուած է պարլամենտով, որը բաղկացած է երկու պալատներից. մէկի մէջ նիստ են կազմում ծննդեամբ լորդերը (ազնուական), միւսի մէջ ժողովրդից ընտրուած ներկայացուցիչները. (վերջիններս ընտրւում են ոչ ամբողջ ժողովրդից, այլ ժողովրդի այն մասից, որը կալուածական իրաւունք— ցնդ ունի. այսինքն կամ անշարժ կալուածքի տէր է, կամ վարձով—կապալով է վերցնում որոշ արժէքից՝ քարձր գին ունեցող հող, տուն կամ բնակարան): Այստեղ մենք տեսնում ենք և՛ միապետութեան, և՛ ազնուապետութեան, և՛ ժողովրդապետութեան տարր, թէև ոչ լրիւ: Ըստ Պօլիբի ուղղած դասակարգութեան՝ ակնյայտնի է, որ Անգլիան պէտք է դասէինք խառն պետութիւնների կարգին. սակայն նոյն կարգին պէտք է դասէինք նաև Գերմանիան, Ֆրանսիան և այլն՝ և միայն Ռուսաստանն ու մի քանի ուրիշ պետութիւններ կը մնային զուտ միապետական:

Միապետութիւն եւ հասարակապետութիւն. Մի կողմ թողնելով ԺԸ և ԺԹ դարերի պետագէտների (государствовѣдѣ) առաջարկած դասակարգութիւնները՝ աշխատենք ցոյց տալ, որ բոլոր դասակարգութիւնների մէջ էլ ընդունուած և ճանաչուած է պետութիւնների երկու հիմնական ձև. միապետութիւն և հասարակապետութիւն:

Միապետութեան մէջ բարձրագոյն պետական իշխանութիւնը պատկանում է մի անհատի, որը մեծ մասամբ այդ իշխանութիւնն ստանում է ժառանգաբար և որպէս ինքնակալ՝ կառավարում է երկիրը սեփական իրաւունքով (Աստուծոյ ողորմութեամբ) և ոչ ժողովրդից որ և է պայմանով կամ առանց պայմանի ստացած իրաւունքով: Այդ անհատը—միապե-

տը ուրիշ պետութիւնների հետ յարաբերութիւն ունեցած ժամանակ՝ ներկայանում է իբրեւ պետութիւն և պատասխանատու է պետութեան մէջ եղած որ և է իշխանութեան: Նրան չեն կարող փոխել, դատել կամ պատժել օրինական միջոցներով:

Հասարակապետութեան մէջ, ընդհակառակը, իշխանութիւնը պատկանում է ամբողջ ժողովրդին և շատ քիչ դէպքերում միայն ժողովրդի մեծ մասին: Ժողովուրդն է ընտրում ուղղակի կամ անուղղակի կերպով մի նախագահ (Ֆրանսիայ, միացեալ նահանգներ) կամ կոլլեգիալ մարմին (Զուիցերիայում 7 հոգուց բաղկացած դաշնակցական խորհուրդ) և նրանց յանձնում հասարակապետութեան կառավարութիւնը:

Բացարձակ եւ սահմանադրական միապետութիւններ, միապետութիւններն էլ լինում են երկու տեսակ. բացարձակ (ինքնակալական) և սահմանադրական: Բացարձակ միապետութեան մէջ իշխանութիւնն ամբողջովին պատկանում է մի անձին: Նրան է պատկանում և օրէնսդրական և գործադիր (Исполнительная) և դատարանական իշխանութիւնները: Եւ նա այդ իշխանութիւնները վարելու համար՝ նշանակում է աստիճանաւորներ, որոնք ըստ ամենայնի կախումն ունին իրենից:

Սահմանադրական միապետութիւններում օրէնսդրական իշխանութիւնը պատկանում է գլխաւորապէս պարլամենտին. այսինքն մի հիմնարկութեան, որն ամբողջովին կամ մասամբ ընտրւում է ժողովրդից: Օրէնսդրական իշխանութեան մասնակցում է նաև միապետը, որը վաւերացնում է օրէնքները ու տալիս է իւր սանկցիան. հետևապէս կարող է և մերժել, չհաստատել առաջարկուած օրէնքները: Բայց նա չի կարող ինքը մենակ առանց պարլամենտի համաձայնութեան որ և է օրէնք հրատարակել. և հէնց դրա մէջ է սահմանադրական պետութեան էութիւնը: Բացի օրէնքների վաւերացնելը՝ միապետի իրաւասութեան տակ է գտնւում նաև պարլամենտի բանալու, փակելու, կանչելու և ցրուելու՝ այսինքն նոր ընտրութիւններ նշանակելու գործը: Բացի այդ՝ միապետին է պատկանում դործադրական իրաւունքը, որին լրումն տալու համար նշանակում է աստիճանաւորներ, որոնք, կախումն ունեն իրենից: Միապետին է ենթարկւում նաև զօրքը: Սակայն այս բոլորի դիմաց օրէնսդրութեան մէջ է մտնում նաև հարկերի որոշելն ու նշանակելը, ընդհանրապէս պետական բիւջէի որոշումը, որով պարլամենտը հնարաւորութիւն է ունենում կանոնաւոր սահմանների մէջ դնելու միապետի գործունէութիւնը: Միապետն անկարող է առանց պարլամենտի համաձայնութեան այնպիսի

մի գործ կատարել, որի համար ծախք է պահանջուում: Ի հարկէ այս ճիշտ է միայն այն դէպքերում, երբ նա—միապետը ցանկանում է միայլ սահմանադրութեան որոշած օրինական սահմաններում: Սակայն պատահում են դէպքեր, երբ միապետը վստահ իւր իշխանութեան տակ ունեցած ուժի—զօրքի վերայ, որի նմանը պարլամենտը չի կարող ունենալ ի հարկէ, առանց պարլամենտի թոյլտուութեան և համաձայնութեան իւր իրաւասութեան շրջանից դուրս գործեր է կատարում և բնականաբար ընդհարում պարլամենտի հետ, որը երբեմն վնասակար հետեանքներ է ունենում: Այսպէս օրինակ Անգլիայում երկու անգամ (1643 թ. և 1689 թ.) այդ ընդհարումը յեղափոխութիւն առաջացրեց և հետեանքն այն եղաւ, որ առաջին դէպքում թագաւորը պատժուեցաւ, իսկ երկրորդ դէպքում ստիպուած եղաւ փախչել: Սակայն պրուսիայում նման ընդհարումը բոլորովին այլ հետեանք ունեցաւ. ամբողջ չորս տարի (1862—66 թ) թագաւորն առանց պարլամենտի որոշման ու թոյլտուութեան հարկեր էր հաւաքում և հակառակ պարլամենտի կամքի ուժեղացնում ու բարեփոխում զօրքը. Պարլամենտն, ի հարկէ, շարունակ կուում էր թագաւորի հետ: Սակայն հրը պրուսեան 64 թ. Դանիային և 66 թ. Աւստրիային յաղթեց, ժողովրդի տրամադրութիւնը բոլորովին փոխուեցաւ. փոխուեցաւ նաև 66 թ. վերջնորոշած պարլամենտի տրամադրութիւնը: Նա—պարլամենտն շտապեց ընդհանուր ներուժն քուակել և շնորհել այն բոլոր նախարարներին և աստիճանաւորներին, որոնք կատարելով թագաւորի կամքը կատարած էին եղել ապօրինի (պարլամենտով չթոյլատրւած) գործեր: Այսպիսով թագաւորը կատարեալ յաղթանակ տարաւ:

Ներկայումս գոյութիւն ունեցող բոլոր հասարակապետութիւններն էլ սահմանադրական են. բոլորի մէջ էլ պետութեան գլուխ անհատի կամ կոլլեգիալ մարմնի իշխանութեամբ օգտուելը սահմանափակուած է ճիշտ այնպէս, ինչպէս միապետինը սահմանադրական միապետութիւնների մէջ: Ընդհանրապէս հասարակապետութեան նախազանի և սահմանադրական միապետի պարտականութիւնների—իրաւունքների մէջ լիակատար նմանութիւն է նկատուում: Հասարակապետութիւնների մէջ բարձրագոյն իշխանութիւնը, որ ժողովրդի սեփականութիւնն է առաջ է տարւում նոյն ժողովրդի ձեռքով, նրանից ընտրուած իրար սահմանափակող զանազան իշխանութիւնների միջոցով: Այնպէս որ Ֆրանսիայում բարձրագոյն օրէնսդրական իշխանութիւնը պատկանում է պարլամենտին, որը բաղկացած

է երկու պալատներէց. սենատ և պատգամաւորների պալատ. երկուսն էլ ընտրուում են ժողովրդից, թէև զանազան ձևերով ու ժամանակամիջոցներով: Իսկ երկու պալատները միասին ընտրում են հասարակապետութեան նախագահ եօթ տարի ժամանակով: Ընտրուած նախագահն այլ ևս պատասխանատու չէ պարլամենտի առաջ և նրան՝ մինչև ժամանակամիջոցի լրանալն անկարող են փոխել կամ հեռացնել: Պարլամենտին պատկանում է օրէնսդրական իշխանութիւնը, նախագահին՝ գործադրական իշխանութիւնը. նախագահն է նշանակում նախարարներ և աստիճանաւորներ. նրան է պատկանում, ինչպէս և սահմանադրական միապետութեան մէջ թագաւորին, օրէնքների վաւերացնելու իրաւունքը — սանկցիայ տալը: Բայց միւս կողմից էլ պարլամենտին է վերապահուած բիւջէի որոշմամբ ու այլ միջոցներով նախագահի գործունէութեան ուղղութիւն տալն ու հսկողութիւնը: Այստեղից երևում է, որ սահմանադրական միապետութիւնն իշխանութեան կազմակերպութեան տեսակէտէից աւելի մօտ է հասարակապետութեան, քան բացարձակ միապետութեան: Թէ առաջինում և թէ երկրորդում (հասարակապետեան և սահմանադրական միապետութեան մէջ) օրէնսդրական իշխանութիւնը հետևողական կերպով բաժանած է գործադրականից և յանձնած զատ-զատ գործօնների: Այս նմանութիւնը սակայն չպէտք է թագցնէ մեզանից այն աչքի ընկնող տարբերութիւնը, որ թէ օրէնսդրական և թէ գործադրական իշխանութիւնների աղբիւրը հասարակապետութեան մէջ միմիայն ինքը ժողովուրդն է, այն ինչ սահմանադրական միապետութեան մէջ երկու աղբիւր գոյութիւն ունի — ժողովուրդը և միապետը:

Գալով բացարձակ միապետութեան, պէտք է ասել, որ աղբիւրը դարձեալ մէկ հատ է, ինչպէս և հասարակապետութեան մէջ, սակայն տրամագծօրէն հակադիր ուղղութեամբ. մինչ հասարակապետութեան մէջ իշխանութիւնների միակ աղբիւրը ներկայանում է ժողովուրդը, բացարձակ միապետութեան մէջ ներկայանում է ինքը միապետը, որը միևնոյն ժամանակ թէ օրէնսդիր է և թէ գործադիր իր սեփական նախագծերի *):

Միայն վերևում յիշած (օրէնսդրական, գործադրական և

Ռուսաց հիմնական օրէնքներում: (Сводъ Законовъ т. I, ч. I, ст 1). այդ միտքն այսպէս է արտայայտուած. «Համայն ռուսական կայսրն ինքնակալ և անսահման բացարձակ միապետ է. ենթարկուել նրա բարձրագոյն իշխանութեան ոչ միայն վախի, այլ և խղճի պատճառով՝ ինքն Աստուած է հրամայում»:

դատարանական իշխանութիւնների ջոկ-ջոկ օրգանների յանձնած լինելու փոխադարձ սահմանափակումները) չէ, որ հարկադրում է մեզ սահմանադրական պետութիւնը (հասարակապետական, թէ միապետական) հակադրել բացարձակ միապետութեան: Նոյն եզրակացութեան է բերում մեզ նաև անհատի դրութեան տարբերութիւնը այդ երկու ձևի պետութիւնների մէջ:

Հնումն անհատը պետութեան մաս էր համարւում այն էլ ներգործական. նա մասնակցում էր ժողովրդական հաւաքումներին՝ հետևապէս օրէնսդրութեան մշակման և պաշտօնական անձանց ընտրութեան գործում և իբրև պետութեան մաս՝ ունէր իւր նշանակութիւնը. և ընդհակառակը ոչ մի նշանակութիւն չունէր իբրև անձն, եինքնուրոյն անհատ: Նա չէր օգտւում որ և է անձեռնմխելի իրաւունքով: Պետութիւնը նրա համար կանոններ—հաւատալիքներ էր սահմանում և պատժում, երբ նա շեղւում էր զրանցից: Պետութիւնը կարող էր սահմանել նրա համար հագուստի ձև, նոյն իսկ ճաշի ցուցակ և նա, ի հարկէ, անպայման պիտի հնազանդէր: Նա չունէր մի անպիսի ստացուածք, որ ազատ լինէր զրաւումից. ամեն ըրպէ կարող էին գրաւել նրա ստացուածքը յօգուտ պետութեան՝ առանց որ և է լանցանքի այդ անհատի կողմից և այլն: Տեսնում ենք, ուրեմն, որ հնումն անհատական ազատութիւն ասած բանը գոյութիւն չունէր: Սակայն չպէտք է մոռանալ և այն հանգամանքը, որ հնումն էլ, ներկայիս պէս, անհատի դրութիւնը միակերպ չէր բոլոր պետութիւնների մէջ. Աթէնքում աւելի ազատ էր քան Սպարտայում: Բայց և այնպէս նոր ժամանակն էր միայն, որ հասկացողութիւն մշակեց մարդկային անհատի իրաւունքների անձեռնմխելիութեան մասին. և այսպէս կայ անհատական իրաւունքների մի առանձին շրջան, ուր պետութիւնն ամենևին չպէտք է խառնուի. օրինակ ներկայումս ընդհանրացած կարծիք է, որ կրօնական հաւատալիքներ չպէտք է սահմանել. հետևապէս չպէտք է պատժել այն մարդուն, որը շեղւում է ընդհանուրից ընդունուած հաւատալիքներից, որքան էլ անպատիժ թողնելը անյարմար լինի պետութեան համար: Այս բոլորի կողմից ընդունուած խղճի ազատութեան հետ միասին՝ ընդունուած է նաև ընդհանրութեան կողմից խօսքի ու մամուլի ազատութեան գաղափարը, որի ուժով մարդ կարող է ասել ու գրել այն ամենը, ինչոր ցանկանում է, առանց թոյլտւութիւն ստանալու պետական իշխանութիւնից. (ի հարկէ, ենթարկուելով պատժի այն դէպքում, երբ զրանով որ և է յանցանք կը գործէ, օր. մէկին կը վիրաւորէ, կը զրպարտէ, կը

բանբասէ և այլն): Անհատի իրաւունքների այդ շարքին է պատկանում նաեւ առանց թոյլտուութեան—անցաթուղթի մի տեղից մի ուրիշ տեղ գնալու ազատ իրաւունքը, ընկերութիւններ, դաշնակցութիւններ կազմելու իրաւունքները և այլն: Ներկայումս գոյութիւն ունեցող բոլոր սահմանադրական պետութիւնների հիմնական օրէնքներում (սահմանադրութիւններում) ճանաչուած և ընդունուած են անհատի յիշեալ իրաւունքները: Իսկ բացարձակ միապետութեան մէջ, ուր ամեն մի իշխանութեան աղբիւր ներկայանում է միմիայն և միմիայն ինքը միապետը, նման անհատական անձնոմխելի իրաւունքներ գոյութիւն ունենալ չեն կարող, այլապէս միապետութիւնը կը դադարի բացարձակ լինելուց *):

Այս բոլորի հիման վերայ աւելի ուղիղ կը լինի ներկայիս բոլոր պետութիւնները բաժանել երկու կարգի. բացարձակ միապետութիւններ և սահմանադրական պետութիւններ. վերջիններս էլ կարելի է բաժանել երկուսի՝ միապետութեան և հասարակապետութեան: Առաջին կարգի մէջ Եւրոպական պետութիւններից մտնում են Ռուսաստանը, Տաճկաստանը, Չինաստանը և Մոնակոյի փոքրիկ իշխանութիւնը. իսկ Երկրորդ կարգի մէջ՝ Եւրոպայի մնացած պետութիւններն ու Ամերիկայի պետութիւնները:

Պէտք է ասել սակայն, որ այս երկու տեսակի պետութիւնների մէջ սուր որոշակի սահման դնելը շատ դժուար է. այսպէս օր. Մերքիական թագաւորութիւնը 1869 թ. սահմանադրութեան զօրութեամբ (մինչև 1889 թ.) սահմանադրական թագաւորութիւն էր համարոււմ. այն ինչ պարլամենտի անդամների մի երրորդ մասը նշանակոււմ էր ուղղակի ինքը թագաւորը. հետևապէս երկու երրորդ մասն էր միմիայն ընտրոււմ ժողովրդից, սակայն այդ էլ այնպիսի ճնշումների տակ ու կեղծիքներով, որ համարեա միշտ էլ թագաւորի ցանկացած մարդիկն էին պարլամենտի անդամ ընտրոււմ. իշխանութեան կազմակերպութեան տեսակէտից հետևապէս այդ պետութիւնը շատ էր մօտենում բացարձակ միապետութեան: Իսկ ինչ վերաբերում է անհատի իրաւունքներին, թէև սահմանադրութեամբ ընդունուած, միշտ էլ

Սահմանադրութիւն տերմինն այստեղ գործ է ածած հետեւեալ մտքով. այնպիսի պետական կազմ. ուր ժողովրդի և անհատի իրաւունքները ճանաչուած են բացարձակ կերպով և ուր բնակչութիւնն ազգում է երկրի օրէնսդրութեան և կառավարութեան գործունէութեան վրայ՝ ուղիղ և շարունակ գործող օրգանները— զլխաւորապէս պարլամենտի միջոցով:

խախտում էին: Չի կարելի մտածել նաև, որ այն բոլոր սահմանադրական պետութիւնները, ուր պարլամենտն ամբողջովին ժողովրդից է ընտրւում և ուր տեսականապէս գործադրւում են անհատական իրաւունքների վերաբերեալ օրէնքները, կատարելապէս նման են իշխանութեան կազմակերպութեան նկատմամբ: Ո՛չ, թէ սահմանադրական պետութիւնների և թէ բացարձակ միապետութիւնների կազմերի մէջ մեծ տարբերութիւններ կան: Չինաստանով Ռուսաստանի և Մօնակոյով Տաճկաստանի մասին դատել՝ անկարելի է: Բարձրագոյն իշխանութեան (միապետ կամ նախագահ) իրաւունքները, պարլամենտի իրաւունքները, նրանց մէջ եղած փոխադարձ յարաբերութիւնները, պարլամենտի կազմը (միապալատ—երկապալատ), պարլամենտի ընտրութեան ձևը, օրէնսդրական և գործադիր իշխանութիւնների դատարանական իշխանութեան հետ ունեցած յարաբերութիւնները, տեղական ինքնավարութեանց կազմակերպութիւններն ու նշանակութիւնը՝ այս բոլորը զանազան պետութիւնների մէջ շատ զանազանակերպ են և յաճախ այնպիսի նման գծեր են պատահում, որ մի սահմանադրական պետութիւն մօտեցնում, նոյնացնում են որևէ բացարձակ միապետութեան և հակադրւում մի այլ սահմանադրական պետութեան, կամ հասարակապետութեան: Այսպէս օր. մի շատ էական խնդրում—գործադիր իշխանութեան պարլամենտական իշխանութիւնից կախումն ունենալու հարցում բոլոր սահմանադրական պետութիւնները բաժանւում են զուտ ներկայացուցչականի և պարլամենտականի: Ներկայացուցչական պետութիւններում (Գերմանական կայսրութեան, Պրուսական թագաւորութեան հետ նաև Ամերիկայի Միացեալ Նահանգների հասարակապետութեան մէջ) միապետը կամ հասարակապետութեան նախագահն է իւր հայեցողութեամբ նշանակում և փոփոխում նախարարներին, սրանց միջոցով էլ ուրիշ աստիճանաւորների. և պարլամենտը ոչ մի օրինական կարելիութիւն չունի այդ նշանակածներին հեռացնելու: Պարլամենտական պետութիւնների մէջ (Ֆրանսիական հասարակապետութեան հետ նաև Բելգիայի, Իտալիայի, Անգլիայի և այլն միապետութիւններ) նախարարները պատասխանատու են պարլամենտի առաջ. որովհետև, թէև նախարարներին նշանակում է թագաւորը կամ նախագահը, բայց իրօք այդ խնդրում նա պարտաւորւում է համակերպել պարլամենտի կամքին՝ հակառակ դէպքում պարլամենտը կստիպէ նախարարներին հրաժարուել:

Աւելի աչքի ընկնող տարբերութիւն է նկատւում պետու-

թիւնների մէջ մանաւանդ ժողովրդի օրէնսդրական գործունէութեան և պարլամենտի ընտրութեան մասնակցելու խնդրում: Այս գործում բոլոր գլխաւոր հասարակապետութիւնները (Ֆրանսիա, Զուիցերիա, Միացեալ Նահանգներ, Բրազիլիա) նման են: Սակայն սրանց նման է նաև Գերմանական Կայսրութիւնը, որ յայտնի է իւր ուժեղ միապետական ոգով: Այս պետութիւնների մէջ պարլամենտի ընտրութիւնը լինում է ընդհանուր, ուղիղ, հաւասար ձայնատուութեամբ և գաղտնի քուէարկութեամբ:

Ընդհանուր.—Ամեն մի չափահաս (Գերմանիայում 25 տարեկանից անց, Զուիցերիայում 20-ից և այլն) տղամարդ (Միացեալ Նահանգների մի քանի շտատներում նաև կին) իրաւունք ունի մասնակցելու պարլամենտի անդամների — պատգամաւորների ընտրութեան:

Հաւասար.—Իւրաքանչիւր ընտրող ունենում է միայն մի ձայն՝ հաւասար միւս ընտրողի ձայնին:

Ուղիղ.—Ամեն մի ընտրող ձայն է տալիս ուղղակի պատգամաւորին և ոչ թէ իրեն և պատգամաւորների մէջ հղած մի ուրիշ ընտրողի:

Գաղտնի.—Վերջապէս իւրաքանչիւր ընտրող այնպէս է ձայն տալիս, որ ոչ ոք չիմանայ. քարը ձգում է ծածկած տուփի մէջ: Այսպիսով ամբողջ ժողովուրդը մասնակցում է օրէնսդրութեան՝ իւր ներկայացուցիչների միջոցով. հետևապէս պարլամենտն ընտրւում է կատարեալ դեմոկրատիկ ունակութեամբ և հղանակով: Սակայն կան պետութեաններ, ուր այս կէտերից մէկը կամ մի քանիսը խախտւում են. այսպէս օր. Բելգիայում էլ, ամբողջ ժողովուրդը մասնակցում է ընտրութեան, ուրեմն այնտեղ էլ կայ ընդհանուր ընտրողական իրաւունք. սակայն ոչ հաւասար. այսինքն թէև ամբողջ ժողովուրդն է մասնակցում ընտրութեան, բայց մասնակցողներից պահանջւում է կալուածական ցենզ և այդ պահանջին բաւարարութիւն տուող հարուստ մարդիկ ունենում են երկու, երբեմն նաև երեք ձայն իսկ աղքատ դասակարգն զրկւում է ընտրութեան իրաւունքից, թէև իբրև Բելգիացի նա վայելում է տեսականապէս այդ իրաւունքը, Աւստրիայում էլ աւելի վատ. այստեղ ոչ միայն խախտւում է հաւասարութեան սկզբունքն (ինչպէս Բելգիայում), այլ և ընտրութիւնը կատարւում է անուղղակի կերպով և ոչ գաղտնի, այլ բաց յայտնի քուէարկութեամբ: Այստեղ թէև ամբողջ ժողովուրդն է զարձեալ մասնակցում ընտրութիւններին, բայց դասակարգերով. փոքրաթիւ կալուածատէրեր, վաճառա-

կաններ, ունևոր քաղաքացիներ ու հարուստ գիւղացիներ ընտրուած են որոշ թուով պատգամաւորներ. այնուհետեւ ժողովրդի մնացած մասը, դարձեալ ոմանց հետ մէկ տեղ, ուրեմն այս անգամ ամբողջ բնակչութիւնը ընտրուած է պատգամաւորների ընդհանուր թուից՝ 425 հոգուց միմիայն 72 հոգի: Այսպիսով հարստութիւնն իրաւունք է տալիս պարլամենտում զօրեղ ներկայացուցչութիւն ունենալու. կը նշանակի՝ խախտուած է հասարակական սկզբունքը: Բացի այդ՝ գիւղացիները և առհասարակ վերջին դասակարգն (կուրիա) ամբողջովին ոչ թէ ուղղակի պատգամաւորներ են ընտրուած, այլ ուրիշ ընտրողների, որով ընտրութիւնը կատարուած է ոչ թէ ուղղակի, այլ անուղղակի՝ կրկնաստիճան (двухстепенное) այն էլ ոչ գաղտնի, այլ բաց յայտնի քուէարկութեամբ. իսկ այս վերջին հանգամանքն ուրիշներից կախումն ունեցող մարդկանց համար յաճախ անկարելի է դարձնում իրենց սեփական համոզումներով օգտուելու իրենց իրաւունքներից: Վերջապէս շատ պետութիւնների մէջ ընտրութիւններին մասնակցում է ժողովրդի միայն մի մասը. օր. Անգլիայում ընտրութեան իրաւունքով օգտուած են կամ կալուածատէրերը, կամ այնպիսի ունևոր մարդիկ, որոնք որոշած չափից բարձր գին ունեցող բնակարաններ են վարձում. այնպէս որ բնակչութեան քառորդ մասը զրկւում է ընտրութեան իրաւունքից: Իտալիայում ձայնի իրաւունքով օգտուած են միայն այն անհատները, որոնք պետութեան օգտին բաւական մեծ չափով հարկ են վճարում: Նման պետութիւնների շարքին են պատկանում մի քանի քիչ նշանակութիւն ունեցող հասարակապետութիւններ (ինչպէս Չիլին Ամերիկայում և Օրանժինն Աֆրիկայում, որն ինչպէս յայտնի է, կորցրել է արդէն իւր անկախ գոյութիւնը): Բոլոր այս պետութիւններում ուրեմն օրէնսդրական գործունէութեան մէջ մասնակցում է ժողովրդի մի (շատ կամ քիչ նշանաւոր) մասը. միւս մասը հետևապէս զրկուած է քաղաքական իրաւունքներից և պետութիւնը (հասարակապետութիւն, թէ միապետութիւն) ներկայանում է ոչ իբրեւ ռամկավարական—ժողովրդապետական (դեմոկրատիկ), այլ ազնուապետական, կամ աւելի շուտ հարստապետական, որովհետեւ քաղաքական իրաւունքներ ընձեռողը ոչ թէ ծագումն է, այլ հարստութիւնը:

Անմիջական հասարակապետութիւն. այստեղ էլ, ինչպէս նաև ներկայացուցչական հասարակապետութեան մէջ, ժողովրդի ձեռքին է գտնուում օրէնսդրական իշխանութիւնը. միայն այն զանազանութեամբ, որ մինչդեռ ներկայացուչականի

մէջ ժողովուրդն ընտրում է պարլամենտ և նրա միջոցով առաջ տանում օրէնսդրութիւնը, այստեղ՝ անմիջական հասարակապետութեան մէջ ժողովուրդը հէնց ինքն է կազմում հաւաքումներ և որոշումներ տալիս: Անմիջական էին համարեա բոլոր հին հասարակապետութիւնները (Աթէնք, Սպարտա և այլն): Ներկայումս կատարեալ անմիջական են Զուիցերիայի միայն մի քանի կանտոնները (Ուրի, Ունտէրվալդէն, Ապէնցէլ, Գլարուս): Անմիջականի և ներկայացուցչականի միջին տեղն են բռնում այն հասարակապետութիւնները, ուր թէև օրէնքները մշակւում են օրէնսդրական խորհրդում (պարլամենտում), բայց յետոյ ենթարկւում են ամբողջ ժողովրդի քուէարկութեան (րեֆերենդում) և վերջինիս իրաւունքն է հաստատել, կամ մերժել: Այս ձևի պետութիւններից է ամբողջ Զուիցերիայի հասարակապետութիւնը, նմանապէս նրա կանտոններից շատերը,

Պարզ (унитарный) և բարդ կամ միաւորեալ (сложный) պետութիւններ: Եթէ վերցնենք դիտելու օր. Ռուսաստանը, Ֆրանսիան, Անգլիան, Իտալիան և այլն, կը տեսնենք, որ չնայած դրանք բոլորովին տարբեր կազմակերպութիւն ունեցող զանազան տեսակների ու ձևերի պատկանող պետութիւններ են (մէկը հասարակապետական, միւսը սահմանադրական և մի ուրիշը բացարձակ միապետական), բայց և այնպէս դրանց մէջ կայ մի նշանաւոր կէտ, որով դրանք միմեանց շատ նմանւում են. այսինքն դրանք բոլորն էլ պարզ պետութիւններ են. դրանց տերրիտորիայում գործում է մի պետական իշխանութիւն: Միւս կողմից սրանց կողքին տեսնում ենք այնպիսի պետութիւններ, ինչպէս օր. Գերմանական կայսրութիւնը, Զուիցերական հասարակապետութիւնը, կամ Ամերիկայի Միացեալ Նահանգները (տարբեր ըստ ձևի), որոնցից իւրաքանչիւրը թէև մի առանձին պետութիւն է ներկայացնում, բայց կազմուած է զատ-զատ պետութիւններից: Այսպէս Միացեալ Նահանգները կազմուած են 45 առանձին նահանգներից—շտատներից, որոնցից իւրաքանչիւրը ներկայացնում է կատարեալ անկախ հասարակապետութիւն: Ընդհանուր գործերի, ինչպէս օր. օտար պետութիւնների հետ յարաբերութիւն ունենալը, պատերազմ և խաղաղութիւն, զօրք և նաւատորմիդ, դրամների, չափերի և քաշերի նշանակելը, փոստ և այլն, կառավարելու համար՝ այդ 45 շտատները մի կապ—Դաշնակցութիւն են՝ կազմել, որը կազմակերպուած է իբրև ներկայացուցչական (ոչ անմիջական կամ պարլամենտական) հասարակապետութիւն և կառավարւում է հասարակապետութեան նախագահի և պարլամենտի (կոնգրէս)

միջոցով. վերջիններս թէ՛ մէկը և թէ՛ միւսը ընտրւում է բնակչութիւնից: Սակայն միմիայն ընդհանուր գործերն են ներկայացւում դաշնակցութեան կառավարութեան, իսկ մնացած բոլորը՝ կրթութիւն, բանտ, դատարան (քիչ սահմանափակումներով) և այլն, մնում են առանձին շտատների կառավարութեան ձեռքին. իւրաքանչիւր շտատ կառավարւում է իւր պարլամենտով և նահանգապետով, որոց ընտրւում է շտատի բնակչութիւնը (նահանգապետն այստեղ ոչ թէ նշանակած պաշտօնական անձն է, այլ շտատի ընտրած գլուխ. նոյնն՝ ինչ որ հասարակապետութեան նախագահը): Միալ կը լինէր, ի հարկէ, եթէ Միացեալ Նահանգները նմանեցնէինք այնպիսի պետութիւնների, որոնք ունին ընդարձակ տեղական՝ նահանգական և գաւառական ինքնավարութիւն. թէև այդպիսի պետութիւնների մէջ նահանգներն ու գաւառներն անկախ կերպով կառավարւում են իրենց տեղական գործերն, ինչպէս և շտատները, սակայն տեղական ինքնավարութեան կազմը (գեմստօ, խորհուրդ, գաւառական լանդադներ և այլն) մեծ կախումն ունի ընդհանուր պետական իշխանութիւնից և վերջինս իրաւունք ունի փոփոխել ու փոխարկել տեղական ինքնավարութեան կազմն ու ծրագիրը: Այն ինչ Միացեալ Նահանգներում իւրաքանչիւր շտատ ունի իւր սահմանադրութիւնը, որը փոխել կարող է միմիայն ինքը շտատը: Նա բոլորովին անկախ է, ինչպէս Միացեալ Նահանգների հասարակապետութեան նախագահից, այնպէս էլ նրանց պարլամենտից: Նոյնը տեսնում ենք նաև Զուիցերիայում. լինելով հասարակապետութիւն՝ ինքն էլ բաղկացած է 22 անկախ հասարակապետութիւններից ու կանտօններից: Նոյնն է նաև գերմանական կայսրութիւնը, միայն այն զանազանութեամբ, որ սա իբրև միապետութիւն՝ կազմուած է առաւելապէս միապետութիւններից. այնպէս որ 22 միապետութիւնների հետ մէկ տեղ (Պրուսիա, Բաւարիա, Սաքսոնիա և այլն) նրա կազմի մէջ մտնում են միմիայն երեք փոքրիկ հասարակապետութիւններ (Համբուրգ, Բրեմեն, Լիւբեկ): Այսպէս ուրեմն այն պետութիւնները, որոնք բաղկացած են մի քանի պետութիւններից, կոչւում են բարդ-միաւորեալ՝ հակառակ պարզ պետութիւնների: Բարդ պետութիւնները լինում են կամ դաշնակցական (ինչպէս Գերմանական, Միացեալ Նահանգներն և Զուիցերական պետութիւնները) և կամ ունիա, այսինքն երկու կամ աւելի համագոր, համահաւասար, իրարից բոլորովին անկախ պետութիւններ համաձայնութեան են գալիս մի թագաւոր ճանաչելու (ինչպէս Շվեդ-Նորվեգիան, Աւստրո-Վենգրիան):

Հ. ՅՈՎԱԿԻՄԵԱՆ

Զվեդ-Նորվեգիայի ունիան կարելի է արդէն խանգարուած համարել: Ծ. Թ.

ԵՐԿՐՈՐԴ ՊԱՆԼԱԻՈՒՆԻԲ

Տ. Բարսեղ Ա. Անեցի

23. Վկայասերի մահուամբ կաթողիկոսական աթոռը դիրք չփոխեց. Բարսեղ կաթողիկոս էր արդէն 24 տարի է իվեր, և իւր կաթողիկոսութիւնը շարունակեց ըստ առաջնոյն. միայն թէ այլ ևս չկարաց դառնալ Անի, իւր առաջին աթոռը, նոր արշաւանքներ ոտնակոխ ըրեր էին այն կողմերը, աւելի դժուարացած էր տեղական կացութիւնը, ընդհակառակն աւելի զօրացած էր գաղթականութեանց կողմը, որոց կեդրոն դարձած էր Կիլիկիա, մէկ կողմէն ղէպի Փոքր Հայք և միւս կողմէն ղէպի Եփրատացիք տարածուելով, որք միահամուռ ամբողջութիւն մը սկսան կազմել Կիլիկիա անունին ներքեւ: Բարսեղ օգտակարագոյն սեպեց այլ ևս այդ կողմերէն չհեռանալ, գուցէ և այդ եղաւ հանգուցեալ հայրապետին յանձնարարութիւնը, որոյ ներկայութիւնն ազդեցութիւն ունեցած էր Կիլիկեցի գաղթականութիւնները աճեցնելու և զօրացնելու: Բարսեղ իւր աթոռը հաստատեց ի Շուղը, որ է Սեաւ լեռան վանքերէն մին. և այնտեղ մնաց իւր կենաց մնացեալ ժամանակը, այսինքն է այլ ևս 8 տարի: Նոր գործեր և նշանաւոր դիպուածներ չեն պատմուիր: Բարսեղի բոլոր աշխատութիւնն ամփոփուեցաւ նոր դիրքը ամրացնելու և գաղթական ժողովրդեան հաստատուն կերպարան մը տալու մէջ, ինչ որ արդեամբ իրականացաւ, զի նոր երկիրը հայական կերպարանի փոխուեցաւ և երկին ալ պետութիւնն ալ Հայոց անունով սկսան ճանչցուել օտարներէն: Ռուբէն իշխան մեռած էր կանուխ 1095-ին, քիչ ետքն ալ մեռաւ նորա որդին Կոստանդին իշխանը 1110-ին, և Թորոս կիշխէր երբ վկայասէր մեռաւ և Բարսեղ առանձինն կաթողիկոս մնաց: Թորոսի ժամանակ հետզհետէ միացան գաղթական իշխանութիւնները, և Կիլիկիա ընդարձակուեցաւ և պետութեան մը ձևն առաւ, և Բարսեղ ժամանակակից և գործակից եղաւ այդ եղելութեանց:

24. Բարսեղ կաթողիկոս մեռաւ 1113-ին, և շատ չէր մեռած ատեն թէպէտ 32 տարի է ի վեր կաթողիկոսական իշխանութիւն կը վարէր: Իսկ մահը հանդիպեցաւ դիպուածական պատահարով մը: Երուսաղէմ երթալու նպատակով պիտի հեռանայր իւր աթոռէն, և Վարդապետի տօնին եպիսկոպոսներ հրաւիրեց, որպէս զի նոյն առթիւ եպիսկոպոսական ձեռնադրութիւն տայ Գրիգորի, ինչպէս յանձնարարած էր Վկայասէրը: Մատթէոս կըսէ թէ Պէհէնու Վարդաներ գիւղին մէջ փլաւ տանիքը, որուն վրայ կաթողիկոսը եկեղեցականաց բազմութեամբ աղօթելու ելած էր (Ուռհ. 411): Իսկ Վարդան կըսէ թէ Շուղրի մէջ նոր շէնք մը շինել տուած ատեն, հեծան մը շինողներուն ձեռքէն սահեցաւ և կաթողիկոսին զարկաւ ու փնսսեց (Վարդ. 116): Համաձայնութեամբ պատմուած է թէ Բարսեղ վտանգէն ետքը 3 կամ 5 օր ևս ապրեցաւ, Գրիգորը ձեռնադրեց և Շուղրի մէջ մեռաւ և այնտեղ թաղուեցաւ 1113 տարին, տրէ ամսոյ 5-ին. այսինքն Մայիս 26-ին, մինչ Վարդապետը պիտի տօնուէր յուլիս 13-ին: Բարսեղ լրացուցիչն եղաւ Վկայասէրի պաշտօնավարութեան և գործունէութեան. թէպէտ ինքնին իբր առանձին գործիչ մեծ փայլ մը չցուցներ, սակայն անտարակոյս է թէ մեծաւ մասամբ իւր արդիւնքն է Վկայասէրին յաջողութիւնը, և իրեն գործն է Վկայասէրին ձեռամբ գոյացեալ վիճակը: Բարսեղ ի հարկէ անմասն չէր ուսումնական կարողութենէ, բայց այդ մասին յատուկ յիշատակ մը կամ արդիւնք մը թողած չէ: Աւելի վարչական մարդ մը եղած է, գործունեայ գլուխ մը, վտանգներու մէջ ժիր, դժուարութեանց դէմ արի, հովուական ջանքերու մասին անխոնջ: Երկրորդն է ինքն Պահլաւունի տան հայրապետներէն, որոց շարքը տեւեց մինչև ԺԲ դարուն վերջը:

Տ. Գրիգոր Գ. Պահլաւունի:

25. Հայ կաթողիկոսաց մէջ ամենէն երկար պաշտօնավարողն, այլ և արժանաւորագոյններէն մին է Գրիգորս այս, Պահլաւունի մականունանեալ ի մասնաւորի, թէպէտ մականունը հաւասարապէս կրնար պատկանել իւր երկու նախորդներուն և չորս յաջորդներուն, որք միևնոյն ազգատոհմէ են, սակայն ուրիշ մասնաւոր մակդիր սնուն մը չունենալէն՝ ընդհանուրը իրեն համար մասնաւոր դարձած է: Մեք արդէն ծանօթացուցածենք զինքը Վկայասէրին վրայ խօսած ատեննիս, յայտնելով թէ որդի էր Մագիստրոսի դստեր և Ապիրատ Պահլաւունի

Քշխմանին Մովսէսի. և թէ վկայասէրն յատուկ խնամքով սկսե-
 ր հոգալ իւր քրոջ թոռները, Գրիգորն ու Ներսէսը, ինքնին
 մտնանք ինքնով անոնց դաստիարակութիւնը, և յանձնելով զա-
 նոնք Շուղը վանից առաջնորդ Ստեփանոս վարդապետին խը-
 նամոց, և մահուան պահուն իբր նուիրական աւանդ թողով
 իւր Վեթոռները Բարսեղ կաթողիկոսին: Յիշեցինք վերև Գրի-
 գորի եպիսկոպոս ձեռնադրուելը պատանեկութեան մատաղ
 հասակի մէջ նոյն Բարսեղ կաթողիկոսի ձեռամբ: Վկայասէրն
 յանձնարարեւ էր Բարսղի և ազգին որ պատշաճ ժամանակին
 ջանան կաթողիկոսացնել Գրիգորը, և Բարսեղ կերպով մը նա-
 խապատրաստութիւն տեսած կըլլայ կանուխէն տալով նմին
 եպիսկոպոսական ձեռնադրութիւնը, թէպէտ չէր մտաբերեւ
 թէ շուտով պիտի հասնէր մանկահասակ Գրիգորը այդ բար-
 ձրանոյն աստիճանին: Բարսեղ ինչպէս ըսինք, անակնկալ վը-
 տանգով մահուան մօտեցաւ. Վկայսէրի կտակը և Բարսեղի հոգա-
 տնութիւնը ծանօթ էին. եկեղեցականք և աշխարհականք, որոց
 գլուխը կը գտնուէր Թորոս իշխանը, համակամ հաւանութեամբ ու-
 գեցին յարգել թէ Պահլաւունեաց տէնը, թէ Վկայասէրի կամքը
 և թէ Շուղայ աշակերտութիւնը: Գրիգորն ուսմամբ և վարուք
 մեծէր, նաև կերպարանով փառաւոր և վայելուչ, թէպէտ տիօք
 կարի երիտասարդ: Ինչ հոգ տարիքը, երբ կայր եկեղեցական
 կոչումը Գրիգոր քսան տարեկան էր, ըստ հաւանագոյն կար-
 ծեաց, թէպէտ ուրիշներ երկու տարի ևս պակաս կուտան նմին:
 Բարսեղ չմեռած կարգադրեց Գրիգորի յաջորդութիւնը, որ կաթո-
 ղիկոս եղաւ 1113-ին:

26. Նորութիւն էր բոլորովին այդչափ մանկահասակ ան-
 ձի մը կաթողիկոսանալը, և թէպէտ վաղճանը չամչցուց ընդ-
 ները, սակայն մարդկային խոհականութեամբ և ոչ գերմարդ-
 կային գուշակութեամբ կը լինին այդպիսի որոշումներ: Գրի-
 գորի կաթողիկոսութեան հետևանքը եղաւ Աղթամարայ ապս-
 տամբութիւնը: Դաւիթ Թոռնիկեանց առաջին կաթողիկոս կը
 համարուի Աղթամարայ, որ զանձն Ամենայն Հայոց կաթողի-
 կոս Կռակել տուաւ և օծուեցաւ ի Զորոյ վանք Վանայ երբ
 լսեց թէ տղայ մը գրաւեր է Կելիկիոյ աթոռը: Սակայն հարկ
 չէ կարծել թէ պարզաբար գայթակղեալ մօռաց արդիւնք: Քեղա-
 թոռնիկեանի ապստամբութիւնը: Այն օրէ որ Հայոց կաթողի-
 կոսներ Աղթամարայ պանդխտութիւն թողով զբաժան Շիրակ
 Արծրունեաց թագաւորներ չուգեցին անկաթողիկոս մնալ և ըստ
 կարծիքի Աղթամարեանց եղիչէ՝ եղբօրորդի Գագիկ թագաւ-
 օրի ձեռնադրուեցաւ կաթողիկոս տանն Արծրունեաց: Այլ

լաւագոյն է կարծել թէ ձեռնադրուեցաւ լոկ իբր մեծ արքեպիսկոպոս մը, և ապա Աղթամարայ արքեպիսկոպոսներ կաթողիկոսութեան ձգտումներ յայտնեցին: Մեք յիշեցինք որ ըստ Կիրակոսի կայր «և միւս ոմն կաթողիկոս ի Վասպուրականի ի կղզւոջն Աղթամարայ», (Կիր. 57), անդստին վկայասէրի օրէն և անհնար չէ ենթադրել որ սա ինքն Թոռնիկեաննէր, որ կանուխէն սկսած էր աճեցնել իւր նախորդաց ձգտումները, և առթի կսպասէր իւր փափագինաց յագուրդ տալ: Սա ինքն Դաւիթ Թանիկեան Արծրունեաց Թագաւորական տոհմէն սերած կը կարծուի: Աղթամարայ ապստամբութիւնը չկասեցուց ազգը իւր ընտրեալը պաշտպանելէն՝ միւս տարին, 1114-ին. ընդհանուր ժողով մը գումարուեցաւ Սեաւ լեռան Շուղր վանմէջ ուր 2500 զանազան աստիճանէ եկեղեցականք հաւաքուեցան, մեծաւ մասամբ Սեաւ լեռան վանքերէն, որքնովեցին Դաւիթ յաւակնութիւնը և Գրիգորը Ամենայն Հայոց օրինաւոր կաթողիկոսը ճանչցան: Սակայն հակառակ Սեաւ լեռան ժողովին վճռին՝ Դաւիթ իւր դիրքը պահեց և մնաց իբր առանձինն կաթողիկոս տանն Արծրունեաց, Վասպուրականի մէջ առաւել կամ նուազ ընդարձակութեամբ, և ցայսօր ալ կը մնայ նոյն մասնաւոր աթոռը: Յընթացս պատմութեանս ուրեք ուրեք առթի պիտի ունենանք խօսել Աղթամարայ աթոռոյն վրայ: Ումանք այս ժողովին կուտան այն մեծ կանոնը, որով Կիլիկիա նստող կաթողիկոսներուն Սկեելեայց հետ կապակցութիւնը վրկայելու համար որոշուեցաւ որ առանց Բջնայ և Հաղրատու և Արտագու և Տաթևու եպիսկոպոսներուն հաւանութեան կաթողիկոս չհաստատուի:

27. Գրիգորի գործունէութեան նկատմամբ շատ մանրամասն տեղեկութիւններ չունենք, և իւր 53 տարուան պաշտօնավարութեան վրայ գրելիքնիս համեմատաբար քիչ պիտի ըլլայ: Զայդ պէտք է վերագրել ժամանակին պարագայից, որ ուշագրաւ պատահարներ չեն ներկայացներ: Առաջին և մեծագոյն գործն եղաւ կաթողիկոսութեան հաստատուն կայարան կամ պաշտօնական կաթողիկոսարան մը ստեղծել: Գետադարձիւն Անիէն հեռանալէն յետոյ կաթողիկոսները աստանդական մնացեր էին, նա ինքն Գետադարձն ի Սեբաստիա, Խաչիկ ի Տեփրիկիա, Վկայասէր ի Ծամբաւ, Բարսեղ ի Շուղր, ուր սկըսաւ պաշտօնավարել և Գրիգոր: Սակայն անապատաւորաց մասնաւոր մը չէր կրնար հոգևորական իշխանութեան յարմար կենդրոն լինել: Քանի մի տարի յետոյ, 1125-ին, Գրիգոր զնաց նստիլ ի Ծովք գղեմի, որ իւր հօր իշխանական գղեմին էր,

և ուստից հնար էր յարաբերութիւն պահել թէ կիրիկեցւոց և թէ արևելեայց հետ: Սակայն հայրապետանոց լինելու ամեն յարմարութիւն չունէր. ուստի թէպէտ և 1125-էն 1147, 22 տարի բնակեցաւ անդէն, բայց աւելի իբր հայրենական տուն մըն էր այն իրեն համար, քան հայրապետական աթոռ, և այս պատճառով այդչափ ժամանակի մէջ չխորհեցաւ երբէք հայրապետանոց մը կառուցանել: Յարմարագոյն տեղ մը գտնելու ջանքերն անազան պսակութեան երբ ժոսելինոս (Ճոսելին կամ Ժոսլէն) լատին կոմս Գերմանիկոյ (Մարաշ) հաւանեցաւ որ Գրիգոր նստի ի Հոռմկլայ (Ռումբալէ) զոր կը կառավարէր իւր կիւնը. Յոսելինոսի բարեկամութեան չնորհիւ կրցաւ Գրիգոր 1147-ին հանգիստ և ապահով օթեւան մը գտնել այնտեղ, որ քիչ ետքը իւր սեփականութիւնն ալ եղաւ: Զի ժոսելին գերի ինկաւ Բերիոյ սուլթանին ձեռք և մեռաւ, և այրի կիւնը Եւրոպա դարձաւ 1147-ին, իբր աւանդ յանձնելով Գրիգորի իւր զգեակը: Ժոսելինի սրտին Եւրոպայէ վառնալուց բոլորովին իսկ հրաժարեցաւ գղեակէն և վաճառեց զայն Գրիգորի 1150-ին, որ ստացաւ զայն իբր կաթողիկոսութեան սեփականութիւն, փառաւոր կաթողիկոսարան և հոյակապ կաթողիկէ մընալ շինեց 1151-ին, ուր և մնաց կաթողիկոսական աթոռ մինչև նոյն քաղաքին կործանումը Ստեփանոս Հոռմկլայեցւոյն ժամանակ 1292-ին:

28. Լատինաց հետ յարաբերութիւնը արդէն սկսած էին խաչակրութեանց առթիւ Երբ Գրիգոր աթոռ նստաւ, Թորոս իշխան բարեկամութիւն կը պահէր լատին իշխաններու հետ, և մանաւանդ Անտիոքի լատին իշխաններուն հետ, մինչև իսկ վերջիններուն նպաստաւոր եղած էր, երբ սոքա 1114-ին գրաւեցին Քէսուն, Պերտա (Պերէժիկ) և Կարկառ քաղաքները, որք հայ իշխաններու կը պատկանէին: Այլ երբ Լևոն իշխան յաջորդեց իւր եղբոր Թորոսի 1123-ին, Լատինաց և Հայոց յարաբերութիւնը խանգարեցան: Լևոն մտադիր էր իւր սահմանները ընդարձակել, և հարկաւ պէտք էր ընդհարուէր մէկ կողմէն Յունաց կայսերութեան և միւս կողմէն Անտիոքի իշխանութեան: Հոռգերիոս (Ռոժեր) Անտիոքայ իշխանը նենգութեամբ ձերբակալեց Լևոնը 1126-ին, և Լևոն պարտաւորեցաւ իբրև փրկանք թողուլ քանի մը քաղաքներ, զորս միւս տարին 1127-ին պատերազմով հտ առաւ, և Լատիններու հետ հաշտութիւն հաստատելով Յոյներուն դէմ դարձաւ 1131-ին, այլ չ'երջիվերջոյ ձախողեցաւ և 1137-ին գերի ինկաւ, և չորս տարի գերութենէ յետոյ Կոստանդնուպոլսոյ բանտին մէջ մեռաւ 1141-ին: Լե-

ւոնի որդին Թորոս Յոյներուն ծառայութեան մէջ մնաց երեք տարի եւ, մինչև որ 1144-ին կրցաւ ձեռք ձգել իւր հայրենական իշխանութիւնը: Այս կերպով Ռուբենեանց իշխանութիւնը եօթը տարի ընդհատեցաւ և Կիլիկիա Յունաց տիրապետութեան ներքև մնաց, բայց Գրիգոր Գ. կաթողիկոս յունական բաժնին մէջ չէլ, զի կը գտնուէր ի Ծովք, որ ազատ զղեակ մըն էր, և զրացի Լատիններուն օգնութեամբ կը պաշտպանուէր: Բնական էր ուրեմն Գրիգորի աւելի սերտ յարաբերութիւններ ստեղծել Լատինաց հետ, յորոց կրնար իսկ յուսալ Ռուբենեանց իշխանութիւնը վերանորոգելու համար Յունաց զէմ օգնութիւն մը: Ճիշտ այդ միջոցներուն կսկսի Գրիգորի և Լատինաց յարաբերութիւնը: Լատինք համաժողով մը ունէին յԱնտիոք, Անտիոքայ լատին պատրիարք Հոգովիոսի (մուգովի) զէմ եղած ամբաստանութիւնները քննելու, և ժողովի կը նախագահէր կարդինալն Ալբերիքոս եպիսկոպոս Ռատիոյ և նուիրակ պապին, և ժողովը կը գումարուէր 1141-ին, նոյն իսկ Լոնի գերութեան մէջ մեռած տարին: Ժողովից հրաւիրուած ու ներկայ էին Գրիգոր Գ, կաթողիկոսը և եղբայրը Ներսէս եպիսկոպոս Շնորհալին, որ վեց տարի առաջ եպիսկոպոս ձեռնադրուած էր և իւր եղբոր օգնականն էր: Ժողովը Հայոց նկատմամբ ընելիք չունէր, և ոչ ալ Հայոց նկատմամբ գործ մը կատարեց փոփոխակի բարեկամական յարաբերութեանց սկզբնաւորութիւն մըն էր միայն, և մինչև այս կէտը ըսելիք մի բան ալ չունիմք:

29. Գրիգոր և Ալբերիքոս փոփոխակի զիրար յարգեցին և իրարու հետ լաւ բարեկամութիւն հաստատեցին, և Անտիոքէ Երուսաղէմ ի միասին ուխտի գացին, և երկուքն ալ փափագող էին սուրբ տեղեաց մխիթարութեան: Շնորհալին այս անգամ չըսկերացաւ իւր եղբոր, այլ դարձաւ ի Ծովք, յառժամեայ հայրապետանոցն իբր տեղակալ կաթողիկոսութեան 1142-ին: Ալբերիքոս իբր նուիրակ պապին ժողով մըն ալ գումարեց յԵրուսաղէմ 1143 տարւայ զատկին մօտ, և Գրիգոր բնական կերպով ժողովականներէն մին եղաւ: Գուրիէլմոս լատին եպիսկոպոս Տիւրոսի, ժամանակակից պատմիչ, Գրիգորը կանուանէ. «Մեծ քահանայապետ Հայոց, գլուխ և պետ ամենայն եպիսկոպոսաց Կապադովկացոց, Մարաց և Պարսից և երկաքանչիւր Հայաստանեայց, և գերազանց վարդապետ, որ անուանի կաթողիկոս»: Ի հարկէ համաձայն այդ պատուաւոր կոչման տեղ ալ տրուեցաւ Գրիգորի ժողովին մէջ: Այն տեղ է որ բանակցութիւնը կսկսին հայ և լատին եկեղեցեաց համա-

ձայն և անհամաձայն ծիսից և դաւանութեանց վրայ, բայց այս տեղ ալ մանրամասնութիւնք կը պակսին, զի չունիմք ժողովին գործերը: Լատինք կըսեն թէ Հայոց պատրիարքը խոստացաւ ուղղել այն դաւանութեան կէտերը, յորս ինքն կը տարբերէր Հռովմայ եկեղեցիէն»։ այլ մերս Սմառէլ կըսէ թէ Փռանկները «ծանեան ի բանս հաւատոյ (Գրիգորի) զճժարտութիւն ամենեւեմ, զոր պայծառ և կանոնական կարգաւ և կանոնով վարդապետական ճոխութեամբ բարբառէր, ուրախացան հաճելութեամբ, և առաւել սէր հաստատեցին ընդ ազգս մեր» (Զամչեան. Գ. 54): Մեզ բաւական է դիտել որ հրկու կողմերն ալ համաձայն են թէ Գրիգոր իւր եկեղեցիէն ոչինչ փոխեց, և իրենէն դուրս ոչինչ ընդունեցաւ ի ժողովէն Երուսաղէմի, այլ քանի որ նպատակ ունէր Լատինաց հետ սէր և բարեկամութիւն հաստատել, ճարտար կերպով մը կըցաւ համոզել Լատինները թէ էական մի կէտ չկայ որ կարենայ արգելել երկուց կողմանց միաբանութիւնը: Հայոց հայրապետին համար այդ ընթացքը համաձայն էր իւր եկեղեցւոյն հոգւոյն, Լատինաց կողմէ ալ օգտակար սեպուած էր հաւանել այդ ընթացից, որպէս զի կարենան տակաւ իրենց քաշել Հայերը: Մեք գիտեմք թէ Լատին եկեղեցին ընդարձակ է միշտ առաջին քայլերուն մէջ, և հետզհետէ կը խոտէ իւր պահանջումները:

30. Լատինաց դէպ առ Հայս մօտենալու փափաքը չվերջացաւ Անտիոքի և Երուսաղէմի ժողովներուն ցոյցերով: Ալեքսանդրիոս կարդինալ և ուրիշ Լատին գլխաւորներ նպաստաւոր տեղեկութիւններ հաղորդեցին պապին, յուսացնելով անշուշտ թէ Հայերը լաւ նիզակակից մը կը լինէին Լատին բանակներուն, գուցէ ալ մօտենան միանալ Լատին եկեղեցւոյ: Ինհովկենտիոս Բ. (1130—1143) կամ թէ Լուկիոս Բ. 1143—1144), որ այդ տեղեկութիւնները առաւ փութաց հայրապետական ընծայներ ղրկել Գրիգորի թղթով սիրոյ և բարեկամութեան: Լամբրոնացին կը յիշատակէ գաւազան և քօղ հայրապետական, սակայն հայրապետական քօղը Լատին սովորութեան մէջ չգրտնուելուն, չենք գիտէր թէ ինչ տեսակ մի դարդ էր որ քօղ կարծուեցաւ կամ քօղ թարգմանուեցաւ: Ընծային և թղթոյն փոխարէն Հայոց հայրապետին կողմէն ալ ընծայներ և թուղթ ղրկուեցան ի Հռովմ, յատուկ պատգամաւորներով, որք Եւգինէոս Գ. պապը (1145—1153) գտան ի Վիտերբոյա (Viterbo) քաղաք Իտալիոյ, երբ պապը Հռովմի ներքին խռովութիւններուն պատճառով այնտեղ ապաստանած էր, 1145-ին: Այս անգամ դաւանական և ծիսական խօսակցութիւնք կսկսին աւելի

մասնաւորութիւն, և պապին կողմանէ տուաճարկութիւններ ալ կըլլան: Լատին պատմիչը որ այս պարագաները կը պատմէ իբր նշան հպատակութեանց Հայոց առ պապն կըսէ թէ պատգամաւորք տասնեութը ամիս ճանպորդութեամբ եկեր էին, թէ Հայոց կաթողիկոսութիւնը հազարէ աւելի եպիսկոպոսներ ունէր իւր ձեռքին տակ. և թէ Հայերը հացը խմորուն և բաժակը անջուր կը մատուցանեն, և թէ Ծնունդն ու Մկրտութիւնը ի միասին կը տօնին: Այս յիշուածներուն մէջ խմորուն հացը յայտնի սխալ է, և չեմք գիտէր թէ միւս պատմութիւններն ալ անոր կը նմանին թէ ոչ: Նոյն հեղինակը կը պատմէ թէ պապին պատարագին ժամանակը հայ պատգամաւորներուն մէջէն եպիսկոպոս մը պապին գլխոյն վրայ երկնային լոյս և երկնային աղանձներ տեսնելով ժողովին մէջ վկայից այս տեսիլքին (Կալանոս. Պատմ. 236): Տեսիլքին բոլոր ստուգութիւնը միայնոյ հայ եպիսկոպոսին վկայութեան վրայ հաստատուած լինելով, ցանկալի էր գիտնալ թէ Լատինք որչափ վստահութիւն պիտի ընծաին այդ յայտարարութեան: Եւգինէոս պատգամաւորները դարձուց առատ պարգևներով, և ի հարկէ առաւելապէս տեսիլքին եպիսկոպոսը, գիր ալ ուղղեց Գրիգորի, որ Լատին հաւաքածոյից մէջ չգտնուեր, այլ կը յիշատակուի 1307 տարւոյ Սսոյ ժողովոյն գործոց մէջ (Կալանոս. Պատմ. 467): Գրիգորի առ պապն և պապին առ Գրիգոր ղրկած պատգամաւորաց և թղթոց պատմութիւնք շատ զխոռոչութեանց տեղի կուտան, սակայն մեզ բաւական լինի յառաջ բերել ինչ որ Լատինք կը պատմեն:

ՔՆՆԱՍԷՐ

(Վերջը միւս անգամ)

ՆՈՐ ԻՍՐԱՅԷԼԻ ՍԱՂՄՈՍՆԵՐԻՑ

IV

Վիշաք դժոխոց պաշարեցին զիս.
(Սաղմոս)

Ա՛խ, արուն—քամի, ա՛խ արուն քամի,
Ա՛խ սիրտս ինչո՞ւ զարկիր վեր գամի.
Կոռնաս այս գիշեր ինչպէս մի չախալ,
Ասում ես, հայ մարդ, մե՞նաւ քո աշխար...

Ա՛խ, արուն—քամի, ա՛խ արուն քամի
Ա՛խ սիրտս ինչո՞ւ զարկիր վեր գամի.
Եւ արար-աշխար լցրիւ դու բոթով—
Արեան ու մահուան հեղձուկով—տոթով...

Վա՛խ, մարդն մեռնում է արդար անմեղ
Հոռնձերն են խանձուր, հոռնձն արիւնահեղ,
Եւ լալահառաչ կը վայես գլխիս,
Կը հաչես, կոռնաս, - կը փակես ուղիս,

Ա՛խ, արուն—քամի, ռրտեղից եկար,
Ո՞ր շնչաւորը զրկեց քեզ աշխարհ,
Ո՞ր բարձունքներից իջար խաղաղ դաշտ,
Ինչո՞ւ խառնեցիր ժողովուրդներ հաշտ.==

Թէ՛ դու բնածին մի դսժան չարիք
Վատ-վատ նիւթերից—սեցուցիր բարիք.
Թէ՛ դու ի վերուստ իբրեւ մի պատիժ
Թունաւորեցիր մարդուն որպէս իժ...

Ա՛խ, արուն—քամի, ա՛խ արուն քամի,
Ա՛խ սիրտս ինչո՞ւ զարկիր վեր գամի. ...

V

Այլ ես որդն եմ և ոչ եմ մարդ.
Նախատինք մարդկանց և արհա-
մարհանք ժողովրդոց:
(Սաղմոս)

Մուսյլ է հոգիս զերդ աշնան այերք,
Տխուր է, տրտում ժողովրդիս երգ,
Կանգնած եմ ապուշ—զլուծ եմ իմ կանչ,
Չարատանջ ազգի որդիս չարատանջ...

Դո՛ւք, մեծ հայրերի տտրաբաղդ որդիք,
Վայրազ ուժերի դարձել էք խորտիկ,
Դո՛ւք, փառքի անուան, մեծութեան սերունդ,
Լափող վաշտերի եղել էք սնունդ:

Դո՛ւք, հայրենիքիս ուժեղ հերոսներ
Հէ՛ր կեանքի չարիք ձեր ուժն անգոսններ,
Եւ ահա վհատ, իմ գլուխս մոխիր
Ես արուն-արուն սգում եմ ոճիր...

Ահա երկինքն է ծխի մխի մէջ
Ահա լեզուներ ճայթում են հեծ-հեծ,
Հրեղէն յորձանք, ալիքներ բոցի
Մարդկանց փաթթել են մէջն իրանց ծոցի...

Ճւում է մայրը, մանուկը գրկում,
Հեծում են ծերեր, իրար են գրկում—
Մի ակնթարթում լուծ է ամեն—
Ձկան էլ մարդիք... վառւեղում, այրւեղում են...

Ձկան տանտիրոջ բերքն աշխատանքի,
Կայքերը, ինչքը—սիւները կեանքի,
Ձկան եղբարքը, մորթել են այսօր,
Կինը, որդիքը վառուան ինչպէս շոր:

Ձկան և ինքը—տէրը մեծ իշխան
Նորան պատրեցին, ինչպէս մի գազան
Եւ նոցա փոխան լեզուք գեհենի—
Ձգւում են երկինք—տուած ձէն-ձէնի...

VI.

Հալածեսցէ ապա թշնամին զանձն
իմ հասցէ և կոխեսցէ յերկիր զկեա-
նս իմ և զփառս ի հող բնակեցուց է-
(Սաղմոս)

Ճանապարհորդը շտապում է տուն
Եւ սրտատրուփ սպասում է նա—
Կնոջը, որդոց կը գրկէ իսկոյն
Եւ դարձեալ իրա գործին կը գնա...

Այնտեղ նա ունի կայք ու կալուածներ,
Փառաւոր կացան—բազում բանւորներ,
Այնտեղ նա ունի ճոխ հարստութիւն—
Բայց, Աստուած, այնտեղ հրդէհն է լափում...

Կատաղի վաշտեր, գճլողներ վայրի,
Մորթում են այրում մատաղ և այրի,
Առեանգում են մատաղահաս կանանց,
Յոշոտում մարդոց—Թալանում են զանձ...

Ահա ճամբորդը—բռնեց ծանօթին.
Տանից էր գալիս և իւր երկրացին.
Նրան հարցրեց շունչը կըտրուած—
—Գնում եմ... Ի՞նչ կայ... Ողջ են անկասկած... —

«Գնում ես, ինչո՞ւ—և որի համար.
Կայքերդ չկան—եղան բոցահար.
Իսկ թէ գնում ես որդոցդ տեսնես,
Չգարկեն գնդակ—այլ արին կէս-կէս.

Իսկ մօրդ կուգես—պառաւ, զառամած,
Ահեղ սարսափից վար ընկաւ յանկարծ,
Իսկ թէ գնում ես տեսնես քո կնոջ —
Իմ աչքի առջև քցեցին հնոց.

Իսկ քո սիրունիկ աղջըկադ Նունուշ
Թնամին տարաւ, որ անէ անուշ...
Գնում ես ինչո՞ւ, և որի համար
Շունչդ ժողովէ, յետ դարձիր եղբայր»...

Նայում էր երկար—ալիսապիշ կերպով
Դէմքը սեւեռած—ճամբորդն էր նայում,
Եւ վերջը մի սուր ճիչ արձակելով
Գետին գլորուեց—արձն ու արձն...

ՅՈՎՀ. ԿՈՍՏԱՆԵԱՆ

ՊՐՕՖԷՍՈՐ ՄԱԿՍԻՄ ԿՈՎԱԼԵՎՍԿԻՆ ԵՒ ՌՈՒՍԱՏՏԵՆԻ ՀՊԱՏԱԿՆԵՐԸ

Յայտնի է, որ Դելիանով կոմսի նախարարութեան ժամանակ, երբոր Ռուսաստանի ընդհանուր հոսանքը յետադիմական դարձաւ՝ բազմաթիւ լուսամիտ մարդիկ կամ իրենք հեռացան հայրենիքից կամ նրանց վնասեցին երկրից՝ խլելով նրանցից դասախօսելու կամ գործելու հնարաւորութիւնը։ Մակսիմ Մակսիմովիչ Կովալեւսկին, որ Մոսկվայի համալսարանի փառաւոր շրջանի գործիչներից էր, նոյնպէս արտաքսուեցաւ և գնաց Եւրոպա։ Այժմ հանգամանքները փոխուել են և բոլոր արտորուածները և գաղափարի նահատակները նորից եռանդ են ստանում գործելու յօգուտ հայրենիքի բարօրութեան։ Այս տեսակ գործիչների մէջ Կովալեւսկին նշանաւոր է ոչ միայն իւր հասարակական ազատամիտ լայն իդէալներով, այլ և իբրեւ նշանաւոր գիտնական, որի մասնագիտութիւնը թէև հասարակական—տնտեսագիտական ճիւղերն են, բայց նա յայտնի է և իբրեւ լուրջ պատմաբան և աչքի ընկնող օրէնսգէտ—փիլիսոփայ։ Ահա այս Կովալեւսկին սի փոքրիկ յօդուած է տպագրել «Русскія Ведомости» լրագրի հոկտեմբերի իննի համարում, որ կրում է «Огношенія Россіи къ Окрайнамъ» վերնագիրը։ Մեծ գիտնականների գլխաւոր արժանաւորութիւններից մէկն էլ այն է, որ այդ մարդիկ քիչ խօսքով շատ գաղափարներն պարզում և շատ նիւթ տալիս։ Պրօֆէսոր Կովալեւսկու վերոյիշեալ յօդուածը խօսում է Ռուսաստանի հպատակ երկիրների մասին և ի միջի այլոց հայերի, ուստի և գէթ համառօտ կերպով պատմել այդ յօդուածի բովանդակութիւնը մենք կարենոր ենք համարում։ Ահա այդ յօդուածի գլխաւոր կէտերը։ Եւրոպական տէրութիւններից շատերը, ասում է Կովալեւսկին, գաղութներ ունին և մինչև անգամ միշտ ձգտում են աւելացնելու նրանց թիւը։ Ժամանակակից պատերազմներից շատերը շուկաներ յափշտակելու ձգտումից են առաջանում և այս ըստ իւր կարգին օտար երկիրներ ափսիսի ապրանքների ներմուծումն է ստեղծում, որ նոյն իսկ ոչ Եւրոպայում և ոչ Ամերի-

կայի վաճառականութեան նիւթ չէ դարձել: Վաճառականական տները վրայ կամաց կամաց աւելանում են կամ գէնքի ուժով կամ տեղական իշխանութիւնների հետ կապած պայմանագրերով նախ մօտակայ և ապա և հեռաւոր հողեր:

Հարուստ քարածուխը, որն է մետաղը, քարեղէնը և այլն հարստութիւնների հանքերը խրախուսում է միջազգային ազահութիւնը: Առևտրական տները հետզհետէ գաղութներ են դառնում, իսկ թափառող ցեղերից ապահովելու հոգսը ստիպում է գաղութի սահմանները տարածել մինչև աւազների սկիզբը կամ ծովերի ափը: Ռուսաստանի գաղութների առանձնայատկութիւնն այն է, որ մայր Հայրենիքին կապած են նրանք: Սառն և մէջէմէջ սեփականութիւնը, որ շատ անյարմարութիւններ է ստեղծում մասնաւոր, անհատական տնտեսութեան մէջ, նոյն պէս անօգտաւէտ է պետական տնտեսութեան համար: Ծովը ազգի համար ընդհանուր ճանապարհ է դառնում միմիայն խաղաղ ժամանակ: Պատերազմի ժամանակ այս ճանապարհը կարող է կտրուել զինուորական նաւերով, կրէյսէներով, եթէ չը խօսենք ջրասույց մակոյկների և լողացող միջանների մասին:

Հէնց հիմնականից կարելի է հարցնել թէ Փրանսիան չը նայելով իւր ահագին նաւատորմին՝ ինչպէս կարող է ապահովեցնել Հնդկա-Չինաստանը Ճապոնիայի դէմ: Սակայն վերջին պատերազմի դառն փորձը շատ լաւ համոզեց մեզ, որ հեռաւոր գաղութի հետ շարունակ և անընդհատ հոգերով կապուած լինելն էլ հնարաւորութիւն չէ տալիս այնտեղ հեշտ կերպով զօրք փոխադրել թէկուզ երկաթուղիների միջոցաւ էլ: Որքան էլ ձեռնտու է մայր երկրին կապած գաղութներ ունենալը, բայց այս օգտաւէտութիւնը պակասում է և կորցնում է իւր նշանակութիւնը, երբոր գաղութները թէև անշատուած չեն, բայց հեռու են մայր հայրենիքից: Այս տեսակէտից Իսպանիայի տիրապետութիւնների պատմութիւնը և վիճակը շատ հետաքրքրական է:

Կարլոս հինգերորդը և Փիլիպոս երկրորդը պարծենում էին, որ Իսպանական տիրապետութեան տակ գտնուած երկիրներում արեգակը մայր չէ մտնում խալառ, իսկ Ալֆոնս XIII թագաւորը այլ ևս չունէր այս բոլորը և մնացել էին Իբերական թերակղզուց դուրս միքանի կղզիներ, որոնցից գլխաւորներն էլ Ամերիկացիք խիցին: Գաղութներ տիրելը շատ անգամ աւելի պարտականութիւններ է ստեղծում տէրութեան համար քան իրաւունքներ, աւելի ծախս է պահանջում քան եկամուտ է տալիս: Ոչ միայն իբրեւ մխիթարանք կարող ենք ա-

սել, որ Մանջուրիայի տիրապետութիւնը մեզ համար մնանկութեան աղբիւր կզառնար: Մոսկվայի մեծ մանուֆակտուրիստները մաթեմաթիկական հաշուով ապացուցանում էին, որ Հեռաւոր Արեւելքի շուկաներում մենք հնարաւորութիւն չունէինք մրցելու Ամերիկական և Ճապոնական ապրանքների աժանութեան հետ, իսկ Կօրէա Ռուսաստանից բրինձ տանելու մասին ի հարկէ խօսք չի կարող լինել: Մանջուրիայի պէս են մեզ համար առ այժմ և այն անսահման անապատներից շատերը, որ միաժամանակ Թամբուլայի պետութեան սահմաններումն էին գտնւում և Սառցային Ովկիանոսից մինչև Բերինգով նեղուց հասնող տունդրան: Այս բնական սահմանների մէջ, որոնք հարաւից բաժանում են մեզ և ապահովում հարեաներից, իսկ Հիւսիսից սպիտակ արջերից, շատ հողեր կան, որոնց մի մասը արդէն մի փոքր մասնակից է եղել քաղաքակրթութեան, իսկ միւս մասը մշակող ձեռքերի է սպասում: Այս հողերը բնութաւոր են աւելի թափառական քան նստակեաց բազմալիզու և բազմակրօն ցեղերով, որոնք ապրում են մասամբ գիւղական, մասամբ տոհմական կեանքի պայմաններում և չեն հասկանում ոչ մեր կարգերը և ոչ Ներսիական քաղաքակրթութիւն, որ մենք էլ կատարելապէս դեռ չենք ըմբռնել և լաւ չենք հասկացել, ուստի և այդ ցեղերը տանջւում են մեր աղմինիստրացիայի և օրէնքների նրանց ներքին կեանքին վերաբերեալ անտեղի միջամտութիւնից:

Այս ցեղերից ամենից բաղդաւորները նրանք են եղել, որոնց թոյլատրուած է պահել իրենց սովորութիւնները և միջնորդ դատարանները և մեզ վճարել են միմիայն հարկեր և շատ անգամ էլ մորթիներով: Որքան քիչ են օտարացեղները հանդիպում ոուս պաշտօնեաներին՝ այնքան սակաւ են լինում կաշառակենութեան դէպքեր, որ շատ յայտնի է Սև ծովից սկսած մինչև Կասպից և Ազովեան ծովերը: Ինձ թւում է թէ առողջ բանականութիւնը՝ չամէն մէկին պիտի թելադրէ մտածելու, որ անկարելի է այս բազմաթիւ և մեզ խորթ ցեղերին կանչել մեր սեփական վիճակը կարգադրելու գործում դեկավարութեան: Ես չեմ կարող երևակայել, որ չերքէսը կամ լեզգին, Ղրղիշը կամ Շակուտը ու Կամչադալը, թէկուզ նա Ներսիական հազուստ էլ ունենայ և ընտրողական ցենզ, լուրջ կերպով կարողանայ քննելու և խորհելու մեր հողային յարաբերութեան մասին, գործարանական և բանւորական օրէնսդրութեան համար և վճռելու կապիտալի և աշխատանքի ընդհարումից առաջացող հարցերը: Այս բոլորի մասին նա շատ կոժուարանայ վճիռ տա-

լու նախ այն պատճառով, որ նրանց շատերը գիտէ միայն տոհմական և ցեղական անբաժան հողային սեփականութիւն որ հարկաւոր է որսի կամ արօտի համար: Երևակայեցէք Կովկասի լեռնականին, որ մասնակցում է քրէական օրէնսդրութեան մշակմանը, որ խորին կերպով համոզուած է թէ արիւնը պիտի արիւնով քաւել կամ սպանուածի փոխարէն ոչխար ու կով ստանալ: Բայց մեր օտարազգիները վատ ծառայութիւն կմատուցանեն մեզ մեր ներքին կեանքի վերանորոգման մասնակցելիս, մենք էլ միւս կողմից միայն կխանգարենք նրանց կեանքի ընթացքը, եթէ խառնուենք նրանց ներքին կեանքին և նրանց վզին փաթաթենք մեր հասարակական և պետական կարգերը, որ չեն համապատասխանում նրանց քաղաքակրթութեան աստիճանին:

Երբոր մեր նահանգական դատարանը մարդասպան Չերքեսին աքսորի է դատապարտում՝ սիրիւր, սպանուածի մօտակայ ազգականը սակայն սա պատիժ չէ համարում և անմիջապէս աքսորուածի յետևից գնում է Սիբիր վրէժ առնելու: Կասկած չկայ, որ Ռուսաստանը չի կարող հրաժարուել իւր տէրութեան հպատակ ժողովուրդների մէջ խաղաղութիւն պահպանելու դերից և ապահովելու նրանց աստիճանաբար նիւթական և հոգեկան զարգացումը: Բայց այս նպատակին նա կարող է հասնել ոչ թէ խորտակելով այդ ցեղերի տոհմական կեանքը և փաթաթելով նրանց շնքին մեր քաղաքացիական օրէնքները և ոչ էլ տարածելով նրանց վրայ մեր չինովնիկութիւնը: Նա այս նպատակին կհասնէ միմիայն քիչ խառնուելով նրանց ներքին կեանքում և այն էլ միմիայն խաղաղութիւնը պահպանելու համար և լուսաւորութիւն տարածելով, որ միմիայն կարող է նրապատիւ օտարացեղներին մեծամեծ խմբերով ոռոսանալու: Բոլորից պարզ է, որ անմտութիւն կլինի Ռուսաստանի թափառակեաց ցեղերը մասնակից անել մեր ընդհանուր քաղաքական ընտրութիւններին, որպէս և փաստաւոր է նրանց վրայ տարածելը մեր ընդհանուր օրէնքները: Թողնենք, որ նրանք առաջուայ պէս ապրեն իրենց ընտրովի նահապետներով մեր հըսկոդութեան տակ, բայց միայն աշխատենք բազմացնելու նրանց մէջ դպրոցներ: Այս թափառական ցեղերը ոչ թէ այն պատճառով չպիտի մասնակցեն մեր պետական դուռային, որ ազգաբնակչութիւնը նրանց շատ նոսր է, այլ որովհետեւ այդ Եակուտները ու Կամչադաւները հիմք չունեն հոգալու մեր ներքին կեանքի կազմակերպութեան մասին, որ անհասկանալի է նրանց համար: Մեր առաջարկած ձևը արդէն գոյութիւն ունի շատ

երկիրներում, ուր ընտրողական կառավարութիւն կայ: Այսպէս Հիւսիսային Ամերիկացիք հարկաւոր չհամարեցին երկրի բնիկներին (Индianec) մասնակից անելու ոչ պատգամաորեն որ ոչ սինատորներին և ոչ էլ հասարակապետութեան նախագահի ընտրութեան:

Ամերիկացիք իրենց թափառաշրջիկ ցեղերից ստեղծեցին առանձին գաւառ և միջոց տուեցին կառավարուելու նրանց սեփական ձևով, բայց Ամերիկական իշխանութիւնների խիստ հսկողութեան ներքոյ: Սոյն այսպիսի վարչութեան ձև եւ խորհունդ կտայի մտցնել և այն մեր լայնատարած երկիրների համար, ուր Նոդայիների, Կիրգիզների, Կալմիկների վրաններն են սփռուած և Սիբիրի նախնական կեանքով ապրող օտարացեղները իրենց տոհմական և տանուտիրական կազմակերպութեամբ: Սրանցից շատ չպիտի զանազանուի և Կովկասի լեռնային ցեղերի կեանքի կարգաւորումը: Չեմ կարծում թէ չէչէները, լեզզլները և սվամները ռուսաց պարլամենտի համար լաւ ընտրողներ լինեն, բայց սրանցից Կուրս Կովկասի լեռների միւս կողմում ապրում են մի շարք ազգեր, որոնցից մի քանիսը դաւանում են ժահմէդականութիւն, իսկ միւսները մեզ հաւատակից են: Մինչև Ռուսաստանի հետ միանալ այս ազգերը մշտնում էին Պարսկաստանից կախումն ունեցած փոքր կամ մեծ տէրութիւնների սահմանների մէջ, որպէս օրինակ Հարաւային Դաղստանի իշխանութիւններն էին իրենց շամխալներով կամ կաթաղի Ուցմիեմներով: Բացի այս կային և համարեա անկախ իշխանութիւններ, որ միացած էին Վրաց թոյլ թագաւորների հպատակութեան տակ, իսկ վերջինները շատ էին նեղում ամեն կողմից ճնշող իսլամից, ռուսի և չկարողացան զիմանալ և պահպանել իրենց անկախութիւնը և յօժար կամքով ռուսաց թագաւորների իշխանութեան տակ մտան: Մեր Անդրկովկասի քրիստոնեայ ազգերի մասին ի հարկէ չի կարելի ասել, որ ներքանք այսօր ապրում են տանուտիրական (родовой бытъ) կեանքի ձևերով, թէև նրանց մէջ տանուտիրական կեանքը աւելի հետքեր է թողել քան ռուսների մէջ: Վրաց Վախտանգ թագաւորի գաղտնաստանագիրը շատ հարցերի լուծումը տալիս է՝ արեան սկզբունքը ընդունելով իբրև հասարակական կազմակերպութեան հիմք: Բայց միևնոյն ժամանակ այս օրէնսգրքի մէջ երևում են և Հռոմէական իրաւագիտութեան քաղաքակրթիչ տարրեր, որի տարածողները Բիւզանդական տէրութեան այս հեռաւոր ծայրերում հայերն էին:

Դեռ այն ժամանակ երբ մենք ունենեալ, որպէս աւանդում է մեր նախնական ժամանակագիրը, ապրում էինք ամեն մէկը իւր տոհմով (РОДОМЪ) և տիրում էինք, որ Քրիստոնէութիւն նոր ընդունող մեր իշխան Վլադիմիր մեր պերուն կուռքը Դնէսը գետը զցել տուեց, արդէն հայերը Անդրկովկասում տարածում էին Բիւզանդական Քրիստոնէութեան քաղաքակրթութիւնը: Վրացիների իշխանութեան տակ ընկած հայերը ստեղծեցին այս իշխանական և շինական ազգի մէջ երրորդ վաճառականական դասակարգ: Այս վաճառականները հետզհետէ հարստանում էին և փարթամանում և զուգընթացաբար հայ վաճառականի աճման հետ ընկնում էր վրաց ազնուականութիւնը, որ այս կողմից շատ յիշեցնում է լեհական «Շլեխտա» դասակարգի վիճակը (ШЛЯХТА—լեհական հողատէրերը): Թէև երկու ազգերի էլ կրօնը Քրիստոնէական էր, բայց նրանց մէջ ծագեց սկզբում խուլ և բացարձակ թշնամութիւն, որ առաջացել էր տնտեսական շահերի հանդիպումից: Միևնոյն ժամանակ արևելեան Անդրկովկասում զօրեղանում է առանց այնէլ թուով մեծաքանակ միւսուլմանութիւնը և հաւասարադէս սպառնում է թէ հային և թէ վրացուն: Կովկասի դեռ մօտիկ ժամանակուայ կառավարիչները բոլորվին աչքաթող են արել թուրքերի մէջ սկսուող համիսլամական շարժումը: Կարծես թէ դեռ քառորդից էլ պակաս չէ, որ մենք առիթ ունեցանք համոզուելու թէ ինչ վտանգ է ներկայացնում մահմեդական ֆանատիկոսութեան զբոսումը (երևի պրօֆէսորը ի նկատի ունի Անդրժանի ապստամբութիւնը), կարծես կովկասի նուաճման ժամանակ մենք ստիպուած չէինք կռուելու և այսպէս ասած միւրիդիզմի հետ որ այսպիսի զորգոման արդասիք, որի թէ մարմնաւոր և թէ հոգևոր գլխաւորութիւնը Շամիլի ձեռքին էր:

Ոչ միայն Բաքուայ շրջակայքներն են ներկուած հայի արիւնով և նոյնը պէտք է ասել Երևանի նահանգի մասին: Այս ցաւալի անցքերը մեզ ցոյց են տալիս մեր մօտակայ անելիքը և գերը: Անհետացաւ Հրոմբի միապետութիւնը, բայց անխախտ մնաց երախտագրտական յիշատակ այն pax Romana—«Հռոմէական խաղաղութեան մասին», որ միջոց էր տալիս բազմաթիւ ազգերին վտանգի ենթարկելու իւր կեանքը ու ստացուածքը աւօրեայ խաղաղ աշխատանքով զբաղուելու, որովհետև բարբարոս և ֆանատիկոս ցեղերի բռնները Հռոմէական լէգիօներով էին շրջապատուած լինում և արշաւանքների առաջն առնում էին: Վաղուց չէ, որ մենք տօնեցինք Վրաստանի միութեան հարիւրամեակը: Վրաստանի ազգերը մեր հովա-

նաւորութիւնը փնտռում էին և մենք պարտաւորուել ենք ապահովել նրանց ներքին և արտաքին խաղաղութիւնը: Մրափոխարէն մենք իրաւունք ունինք պահանջելու, որ նրանք կատարեն հպատակութեան պարտքը և նրանք չեն հրաժարուել կատարելու և ամբողջ մի դար այդ ազգերը մեզ տուել են թէ մարդիկ և թէ փող: Մեր կապը ամրապնդած է ֆոխադարձ ծառայութիւններով և կարող է աւելի խոր արմատնւր գցել, եթէ փոխադարձ հաւատ լինի: Մենք պէտք է հասկանանք, որ Անդրկովկասը իւր բազմակեզու և բազմացեղ ազգերի պատճառով, որոնք թէ տնտեսական թէ կրօնական թշնամութիւններ ունեն միմեանց հետ, չի կարող և չպիտի դառնայ ոչ նոր իսլամական սուլթանութիւն, ոչ վրացական ոչ էլ հայկական թագաւորութիւն: Մեր դաշնակցութեամբ կովկասը փնտռում է Եւրոպական կուլտուրա և խաղաղ տնտեսական զարգացում: Կենցաղավարութեան պայմանները արդարև մեր պայմաններից զանազանվում են, մենք էլ չենք հասկանում վրացական «խիզանութիւնը», որ գիւղական յաւիտենական և ժառանգական կապալառութեան մի ձև է, որպէս և վրացիք ու հայերը դժուար կհասկանան մեր համայնական հողատիրութիւնը: Այսքանս բաւական պիտի լինի մեզ հաւաստիացնելու, որ մեր հարաւային հպատակ երկրի բարեկամութիւնը և հաւատը մենք պիտի ձեռք բերենք ոչ թէ կենդրոնից նրանց վզին փաթաթելով ռուսական կարգերը կամ վրացիներին և հայերին կանչելով մասնակցելու մեր ներքին կարգ ու սարքը վերափոխելու, այլ տալով Անդրկովկասին տեղական լայն ինքնավարութեան շրջան: Անդրկովկասը պիտի սերտ կերպով կապուած մնայ Ռուսաստանի հետ և պիտի վարէ միևնոյն արտաքին, զինւորական և առևտրական քաղաքականութիւն:

Սակայն պէտք է տեղական ինքնավար ժողովներին (сеѣмъ) իրաւունք տալ նոյն իսկ հողային հարցերի վճռելը, որպէս Գուրիայում, ուր դեռ կատարելապէս գոյութիւն ունին տանուտիրական իրաւագուրկ կարգերի մնացորդները, նոյնպէս և Զաքատալա, ուր բնիկ վրացիների հողային սեփականատէրերի իրաւունքները խառնուած են նրանց նուաճող թուրքերի իրաւունքների հետ: Որպէսզի համաձայն լինին միմեանց հետ կովկասեան տեղական սէյմների վճիռները համառուսական դումայի վճիռների հետ՝ պէտք է հետևեալ ձևը ստեղծել: Երկու պալատ եղած ժամանակ և տեղական ներկայացուցչութեան կազմով վերին պալատում ռուս գաւառների ներկայացուցիչների հետ միասին կարող են մասնակցել վերին պալատի նիստերին և

կովկասեան ժողովների (սէյմերի) պատգամաւորները: Այսպիսի պայմաններում մեր երկրի ծայրերի և գաղութների ամենալայն տեղական ինքնավարութիւնը չի կարող խանգարել Ռուսաստանի քաղաքական միութիւնը: Այն ժամանակ մենք դարձեալ ամբողջ պետութիւն կլինենք թէ մեր արտաքին և թէ ներքին թշնամիների դէմ առանց խորտակելու մեր հպատակների ներքին աշխարհը, առանց ստիպելու, որ տեղական ցեղերը զոհ բերեն իրենց ժառանգական իրաւունքները և սովորութիւնները ուսւ Մոլոխին *):

Ազգերի փորձը վաղուց արդէն ապացուցել է, որ մայր Հայրենիքի և գաղթականութիւնների հպատակ երկիրներն մէջ ամենամոռի կապը ստեղծում է գաղթականութիւններին տուած ինքնավարութիւնը: Բաւական է յիշելու թէ ինչպէս Վենեցիան, որ նոյնպէս կառավարում էր կենդրոնից իւր գաղութները, իսպառ կորցրեց բոլորը և նոյն իսկ ինքը Նապօլէոնի ձեռքով Աւստրիային հպատակուեց: Արժէ՞ արդեօք յիշատակելու թէ ինչպէս Իսպանիան և Պորտուգալիան կորցրեցին իրենց հպատակ երկիրները Ամերիկայում, որովհետեւ չկարողացան սէր ստեղծել առ մայր Հայրենիքը, որ միմիայն շահագործում էր հպատակներին յօգուտ իւր և ուղարկուած նահանգապետների: Նոյն իսկ Անգլիան միանգամից չհասկացաւ հպատակ երկիրներին լայն ինքնավարութիւն տալու կարևորութիւնը: Հիւսիսային Ամերիկայի գաղութների կորցնելը և Իրլանդիայի մշտա կան անբաւականութիւնները հազիւ համոզեցին, որ Անգլիան իւր նշանաւոր հպատակ երկիրներին լայն ինքնավարութիւն է տալիս:

Եթէ իրաւ է, որ դեռ մի քանի զինուորական գաղթականութիւններ, որպէս Մալտան և Զիբրալտարը կենդրոնից են կառավարւում, բայց Կանադան, Ավստրալիան և Աֆրիկայի հողերը արդէն լիակատար ինքնավարութիւն ունին և մինչև անգամ Անգլիական ապրանքների մրցումի դէմ կուռնում են սեփական մաքսային պահականոցներով: Նրանք ունին ոչ միայն տեղական պարլամենտներ, այլ և ընդհանուր ժողովների պէս մի հաստատութիւն: Թող կառավարէ Բրիտանիան—նախկին նշանաբանը այսօր կնշանակի միայն թէ Անգլիական քաղաքական ազատ կարգերը տարածւում են այն բոլոր երկիրներում, ուր ծածանւում է Անգլիական դրօշակը:

Այս պատճառով զարմանալի չէ, որ օրէցօր ամրանում են

*) Փիւնիկեցոց շաստուած էր.

Անգղիական գաղութների կապերը կենդրոնի հետ: Այժմ արդէն վճռուած պէտք է համարել թէ որն է լաւ կառավարելու ձեւը — միշտ կասկածոտ քաղաքականութիւնը դէպի հպատակ երկիրները և ազգերը թէ ընդհակառակը տեղական ինքնավարութիւն տալը և ընդհանուր հիմնարկութիւններով կապելը: Անկասկած է, որ տէրութեան հաստատութեան լաւագոյն պայմանն է, որ հպատակ ազգերը հաւատով վերաբերուեն, որ ըստ իւր կարգին կ'ծագուի, երբոր տէրութիւնը տալիս է նրանց օրինաւոր վարչութիւն, և լիովին ինքնավարութիւն վարչական այն բոլոր բաժիններում որ չէ վերաբերում տէրութեան ընդհանուր շահերին, նրա պաշտպանութեան և քաղաքական ամբողջութեանը: Թող ազգերի դասը զուր չանցնէ Ռուսաստանի համար, թող այս օրինակը փարատէ այնպիսիների կասկածները, որոնք հպատակ ժողովրդոց ազգային և տեղական ազատութիւնը ճնշելու մէջ են տեսնում միութիւնը պահելու կարելիութիւնը: Թող այս ապացոյց լինի, որ Կայսրութեան ամբողջութիւնը չէ պահանջում բոլորովին, որ ուսմանը կլանեն այն բոլորին, որոնց բազմը միացրած է նրանց հետ *):

Գ. ԵՆԳԻԲԱՐԵԱՆ

*) Մենք պատմեցինք պրոֆէսորի գլխաւոր մտքերը:

ԲԵՃԱՅԻՆՆԵՐ ԿԱՄ ԲԱՐԻՉՄ ^{*)}

36 Գոռոզ շիաները, որոնք միւթէշարիններից դուրս ամբողջ աշխարհի վրայ զգուանքով ու արհամարանքով էին ահաւարկ գցում, որոնց համար համայն մարդկութիւնը, բացի իմամների երկրպագուներից, ապականութիւն ու զարշանք էր ներկայացնում, չէին կարող համբերութեամբ լսել, տեսնել ու չորրորդունել նորաղանդների դէմ: Բաղդադ ու Քէազիմէյն ապրող շիաները սրտմտած Հիւսէյն-ալի դէմ, իրենց կոնսուլից պահանջում էին, սանձել իմամների «հադիսները» հերքող, աւանդութիւնները եղծող, ժողովուրդը գայթակեցնող Բաբի վարդապետութեան յամառ քարոզողներին: Իրազ—Արաբի սրբավայրերում ապրող իւլէմաները ամեն շաբաթ հաստ ծրարներ էին ուղարկում Թէհրան վէզիրներին ու շահին, պահանջելով որ միջոցներ ձեռք առնեն և այս հայոյողի (քեաֆիր) գոյութիւնը ջնջեն իրենց միջից: Նրանք Բողոքում էին. թէ նորաղանդները պղտորում են սրբավայրերը այցելող շիա ուխտաւորների միտքը և թերահաւատութեան որովք ցանում են ճշմարիտ հաւատացեալների սրտում, կասկածներ են զարթեցնում իմամների, Հադիսների, Հաբուլզայի և ուրիշ գերագոյն յայտնութիւնների մասին: Դրութիւնը այնտեղ հասաւ, որ կոնսուլը հրաւէր կարդաց Նէշէֆի, Քիւֆէի և Քէրբէլայի բոլոր իւլէմներին, որոնք ժողովեցան Քէազիմէյն քննելու և դատապարտելու Բաբի աշակերտներին: Այս ժողովով էլ շիաները չը հասան ցանկութիւններին, քանի որ այն ժամանակի շիա-մի-թաշարիների յայտնի Միւլթէհիդ Հաջի Միրզա-Մուրթուզան ժողովից դուրս եկաւ կրկնելով, թէ—Ինքը որեւէ կրօնի հակառակ և դատապարտելի ընթացք չի նկատում Հիւսէյն-ալիի զրքերում և վերադարձաւ Նէշէֆ: Այս անյաջողութիւնից բորբոքուած, երբ կոնսուլը ջանում էր շահի որեւէ հրովարտակով կալանաւորել և պարսկաստան վերադարձնել բաբիներին, վերջիններս խմբով դիմեցին և ընդունեցին Օսմանեան հպատակութիւն և հովանաւորութիւն:

^{*)} Տես «Լուամայ» № 6—7.

37. Բաբինների Օսմանցիներից հովանաւորութիւնը աւելի գրգռեց—բորբոքեց Բաղդադի պարսիկ գաղթականութեան և Հիւսէյն-ալի սկսեց աւելի համարձակ քարոզել նորադանդի վարդապետութիւնը: Պարսիկ կղերը շարունակ նրան այցելում էին և անդադար վիճում: Մի օր երբ նրանից նշան պահանջեցին, նա ասաց—Հրաշքը այն սրբազան գրութիւններն է, որոնք թողել է մեր կրօնի հիմնադիրը: Միթէ իսլամի վարդապետութեան ամենամեծ և միակ հրաշքը Ղուրանը չէր, որին հաւատացին ու դաւանեցին միլիոնաւոր ժողովուրդ: Երբ առարկեցին, թէ անգրագէտ Մահմեդը Աստուածային ներշնչւումով գրեց և յանձնեց Ղուրանը, իսկ Բաբը իւրանից է գրել, Հիւսէյն-ալին բորբոքուած ասաց.—«Գնացէ՛ք կանչեցէ՛ք բազարից որևէ Բէդլին (արար):» Երբ Բէդլինը ներկայացաւ ժողովաւ կանններին, Հիւսէյն ալին հրամայեց մի խօսքով—«(Ղուլ) կարդա՛»: Բէդլինը ամբողջ կէս ժամ անդադար երեք-չորս հարիւր «Այաթ» կարդաց ընտիր արաբական գրական ոճով և ապշեցրեց հանդիսականներին: Հիւսէյն-ալին Բէդլինին դադարեցրեց, երբ բոլորը հետաքրքրուեցան և համոզուեցան, որ նա անգրագէտ և տգէտ մարդ է, խօսում է արաբական աղաւաղուած բարբառով, միացին շուարած-տարակուսած և շատերը հակուեցան Բաբինների կողմը: Երբ մի ուրիշ ժողովում ամեն կողմից հարցախնդդ արին և Հիւսէյն-ալիից նշան էին պահանջում, նա կանգնեց և ասաց, թէ—«Բոլորդ հանգեցէ՛ք մի որոշման պահանջեցէ՛ք մի բան, մինչև անգամ եթէ կամենում էք այս Շաթ գետին (Տիգրիս) հրամայեմ, որ իտ խոնայ»—բոլորովին բորբոքուեցան և ամեն միջոցի դիմեցին, մինչև որ համոզեցին խալիֆին և յատուկ հրովարտակ, պաշտօնականներ զրկել տուին Բաղդադ, որոնք նորադանդներին իրենց առաջնորդի Հիւսէյն-ալիի հետ տարին կ, Պօլիս 1863 թուականին, Բաղդադում տասն ու մի տարի քարոզութիւնից յետոյ:

38. Երբ պաշտօնականների հետ ճանապարհ էին ընկնելու դէպի Կ. Պօլիս, Միրզա-Հիւսէյն-ալին յայտնութեան ժամը հասած համարելով, Նէշիր փաշայի այգում հաւաքուած բաբի-ների խմբին նա պարզեց իւր անձնաւորութիւնը, թէ ինքն է այն ԲէՀա-Ուլահը (Աստուծոյ լոյսը), որի մասին կարապետել էր Բաբը իւր Բէյան չրքում: Այդտեղ տուած պատգամը («Լոհ») ակտում է.—«Նա է, որ բազմած և բնակուած է այս լուսեղէն կենդանի տաճարի մէջ...»: Այս խօսքերով նա ցոյց տուեց իւր կուրծքը և պատգամը վերջացնելով ճանապարհ ընկան: Նորան ընկերակցում էին ընտանիքը, զաւակները, եղբայրները, բա-

բի ազգականները և նշանաւոր հետեւորդները ընդամենը 86—90 հոգի, որոնք միասին ուղևորուեցին մինչև Կ. Պօլիս: Էղէլին, որ տասներկու տարի անվերջ թափառելով վարժուել էր հետի ճանապարհորդութեան, անցել էր Իրանը, Թուրանը, Աֆղանը, Հնդկաստանը ամբողջ Միջագետքը դէրվիշի քէշկիւլով, ուղեկցում էր հեռուից և այս կարավանին կողմնակի ճանապարհներով, հետի, որպէսզի թուրք-ոստիկանութեան ճանկը չընկնի: Պատուով մտան Կ. Պօլիս, յարգանքով ընդունեցին Օսմանեան նախարարները այս տարօրինակ քսորականներին, Հիւսէյն-ալիին այցելեցին Հիւնքեարի մայրաքաղաքի բոլոր նշանաւոր պաշտօնականները և աչքի ընկնող անձնաւորութիւնները, որոնց մօտ շատ վեհ դիրք բռնեց Բէհան: Տեսակցեցաւ մինիստրների հետ և որովհետեւ որոշ գաղափար չկարողացան կազմել երեք ամիս Կ. Պօլսում ապրելուց յետոյ, Սալիֆի յատուկ հրովարտակով քսորուեցան Ադրիանուպօլիս (Էտիւրնէ):

38. Ադրիանուպօլսի քսորավայրից Բէհան սկսեց գրել իւր «Լոհերը» (պատուիրանները) և տարածել հետեւորդներին Միջագետք, Պարսկաստան և Հնդկաստան: Այդտեղից վրեց և ուղարկեց Նասր-էդդին շահին այն ընդարձակ թուղթը, որով բացատրեց, թէ ինքը և իւր վարդապետութիւնը երբէք նպատակ չունին որևէ աշխարհային իշխանութեան ձգտելու, կամ որևէ պետութիւն—թագաւորութիւն տապալելու: Նա փաստացի կերպով բացատրեց, որ թէ իւր և թէ բաբի լոհերը սահմանաւորուած են միայն մարդկային հոգու և բարբի կրթութեան, կատարելութեան հասցնելու նպատակով: Թէ իւր հետեւորդներին խստիւ արգելուած է ոչ միայն որևէ իշխանութեան դէմ ապստամբիլը, հակառակելիլը, կռուիլը, և արինահեղութիւնը, այլ նրանք խօսքով, լեզուով անգամ իրաւունք չունին վշտացնելու որևէ անհատի, ինչ ազգի, ցեղի ու աստիճանի էլ որ պատկանի, նրանք պարտաւոր են սիրել, ներել ոչ միայն թշնամիներին, հակառակորդներին, այլ մինչև անգամ իրենց կեղեքող, կողոպտող և սպանող չարագործներին: Այդ թղթով նա խոստովանում է, որ Թէքէրսի, Նէյրիզի, Ձէնջանի ընդդիմութիւնները սխալմունք, տգիտութեան արդիւնք էին, իւր հետեւորդները մինչև անգամ անձնապաշտպանութեան իրաւունք չունին, չարին հակառակելու արտօնուած չեն, ոչ զինուելու, ոչ դիմադրելու, ոչ պատերազմ գնալու և ոչ էլ որևէ պատճառով մարդ սպանելու. պիտի մեռնեն, բայց չպիտի սպանեն: Մանաւանդ, նա յաւելացրել էր, Սատգի արարքը ոչ միայն հիմնովին հակառակ էր իւր վարդապետութեան հոգուն, այլ

մի խելացնորի գործ էր: Օսմանեան հպատակութեան անճարութիւնից դիմելու պարտաւորութիւնը յայտնելուց յետոյ, առաջարկում էր շահին իւր հովանաւորութեան տակ մի ժողով գումարել և շիա միջթէհիդներին հետ վիճաբանելուց յետոյ, երբ բարիների ուղղամտութեան մասին համոզուի, թոյլատրէ նոր աղանդներին էլ ազատ ապրելու իրենց ծննդավայրում մնացեալ այլակրօն ցեղակիցներին հետ: Բայց բարի վարդապետութեան ռամկավարական հոգին, զինաթափութիւնն և զինուորականութեան ջնջումը հիմնովին հակառակ լինելով Շահնշահերի անսահման իշխանութեան, այդ պաաճառով ոչ միայն Բէհաի թուղթը շահին ներկայացնողը գլխատուելու պատուհասին արժանացաւ, այլ Բէհաին էլ պատասխան չգրուեց: Այստեղից գրեց Եւրոպայի արքունիքներին իւր յայտնութիւնը և հրաւէր կարգաց դէպի իւր կրօնը:

39. Բէհաի հետ եղբայրը Էզէլին էլ աքսորուած էր Ագրիանուպօլիս: Էզէլին իւր խորհրդակից Իսֆահանցի Մէրիք-Մէհմէդի, Միրզա Աղաջանի և Թաւրիզեցի Բզա-Ղուլիի հետ միացած՝ խորհուրդ արին և բողոքեց Բէհաի յայտնութեան և քարոզութեան դէմ, առարկելով թէ բարը Էզէլին է անուանել իւր վարդապետութեան «Արշալոյսը» (Սուփ-Էզէլ), նրան է յայտարարել իւր «Մէրաթը» (Հայելին) և նրան է կարգել իւր հետեւողների նշամակալը (վէսին), թէ եղբայրը իրաւունք չունի իրեն Բէհա-Ուլլահ անուանելու, «Լոհ» տալու, կամ բարի գրութիւնների մասին բացատրութիւն գրելու: Այսպէս Էզէլին հերքելով եղբօր յաւակնութիւնը, բողոքելով նրա ընթացքի դէմ, բաժանուեց եղբօրից և նրա հետեւողներից, առանձին հերձուած կազմելով վերադարձաւ Կ. Պօլիս: Այստեղ նա կարողացաւ ներկայանալ Օսմանեան պաշտօնականութեան, յայտարարեց թէ ինքն է Բաբիների առաջնորդը, եղբայրը յափշտակել է իւր իրաւունքը և խնդրեց, որ, որպէս աքսորական, պետական գանձից նրան թոշակ յատկացնեն: Այդ օրերը Օսմանեան զինուորականներից մէկի մօտ գտել էին Բէհաի «Լոհերից» մի քանիսը, որոնց բանակի մէջ տարածուիլը, մութքեր յուզելը, նորանոր գազափառների արծարծելը մեծ յուզում էր պատճառել բարձր պաշտօնականութեան, որոնք Էզէլի այս խստովանութիւնից օգտուելով, Բ. Դուռից հրաման հանեցին և երկու եղբօրն էլ աքսորեցին. Էզէլին՝ Կիպրոս, իսկ Բէհաին՝ Աքէա 1868 թուականի օգոստոսին: Բէհաի հետեւողները չը ցանկացան բաժանուել իրենց առաջնորդից, այնպէս որ կտառավարութիւնը նրանց էլ աքսորեց երկու եղբայրները:

հետ, թուով 80 - 90 հոգի: Պարսից դեսպանը յաջողեցրեց, որ Էզէլիի հետևորդներից երեք հոգի կցեն Բէհաի խմբին և Բէհաի մարդերից երեք հոգի Էզէլիի խմբին, որպէսզի կարողանայ դրանց միջոցով պառակտում գցել և քայքայել աղանդաւորներին: Յանկարծ Աքէյում, Էզէլիները մի օր երեքն էլ անյայտացան, այնպէս որ կառավարութիւնը որքան խուզարկեց, ինչ քննութիւնների չը դիմեց հնար չեղաւ դրանց գտնելու: Ենթադրում էին, որ դրանց սպանել, անհետկթացրել էին Բէհաի 75 հոգուց աւելի բանտակիցները: Իսկ կառավարութիւնը որևէ դրական փաստ չկարողանալով գտնել, մոռացութեան տրուեց խնդիրը: Իսկ Կիպրոսը անգլիացիների ձեռքը անցնելուց յետոյ, երեք Բէհաիները 1878 թ. վերադարձան իրենց առաջնորդի մօտ:

Օսմանեան կենդրոնական վարչութեան կարգադրութեան համաձայն Աքէի բերդի հրամանատարը Բէհաին և հետևորդներին բանտարկեց բերդի մեծ զօրանոցում, ուր վերևի յարկում ապրում էր Բէհան ընտանիքով և սպասաւորներով, իսկ ներքևի յարկում բնակւում էին հետևորդները, առանց որևէ կապանքի: Այս պատճառով Բէհան իւր գրութիւնների մէջ իր անձը—մարմինը կալանաւոր, տանջուած էր անուանում: 1868—1870 թուականը, զրեթէ երկու տարի քսոտրականները ապրեցան զօրանոցում, բայց երբ պահեստի զօրքը զէնքի կանչուելով կառավարութիւնը զօրանոցի պէտք ունեցաւ, նրանց թոյլատրեցին քաղաքում ապրելու: Աքէայի բանտից Բէհան նորից գրեց իւր թղթերը ինչպէս Եւրոպայի նշանաւոր արքունիքներին, պապին, նոյնպէս և աշխարհի ամէն կողմի հետևորդներին: Բանտից ազատուելու պէս նա գրեց Բէհականների Սուրբ-Գիրքը (Բիթաբի-Ագգէս), Փարսերէն, ապա միւս գրութիւնները, որոնք երեք հարիւր հատորից աւելի կարող են կազմել: Բաղդադում գրած «Իգանից» (ապացոյց) յետոյ, նրա գրուածներից նշանաւորներն են «Միւբին» (թագաւորների թղթերը), Իշրազաթ (դադաստանագիրք), Իգթիդարաթ (զօրութիւն), Մարիւմն-իւլ-էսֆէր (աւետիսների հաստատութիւնը), Բիւլի-թաամ-Հէլլէն Բէնի-Իսրայէլ (ամէն կերակուր հալալ է իսրայէլի զաւակներին), բացատրութիւն Ղուրանի Ադամի, էյուբի սուրիէների, ևն, ևն, ևն:

40. Բէհան (Հիւսէյն-ալին) ծնել է 1233 թ. հեջրի Մուհարրէմի—2ին (30 Հոկտեմբերի 1817-ին): Աքէա քսոտրուելիս Բէհան արդէն յիսուն տարին անցկացրած էր: Մահուկ հասակից նա ցոյց էր տուել իւր հանճարեղ սրամտութիւնը և բնա-

ձիր տաղանդը: Եօթը տարեկան հասակում եղած ժամանակը հայրը ստացել էր Ատրպատականի Փինանսի կառավարչից պետական երևտից տարեկան հաշուեցուցակը: Հիւսէյն-ալին ձեռքն առաւ կարգալու այդ հաշիւը և խաղալով պատանեց, մանրեց, թափեց: Երբ հայրը շուարած չէր իմանում անելիքը, երեսան նստեց, գրեց իսկութեամբ ամբողջ հաշուեցուցակը և յանձնեց հօրը: Մեծ եղաւ տանեցիների զարմանքն ու ապշութիւնը, երբ Ատրպատականից ստացուած երրորդ պատճէնի հետ համեմատելով գրուածի բոլորովին ճշտութիւնը ստուգեցին: Մի անգամ աղա Բուզուրգը-Աբբասը իւր բնագիտական հմտութեամբ պարծենալիս, ասաց, որ եթէ Քրիստոսը ներկայ լինէր, պիտի հաստատէր, թէ ինքը աշխարհի երեսին ամէնից բարձր բնագէտն է, Եւրոպացի գիտնականներից աւելի մասնագէտ և աւելի խորաթափանց: Այդ ժամանակ մանուկը նրան պատասխանելով ասաց.— «Միթէ դու կարո՞ղ ես աներկիւղ դիմել շահին, եթէ նրա տասը ֆարաշները յանկարծակի քեզ առաջնորդեն աշխարհի հրամանակալի ներկայութեան»: Ապա յանդիմանեց հօրը, որ նա չյանդգնի պարծենալ ու խրոխտալ, որ կաող է Յիսուսի նման Աստուծու պատգամաւորին— հոգւն մօտենալ և կամ նրա մասին անվայել կարծիքներ յայտնել: Հիւսէյն-ալին մանկուտ ծանրաբարոյ էր, միշտ խորասուզուած անսահման մտածութիւնների մէջ և անչափ սակաւախօս էր: Նա անչափ համեստ էր, երկար ժամանակ թէհրանի և Բաղդադի հասարակութեան չէր պարզոււմ, իւր քարոզութիւնները, իւր գրութիւնները, իւր արտադրութիւնները չէզելի միջոցով, կամ նրա անունով էր յայտարարում: Փոքր հասակում դաստիարակուելով հմուտ ուսուցիչների հսկողութեամբ, հրաշալի կերպով ուսումնասիրել էր պարսկական և արաբական լեզուները, սրանց գրականութիւնը, մանաւանդ իսլամի և նրա աղանդաւորների պատմութիւնը, վարդապետութիւնները և փիլիսոփայական տեսակէտները: Բաբիները Բէհայի աստուածայայտնութիւնը խոստովանել են հիմնուելով նրա տաղանդաւոր գրական արտադրութիւնների, վսեմ մտքերի, հրաշալի գեղարուեստական ոճի ու արտայայտութիւնների վրայ: Նրա գրած երեք հարիւր հատոր երկերի մէջ չէ կարելի մի նախադասութիւն գտնել, որ ոճի, դասաւորութեան կամ, բառերի կազմութեան և ձևերի մէջ նմանութիւն ունենայ Ղուրանում, Իսլամի գրականութեան, կամ կտակարանների մէջ: Նա նոյնպէս ուսումնասիրել է յունական և հռոմէական կլասիքները, Սոկրատը, Արիստոտելը, Պլատոնը, Հիպոկրիտը և ուրիշները, որոնք թար-

գմանուած են արաբականի Արբասիների շրջանում, բայց շատ քիչ գաղափար ունէր Երոպական գրականութեան, պատմութեան, գիտութիւնների և արւեստի հսկայական առաջադիմութիւնից: Բէհա հեռատես մտքով, խորաթափանց հայեացքով արուեստի, գեղարուեստի և գիտութեան կատարած արտակարգ յաղթանակները նկատել, զգացել և իւր բնական ընդունակութիւններով որոշ գաղափար կազմել էր դրանց ապագայի մասին, սրանց օգտակարութիւնը պատուիրել էր: Նա անչափ անգամ կրկնել է հետևորդներին, պատուիրել է, անպայման աշակերտել այդ գիտութիւններին և արուեստներին, տքնել իւրացնել և գործադրել կեանքի պայքարում, մանաւանդ բնական գիտութիւնները, որոնք մարդկային ազգին անբաւ բարիք են խոստանում:

41. Բարի և Բէհաի քարոզած Աստուածը նիւովան է, որ Մի է, անսկիզբ, անզուգական, անփառակից և յաւիտենական— անվախճան: Բարը ընդունելով Աստուածաշնչի և Ղուրանի բոլոր քարոզիչներին, խոստովանելով նրանց երկնքից տրուած շնորհները, պատգամները, իւր յայտնութեամբ ջնջել էր նրանց պատուիրանների ոյժը և հրամայել էր ժամանակի կարիքներին համապատասխան իւր բերած օրէնսդրութեան հպատակել: Նա փոփոխեց վերացական-աներևոյթ աշխարհի մասին եղած ենթադրութիւնները, աշխատեց համաձայնեցնել գերբնականութիւնը բնական օրէնքներին: Հետևելով Բարին, Բէհա-Ուլլահը քարոզեց սէր, միութիւն, հաւասարութիւն, եղբայրութիւն և անխտրութիւն: Բայց Բէհաի քարոզութեան ամենավսեմ կէտն այն է, որ նա մարդկութեան հրաւէր կարգաց մշտնջենաւոր խաղաղութեան, հանրամարդկային զինաթափութեան, կատարելութեան վայել պարտահանաչութեան, ցեղերի, ազգերի, տոհմերի, դասակարգերի տարբերութեան ջնջման, համերաշխութեան և համայնացման: Աշխարհի վրայ բարիքատիկ վիճակ ստեղծելու, բռնութիւնը- խտրութիւնը ջնջելու համար, Բէհան իւր հետևորդներից պահանջեց՝ ամբողջ հողադնդի ազգերին իրենց հարազատը, արիւնակիցը ընդունելով, երբէք նրանց դէմ, որևէ մարդու դէմ զէնք չը բարձրացնել, մարդկային արիւն երբէք չողողել: Հռչակելով իր յայտնութիւնը, նա աւետում էր աշխարհին, որ շուտով լոյսը պիտի սփռուի և մարդիկ պիտի զգաստանան, վայրենութիւնից, գազանավայել արիւնահեղութիւններից ձեռք պիտի վերցնեն: Բէհան բարի վարդապետութեան՝ Բէյանի պատուիրանների մէջ նկատած բոլոր խստութիւնները մեղմացրից, ժողովրդի վրայ դրուած

պարտականութիւնները և տուժերը թիթեացրեց, ջնջեց, վնասակարները, դժուարիւնները վերցրեց, հաստատելով մնացորդը: Բէհան թոյլատրեց օգտուել և վայելել աշխարհի բերքն ու բարին, հաճոյքը, միայն թէ չվնասել, չվշտացնել, չտուժել տալ ուրիշներին: Նա ինքն իրեն լոյս էր անուանում, լոյսի (Բէհա) ծնունդ, արշալոյս և հետևողներից պահանջում էր միշտ դէպի լոյսը ձգտել, թափանցել խաւարի, աղջամուղջի ամէն մի խաւը, տարածել լոյսը ճշմարտութիւնը ամեն մի անկիւն, ձգտել անվերջ դէպի առաջ գիտութիւններով և արուեստներով, բարձրացնել պայծառացնել մարդկային միտքը վսեմ գաղափարներով:

Բէհան անվերջ քարոզում էր հետևողներին.

— «Ո՛վ հետևողներ, աշխարհի ցեղեր, ամէն կրօնի հետևող ժողովրդի հետ սիրով, անկեղծ հոգևով յարաբերութիւն կապեցէք:

«Գիտութեան ծառի ամենալսեմ խորհուրդն այն է, որ դուք բոլոր ազգերդ մի ծառի պտուղ էք, միեւնոյն ոստի տերեւներ:

«Հայրենասիրութիւնը առաքինութիւն չէ, ամբողջ աշխարհը պարտաւոր էք ընդունել ձեր արիւնակցի, սրտակցի նման:

«Ո՛վ Բէհա-Ուլլահի հետևողներ, դուք սիրոյ արեւելքն էք, բարեսրտութեան արևածագը: Մի վարժեցնէք ձեր լեզուն որևէ անարգանքի, կամ նախատիւնի: Աչքերդ զգուշացէք անարգ տեղեր հայեացք զցելուց: Ոչ ոքի վշտին պատճառ մի դառնաք, ուր մնաց թէ կռուել կամ ապստամբել մէկի դէմ: Աստուծո օրէնքն ու հաւատքը միմիայն համերաշխութեան համար է երկնքից երկիր իջել. այդ բանը երբէք հակառակութեան և հերձուածի առարկայ մի դարձնէք:

«Այս խօսքերը նման են ջրի, որը պիտի հանդցնէ սրտերի խորքերում ծածկուած ու կուտակուած կրօնական ատելութեան բոցերը:

«Աւելի լաւ բան ցանկացէք ուրիշների համար, ինչպիսի հաճելի բաներ ցանկանում էք ձեր անձի համար. այս է Ալլահի պատգամը, եթէ դուք կարողանաք ըմբռնել:

«Ո՛վ իմ բարեկամներ, դուք ձեր անձի համար չէք ստեղծուել, տյլ աշխարհի համայնքների համար: Թողէք այն բոլորը որտեղ տեսնում էք ձեր անձնական շահը, կապուեցէք նրա հետ, որտեղ ընդհանրութեան շահն էք տեսնում:

«Ո՛վ մարդու որդի, եթէ ուզում ես առաքինի լինել, թող

քո անձնական շահերը, հետևիր և ձեռքումդ պինդ բռնիր ընդհանրական շահերը:

«Եթէ արդարութեան ես հետևում, ուրիշներին էլ տո՛ւր այն իրաւունքները, արտօնութիւններ, ինչ որ իւրացրել ես քո անձիդ համար:

«Երանի՛ այն մարդու վիճակին, որ պառկած տեղը նրա հոգին լուսաւորւում է ընդհանրական սիրով: Երանի՛ այն մարդուն, որ ծառայում է ընդհանրութեան շահերին:

«Ով որ իւր, կամ ուրիշի գաւակներին դաստիարակէ, Աստուծոյ որդիներին կըթած կը լինի: Նրան հասնի իմ լոյսը, իմ ճառագայթը, իմ ողորմութիւնն ու օրհնութիւնը:

«Աշխարհի յառաջագիծութիւնը, դաստիարակութիւնը, զարգացումը մարդկային կեանքի ապահովութեան և խաղաղութեան համար է, որն Աստուծոյ պատուիրանի ամենագլխաւոր կէտն է:

«Կեանքի իսկական ճաշակը պարզ մշակութեան մէջն է:

«Կը գայ ժամանակ, երբ գահերը թափուր կը մնան, ոչ ոք չի ցանկալ նրանց տիրանալ:

«Լրագիրը կեանքի հայելին է, երանի այն խմբագրին, որ հղելութիւնները քննում է, փնտռում է և՛ ճշմարտութիւնը նըկարագրում»:

ԱՏՐՊԵՏ

(Գը շարունակուի)

ԱՅՌԵՄԻՐԿԱՆ

(Զերբէզական մի հին երգ)

Դարերը ոսկէ գընացին, անցան.
Զրկուեցինք փառքից, եղանք ցիրուցան...
Թշուառ չերբէզներ, մեզ բաժին մնաց
Միայն դառնագին տառապանք ու լաց.
Այժմ մեր իշխանն ու իշխանուհին
Գլուխ են տալիս թուրքերի խանին:
Բայց կար ժամանակ, երբ Այդեմիրկան
Արթուն հովիւ էր, տէր ու տիրական.
Նորա օրերով ազատ էր չերբէզ՝
Օգուժ սաւառնող արծիւների պէս:

—
Քաջ Այդեմիրկան մանկութեան օրից
Զէնքը չէր թողնում երբէք իր ձեռից.
Իր կեանքն ամբողջ նա անց էր կացնում
Արշաւանքներում և արեան դաշտում:
Կռուի, տազնապի ժամին ահաւոր
Միշտ մեզ հետ էր մեր պետը զօրաւոր...
Նա էր չերբէզին հօր աջակից,
Իր կտրիճներին ընկեր-ուղեկից.
Իսկ նորա միակ ուղեկիցները
Աստղերն էին, պայծառ աստղերը...

—
Ոստիւր հէնց որ դնում էր իր ոտ
Զերբէզի հողի սահմանների մօտ,
Վազում էր իսկոյն քաջ Այդեմիրկան՝
Իբրև չերբէզի տէր ու տիրական.
Սլանում էր նա հեծած նժոյգ ձին,
Ահ ու սարսափանք տարածում չորս զին...
Սլանում էր նա, թշնամուն զարկում,

Կարմիր արիւնով գետինը ներկում.
 Խաւար գիշերի կայծակի նման՝
 Թողում էր ձեռին թուրը յաղթական:

Վօլգայի, Դոնի ափերին դալար
 էլ շաւիղ չը կար, էլ կածան չը կար,
 Որ հազար անգամ կոխած չ'ըլնէին
 Քաջ Այդեմիրկանն ու իր նժոյգ ձին.
 Քառասուն տարի ճակատամարտեց
 Ու Հաշտարխանի խաներին ջարդեց.
 Մեզ համար այնժամ՝ մըջիւնի նման՝
 Չնչին միջատ էր ամենայն մի խան...
 Այ, ինչպէս էին մերոնք կեանք վարում
 Երազի նման՝ անցած հին դարում:

Այսպէս էր ասում քաջ Այդեմիրկան.
 «Ով զանազանել կամենայ իրան
 Թուլամորթ, վախկոտ գեղեցիկ սեռից —
 Չը պիտի թողնի սուրը իր ձեռից.
 Ով կրի «չերքէզ» անունը մաքուր —
 Չը պիտի լինի երբէք անձնատուր,
 Թէկուզ կտրատեն նորան անխընայ
 Ու մարմնից միայն մի մատը մնայ,
 Չը պիտի ընկնի իր երիվարից,
 Քանի դեռ կաշին չեն քերթել վրայից»:

«Չերքէզը պիտի նեղ ըսպէսերին
 Չը յուսահատուի, օգնի ընկերին.
 Չերքէզը պիտի աւանդի հոգին
 Ոչ թէ իր տանը, իր կնոջ կողքին,
 Այլ պատերազմի արիւնոտ դաշտում
 Սուրբ հայրենիքի քաջերի վաշտում.
 Իսկ իրանց տանը մեռնում են նոքա,
 Որոնց երեսին բեղ-մօրուս չը կայ»...
 Այսպէս էր ասում. ազնիւ չերքէզներ,
 Քաջ Այդեմիրկան պետն անվեհեր:

Այսպէս էր ասում, այսպէս էլ անում.
 Իր ընտրած ճամբով անշեղ ընթանում:
 Բայց եկաւ անեղ օրհասը յանկարծ,

Երկնքից թռան մեր աստղը անդարձ...
 Մեր հզօր իշխանն, որ կեանքում երբէք
 Չէր իջել ձիուց, որ գիշեր-ցերեկ
 Նժոյգը հեծած՝ ոտն ասպանդակում,
 Հովիւ էր լինում, իր ազգին հսկում—
 Դճուրս հանեց յանկարծ ոտն ասպանդակից,
 Մեր սրտում թողեց դառնազէն կսկիծ...

Թուրքերը եկել, իբրև մեծ հեղեղ,
 Քանդում էին մեր բոլոր տուն ու տեղ,
 Երբ յանկարծ վազեց քաջ Այդեմիրկան՝
 Ձեռին շողշողուն թուրը յաղթական...
 Կարմիր արիւնով գետինը ներկեց,
 Իսկ ջահէլ խանին մահուանից փրկեց.
 Ականջը միայն սրով կտրելով,
 Արձակեց նորան այսպէս ասելով.
 «Դու դեռ ջահէլ ես, քեզ չեմ սպանի,
 Թէ չէ քո մայրը դարգից կը մեռնի»:

Հէնց այդ միջոցին մթնեց մեր երկին,
 Մթնեց յաւիտեան չերբէզի գլխին...
 Երբ Այդեմիրկան՝ ձեռքը արիւնոտ
 Խրոխտ կանգնած էր մեռելների մօտ,
 Դիերի միջից մի նետ սլացաւ,
 Շեշտակի եկաւ, սրտում ցցուեցաւ.
 Իշխանը գոչեց, հառաչեց ուժգին,
 Նժոյգից ընկաւ, աւանդեց հոգին.
 Սառը հողի տակ ննջեց յաւիտեան,
 Ազգը թողնելով անտէր, անպաշտպան...

Եւ չարարաստիկ այն սև օրուանից,
 Երբ մենք զրկուեցինք մեր քաջ իշխանից—
 Չերբէզի փառքը թաղուեց հողի տակ,
 Էդիգէյ խանին եղանք հպատակ,
 Չերբէզի սուրը մնաց պատեանում,
 Իսկ ինքը մնաց թուրքի ճիրանում.
 Էլ չը կայ մէկը, որ ոտքի ելնի,
 Որբացած ազգին քաջ հովիւ լինի,
 Սլաքներ շաղ աայ թշնամու գլխին
 Ու փոխարինի Այդեմիրկանին.

Չերքէզի անկեղծ, անրաժան ընկեր
Անվեհեր ոգին չի չքացել դեռ.
Մի յուսահատուէք, մեր երակներում
Մեր քաջ պապերի արիւնն է հոռւ:
Եւ մեր պապերից սուրը ժառանգած
Դեռ շողշողում է, դեռ չի ժանգոտած.
Մեր նախնիքները այդ պողպատ սրով
Ժայռ էին ճեղքում լոկ մի հարուածով.
Ուրհմն եկէք այդ սրովը մենք,
Գերութեան շղթան յաւիտեան փշրենք:

Մեր պապերը թէ դուրս ելնին մամուռ
Գերեզմաններից, սլանան մեղ մօտ,
Այնժամ փոխանակ թշնամիների՝
Ոտնատակ՝ կը տան վախկոտ ու գերի
Իրանց անարժան, ըստրուկ թռռներին,
Անէծք կը թափեն բոլորիս գլխին
Ո՛չ, բաւական է որքան ծաղրեցինք
Մենք մեր անունը և անարգուեցինք.
Ծնուել ենք ազատ, անվախ, համարձակ.
Այնպէս էլ պիտի մտնենք հողի տակ:

Թէպէտ թշնամին անթիւ է, զօրեղ,
Բայց մեր սրտի հուրն աւելի ահեղ,
Աւելի դաժան, բուռն է, զօրաւոր.
Նա կը խորտակէ լուծը դարաւոր,
Գերութեան շղթան կը փշրի իսպառ
Ու հիմնայատակ կ'աւերէ աշխարհ:
Օ՛, քաջ չերքէզներ դէ ոտքի ելէք,
Շողշողուն սուրը պատեանից հանէք
Թուրքերի արեամբ եկէք լուանանք
Գարշ ստրկութեան մեր սև ամօթանք:

Նայեցէք—ահա մեր էլբրուս սարը *)
Վեր բարձրացնելով հպարտ կատարը՝
Գերի չերքէզին բախտ է խոստանում
Ու նորա սուրը վերեկից օրհնում...
Եւ մեր սևաչեայ չերքէզուհիներ,
Որոնք դարձել են խաների հարճեր,
Թող այսուհետև հարեմից դուրս գան,
Ազատ, համարձակ ժպտան ու խնդան:

ՅԱՐՈՒԹԻՒՆ ԹՈՒՄԱՆԵԱՆ

*) Էլբրուս չերքեզերէն Օխշամախօ, որ նշանակում է բաղդաւոր սար:
Ծան. Հեղ.

ՄԵՐ ԹՂԹԱԿԻՑՆԵՐԸ

ՆԱՄԱԿ Կ. ՊՕԼՍԻՑ

Վերջին թղթակցութենէ ետքը,—թէն ոչ անմիջապէս,— բաւական կարևոր դէպքեր տեղի ունեցան Կ. Պօլսի մէջ: Բայց ամենէն մեծ դէպքը տեղի ունեցաւ Կովկասի մէջ՝ Հայոց դպրոցական և եկեղեցական խնդիրներուն բարւոք կարգադրութեան մասին հրատարակուած կայսերական Ուրազով, դէպք մը՝ որ մեզ ալ պատճառեց մեծ ուրախութիւն և ոգևորութիւն:

Խօսենք այդ դէպքերու վրայ:

Ա.

Ամենէն յոռաջ ժամանակագրապէս պէտք է յիշատակեմ, թէն քիչ մը ուշ, պ. Կարապետ Եզեանցի մահը՝ Ռուսիոյ մայրաքաղաքին մէջ և այստեղ՝ Թուրքիոյ Մայրաքաղաքին մէջ՝ իր յիշատակին եղած յարգանքը: Պէտք է խոստովանել՝ որ պատկառելի շքեղութեամբ մը յարգուեցաւ և օրհնուեցաւ Եզեանցի յիշատակը այստեղ՝ շնորհիւ Ազգ. Պատրիարքարանի կողմէ եղած պաշտօնական կարգադրութիւններու և սարքուած հոգևոր հանդէսին.—կարգադրութիւնները՝ հանգուցելոյն դազաղին վրայ պատկեր դնելու համար, և հանդէսը՝ այս տեղ երևան բերելու համար իր ծառայութեանց արժէքը: Քանի որ Եզեանց ուղղակի յարաբերութեան մէջ մտած էր Թուրքիոյ Հայոց հետ՝ թէ Սանասարեան Վարժարանով և թէ Սահակ-Մեսրոպեան Գրական Մրցանակով, Ազգ. Պատրիարքարանը, իբր պաշտօնական կենդրոնը այդ երկու հաստատութիւններուն, լիովին կատարեց իր բարոյական պարտականութիւնները: Մայրաքաղաքիս թերթերը առաւել կամ նուազ ճշտութեամբ նկարագրեցին արդէն Բերայի Ս. Երրորդութիւն եկեղեցւոյ մէջ կատարած հանդէսը՝ նախագահութեամբ Ս. Պատրիարք Հօր: ԼՈՅՍ շաբաթաթերթի այս մասին գրածները աւելի ուշագրաւ էին:

Եզեանցի մասին արտայայտուած յարգանքները աւելի ևս շեշտուեցան՝ երբ լուեցաւ՝ թէ հանգուցեալը իր հաբատութեան կարևոր մէկ մասը կտակած է Սանասարեան Վարժարանի: Շատեր կարծեւ էին որ Եզեան միայն խօսքով բարերար մը եղած էր. բայց այդ կտակը ցոյց տուաւ՝ որ նա իսկապէս հասկցած է բարերարութեան նշանակութիւնը:

Լումայ

Բայց մենք դեռ աւելիին կսպասենք: Եզեանցը սկիզբէն ի վեր ճանչցուած է ազգասէր մը. կարելի չէր սակայն, այս տեսակէտէն ուսումնասիրել զինքը Կ. Պօլսի մամուլին մէջ, այս մասին շատ աւելի ձեռնհասութիւն ունի Կովկասի մամուլը: Եզեանցի ոգին հարկաւ ծածկուած է իր գրական գործերուն մէջ, որոնք ուսեսերէն են մեծ մասամբ: Մինք լսած ենք՝ որ այդ գործերը ընդհանրապէս ուրիշներու աշխատութեան արդիւնք են *) և Եզեանցի անունը կկրեն: Այսպիսի աշխատութիւն մը անարժէք չէ. վասն զի կենթադրուի՝ որ Եզեանց ինքը կյանար ո՛ր է գործին ծրագիր և գործադրել կուտար զայն ձեռնհաս- ներուն կամ մասնագէտներուն: Այսպէս կամայեալ, մենք կսպասենք՝ որ շէնք շնորհք ուսումնասիրութիւն մը հրատարակուի, հատոր մը **) Ռուսիոյ մէջ, որ պատկերացնէ Եզեանցը իր ամբողջ կեանքով: Ինչ թերութիւններ ալ ունենան մեծ անձ- նաւորութիւններ, որոնք սակայն ամենէն գործունեայ դեր մը ունեցած են իրենց ազգին մտաւոր և գրական կեանքին մէջ, ևայն, պէտք է որ այսպիսիներու կեանքը իրենց ամբողջու- թեամբ ուսումնասիրուի ու տրուի մոլորվողեան ձեռքը: Այս- պիսի ուսումնասիրութիւններ ամենէն ընտիր և ամենէն օգ- տակար գրքերն են, որ շարունակ կրնան կարգաւորիլ ժողովրդի ամեն դասակարգերուն մէջ:

Մեր մէջ Եզեանցը ճանչցողներ ու չճանչցողներ հաւասարապէս բաներ մը գրեցին ու խօսեցան իր մահուան առթիւ: Ասոնք, մանաւանդ ձրի խօսքեր ու գրութիւններ, բան մը չեն արժէր. կատարեալ և լուրջ աշխատութիւն մը պէտք է Եզեանցի մասին, զինքը ծանօթացնելու համար: Շատ փափագելի է որ Լումայ գոնէ Եզեանցի ուսեսերէն գործերը ծանօթացնելու ձեռնարկ մը ընելու առաջնութիւնը ունենար. ձեռնարկ մը լուրջ և անաչառ:

Բ.

Մայրաքաղաքիս մէջ ամենէն կարևոր դէպք մըն էր Յու- լիս 8. Ուրբաթ օր պատահածը, Սէլամլըք-ի հանդիսի պա- հուն, դաւաճանութեան դէպք մը Վեհ. Սուլթանի անձին դէմ, որ չհասաւ իր նպատակին: Թէ Թուրքիոյ և Թէ Ճերոպայի թեր- թերը լայնօրէն զբաղեցան այս դէպքին նկարագրութեամբ, ա-

*) Հիմնովին սխալ է այդ լուրը. Եզեանցը ինքնուրոյն և ամենալուրջ գրագէտն էր Ռուսիոյ հայոց մէջ: ԽՄԲ.

**) Լումայի աշխ. պ. Ս. Գաբրիէլեանն արդէն պատրաստում է հանգ. մանրամասն կենսագրութիւնը: ԽՄԲ.

տոնք հարկաւ ծանօթ են Ռուսահայոց. հետեւաբար աւելորդ է ատոնց կրկնութիւնը. նոյն իսկ եթէ ուզէինք կրկնութիւն մըն ալ ընել՝ կարելի չէր ճշտութեամբ ընել. վասն զի զեռ քննութիւնները կշարունակուին դաւադրութեան բոլոր պարագաները ճշտելու և ստուգելու համար, որոնք անծանօթ են ժողովրդին. բայց ինչ որ ծանօթ է և մեծ կշիռ ունի Թուրքիոյ Հայոց համար, այն ալ սա է՝ թէ դաւադրութեան հեղինակները հայ չեն: Հակառակ քանի մը պաշտօնականներու պնդումին, որոնք իբր թէ երկրին և Սուլթանին մեծ ծառայութիւն մը մատուցած ըլլալու դիտումով ըսած և պնդած են՝ թէ հայեր եղած ըլլան դաւադրութեան հեղինակները, Սուլթանը այս նուազ արդարադատ շեշտով մը վճռած է՝ թէ հայեր չեն անոնք. և իրաւի եղած քննութենէն կհետևի որ անարշիւտներու կողմէն գործադրած դաւադրութիւն մըն է փորձուածը, և պիտիզիպցի մը, որ կալանաւորուած է այս առթիւ, խոստովանած է ամեն բան:

Այս դէպքը մեծ կարևորութիւն ունի Թուրքիոյ հայոց համար, մանաւանդ Կ. Պօլսի մէջ. վասն զի հայեր հազիւ չունչ կառնեն զեռ ծանօթ դէպքերէն ի վեր: Զանազան ձեռնարկութիւններու և փորձերու արդիւնքով՝ Հայոց յայտնի հաւատարմութիւնն ու ծառայութիւնները դէպի Օսմանեան գահը կասկածելի դարձած էին և զեռ են. գաւառներէն մայրաքաղաք ամենէն պատուաւոր մարդոց երթեկէն իսկ դժուարացած և գրեթէ անկարելի դարձած է. դժուարութիւնները այնքան շատցած են՝ որ մարդիկ նախամեծար կհամարին չշարժիլ իրենց տեղերէն. և այս դժուարութեանց արդիւնքով վաճառականական գործառնութիւններ ալ դժուարացած և գրեթէ այլափոխուած են: Երբ դեռ այս վիճակի մէջ է հայութիւնը Թուրքիոյ մէջ, մեծ կարևորութիւն ունի Սուլթանի անձին դէմ փորձուած դաւանքին ձախողուելը, և մանաւանդ սա պարագան թէ հայեր չեն այս դէպքին հեղինակները:

Կրնամ վստահեցնել ձեզ՝ թէ Թուրքիոյ Հայեր կուզեն խաղաղ ապրել. բուն ժողովուրդը՝ նուիրուած իր գործին և զբաղմունքին՝ հրեքէ համաժիտ չէ այն բոլոր գործերուն, որ տեղի ունեցան հրեան մասնաւորներու կողմէն. և բուն ժողովուրդը ոչ միայն համաժիտ չէ ատոնց, այլ նոյն իսկ լուր ալ չունի եղածներէ: Մեզ համար շատ շատ ուրախալի պարագայ մըն ալ սա է՝ որ Թուրքիոյ Սուլթանը անձնապէս այս համոզում ունի և քանիցս յայտարարած է Հայոց Պատրիարքին՝ թէ ամեն ազգի մէջ չար մարդիկ կգտնուին, թէ ինքը վստահ է Հա-

յոց հաւատարմութեան վրայ, և այլն. այնպիսի խօսքեր ու ենթադրութիւններ, որ ցանկալի կլլար յաճախ լսել թագաւորի մը բերնէն: Հայոց Պատրիարքն ալ ամէն առթիւն եկեղեցոյ բեմէն պաշտօնապէս արձագանք եղած է կայսերական յայտարարութիւններուն:

Եթէ Ուրբաթ օրուան դէպքը աւելի աղետալի ելք մը ունենար, աւելի քան ինչ որ ունեցաւ, եթէ այս կամ այն հայատեաց պաշտօնեաներու խօսքերը կշիռ մը ունենային, կարելի չէր որ Թուրքիոյ հայեր և մասնաւորապէս մայրաքաղաքացիներ չկրէին աղետալի հետեանքը նոյն դէպքին: Բայց ուրախալի է՝ որ Նայսրը քանիցս իր կայս. բարեները հաղորդել տալով Հայոց Պատրիարքին՝ Իր վստահութիւնը յայտնած է Հայոց մասին և Ս. Պատրիարքի կողմէն մատուցած ուղիորձները արժանացած են կայսերական գոհունակութեան: Երանելի է կայսերական այս բարի տրամադրութիւնները խանգարող ուն է դէպքեր տեղի չունենային՝ և հալանուէր երբէք չյիշուէր այնպիսի արարքներու մէջ, որոնք ոչ պատուաբեր են, ոչ ալ օգտակար Հայ Ազգին համար: Վասն զի ոչ հայերու կողմէ կշահադործուի հայոց այդ դժբաղդ վիճակը և ամէն հաւանակահոլութիւն կայ ուն է կասկած իրադործելու և Հայոց վերագրելու ուն է դէպք, նոյն իսկ մտացածին բաներ, որոնց արձագանք կըլլայ եւրոպական մամուլը: Ասոնց կարգէն է անհ. Իզմիրի (Զմիւռնիա) դէպքը, ուր աստին անդին գտնուած են հրազէն և պայթուցիկ նիւթեր և ասոր հետեանքով կալանաւորուած են բազմաթիւ հայեր: Իրողութիւնը ստոյգ է, բայց երևոյթը սըլսալ. վասնզի Իզմիրի պէս քաղաք մը, ուր մարդիկ դրամէ և կ'ոռնէին զատ բանի մը կարեւորութիւն չեն տար, ելլել հայոց վերագրել այնպիսի արարքներ, որ ունէ նպատակ կամ նշանակութիւն չունին ազգային շահերու համար, տարօրինակ իրողութիւն մըն է: Առ այժմ յայտնուածը սա է՝ որ ասոնք անարշիտ-ներու գործեր են, որոնց մէջ կրնայ գտնուիլ ամէն ազգէ անհատներ:

Վերջերս զրոյցներ ալ տարածուեցան Փոքր Ասիոյ և Սիրիոյ ինչ ինչ քաղաքներուն, մանաւանդ Կեսարիոյ մասին, ուր իբր թէ օդը հանուած ըլլան երեք մզկիթ, և այլն. բայց ասոնք զրոյցներ էին իսկապէս և հաւանաբար յատկապէս շինուած՝ հայերը նորէն թշուառացնելու՝ առիթ տալով կատաղի կոտորածներու: Այս բոլոր երևոյթները պէտք է նշանակութիւն ունենան անոնց համար, որ իրենց բան գործ ըրած են ազգէն հեռու ապրիլ, ազատ տեղեր, անզգայ անոր ներքին ցաւերուն:

և պէտքերուն անտեղեակ, ապրել այդ տեղեր և խաղալ բուն անմեղ ժողովրդի կեանքին, պատուին, վարկին և դրամին հետ:

Չենք գիտեր՝ թէ ինչ պիտի ըլլայ այս վիճակին վերջը: Գիտեմք միայն՝ թէ երբ չշահագործուիր բարի ժողովրդեան խաղաղութիւնը թուրքիոյ մէջ՝ ան կրնայ աւելի լաւ զգալ ինքզինքը, կեդրոնացնելով իր բոլոր ոյժերը իր կրթութեան ու գաստիարակութեան, իր հարստութեան, իր եկեղեցական բարեկարգութեան գործերուն մէջ:

Գ

«Աչքերնիս լոյս».—1903 Յունիս 12 էն մինչև 1905 Օգոստոս 1, գրեթէ երկու տարուան տագնապահեւ ետքը, Ազգիս Վեհ. Հայրապետը կրցաւ քաղել իր ջանքերուն արդիւնքը Ռուսահայոց եկեղեցական և դպրոցական կալուածներու խնդրին բարւոք կարգադրութեան համար հրատարակած Ուրազով: Ամեն. Հայոց Ս. Կաթողիկոսին հեռագիրը, ուղղուած թուրքիոյ Հայոց Ս. Պատրիարքին, կատարելապէս մխիթարական էր և մեծ յոյսեր կնեւրշնչէր. որովհետեւ ոչ միայն Բլէվէի և Կալիցինի «մեծ» անձնաւորութեանց Հայոց մասին ըրած անիրաւութիւնները կշնջէին, այլ նաեւ հայոց իրաւունքները կճանչցուէին 1874-ի օրէնքին համեմատ: Այս մեծ բարեբախտութիւն մըն է Հայ եկեղեցւոյ համար ընդհանրապէս և մասնաւորապէս Ռուսահայոց համար, որոնք մէկէ աւելի աւանդներ ունին իրենց քով, որ ընդհանուր Ազգին կպատկանին և ետքը իրենք իրենց վերահաստատուած իրաւունքներուն շնորհիւ յառաջդիմութեան և զարգացման նոր դարագլուխ մը կբանան ազգային պատմութեան մէջ: Այս յաջողութիւնները ձեռք բերելու համար անխոնջ աշխատութիւններ նուիրուեցան վեհափառ և ալեփառ Հայրիկէն սկսեալ ամէն եկեղեցական, որ գիտէր խնդիրը և կրնար բան մը ընել՝ ըրաւ թուրքիոյ Հայոց Պատրիարքին գործունէութիւնը մասնաւորապէս արժէքաւոր է երկու տարուան ընթացքին մէջ: Մենք երախտագիտութեամբ կյիշատակենք այս պարագան և մեր խորունկ յարգանքը կարտայայտենք բոլոր անաչառ և անկեղծ աշխատողներուն, ըլլան եկեղեցական, ըլլան աշխարհական:

Պէտք է ըսել, որ մենք անձնապէս շատ յոռետես էինք և չէինք ակնկալեր՝ որ այսպիսի յաջող ելք մը պիտի ունենային եղած գիմուսները: Այս յոռետեսութիւնը սակայն՝ հարեալքի բան մը չէր: Համալաւական շարժումին արդիւնքն էր ան. այն շարժումին, որ Վրաց եկեղեցին ձուլեց իր մէջ, այն շարժումին, որուն առջև Կովկասի, այլացեղ և այլալեզու հա-

մայնքները ցիր ու ցան եղան, այն շարժումին, որ հրէաները սարսեց Ռուսիոյ մէջ, այն շարժումին, որ ֆինները զրկեց իրենց ազգային մեծ իրաւունքներէն, այն շարժումին, որուն առջև Ներսէս Ե.-էն ետքը հայերն ալ սկսան անհանգիստ ըլլալ և այլ և այլ սեղմումներով վերջապէս իրենք զիրենք գտան 1903 յունիս 12-ի Ուքազին առջև: Մեր յոռետեսութիւնը սաստկացաւ մանաւանդ, երբ տեսանք թէ Ամին. Հայոց Կաթողիկոսը նախահոգ միջոցներ ձեռք կառնէր Լուսաւորչի Աթոռին ապագային համար և այս նպատակաւ ներկայացուցիչ մըն ալ կղրկէր Կ. Պօլիս խորհրդակցութեան համար: Կան մարզիկ, որ հակառակ տիրող յոռետեսութեան, հայոց դիմումներուն այս յաջող և փառաւոր ելքը կվերագրեն Ռուս և Ճարճական պատերազմի ելքին, որ իր աննպաստ բնութեամբ կուգայ վերիվայր փոխել և բարեփոխել ինչ որ աննպաստ է ուս կայսրութեան: Ետաջադիմութեան և զօրացման և հետեաքար այս բոլորին սկիզբը, կարամտեն, շնորհակալ պէտք է ըլլալ Ն. Կ. Վեհ. զեղնափառն Միքատոյի, որ առիթ ընծայեց իր թշնամւոյն, որպէս զի իր տկարութեան պատճառները վերցնէ և իր ամբողջութիւնը կազմող այլազան ազգային տարրները զօրացնէ հաւաքական և համայնական ներքին զօրութիւն մը կազմելու համար:

Ինչ ալ ըլլայ սակայն, պատերազմի ելքն ու ազդեցութիւնը Ռուսաստանի ներքին կեանքի կազմակերպութեան վրայ: Հայեր պարտ են շնորհակալ և երախտագէտ ըլլալ իրապէս մեծ այն անձնաւորութեանց, յանձին Միրսքիի, Վիտտէի, Վորոնցովի նման հայրենասէրներու և մարդասէրներու, որոնք շատ աւելի լաւ ըմբռնած էին իրենց հայրենիքին զօրացման և բարգաւաճման պայմանները, քան անոնք, որ պատճառ եղան շատ մը դժբախտութիւններու և անպատիւ ու արատաւոր գործողութիւններու:

Տեսնենք՝ թէ Ռուս կայսրութեան ձեռք առած սահմանադրական ուղղութիւնը իր իսկ ներքին կանոնաւորութեան և զարգացման ծառայելէ ետքը ինչչափ օգտակար պիտի ըլլա՞ր իր արտաքին քաղաքականութեան տեսակէտով ալ:

Բայց մենք հիմայ ամենէն աւելի հետաքրքիր ենք 1905 Օգոստոս 1-ի Ուքազի գործադրութիւնը տեսնելու: Վասն զի կզգանք՝ թէ ինչ ոգևորութիւն կայ հիմայ է մեր ուսահայ եղբարց ըով, ինչ նոր ծրագիրներ ու առաջադրութիւններ հայ տարրը լուսաւորելու և զօրացնելու համար: Հայ մամուլը հարկաւ իր օգտակար դերը կատարելութեան պիտի հասցնէ սկիզբէն Ս. Էջմիածնէն.—նոր նոր գրքեր լոյս պիտի տեսնեն,

Թերեւս նոր թերթեր և հանդէսներ ալ՝ աւելի լուրջ, աւելի շահեկան նիւթերով. ծխական և թեմական դպրոցներ իրենց իրաւունքներուն սահմանին մէջ պիտի տան հայու զաւակներուն այն կրթութիւնը, որ անհրաժեշտ է մեր անհատական և ազգային տեսակէտներով:

Կարելի պիտի ըլլայ արդեօք այս ոգևորեալ վիճակին մէջ
ողջունել նաև Թիֆլիզի Հրատարակչական Ընկերութեան վե-
րահաստութիւնն ալ, որ ամէնէն մեծ ծառայութիւն մատուցա-
նող հաստատութիւն մը եղած էր: Օ՛ր, մեր բարի նախանձը
շարժելու չափ հմայիչ ապագայ մը կնկատուի մտքիս առջև
Ռուսահայոց համար, որոնք պիտի վայելեն խորհնլու, խօսե-
լու, գրելու և մանաւանդ հրատարակելու ազատութիւնն ու
գոհունակութիւնը:

Երանի թէ ոռոսահայք նախաձեռնութիւնը ունենալին ի-
րենց առջև բացուած այս նոր ասպարէզին մէջ խորհելու և
գրելու համար հայ ազգի ամբողջութեան վրայ, արմատաւսիլ
ընելու նպատակով անոր մէջ նետուած որոմներն ու բոյսերը:

7.

Երբ այս տողերը կվերջացնեմ՝ նոր դէպք մը կուգայ իբր յաւելուած թղթակցութեանս. նորէն հայու մը սպաննուած հայու մը ձեռքով:—Օգոստոս 13, Շաբաթ՝ առտուն, ժամը 2-ին, Վսեմ. Արիկ էֆ. Ունճեան գնդակահար կիյնայ Կ. Պոլիս, Ղալաթիա, Խավեար Խանի ետե փողոցի մէջ. գնդակահար ընողն է 30—32 տարեկան հայ մը, որ Ամբրիկայէն եկած է եղբր: Դեռ վերջնական բան մը չենք գիտեր հարցաքննութեան ելքին վրայ, բայց ինչ ալ ըլլայ այն՝ քստմնելի է: Ինչ կնշանակէ մարդ զարնել, սպանել, Ունճեան իր բոլոր թերութիւններով դէմք մըն էր, որ կպակսի Թուրքիոյ Հայոց մէջէն. ամիրայական տիպերու մէկ մնացորդն էր ան, որ թէև շրջապատուած այնպիսիներէ, որոնք շատ շրջացուցած էին զինքը, բայց իր հարստութեամբ օգտակար եղած անձնաւորութիւն մըն էր: Անոր յուզմալից բանտարկութիւնը ինը տարի յառաջ իր ազգասիրութեան համար էր, որ գէշ հասկցուած էր. թերեւ իր հարստութիւնը շահագործելու համար թակարդի մէջ ձգեցին զինքը, բայց նա հաստատուն մնաց իր հաւատարմութեան մէջ և իր ատեն մատուցած ծառայութիւնները շնորհիւ Օսմ. Կայսրութեան հանդէպ, որու զինուորական պէտքերու ամենէն նշանաւոր հայթայթիչը եղած է և հարիւր հազար ոսկւոյ սեծ քանակութեամբ, կրսեն, պահանջներ ալ ունի Կառավարութիւնէն:

Ինքը խիստ բնաւորութեան տէր հին գլուխ մը, որ սա-

կայն սիրող եկեղեցւոյ և բարեգործական աշխատութիւններու, մեծ նուիրատուութիւններ ըրած է: Կ. Պօլիս, Իսկիւտար Ս. Կարապետ Եկեղեցին ինքը շինած է 5—6000 օսմ. ոսկի ծախսելով. Դպրեվանքի Խնամակալութեան մէջ այդ հաստատութեան դրամական հոգը ինքը ստանձնած էր և կարծեմ 7—8000 օսմ. ոսկի ալ ատոր նուիրած է, թող ուրիշները, որոնց հաշիւը չէ որ պիտի ներկայացնեմ: Վասն զի վստահ եմ որ լրագիրներ մանրամասնօրէն պիտի գրադուին ատոնցմով. ես միայն սկզբունքին վրայ կամիմ ծանրանալ: Իր դրամական գործածութիւններուն մէջ Ունճեան սովելոց Խնամակալութեան հաշիւը տալէ յետոյ, մնացորդին հաշիւը տուած չէ. այս պարտականութիւնը գուցէ պզտիկութիւն կհամարէր իրեն կամ անվստահելի երևնալու նշան մը. այս է պատճառը՝ որ ազգը մօտէն լուր չունի Ունճեանի ձեռքով եղած այդ վերջին մատակարարութեան մասին, բայց հաշիւ բռնած լինելը գիտենք և հարկաւ այս բոլորը երևան պիտի գան գործնականապէս հաստատելու Ունճեանի մատակարարական ուղղութիւնը: Շա հաւանական է նաև որ կտակ ալ ունենայ հանգուցեալը: Բժիշկները, որ զիազննութիւն ըրին իր կուրծքին գամուած գնդակները հանելու համար, շատ առողջ գտած են իր սիրտն ու թոքը և յայտարարեցին՝ որ կրնար դեռ շատ ապրիլ, երբ արդէն ապրած էր 72 տարիներ:

Ինչ շահ այսպիսի բռնի մահերէ: Ունճեան իբր անհատ և ամուրի մարդ կրնար թերութիւններ ունենալ. բայց իբր ազգային անհատ արժէք մը ունէր, և իբր քաղաքացի մեծ յարգ կվայելէր կառավարչական պաշտօնատուներու և պաշտօնեաներու քով: Պալայի աստիճան ունէր որ զօրաբաժնի զօրավարէն բարձր է. և առաջին աստիճանի Մէճիտիէ շքանշան: Նոյն իսկ Սուլթանին համարումը շահած էր, այնպէս որ բանտարկութենէն շատ ետքը դարձեալ արժանացաւ կայսերական շնորհաց իր մատուցած ծառայութիւններուն համար: Ունճեանի մահը ցաւ պատճառած է Կայսեր ինչ որ հաղորդուած է պաշտօնապէս Ս. Պատրիարք Հօր և իւր եղբօր Մաթուս էֆէնտիի:

Եւ ամէն մարդ՝ որ կճանչնար Ունճեանը, հակակիր թէ համակիր, հաւասարապէս ցաւ զգացին այս զոհին հանդէպ: Գարակեօզեանի սպանումով ազգը 40,000 օսմ. ոսկի կորսնցուց, ժամհարեանի մահով Թուրքիոյ մէջ իր նպաստած որբանոցները փակուեցան. թողունք Ռուսիոյ մէջ իր ըրած բարիքները. Պալեօզեանով՝ Իզմիրի նահապետը ոչնչացաւ իր բարեգործութիւններով, և Ունճեանի այս դժբախտ վախճանը ո գիտէ քանի-

ներ դժբախտ ըրաւ և Ազգը զրկեց թերևս մեծագոյն կտակներու բարիքներէ — թէև լսած ենք, ինչպէս ըսինք, որ կտակ ունեցած ըլլալ:

Ունճեան այս վերջին տարիներու մէջ իբր թէ քաշուած էր Պատրիարքարանի գործերէն ժողովականի հանգամանքով: Բայց ոտքով ձեռքով մէջն էր հեռուէն, ստէպ օգտակար, հրքեմն ալ աւելորդ կերպով: Իսկ ուղղակի մէջն էր Սանասարեան Վարժարանի և Դպրեվանքի Խնամակալութիւններուն: Դպրեվանքի համար այլ ևս չէր առատաձեռներ առաջուան պէս: Ինչպէս կընէր իր առաջին տարիներու մէջ՝ առատացնել զպրեվանքի հասոյթը, կը բաւականանար միմիայն անհրաժեշտը լրացնելով վարել ատոր մատակարարութիւնը: Այս գրութիւնը բաւականին նեղը ձգեց Դպրեվանքի մատակարարութեան ճիւղը, սկսաւ ազդել բարոյականի ալ վրայ, և Դուրեան Սրբազան՝ Արիկ էֆ.-ի հետ գէշ չըլլալու համար այն աստիճան համակերպեցաւ, որ այս անտանելի կացութեան դարձան մը գտնելու համար հրաժարեցաւ Դպրեվանքի Փոխ-Վանահայրութենէն և Վերատեսչութենէն:

Ունճեան այս վիճակին մէջ կը թողու Դպրեվանքը, որուն հետ ամենէն աւելի կապուած և յիշուած է իր անունը: Բայց հաւանական է, որ իր կտակը նոյն իսկ Դպրեվանքի համար եղած ըլլայ: Մեր այս միակ կրօն. ուսումնական հաստատութիւնը կը վայելէ իւր եղբօր ալ խնամքը, և կը յուսանք ինչպէս և կփափագինք, որ աւելի գործնական, հետեւաբար՝ աւելի օգտակար ապագային:

* *

ՆԱՄԱԿ ՄՈՍԿՈՒԱՅԻՑ

Մեծարգոյ Հայր Խմբագիր

Անցեալ 1904 թ. «Լուծայի» № 5-ում իւր ժամանակին լոյս տեսաւ և «Սարգիս Արքեպիսկոպոս Զալալեանի նամակը Խալիպեանին» երջանկայիշատակ Ներսէս Վ. կաթողիկոսի մահուան առթիւ: Նամակիս հրատարակիչ պ. Ե. Շահագիզը դորան կցում է մի ընդարձակ ծանօթութիւն, ուր ի միջի այլոց, խօսելով Ներսէսի և Մատթէոս արքեպիսկոպոսի յարաբերութիւնների մասին, ասում է թէ «այդ բոլորի հետեանքը լինում է (իբր թէ) մի տեսակ սառնութիւն տէրութեան և կաթողիկոսի յարաբերութիւնների մէջ» և թէ այդ պատճառով

նոր Կայսեր (Ալեքսանդր Ա-ի) Թագադրութեան հանդիսին հրաւիրուած է ներկայ լինելու Մատթէոս սրբազանը, իսկ կաթողիկոսին, պատրուակ բռնելով նորա ծերութիւնը, առաջարկուած միայն ներկայացուցիչ ուղարկել իւր կողմից:

Նոր-Նախիջևանի պատմութեան անխոնջ հեղինակի վերջին խօսքերը թէև ճշմարիտ են միանգամայն, սակայն կարօտ են մի այլ լուսաբանութեան: Նախ և առաջ կնկատենք, որ այս գէպը տէրութիւնը մեղք չունի բնաւ. նորա և Ներսէս Մ-ի յարաբերութիւնները բարեկամական էին և խիստ կորրեկտ. և Թագադրութեան չհրաւիրուելու պատճառը Լազարեանք եղան նորա վաղեմի բարեկամները: Պարզենք այդ առեղծուածը: Լազարեան ճեմարանի մատենադարանում պահուած են հարիւր տասնհինգ ահագին մատենաներ (ֆօլիանտ), որոնք բովանդակում են իւրեանց մէջ Լազարեանց պերճ տոհմի անհուն գրադրութիւնները զանազան պետական, պաշտօնական և մասնաւոր անձանց, որպէս քաղաքների ու հասարակութիւնների հետ, թէ Ռուսաստանից, և թէ օտար և հեռաւոր երկիրներից: Այս նամակների մէջ իւրեանց քանակութեամբ աչքի են ընկնում Ներսէս արքեպիսկոպոսի, յետոյ կաթողիկոսի գրութիւնները, որոնք կազմում են ամբողջ, համարեա, հատորներ, գերուած Թիֆլիսից, Նոր-Նախիջևանից, Էջմիածնից, Քիշնևից Յովակիմ աղա Լազարեանին, նորա երկու որդւոց Յովհաննէս և Սաչատուր Լազարեաններին մանաւանդ այս վերջինս և սորա նշանածին: Յիշեալ բոլոր մատենաները միով բանիւ կոչւում են Դիւան Լազարեան տոհմի (Архивъ фамиліи Лазаревыхъ): Ճեմարանիս արդի պատուաւոր հոգաբարձու իշխան Ս. Արամելիք-Լազարեանի յանձնարարութեամբ նորա տոհմի դիւանի բոլոր հայերէն գրութիւնները երեք տարուայ ընթացքում ինձ յաջողեցաւ առանձին նկարագրել իշխանի համար, որ մտադիր է ապագայում լոյս ածել դիւանի յիշատակարանները, իւր յատուկ ընտրութեամբ, հայերէն բնագիրներին զուգընթացաբար հետեւելու են նոցա ռուսերէն թարգմանութիւնները: Այս դիւանից մտադիր էին քաղուածներ անել հանգուցեալ հնագէտ Ա. Երիցեանցը և Կ. Եզեանցը, որ անցեալ տարի ժամանելով Մոսկուա մի օր պրօֆ. Գր. Սալաթիանցի տանը, մեր ներկայութեամբ, սպառնում էր մեզ բարեկամական խօսակցութեան մէջ ասելով՝ որ եթէ մեր ճեմարանը չի հրատարակի դիւանիս Հայոց նոր պատմութեան վերաբերեալ նիւթերը, ինքն Եզեանցը ազգային լուսաւորութեան պ. միջնատրի միջնորդութեամբ բերել կտայ Ս. Պետերբուրգ մեր

գիւանի նշանաւոր մատեանները և անձամբ կգրադի այդ խընդ-
րով: Մենք մեր կողմից պաշտպանում էինք այս գործում ձե-
մարանի ձեռներեցութիւնը յանձին իշխան Աբամելիքի: Բայց
վերահաս մահը արգելեց պ. Եղեանցին իւր դիտաւորութիւնը
ի կատարածելու: Մի պարզ գաղափար տալու համար հայ հա-
սարակութեան ձեմարանի գիւանի մէջ ամփոփուած նիւթերի
մասին, բաւական է միայն յիշել, որ Սիմէոն կաթողիկոսից
յետոյ, Բարձրագոյն շնորհած Հայոց ազգին հրովարտակները
տրուած են Լազարեանց տոհմի անմիջական դորձակցութեամբ:
Ռուսաց Հայոց նորագոյն պատմութիւնը սերտ կապուած է
Լազարեանց ցեղի պատմութեան հետ: Չկայ մի հայաբնակ քա-
ղաք կամ հասարակութիւն, որ նեղը ընկած տեղում չզիմէր
Լազարեանց աջակցութեանը, որոնք մի զարմանալի անձնու-
րացութեամբ բարեխօս էին լինում բարձր կառավարչական
շրջաններում Հայոց համար. օրինակի համար Աստրախանից,
Մոզդոկից, Ղզլարից, Թիֆլիզից, Նախիջևանից (հին և նոր) էջ-
միածնից, Ղրիմի քաղաքներից, Քիշնևից, Գրիգորապոլից, Հըն-
չեստ աւանից և այլ տեղերից: Աստրախանցիք խնդրում են
Լազարեաններին պաշտպանել տէրութեան առաջ իրանց մա-
գիստրատի իրաւունքները, Մոզդոկիցիք՝ գաղթած լինելով
Դերբենտի կողմերից, գանգատում են թէ տեղական իշխանու-
թիւնը նրանց կաղակ դասակարգի մէջ է գրել, հարկադրելով
իրանց հաշուով զինուել և ձի ունենալ, մինչդեռ իրանք միշտ
խաղաղ երկրագործ են եղել, անսովոր ու անվարժ զէնրի գոր-
ծածութեան, Ղզլարցիք գրում են թէ տեղական իշխանութիւն-
ները նրանց նեղում են պանազան պահանջներով, ուստի նը-
րանք ստիպուած են դեպուտատներ ուղարկել Ս. Պետերբուրգ
և խնդրում են Լազարեաններին աջակցել նրանց մայրաքաղա-
քում, ցոյց տալով ուր և ում գիմել. Թիֆլիզից իշխան Օսափ
Բեհրութեանը իւր կաղես Բարսեղ որդուն (Вас. Ос. Бегу-
товъ) յանձնում է Յովակիմ աղայի հսկողութեանը, Նոր-Նա-
խիջևանի, Ղրիմի և Գրիգորապոլի Հայերը բողոքում են Լա-
զարեանցին՝ թէ Կազեմնիյ պալատը (Казенная палата) նո-
ցանից պահանջում է գիլդիական վկայականներ ձեռք բերել
առևտուրի իրաւունք ստանալու համար, այն ինչ Հայերը, ի-
րանց բարձրագոյն շնորհած հրովարտակների վրայ յենուելով
հրաժարում են կատարել այդ պահանջները. իսկ Գրիգորապո-
լում ոստիկանապետը միանգամայն փակել է տալիս Հայերի
կրպակները և առևտուրը միառժամանակ իսպառ դադարում է
և Հայոց մագիստրատի անդամները պաշարում են Լազարեան-

ներին իրանց գանգաւներով: Յիշեալ ոստիկանապետը, օգուտ քաղելով մերայնոց անհլ դրութիւնից, աւելի ևս կեղեքում է Գրիգորապօլցիներին. բայց երկու ամսից յետոյ յանկարծ գլխակոր արտաքսում է պաշտօնից, առանց աւելի բարձր պաշտօն ստանալու, ինչպէս այժմ ընդունուած է բիւրոկրատական շրջաններում: Գիւղիյական խնդիրներում Լազարեանք աշխատում են համոզել մեր Հայերին, որ նոքա փոքր ինչ չափաւոր են իւրեանց պահանջները՝ առարկելով թէ, իւրաքանչիւր նպատակի պարտականութիւնն է որոշեալ պայմաններում համակերպուել տէրութեան և եթէ բոլոր քաղաքացիք խոյս տալով իրանց պարտականութիւններից, սուրբոր չվճարեն, այն ժամանակ պետութեան գանձարանը բոլորովին դատարկ կ'մնայ: Բայց այնուամենայնիւ Լազարեանք կարողանում են իւրեանց ազդեցութեան շնորհիւ Ս. Պետերբուրգում մեղմացնել դիւղիյական խիստ պահանջները: Վրացիք Մոզդոկից, ու Թիֆլիսից լսելով Լազարեանների մշտական աջակցութիւնը և հովանաւորութիւնը Հայերին, իւրեանց կողմից նոյնպէս դիմում են նրանց ու խնդրում, որ իրանց հովանաւորութիւնը տարածեն նրանց վրայ ևս. խնդիրքը յարգւում է Լազարեանների կողմից: Անցեալ դարու սկզբներում Ռուսաց Հայոց առաջնորդներն Յովհաննէս արքեպիսկոպոսը, Եփրեմ արքեպիսկոպոսը յետոյ կաթողիկոս միշտ վայելում են Լազարեան տոհմի խորհուրդները ու աջակցութիւնը, էլ չենք ասում իշխանազն Յովսէփ արքեպ. Արղութեանի մասին, որ սերտ բարեկամ էր կոմս Յովհաննէս Լազարեանի: Սոցա խորհրդով տեղի ունեցաւ Ղրիմի հայոց գաղթականութիւնը և Նախիջևանի հիմնարկութիւնը: Առաջին երկու սրբազանների միջնորդութեամբ Լազարեանները ճանաչեցին Թիֆլիզում հաստատուած Վրաստանի Հայոց նոր առաջնորդ հանճարեղ Ներսէս արքեպիսկոպոսին և նորա հետ սկսեցին նամակագրութիւն, որ ժամանակով ահագին ծաւալ ստացաւ: Ներսէսը իւր բոլոր նամակները գրում է յատուկ իւր ձեռքով և գրաբար, վասնզի աշխարհաբարը տակաւին երկունքի մէջն էր գտնւում և նորա քաղաքացիութեան իրաւունքների մասին խօսք անգամ չէր կարող լինել այն ժամանակ: Լազարեան ազաններն էլ պատասխանում էին նոյն գրաբարով: Ի դէպ, Յովակիմ աղա Լազարեանի նամակները կարդալիս, իմ ձեռքն ընկաւ նորա ոտանաւոր խորհուրդները՝ գրած իւր խաչիկ (Христафоръ Екимович) որդուն: Յովակիմ աղայի երկու որդիք Յովհաննէս և Սաչատուրը ծառայելով արտաքին գործոց կօլլեգիայով սերտ յարաբերութիւններ էին պահպանում

դրանիկ մարդկանց բարձր բիւրոկրատիայի հետ և միևնոյն ժամանակ անընդհատ թղթակցութիւններ էին վարում զանազան սահմանակից քաղաքների մերազնէից հետ, որոնք հաղորդում էին նրանց պէսպէս քաղաքական լուրեր՝ վերաբերեալ Ռուսաց պետութեան, մանաւանդ Պարսից և Տաճկաց պատերազմներից առաջ և պատերազմական գործողութիւնների միջոցին։ Ներսէսը այդ թղթակիցների թւում առաջիններից մէկն էր շնորհիւ իւր բարձր գիրքին։ Նորան յաջողել էր գրաւել Կովկասի գլխաւոր հրամանատարների կատարեալ յարգանքով սէրը սկսեալ պէնքերալ Ռտիսչեւից, Երմոլովից, Պասկեւիչից մինչև կոմս Վորոնցովն և իշխան Բարեատինսկին։ 1827 թ. Պարսից պատերազմից առաջ Երմոլովը նկատելով Կովկասցի Հայերի ճարպիկութիւնը և շնորհը հասարակական կեանքի ամենայն ասպարէզներում և հրկիւղ կրելով, թէ մի գուցէ երկրի բոլոր վաճառականութիւնը իրենց ձեռքը ձգեն ի վնաս միւս տեղացիների, սկսում է հնարիկ զանազան ծրագիրներ Հայերի գործունէութիւնը կասեցնելու դիտաւորութեամբ։ Աչալուրջ Ներսէսը գործերի այս դրութեան մասին հաղորդում է Լազարեաններին, որոնք նորան պատասխանում են, թէ կառավարչական բարձր շրջաններում շատ էլ գոհ չեն Երմոլովից, որին փոխարինելու է շուտով Պասկեւիչը և նամակը գեներալ Բենկէնդորֆի ձեռքով ուղարկում են Ներսէսին, որին ի գէպ յանձնարարում են այս գեներալին ընդունել սիրով և յարգանքով։ Նամակի վերջում նոքա յարում են՝ «այսօր բոլոր մինիստրները մեզ մօտ ճաշի էին»։

Վերջապէս Պասկեւիչը նոր զօրքով հասնում է Թիֆլիս և ծանօթանում է Ներսեսի հետ և միշտ խորհրդակցում է հետը Կովկասեան գործերի մասին։ Նոր հրամանատարի գալլստեան լուրը առնելով Երմոլովը հիւանդ է ձեւանում և չէ ընդունում Պասկեւիչին։ Ներսէսը գնում է, նորան էլ հրաժարւում է ընդունելուց, գալիս է, վերջապէս կոմս Դիբիչը և տեսնելով Երմոլովի զուռը փակ, բռնի ներս է մտնում և խիստ յանդիմանում Երմոլովին, որ, շուտով, դորանից յետոյ թողնելով իւր պաշտօնը վերադառնում է Մոսկուա։ Ներսէսը իւր նամակներում մանրամասնօրէն նկարագրում է պատերազմական գործողութիւնները արդի Երևանի նահանգում, Երևանի, Սաբդարապատի, Էջմիածնի պաշարումը. առաջին երկուսը Ռուսներից, վերջինը պարսիկներից։ Ներսէսի գրութիւնները Լազարեաններին մասամբ լրացնում են, մասամբ էլ լուսաբանում պաշտօնական հաղորդութիւնները այդ պատերազմի մասին,

ուր ինքն ուղեկցում էր Ռուսաց զօրքին Պասկևիչի խնդիրքով: Պատերազմից յետոյ, նախանձոտ Պասկևիչը չկարողանալով տանել Ներսիսի հեղինակութիւնը Կովկասում, ամեն կերպ աշխատում է հեռացնել նորան այն տեղից և թելադրում է կառավարութեան նշանակել նորան Բեսարաբիոյ Հայոց առաջնորդ քանի որ Գրիգոր արքեպիսկոպոս Զաքարեանի *) մահից յետոյ յիշեալ թեմը թափուր էր մնացել: Կաթողիկոսին Ս. Պետերբուրգից առաջարկում են հանգուցեալ Գրիգոր սրբազանի տեղը նշանակել մի այլ բարձրաստիճան եկեղեցական և հասկացնում են, թէ Կայսեր ցանկալի կլինէր այդ պաշտօնում տեսնել Ներսէսի նման մի փորձուած ու հմուտ արեւելեան գործերին անձնաւորութիւն, որից Ռուսիան նորանոր ծառայութիւններ է սպասում Ռուս-ժաճկական 1828—29 պատերազմի միջոցին: Ներսէս, որ իւր յարաբերութիւնների մասին Պասկևիչի հետ միշտ տեղեկագրում էր Լազարեաններին, թէ և սկզբում չէր համաձայնում գնալ Բեսարաբիա, բայց լսելով կոմս Բենկենդօրֆի և Լազարեանների խորհուրդը, գնաց Քիշինև և այնտեղից խիստ բողոք գրեց Կայսեր Նիկոլայ Պաւլովիչին Պասկևիչի վրայ: Վերջինս այդ միջոցին այն է 1829 թ. Դաւուբի ափերումն էր գտնւում Բալկանեան թերակղզում, իբրև գլխաւոր հրամանատար Ռուսաց բանակի, որ գործում էր Օսմանցոց դէմ: Կայսրը Ներսէսի նամակը կոմս Դիբիչի միջնորդութեամբ ուղղեց Պասկևիչին, որին Դիբիչի բերանով խորհուրդ էր տալիս զգուշութեամբ վարուել առհասարակ այն ամենայն նշանաւոր Հայերի հետ, որոնք որեւիցէ ազդեցութիւն ունին իւրեանց հայրենակիցների վրայ: Նոյն թուականին Սաչատուր Լազարեանն էլ, իբրև արտաքին գործոց կօլլեգիայի պաշտօնեայ, ուղարկուեցաւ Բեսարաբիա և Ռումինիա այնտեղի Հայոց շահերը պաշտպանելու և կարգաւորելու պատերազմի պատահարներից: Ձերմ հայասէր Սաչատուր կամ Սաչիկ աղան որի կրտսեր եղբայր գնդապետ Ղազարոսը 40,000 Հայեր էր գաղթեցրել 1828 թ. Պարսկաստանից Ռուսաց սահմանները, հանգիստ չէր կարող մնալ Ս. Պետերբուրգում, քանի որ Հայերի վիճակը Բալկանեան թերակղզում անապահով էր պատերազմի երեսից: Նա գնում է Քիշինև, Շասսա, Բուկարեստ և ամենայն տեղ ուսումնասիրում է մերախոց դրութիւնը և ձեռքից եկած օգնութիւնը հասցնում է նրանց իւր պաշտօնակաւս դիրքի շնորհիւ: Նոյն գիւմանի թղթերում մենք գտնում ենք

*) Սորա ազգականներից մի քանիսը տալալին կենդանի են և ընտկում են Քիշինև:

նամակներ Հին-Ջուղայից, Բաղդադից, Երուսաղէմի պատրիարքից, Կ. Պօլսի ականաւոր հայերից, նոցա պատրիարքից, Վիեննայի Միխիթարեանց արքահօրից, Վինետկից. Արեւմտեան Եւրոպայի հայագէտ ուսումնականներն էլ չեն վրիպում Լազարեանների սրատես աչքից և մեծ նպաստներ են ընդունում նոցանից. Նէյման, Պետերման, Լանգլուա, Էմ. Դիւլօնիէ, Բոսսէզզանազան խրախոյս և պատուէրներ են ստանում այս հռչակաւոր տոհմի անդամներից: Դիւլօնիէն Պաչեն աղային իւր Ֆրանսերէն նամակներում մեծարում է *Mr. Comte* պ. Կոմս տիտղոսով և հաղորդում է թէ Գաբ. Ալփագեանի աշխատակցութեամբ մեր հեղինակների երկերը թամզմանել է կամ տակաւին թարգմանում է ֆրանսերէն և ընդ սմին արտայայտում է իւր անկեղծ շնորհակալութիւնները տպագրութեան ծախսերի համար, որ Լազարեանները առատօրէն նուիրում էին նորան: Դարձեալ նոյն դիւանում մենք գտնում ենք բազմաթիւ նիւթեր Լազարեանների առևտրական ընդարձակ գործերի մասին. օր. Պերմ քաղաքում երկաթի հանքերի և գործարանի մասին. Մոսկվայում նոքա ունէին ձեռակերտ կերպանների առաջին գործարանը. շատ են նաև ճեմարանի պատմութեան վերաբերեալ նիւթեր: Նրանց Լապօտկովա գիւղում իջևանել է Կատարինէ II կայսրուհին, դորա նկարագրութիւնը: Յովհաննէս Լազարեանը իւր արեւմտեան կալուածներում ընդունել է Աւստրիոյ Յովսէփ II կայսրին, որից ստացաւ կոմսութեան կոչումը, հրովարտակը այդ մասին պահւում է դիւանում: Էջմիածնի զահակալները Պարսից խաներին գոհացնելու համար միշտ դիմում են Լազարեանների առատաձեռնութեանը: Միով բանիւ այս պերճ տոհմը իրան միայն յատուկ վեհանձնութեամբ անդադար բարերարում են ամբողջ հայ ազգը, առանց մի ակնկալութեան վերջնիս կողմից: Եթէ պետական բարձր շրջաններում միտրեցէ խնդիր է ծագում մի հայ հասարակութեան մասին, բարձրագոյն հրամայւում է հարցրել Լազարեանների կարծիքը այդ խնդրի մասին և ապա ընթացք տալ գործին կամ կարճել: Այն հարեանցի տեսութիւնից յետոյ դիւանի գործերի մասին, կարծեմ պարզ է ընթերցողի համար այն ահագին դերը, որ կատարել են մեր նոր պատմութեան մէջ Լազարեանները, որոնք ամենայն իրաւամբ կոչւում էին մերայիներից աղաներ (*магнаты*): Ահա այդ պանծալի տոհմի անդամներից մէկը Պաշատուր Լազարեանը մի օր դիմում է Ներսէս արքեպիսկոպոսին և թոյլտւութիւն է խնդրում պսակել իւր Աննա դուստրը իւր հարազատ քրոջ որդու Յովհաննէս Դիւանեանի (յետոյ ազգային լուսաւորութեան

նախարար կոմս Դելեանով) հետ: Ներսէսը մի ընդարձակ խրատական նամակով աշխատում է համոզել Սաչիկ աղային, յետ կենալ այդ դիտաւորութիւնից. վասն զի դա նախ՝ արեան մերձաւորութեան տեսակէտից հակառակ է Հայաստանեաց եկեղեցու կանոններին, երկրորդ մի այդպիսի բացառութիւն կարող է տեղիք տալոչ ցանկալի դայթակղութեան: Խ. Լազարեանը ականջ չէ դնում դորան և հարկադրում է վերոյիշեալ Մատթէոս արքեպիսկոպոսին հրաման տալ պսակելու սիրահար զոյգը և այսպէս տեղի է ունենում սառնութիւն Ներսէս V և Լազարեանների մէջ, որոնք արգելադրութեան լինում կաթողիկոսի գալուն Մոսկովա Ալէքսանդր II թագադրութեան: Կովկասի նախկին փոխարքայ կոմս Վորոնցովը ի մխիթարութիւն կաթողիկոսին գրում է, թէ թագադրութիւնից յետոյ գալու է Թիֆլիզ նոր փոխարքայ իշխան Բարեատինսկին, որ թագաւոր Կայսեր կողմից բերելու է նորան մի նոր կայսերական շնորհ: Ինչպէս երևում է այս նամակից, Կայսրը իւր ափսոսանքն է արտայայտել, որ Ներսէս կաթողիկոսը իւր ծերութեան պատճառով չէ կարողացել ներկայ լինելու իւր թագադրութեան հանդիսին: Եւ այդ շատ բնական է, քանի որ Կայսրը իւր ժառանգ լինելու միջոցին ճանապարհորդելով Կովկասում և նոր նուաճուած երկիրներում, բարեհաճել էր այցելել Ս. Էջմիածինը, ուր փառաւոր ընդունելութիւն գտաւ արքեպիսկոպոս Ներսէսի և բոլոր միաբանութեան կողմից. այս պատճառով Կայսրը միշտ յիշում էր Ներսիսին:

Սաչիկ աղայի և Ներսիսի մէջ տեղի ունեցած միջնադէպքը չպիտի սառցնէր հայ հասարակութեան յարգանքը դէպի Լազարեանց տոհմը, թէև Գէորգ IV կաթողիկոսն էլ 1867 թ. ընդհարում ունեցաւ նոյն Սաչիկ Լազարեանի հետ: Վերջնիս թոռն իշխան Սիմէոն Աբամելիք-Լազարեանը իւր նախնեաց անագին կալուածների հետ ժառանգել է նաև նրանց առաքինի վեհանձնութիւնը և բարեմասնութիւնները, որ հանդէս հանեց մեր վերջին եկեղեցական կալուածների և ուսումնարանների խնդրում, ոչ պակաս աջակցելով Վեհափառ կաթողիկոսի Ս. Պետերբուրգ ուղարկած նուիրակներին: Իբրև պատուաւոր հոգաբարձու իւր տոհմի հիմնած ճեմարանի, նա իւրաքանչիւր տարի ձեռքից եկածը անում է, հետևելով իւր նախորդների օրինակին: Այսպիսի անձնաւորութեան ներկայութիւնը մայրաքաղաքում շատ օգտաւէտ է ազգիս համար. այդ չպէտք է մոռանալ: Sapiienti sat.

Մ. ՇՈՎՐԵԱՆ

Օգոստոս 24 ին 1905 թ.

Մոսկուա

P. S. Հանգուցեալ Կարապետ Եղեանցը, որ, իւր նախկին պաշտօնով ներքին գործոց նախարարութեան մէջ պարտական էր Լազարեանց, իբրեւ նրանց ճեմարանի սան, իւր բոլոր կեանքի ընթացքում իրօք հետևող է հանդիսացել իւր բարերարներին, օգնութեան հասնելով թէ մասնաւոր անձանց և թէ զանազան հայ հասարակութիւններին: Եղեանցի հոգին յօժար էր, բայց մարմինը տկար. կամիմ ասել նա չունէր Լազարեանցների նիւթական կարողութիւնը և բարձր դիրքը. այդ անհրաժեշտ առաւելութիւնները տուած են իշխան Աբամելիք-Լազարեանին: Մ. Շ.

ՀԱՅԱՍՏԱՆԻ ՄԱՍԻՆ

ԳԻՏՈՒԹԻՒՆ ԵՒ ԱՐՈՒԵՍ

ԲԵՐԻՆԳԻ ՀՍԿԱՅԱԿԱՆ ԳԻՒՏԸ

Հիւանդ մարդկութիւնը նորից յուզուեց ամենավտանգաւոր ազէտներից մէկի յաղթութեան ցնցող լուրից, այն հիւանդութեան, որ ամեն տարի գերեզման է տանում հարիւր հազարաւոր մարդիկ: Հոչակաւոր գիտնական Բերինգը, որի անունը կապուած է դիֆտերիտի շիճուկի հետ, նոր միջոց է գտել թութախտի դէմ: Բերինգը գնացել է Փարիզ բժշկական ժողովին մասնակցելու: Ժողովից առաջ գիմել է Matin-ի խմբագրութեան և իր գիւտի մասին կարճ տեղեկութիւններ տուել: Ահա այդ տեղեկութիւնների էութիւնը:

Արդէն մի քանի տարի է, ինչ Բերինգը Մարբուրգին կից իր սեպհական կալուածքում ունի 400 արտաշափ գետին: Այդ տեղ արածում են նրա ձիաների երամները, կովերի, եզների և հորթերի հօտերը, որոնց վրայ Բերինգը շատ տարիների ընթացքում տուրերկուլիօզի վարակման և ահռելի հիւանդութեան դէմ կռուի հետ կապուած մի շարք փորձեր էր կատարում: Այդ փորձերից երևացել է, որ վարակուած լինում է մեծ մասամբ մանկութեան հասակում: Վերևը յիշած փորձերը ոչինչ չեն ասում թոքախտի բժշկութեան մասին, այլ ցոյց են տալիս մանուկներին թոքախտով վարակուելուց պահպանելու անհրաժեշտութիւնը:

Այժմ գործը ըստ երևոյթին ուրիշ կերպարանք է ստանում: Ահա Բերինգի բառերը, որ առաջ է բերում Matin-ը.

Լումայ

«Տուրքերկուօզի բժշկութեան իմ գտած նոր միջոցը, որ գտել եմ մի շարք փորձերով, կ'այտարարեմ մինչև օգոստոս ամիսը: Այդ ոչ շիճուկ է և ոչ էլ ծաղկածահր: Այլ մի նախազգուշացնող և միևնոյն ժամանակ բժշկող միջոց: Առայժմ ես մտադիր եմ գաղտնի պահել նրա պատրաստելը, ինչպէս իր ժամանակին արեցի զիֆտերիտի շիճուկի վերաբերմամբ: Ես ամենքին կ'պատմեմ իմ գիւտի մասին, ինչպէս արդէն ասել եմ Մեհնիկովին ու Ռուին և թոյլ կտամ բժիշկներին օգտուել նրանից: Բայց մի փոքր ժամանակ գաղտնի կ'պահեմ, որովհետև արդարացի եմ համարում ժամանակաւորպէս օգտուել այդ գիւտից, հետեւեալ փորձերը կ'ատարելու համար: Այո, կարծեմ որ յաջողուեց ինձ տուրքերկուօզի դէմ միջոց գտնել: Ես խնդրում եմ ժամանակ տալ ինձ մինչև օգոստոս»:

Մեր հայրենակից Մեհնիկովը ասում է, որ դա մի փոշի է, որ Բերինգը РХ է անուանում: Մի կարծէք, ասում է նա, որ Բերինգի գեկուցումը վաղածամ է: Այդ մարդը մի հսոնճար է: Մտաբերեցէք նրա գիտական կեանքը: Յարգելի գիտնականը ամբողջովին նուիրուեց զիֆտերիտի շիճուկ գտնելու: 10 տարի նրա ջանքերը ապարդիւն անցան, բայց նա աւելի և աւելի էր աշխատում, բազմապատկում էր հետազոտութիւնները. և երբ ամենքը կարծում էին թէ նա տարուած է, հասաւ իր նպատակին: Պակաս ջանք չգործ դրեց Բերինգը իր միւս կենդանիների ծաղկածահր գիւտի վրայ: Ես ոչինչ չգիտեմ Բերինգի գիւտի մասին նրա բաղադրութեան և գործածութեան մասին: Բայց համբերութիւն և յոյս ունենանք»:

Այս դէպքից մի քանի օր յետոյ, սեպտեմբերի 24-ին չարաթ օրը, Բերինգը կարգաց ժողովում իր գեկուցումը, որ բարձր ծափահարութեամբ ընդունուեց: Ժողովի բոլոր անդամները, նախագահի առաջնորդութեամբ, շրջապատեցին շնորհալի գիտնականին և շնորհաւորում էին նրան:

Այն բժշկական միջոցը, որ տուրքերկուօզի բժշկութեան ժամանակ Բերինգը ներգործական է գտնում, ստացւում է նրա տուրքերկուօզի թոյնի առանձացումից: Զանազան հակազդեցութիւնների միջոցով, Բերինգը հեռացնում է այդ թոյնից մանրէների երեք գոյացութիւնները, որոնցից մէկը յայտնի է իր անսովոր ուժեղ թունաւորութեամբ (այդ գոյացութեան մէկ դրամը աւելի թունալից է քան Կոխի մէկ լիտր տուրքերկուինը): Այդ գոյացութիւնից հեռացնելով տուրքերկուօզի մանրէն, անկերպարան գոյացութիւնն է մնում, շատ հեշտութեամբ ծծւում է կենդանիների փորրի աւազային ցանցերով: Այդ

գոյացութիւնների ազդեցութեամբ (որ Բերինգը PC է կոչում), աւշային ցանցերը փոխում են և նրա հետ կազմուածքի մէջ հիւանդութեան հեռանալու դրութիւն է առաջանում: Բերինգի կարծիքով, մարդուս հիւանդ կազմուածքը կու-ւում է ահեղի կերպով հիւանդութեան հետ, ինքը մշակելով PC գոյացութիւնը: Եթէ մենք բժշկական միջոցով պատրաստենք այդ գոյացութիւնը, գորանով կազմուածքը ազատած կլինենք երկար և վտանգաւոր աշխատանքից:

«Յոյս ունեմ, ասում է Բերինգը, որ ես ուրիշներից ա-ւելի երջանիկ եմ, և որ այն բժիշկները, որոնք Մարբուրգ վերադառնալուն պէս կ'այտնեն իմ գաղտնիքս, նոյն տեսակ կամ գուցէ աւելի լաւ սփռման քան ես: Յիշեցնում եմ ձեզ, որ իմ այս զեկուցումը զարմանալի կերպով նման է իմ 1890 թ. դիֆտերիտի դէմ նոր գիւտի զեկուցման»:

Բերինգը խօսեց և նրա մասին, որ շնորհիւ PC -ի աջակ-ցութեան, նրան յաջողուեց ձեռք բերել դիֆտերիտի շիճուկը այն միջոցով, որ բժշկականութեան մէջ քաղաքացիութեան իրաւունք է ստացել: Նա վերջացրեց իր զեկուցումը ցանկա-ւով, որ բաղդը PC-ի նման մի ընկեր ուղարկէր իրան:

ՕՐ. ՆՈՒԱՐԴ ԱՂԱՆԵԱՆՑ

ՄԱՏԵՆԱԽՕՍԱԿԱՆ

1. Մարգար. Հովածանքի ծնունդը. քերթուած (Բաբիի երգերից) Ալեքսանդրապոլ. 1905, էջ 64.

Պ. Մարգարը գրելու ձիրքի նշաններ է ցոյց տալիս. այս անգամ նա շատ յաջող նիւթ է ընտրել, բայց տարաբախտաբար չէ կարողացել լաւ մշակել իւր դադափարը: Եթէ հեղինակը իւր ընտրած նիւթը կարգին ուսումնասիրէր և սիմվոլական ցնորքներից հետո մնար՝ շատ սիրուն և գաղափարական պատկեր կարող էր լինել «Հովածանքի ծնունդը»: Առհասարակ նոր սկսող գրիչները չեն կարող յաջողութիւն ունենալ այդ ուղղութեամբ. սիմվոլիզմը միմիայն շնորհալի ու տաղանդաւոր վիպագիրների գրուածքների մէջ մի բանի նման է լինում, թէ չէ մեծ մասամբ անշնորհք և անհասկանալի բռնների կուտակումն է ներկայացնում: Եթէ ժողովրդին ընթերցանութեան նիւթ էք տալիս և ուզում էք, որ նա օգտուի կարգացածից և զարգանայ, այնպէս գրեցէք, որ նա բան հասկանայ. հակառակ դէպքում մի երկու էջ կարգալուց յետոյ գիրքը դէն կշտտուի. ընթերցողն ամեն անգամ ռոտեղ որոնի պ. Մարգարին ու հարցնի՝ թէ ինչ է նշանակում «ուղիների տիտան հասակ», «(մեծ ուղիների տիտան հասակը անա չափելով... ես քուն եմ մտնում» էջ 1). «բռնաբարուած ուղեղ» («բռնաբարուած խղճուկ ուղեղս մեղմիկ շոյում է». էջ 1.), «սրտի արգանդ» («Որ ծնունդ առար սրտիս արգանդում» էջ 6.), «աղիքների ականջներ» («Թող նոցա փորում գարշ աղիքների սուր ականջներին իւր գաղտնիքները յաւիտեան պատմէ». էջ 41), «[Ելատաւ խիղճ» «հոգով ներքինի» (Եւ հզօր շահի՝ խիղճը թլպատած, հոգով ներքինի բիւր ծառաները». էջ 45) և այլ այսպիսի անմտութիւններ: Խնայեցէք ընթերցողներին: Պ. Մարգարի մուսաներն էլ տարօրինակ բաներ են «Բնձ՝ սիրոյ ծնող, սիրոյդ՝ վշտի մայր, վշտին՝ ինձ դայեակ—անա ձօնում եմ ձեր ար-

գասիքը...: Դո՛ւք էք իմ մուսան»—էջ 7. հանելուկ. հվ կամ քնչն է Մարգարի մուսան:

2. Ժ. ՄԱՍՍՈՆ. Նապաստակ Դեղանի վրէժխնդրութիւնը կամ ինքդ քեզ օգնիր. գրոյց պատկերազարդ, Փրանս. փոխադրեց Լեոն Մելիք-Աղամեանց. թիֆլիզ 1905. էջ 57.

Ճիշտն ասեմ՝ վաղուց է այսպիսի հայաշունչ լեզուով գրուած մանկական գիրք չէր ընկել ձեռքս. թէև գրքի վրայ փոխադրութիւն է տպուած, բայց իսկապէս ինքնուրոյն աշխատութեան տպաւորութիւն է թողնում: Գրքի իւրաքանչիւր էջից բուն հայ լեզուի բուրմունքն է ստացւում. գեղեցիկ ոճեր, ժողովրդական բառեր, կոկ, պարզ դե իւրըմբռնելի նախադասութիւններ. այսպիսի յատկութիւնները գնահատելի են գրքերի և մանաւանդ մանկական ընթերցանութեան գրքերի համար: Այս մանկական գրոյցի բարոյականն է ինքնօգնութեան գաղափարը, որ շատ յարմար ընթերցանութեան նիւթ է մանաւանդ մեր ժամանակներում. միշտ ուրիշների լուսով ապրողը վերջը բոլոր ունեցածն էլ կկորցնի: Գրքի արտաքինն էլ համապատասխանում է ներքին արժանաւորութեանը. տպուած է մաքուր, խոշոր տառերով և ընտիր թղթի վրայ. յաջող են նաև պատկերները:

3. ՅԱՐ. ԵՍԱՅԵԱՆ. Միենոյն դադաղում... պատկեր. Թիֆլիս 1905 թ. էջ 16.

Վերջին տասնամեակի ընթացքում հայ ժողովրդի կրած սոսկալի տառապանքները, հայի բնակավայրը արեան հեղեղներով ծածկող գազանային արարքները, մի այնպիսի դրութիւն ստեղծեցին, որի առաջ նսեմացան մեր պատմագիրների և ձեռագիրների յիշատակարաններում նկարագրուած արիւնալի ու հոգեմաշ չեփաղտութիւնները, հայութեան սև ճակատագրի միշտ և շարունակ կրկնուող պատահարները: Ժողովրդական սարսափի հր տեսակը մնաց, որ չկրեց բազմաչարչար հայութիւնը. կոտորած, աւերում սով, հրդեհ, երկրաշարժ, երաշտ, մորեխ, խօլերա, բռնութիւն, բանտ, աքսոր... էլ հր մէկն ասեմ: Եթէ այս դառնութեան ու լիոնացած վշտի շրջաններում մենք տաղանդաւոր գրողներ ունենայինք, կարող էին իրենց անունն անմահացնել՝ իրական կեանքի արիւնաներկ դրամաները շաքահիւսելով. բարթողիմեան պատմական գիշերները մեր ներկայի լոկ ուրուագծերը կարող են լինել...: Տարաբախտաբար

հայութեան միջավայրը տաղանդներ չէ արտադրում. ունեցե՞լ ենք և ունինք շատ թէ քիչ շնորհալի գրողներ, որոնք իրենց կարողութեան չափ նկարագրել են սոսկալի իրականութեան միայն թոյլ անդրադարձումները:

Վերջին սարսափների մի փոքրիկ միջադէպը է նկարագրում «միևնոյն դազադում» պատկերի մէջ. մեր ժողովրդական գրողների շարքն անցնող Յ. Յսայեանն իւր սովորական շտապ գրչով պատկերացրել է Բագուի աղէտներից մի էպիզոդ, որի էութիւնը հետևեալն է. ծերունի գաղթական մշակը, որ իւր ժամանակին փախել է Տաճկահայաստանի կոտորածից, Բագուի հանգստարանում գերեզման է փորում՝ թուրքերի պիղծ ձեռքով մորթոտուած գոհների համար. թաղուող դիակների մէջ ծերունին ճանաչում է իւր միակ երիտասարդ գաւալին և ինքն էլ անշնչացած ընկնելով՝ թաղուած է, միևնոյն դազադում, իւր իսկ փորած գերեզմանի մէջ:

Թէև նկարագրութիւնը պարզ և անպաճոյճ է, բայց տըպաւորութիւնը զօրեղ է, որովհետև գրուածքի բոլոր թերիւնը լրացնում է ընթերցողի երևակայութիւնը: Այսուհետև երեւի այսպիսի պատկերներ դեռ շատ կկարգայ բաղդից հալածուած թշուառ հայ ժողովուրդը:

4. Совѣщаніе учителей начальныхъ училищъ.—Перепечатано изъ газеты «Кавказъ».

Բաւական ժամանակից ի վեր Կովկասի դպրոցական գործը բոլորովին շեղուելով բնական ընթացքից՝ փոխանակ մանկավարժական սկզբունքներով ղեկավարուելու, միմիայն քաղաքական տեսակէտով էր առաջնորդուած: Այսպիսի թիւը դպրոցական սիստեմը հարկաւ լաւ արդիւնք ու հետևանքներ չէր կարող ունենալ. մի գեղեցիկ օր պէտք է երևան գար, որ այդ ճանապարհով՝ ձգտած նպատակի ճիշտ հակառակն է եղել արդիւնքը: Այդպէս էլ եղաւ: Կովկասի նոր նշանակուած նորինկայսերական մեծութեան տեղակալը տեսնելով տարրական դպրոցների այդ անմխիթար դրութիւնը և սխալ սիստեմի հետևանքները, անհրաժեշտ համարեց արժատական փոփոխութեան ենթարկել դպրոցական գործը և կրկին մանկավարժական հիմքերի վրայ դնել. նա հրամայեց, որ տարրական դպրոցներում ուսուցումը տեղի ունենայ սովորողների մայրենի լեզուով, իսկ ուսուց լեզուն ուսուցանուի մայրենի լեզուի օժանդակութեամբ. ուսերէն գրագիտութիւնը պէտք է սկսուի եր-

կրորդ տարուայ սկզբին:

Այս սկզբունքների համեմատ ծրագիր մշակելու համար Կովկասեան դպրոցական հոգաբարձուն առանձին յանձնաժողով է կազմում տարրական դպրոցների հայ, վրացի, թուրք ուսուցիչներին մասնակցութեամբ. այս յանձնաժողովի խորհրդակցութեանց արդիւքն է ահա վերոյշեալ ուսերէն բրօշիւրի բովանդակութիւնը:

Նրեանեան նահանգի ժողովրդական դպրոցների վերատեսուչ պ. Ծիճինաձէի նախագահութեամբ գործող ուսուցչական այդ մասնաժողովը ծրագիր է մշակել՝ չորսամեայ դասընթացով դպրոցի համար. զարմանալի՝ ծրագիր. մասնաժողովի տարրական դպրոցի մասին ունեցած գաղափարը ոչնչով չէ զանազանուած մեր մոտեցումների խալիֆաների «կամ թէ այժմեան թուրքական մեղրեսէները» «մոլլաների» գաղափարից: Արդեօք Աֆրիկայից են հրաւիրուել մասնաժողովի յարգելի անդամները: Անհասկանալի բան է, որ այժմեան հասկացողութիւնների ու մանկավարժական պահանջների գիտակցական ժամանակաշրջանում՝ չորսամեայ ժողովրդական դպրոցի ծրագիրը միմիայն երեք առարկայից է բաղկացած. կրօն, լեզու, թուաբանութիւն: Պակաս է միայն «Սալիֆայի» ճիպոտը կամ «մեղրեսէի» ամբողջ մարմնով օրօրուելը...:

Չորս տարի յաճախող երեխաներն ուրեմն ոչ մի գաղափար չպէտք է ունենան ոչ իրենց ծննդավայրի ու հայրենիքի մասին, տարրական հասկացողութիւն անգամ չպէտք է ունենան բնութեան երևոյթների, կենդանական, բուսական աշխարհների մասին, չպէտք է գիտենան աշխարհիս մասերը և այլն: Նրանք չպէտք է կարողանան գոնէ մի երկու ժողովրդական երգ երգել կանոնաւոր կերպով. գծագրութեան մասին գաղափար չպէտք է ունենալ և այլն:

Ահա մասնաժողովի մշակած (!) ամբողջ ծրագիրը.

	I տարի	II տ.	III տ.	IV տ.
Կրօն	3	3	3	3
Մայրենի լեզու	8	8	8	8
Ռուսաց լեզու	7 (յոն.)	8	8	9
Թուաբանութիւն	6	5	5	4
	24	24	24	24

Ի՞նչպէս պէտք է բացատրել այս տխուր երևոյթը. միթէ մասնաժողովի անդամները—որոնց մէջ կան ուսուցչական սեմինարների ուսուցիչներ, դպրոցների տեսուչներ և այլն—այս-

քան սահմանատակ մտքի տէր մարդիկ են եղել՝ թէ դարձեալ մի գաղտնի «և» կայ այդտեղ:

5. Աղէքսանդրապօլից Ղանլիճա, ուղևորի յիշողութիւններից. գրեց Ն. Ք. ՆԻ-
ԿՈՂՈՍԵԱՆ: Ալեքսանդրապօլ. 1905. էջ 62.

Մեր նորագոյն գրականութեան 70—80 տկան թուական-
ների շրջաններում բաւականին խոշոր տեղ էին բռնում ճանա-
պարհորդական լուրջ նկարագրութիւնները, որտեղ դիւրամատո-
չելի ձևով նկարագրում էին տեղագրական կամ ազգագրական
նիւթերը և օգտակարն ու զուարճալին շատ անգամ միանալով՝
շարժում էին ընթերցողների հետաքրքրութիւնը: Վերջին ժա-
մանակներս ազգագրական ու տեղագրական նիւթերը մեծ մա-
սամբ իբրև գիտական մշակման առարկայ նկատուելով՝ հրա-
տարակում են չոր ու ցամաք, համակարգուած կամ առանց
համակարգութեան և այդպիսով սակաւաթիւ անձանց հետաքր-
քրութեանը բաւականութիւն տալիս:

«Աղէքսանդրապօլից Ղանլիճա» գրքոյկը ձեռքս առնե-
լով՝ սպասում էի թէ կկարդամ մի ճանապարհորդական նկա-
րագրութիւն—մանաւանդ որ գրքոյկի ճակատին էլ դրօշմուած
է «ուղևորի յիշողութիւններից». բայց սրբան եղաւ հիաս-
թափութիւնս, երբ գիրքը ծայրէծայր կարդալով՝ միայն
գտայ մի մասլահաթ, որ տեղի է ունեցել ճանապարհին հեղի-
նակ քահանայի և մի տիրացու Գալուստի մէջ: Այսպիսի ամեն
տեսակ դատողութիւններով խճողուած զրուցատրութեան հա-
մար ի գուր է հեղինակը ոտքով Ղանլիճա գնացել. նա կարող
էր տիրացու Գալուստին իւր տուն հրաւիրել և հանգիստ նըս-
տած մասլահաթ անել... Այդ ղէպքում գոնէ գրքոյկի վերնա-
գիրը կհամապատասխանէր բովանդակութեանը:

Ճանապարհորդ քահանան հանդիպելով տիրացու Գալուս-
տին՝ ոչ թէ միայն նրա որտեղացի լինելն ու անունն է հարց-
նում, այլև ասիական հետաքրքրութեամբ՝ թէ խուրճինի մէջ
լինչ ունի, թէ արդեօք նա՞ղդ փողով է գնել, թէ ապառիկ և
այլն: Այնուհետև սկսում է մասլահաթը՝ ապառիկների, մուր-
հակի, վաճառականների ու գիւղացիների փոխադարձ անբարե-
խղճութեան, տգիտութեան, ուսումնարանի, լրագրի, գրքերի,
բժշկի, երազի ճշտութեան, գանձ փորելու մասին և այլն, յե-
տոյ ճանապարհին պատահում են հովիւ Հասօին և նրա հետ
սկսում մասլահաթն ու լսում են նրա սրնգի հնչիւնները. վերջա-
պէս հասնում են գիւղ և ապշած ընթերցողին հեղինակը կերա-

կրում է գրքոյկի վերջին տողերին կցած հետեւեալ ծանօթութեամբ. «Ղանլիճաների նկարագրութիւնը իրանց ներկայ և անցեալ տեսակետներով (?), կարելի է գտնել 1904 թ. Արարատի մէջ»:

Միթէ արժէր այս երկու տող յայտարարութեան համար 62 էջ լցրած մասլահաթներով զբաղեցնել ընթերցողին:

ԲՐԻՉ

Ստացուած գրքեր

- Մ. Շովրեան. Գ. Սալաթեանցի «Հայոց Արշակունիք Մ. Խորենացու հայոց պատմ. մէջ». Սատեն. Վենետիկ. 1904
- × Միք. Մանուէլեան. Էսքիզներ. Ս. Պ. Բ. 1905. գ. 40 կ.
- Ե. Փրանգեան. Ատրպատական. պատկերազարդ. Թիֆլիս 1905. գ. 1 ո. 50 կ.
- Փառնակէս. Կը կակղես կուտես. վող. մէկ ար. Երևան 1905 գ. 40 կ.
- Բժ. Վ. Արծրունի. Մանկիկ. նկարներով. Թիֆլիս 1905. գ. 40 կ.
- Մօրիս Լըմբսիէ. Մարդ. Թարգմ. Մ. Վ. Բագու. 1905. գ. 5 կ.
- Արսէն աւ. ք. Բագրատունի. Ձեռնարկ կրօնական գիտելիքների. գ. տ. Թիֆլիս 1905. գ. 40 կ.
- Գաբրիէլ Սունդուկեանց. Ամուսիններ. կատակ չորս արարուածով. երրորդ տպագրութիւն. ուղղած. Թիֆլիս 1905 (1 ո.).
- Մ. Շուտ. Սև հարսանիք. Ռուսճուք 1905 (10 կ.)
- » Դատ. կրիտիքական անալիզ. Ռուսճուք 1905 (10 կ.). Նշտար. Ժահրուտ վէրքեր. արտ. Տարաղից. Թիֆլիս 1905 (15 կ.).
- Մ. Սեմենկա. Առաջին վաստակ. զրոյց. փոխադրից Լ. Մ.—Ազամեանց. Թիֆլիս 1905 (60 կ.).
- Կօտ Մուղլիկա. Փոքրիկ ճուլակ ու խլըշիկ նապաստակը. փոխադրից Նոյն. Թիֆլիս 1905 (1 ո.).
- Վիկտորիէն Սարգոյ. Ոգեհարցութիւն. Թատր. 3 ար. Թարգմ. Նոյն. Թիֆլիս 1905 (50 կ.).
- Գրիգորի Նարեկայ վանից վանականի մատենագրութիւնը. հրատարակեաց Յարութիւն Գրիստափորեան ի յիշատակ իւր կողակից Իսկուհի Գրիստափորեանի դստեր Յարութիւնի Ունճեան, որ անցեալ տարի վախճ. Տփլիսում: Թիֆլիս 1905:
- Սաչատուր արեղափ Ջուղայեցւոյ Պատմութիւն Պարսից (ժը. դար). աշխ. Բարգէն վ. Աղաւելեանց. Վաղարշապատ 1905 (1 ո. 25 կ.).
- Գ. Զուբար. Մահտեսի Սարգիս. գիրք Ա. Նոր-Նախիջևան 1905

ՆԵՐՔԻՆ ՏԵՍՈՒԹԻՒՆ

Բարձրագոյն մանիֆէստ կօնստիտուցիայի մասին:— Համառուսական զոր-
ծադուլ: Հոկտեմբերի 17-ի մանիֆէստը: Ժողովրդի քաղաքացիական ազա-
տութիւն: Ազատութեան տօնախմբութիւնը Ռուսիայում: Ազատութեան թըշ-
նամի տարրերը եւ նոցա զիմադրութիւնը ազատական շարժման: Խուլիգա-
նային բարբարոսութիւններ հայրենասիրական դիմակի տակ: Ռուս մամու-
լի միահամուռ թողոքը կատարուած զազանութիւնների դէմ: Կառավարութեան
մեծ սխալը: Խնչպէս պիտի հաստատուի սահմանադրութիւնը Ռուսաստա-
նում:— Ազատութեան տօնը Թիֆլիսում: Հոկտ. 21 ի պարագը: Մանի-
ֆէստացիայի նախօրը: Մամուլի ազատութիւն: Հոկտ 22-ի ջարդը: Սպան-
ուածներ եւ վիրաւորներ: Խմբագրութեանց գնդակումը: Սպանուածների
թաղումը: Ռուսների առասպելը: Հայ ժողովրդի շնորհաւորութիւնը Հոկ. 17-ի
մանիֆէստի առիթով: Կուսակցութիւնների երեւան գալը: Զինուորական դրու-
թեան վերացում: Դպրոցական գործադուլ: Ներքին լուրեր Նամակ խմբագրու-
թեան:

ԲԱՐՁՐԱԳՈՅՆ ՄԱՆԻՓԷՍՏ

Աստուծոյ ողորմութեամբ Մենք Նիկոլայ II Կայսր և ինք-
նակալ համայն Ռուսիայի, Թագաւոր Հեհաստանի, Մեծ իշխան
Ֆինլանդիայի և այլն և այլն, յայտարարում ենք Մեր բոլոր հա-
ւատարիմ հպատակներին, որ Մեր կայսրութեան մայրաքա-
ղաքներում և ուրիշ շատ տեղերում եղած խռովութիւններն ու
խառնակութիւնները մեծ վշտով լցնում են Մեր սիրտը: Ռու-
սիայի Կայսեր բարօրութիւնը անխզելի կապուած է ժողովրդա-
կան բարօրութեան հետ և ժողովրդի վիշտը Նորա վիշտն է:

Այժմ ծագած խառնակութիւններից կարող է առաջ գալ
ժողովրդական խորը անկարգութիւն և Մեր Պետութեան ամ-
բողջութեան ու միութեան համար սպառնական դրութիւն:

Թագաւորական կոչման մեծ ուխտը հրամայում է Մեզ
Մեր իշխանութեան և բանականութեան բոլոր ոյժերով ձգտել
շուտով վերջ դնելու Պետութեան համար այդքան վտանգաւոր
խառնակութիւններին:

Հրամայելով պատշաճաւոր իշխանութիւններին միջոցներ
ձեռք առնել, որպէս զի վերացուին անկարգութիւնների, խռ-
վութիւնների և բռնութիւնների ուղղակի արտայայտութիւն-
ները ի պաշտպանութիւն նոցա, որոնք ձգտում են իրանց
պարտքը խաղաղ կերպով կատարել,

Մենք անհրաժեշտ համարեցինք միացնել բարձր կտուա-

վարութեան գործունէութիւնը, որպէս զի լաշոյ իրագործութեան նախագծած ընդհանուր միջոցները Պետական կեանքի խաղաղացման համար:

Պարտք ենք դնում կառավարութեան վերայ ի կատար ածել Մեր անխախտ կամքը.

1. Շնորհել ազգաբնակչութեան՝ քաղաքացիական ազատութեան անխորտակելի հիմունքներ՝ անձի իրական անձեռնմխելիութեան, խղճի, խօսքի, ժողովումների և դաշնակցութիւնների ազատութեան սկզբունքներով:

2. Չզաղարեցնելով Պետական Դուռայի համար արդէն նշանակած ընտրութիւնները, մինչև դուռայի գումարումը մնացած ժամանակամիջոցի կարճութեան համապատասխանող հնարաւորութեան չափով՝ դուռային մասնակցելու կոչել ազգաբնակչութեան արն դասակարգերը, որոնք այժմ բոլորովին զրկուած են ընտրական իրաւունքներից: Դորա հետ միասին, ընդհանուր ընտրական սկզբունքի յետագայ զարգացումը թողնել նոր հիմնուելիք օրէնսդրական ձևին:

3. Հաստատել իբրև անխախտ կանոն, որ ոչ մի օրէնք ոյժ չստանայ առանց Պետական Դուռայի հաւանութեան և որպէս զի ժողովրդից ընտրուածները ապահովուած՝ հնարաւորութիւն ունենան իրապէս մասնակցել այն վերահսկողութեան, որ լինելու է Մեր կողմից նշանակած իշխանութիւնների գործողութեանց օրինաւորութեան վերաբերմամբ:

Հրաւիրում ենք Ռուսիայի բոլոր հաւատարիմ զաւակներին յիշել իրանց պարտքը զէպի հայրենիքը, օգնել զաղարեցնելու այս չլսուած խռովութիւնները և Մեզ հետ միասին բոլոր ոյժերը լարել՝ հանգստութիւնը և խաղաղութիւնը վերականգնեցնելու հայրենի երկրում:

Տուած Պետերհոֆում, հոկտ. 17-ին 1905 թ. իսկ Մեր թագաւորութեան 11-րդ տարին:

Իսկականի վերայ Նորին Կայսերական Մեծութեան սեպհական ձեռքով ստորագրուած է

ՆԻԿՈԼԱՅ

Հոկտեմբեր ամսի սկիզբը ներկայացնում էր ռուս ժողովրդի յեղափոխական գործունէութեան ամենահրատապ ժամանակը, իսկ նոյն ամսի 14-ին տեղի ունեցաւ համառուսական տնտեսական և քաղաքական լիուլի գործադուլը, երբ փակուեցան բոլոր խանութներն ու գործարանները, զպրօցներն ու բոլոր հաստատութիւնները, զաղարեցին տրամվայներն ու կառքերը, հեռագիրն ու հեռախօսը, երկաթուղիներն ունոցա վար-

չութիւնները և ամբողջ քաղաքները ամայութեան և խաւարի դատապարտուեցան: Այդ դրութեան եթէ աւելացնենք գրեթէ Ռուսաստանի մեծ մասի ուժեղացրած պահպանութեան և զինուորական դրութեան մէջ լինելը, բոլոր փողոցների լցուիլը զինուորներով, հեծելազօրով և կողակներով, արհաւիրքի պատկերը կատարեալ կլինի:

Երկրի այդ անկերպարան վիճակում, հոկտեմբերի 17-ին յանկարծ կայծակի արագութեամբ տարածուեց այն մանիֆէստի, ազատութեան այն մեծ ակտի հրատարակութեան հետագրաւորը, որ վերը առաջ բերինք ամբողջութեամբ:

Ռուսաստանի ներքին կեանքի այս ամսուայ ամենախոշոր երևոյթը հոկտեմբերի 17-ի այդ մանիֆէստն է Պետական դոմայի վերակազմութեան վերաբերեալ, որով խոստացուած են սահմանադրական ընդարձակ իրաւունքներ ժողովրդին:

Կատարուեցաւ պատմական մի խոշոր իրողութիւն: Կայսերական մանիֆէստով ժողովրդին տրուեցան քաղաքացիական ազատութեան անսասան հիմունքներ անհատի իսկական անձեռնմխելութեան, խղճի, խօսքի, մամուլի, ժողովների և դաշնակցութիւնների ազատութեան սկզբունքների վերայ, այժմէն իսկ թոյլատրելով հրաւիրել ազգաբնակչութեան բոլոր դասակարգերին մասնակցել դոմայում և որպէս անկողնակի կանոն սահմանուեց, որ այսուհետեւ ոչ մի օրէնք իրաւական ոյժ չունենայ առանց Պետական Դոմայի հաւանութեան արժանանալու և ժողովրդական ներկայացուցիչները իրաւունք ունենան իրական մասնակցութիւն ունենալ հսկելու օրէնքը գործադրող իշխանութեան վերայ:

Այսպէս ուրեմն, ինչի համար որ տքնեցան ոռւս լաւագոյն մտածող մի քանի սերունդներ, այն ազատութիւնը, որի համար վաստակեցին ու ընկան հազար հազարաւոր կրիտասարդ ու ծերեր, արք և կանայք, ժողովրդի այն անկապտելի իրաւունքները, որով տոգորուած են ներկայումս Ռուսիայի բոլոր ինտէլլիգէնցիան, ժողովրդի բոլոր աշխատող դասակարգերը, այդ ազատութիւնը արդէն բարձրագոյն կամքով տրուած են ժողովրդին, իսկ այդ ազատութեան տեականութիւնն ու բարգաւաճումը յանձնուած է Պետական Դոմային:

Միապետական, ոստիկանական Ռուսիան տեղի տուեց իրաւական, ազատ Ռուսիային—կոնստիտուցիական, սահմանադրական տէրութեան:

Ճշմարիտ է, կոնստիտուցիա բառը չէ յիշուած մանիֆէստի մէջ, բայց երբ մի անգամ կայ անձի իրական անձեռնմխելիութիւն, խօսքի, մամուլի, համախմբումների և դաշնակցութիւն-

ների ազատութիւն, օրէնսդրական ժողովրդական իրաւունք, ընտրական ընդարձակ արտօնութիւններ, և երբ ժողովրդի ընտրեալներն իրաւունք ունին հսկել օրէնքների գործադրութեան վերայ, այլ ևս ապահոված է սահմանադրութիւնը և այսուհետև ժողովրդի ընտրեալների խորհրդին է մնում մշակել իսկական կօնստիտուցիան:

Ոգևորուեցաւ բիւրօկրատիայի, չինովնիկութեան ձեռքին հեծող ժողովուրդը: Բաղաքներում և աւաններում խռոն ամբոխը խռնուած փողոցներում, կարմիր դրօշակները ձեռքներին, հանգիստ ու անվրդով, առանց ոստիկանութեան ներկայութեան, օրինակելի կարգապահութեամբ տօնեց Կայսեր շնորհած ազատութիւնը, ժողովրդի խաղաղ տարրերը բարձրագոյնս թոյլատրուած հանդէսներ կազմեցին և ուրախութեան աղաղակներով տօնեցին գերութիւնից ազատուող Ռուսիայի նոր կեանքի արշալոյսը:

Բայց որքան ոգևորուած էր Ռուսիայի համայն ժողովուրդը մանիֆէստի հրատարակութեան առաջին օրերում, նոյնչափ նա հիասթափուեցաւ բիւրօկրատիայի և բռնապետութեան շնորհիւ ապրող տարրերի հակա-աղատական արհաւիրքներէր: Յայտնի է, որ հարիւր հազարաւոր մարդիկ ապրում էին բռնութեան, ճնշման, մատնութեան կաշառակերութեան արդիւնքներով և դանձարանի կողոպուտով. ուստի և հասկանալի է որ խաւար տարրերի այս ահագին ոհմակը իւր մահուան ճգնաժամին սոսկալի կռիւ պիտի մղէր նոյն իսկ թագաւոր Կայսեր անդառնալի կամքի դէմ:

Այդ խաւար տարրերը համախմբեցին բոսեակներին և խուլիգաններին և իրանց նեցուկ ունենալով ջախջախուող և քայքայուող հին կառավարութեան գործիք՝ ոստիկանական կազմը, կոյակ կոչուած տարրը և շատ տեղ նոյն իսկ զօրքը, սկսեցին հրապարակից քշել ազատութեան սիրահար անմեղ ժողովրդին, մանաւանդ ինտելլիգենցիային և ուսանողներին և կատաղի կռիւ մղելով նոցա հետ՝ սկսան աջ ու ձախ ջարդել, կոտորել, այրել և ամբողջ շրջակայքը ամայացնել ինչպէս գերեզմանատուն, ինչպէս առասպելական Պղնձէ քաղաքը և այս ամենը յանուն... հայրենասիրութեան, գէթ այսպէս են կոչուած ամեն տեղ կապուտ և կողոպուտ առաջացնող խմբերը:

Դիւելքը կորցրած կառավարութիւնն էլ չկարողացաւ լաւ հասկանալ իրերի դրութիւնը և անկեղծօրէն պաշտպանել թագաւոր Կայսեր հրամանը:

«Ռուսական ազատութիւնը, ասում է РУССК. ВѢД. լուրջ և խիստ ազդեցիկ թերթը, տանջալից ցաւերով է ծնւում դեռ

երեք օր է անցել այն օրից, ինչ որ յայտարարուած է ազատութեան աւետիքը, և ինչ մութը խաւար տականք ասես չմիացաւ գոհութեան առաջին լուսաւոր զգացմունքներին: Ռուսիայի ամեն ծայրերից, թէ մեծ քաղաքներից և թէ շրջականներից սարսափելի լուրեր սկսան տեղալ իբրև հետևանք այն բանին, որ ժողովուրդն իւր ուրախութիւնն սկսեց արտայայտել փողոցներում: Ամենուրեք սպանութիւններ, վիրաւորութիւններ, կոտորած, հրդեհներ...»:

Այն, այդ աննկարագրելի ցնծութեան յաջորդող օրերը լսում էր խուժադուժների վայրենի աղաղակը, ժողովուրդի տրդէտ և հին կարգերի նախապաշարունակութիւնը կուրացած ամբոխի բարբարոսական գազանութիւնների ձայնը...

Թէ որքան անկեղծօրէն ընդունեց հոկտեմբերի 17-ի հրովարտակը ռուս ազատամիտ կուսակցութիւնը և ինչքան շուտ նա հիասթափուեցաւ կառավարութեան բռնած երկդիմի գիրքից, այդ երևում է ռուս մամուլի միահամուռ բողոքից, որ ուղղուած է զէսի կառավարութեան հին ոէժիմը, որը համարւում է այդ խժոժութիւնների խսկական պատճառը:

Ի զուր չէ ասում Աւետարանը թէ «գինի նոր ի տիկս նորս արկանելի է». նոր կարգերը միմիայն նոր մարդկանցով կարելի է գործադրել. և կառավարութեան մեծ սխալն այն է, որ նա կամեցաւ սահմանադրութիւն մտցնել երկրի մէջ չինովներին ձեռքով, փոխանակ նախօրօք փոխելու ամբողջ բիւրօկրատիայի կազմակերպութիւնը, որ միշտ հակառակ է հղել ամեն տեսակ բարեփոխութեան, ամեն տեսակ ազատագրական շարժողութեան:

Ահա թէ որքան անհաստատ է և երերուն Ռուսաստանի արդի քաղաքական վիճակը ու հազիւ թէ կարելի է գուշակել թէ արդեօք կառավարութեան ձեռքով կհաստատուի Ռուսաստանում սահմանադրութիւնը, թէ տեղի կունենայ սօցիալական ռէւօլյուցիա, որի նպատակն է բռնի ոյժով ստանալ բիւրօկրատիայի և բուրժուազիայի ձեռքից պետական իշխանութիւնը և յանձնել ժողովուրդի ներկայացուցիչներին:

Ազատութեան տօնը Թիֆլիսում: Հոկտ. 17-ի մանիֆէստը յեղաշրջեց քաղաքի դրութիւնը. ամբողջ քաղաքը համարեա փողոց դուրս եկաւ և զբօսնում ու աւետում էին միմեանց՝ զգալու, խօսելու ու գրելու ազատութիւնը: Հարիւրաւոր կարմիր դրօշակներ ձեռներին յեղափոխական բոլոր ազգերի կուսակցութիւնները միտինգներ կազմելով՝ վերջիվեր-

Չոյ կանգ էին առնում Գոլովինսկի պրօսպեկտի վերայ և այս ու այն ճառախօսներ ճառում ազատութեան մասին: Երեք օր տևում է այս հանդէսը և ամսի 20-ին բոլոր կուսակցութիւնները պատգամաւորութիւն են ուղարկում Փոխարքային: առաջարկելով՝ վերացնել պատերազմական դրութիւնը և էկզէկուցիան, ազատել քաղաքական յանցաւորներին և պատժել հայ թրքական կոտորածների հեղինակներին: Ազատութեան օրերը կարգը կատարեալ էր ամենուրեք:

Հոկտ. 21-ի պարադը: Ճիշտ հետեւեալ օրը Կայսերական տօնն էր: Պալատի առաջ տեղի ունեցաւ պարադ. այնտեղ էին ամբողջ զօրքը, հեծեակօրքը, կազակներն ու բոլոր թնդանօթները: Դուրսն էր Թիֆլիսի ամբողջ զինուորական ոյժը:

Մանիֆէստացիայի նախօրը: Նոյն օրը երեկոյեան 500 հոգուց բաղկացած «հայրենասէրներ» դրօշակներով և Կայսեր պատկերով հկան Պալատի առաջ շնորհաւորելու մանիֆէստը: Ճանապարհին ուսանց ջարդեցին, ուսանց վիրաւորեցին, բայց բարեբաղդաբար անցաւ առանց մեծ դժբաղդութեանց:

Մամուլի ազատութիւնը Կովկասում: Հոկտ. 22-ի 12 ժամին Թիֆլիսի լրագիրների և ամսագիրների բոլոր խմբագիրները հրաւիրուած էին գրաքննական կոմիտէ, ուր նախագահ պ. Հակիկէլը Կովկասի Տ. Փոխարքայի կողմից յայտնեց ամենին, որ ըստ զօրութեան Հոկտ. 17-ի մանիֆէստի ինքը կարելի է համարում Կովկասեան մամուլը ազատել նախնական ցէնզուրայից, որով մամուլն այսուհետեւ պիտի ղեկավարուի պատժական օրէնքներով: Այս դէպքը պատահեց Գոլովինսկի պրօսպեկտի վերայ կատարուած ջարդից կէս ժամ առաջ:

Գոլովինսկի պրօսպեկտի ջարդը: Ազատութեան տօնախմբութիւնը չափազանց դժբաղդ վախճան ունեցաւ: Հոկտ. 22-ին, երբ հասարակութիւնը մեծ խմբերով դրօշնում էր Գոլովինսկի պրօսպեկտի վերայ, «հայրենասէրների» խումբը, մի քանի հազար հոգուց բաղկացած, այր և կին, որոնց մէջ բազմաթիւ իւնկերներ և կադետներ, դրագուն զօրքի ընկերակցութեամբ, ուսա ազգային դրօշակներով և Կայսեր պատկերը ձեռներին, ժամի 1-ի մօտերքը անցան Գոլովինսկի փողոցով դէպի պալատ: Ճանապարհին՝ Ի գիմնադիայի մօտ, ինչպէս պարզուում է հետզհետէ, առանց մի զգալի պատճառի՝ սկսուեցաւ հրացանաձգութիւն «հայրենասէրների», խուլիգանների և զօրքի կողմից, և զարհուրած ժողովուրդը անից ցրուեց և պատուաբուեց ով ուր կարող էր: Գնդակների այդ տարափը, որոնց թիւը լրագիրները 38,000-ի են հասցնում, երկու ժամ տևեց երկու ընհատուով: Եւ արիւն էր որ թափոււմ էր հեղեղի պէս:

Սպանուածներ եւ վիրասուրճներ: Մեր սրտից արին է կաթում, երբ յիշում ենք թէ ինչ տեսարան էր ներկայացնում ջարդի բեմը, ջահել ջահել, մատղաշ տունկեր, դպրոցական աշակերտներ և երիտասարդներ, գունատուած և յօշոտուած դիզուած էին միմեանց վերայ: Քիչ չէր դոցա թիւը, 40 ի չափ ուս, 30-ական վրացի և հայ և մի մի հոգի հրէայ և այլն: Դոքա բոլորը տարուեցան հիւանդանոց. հիւանդանոց այցելող մի գիմնազիստ մեզ պատմեց, որ բոլոր զժքաղդ գոհերը կոդոպտուած էին մինչև վերջին շապիկը և բաճկոնը:

Խմբագրատներ գնդակուած: Կարծելով թէ Тифл. Листокъ и Возрождение լրագիրների խմբագրատներից ատրճանակ կամ բոմբեր էին արձակել, որ ապա հերքուեց լիուրի, զօրքը գնդակահարեց այդ խմբագրատների շինութիւնները, իսկ խմբագրատները կոդոպտուեցան և թալանուեցան:

Սուգ. Հոկտ. 26-ին, ամսի 22-ի անմեղ գոհերի թաղման գիշերը Թիֆլիսը ընկղմուած էր խորը սգի մէջ. ամբողջ քաղաքը խաւարի մէջ էր, չէր վառուում ոչ մի լապտեր, ոչ մի տան ճեղքից լոյսինշան չկար արդէն երեկոյին 6 ժամից յետոյ: Այսպէս արտայայտեց Թիֆլիսը իւր անհուն դայրոյթը դէպի Բեդդեհեմի անմեղ մանուկների կոտորողները:

Ռումբերի առասպելը. Լրագիրներից ոմանք հաղորդեցին, որ հոկտ. 28-ին ուումբեր են գցել I գիմնազիայի, Тифл. Листокъ-ի խմբագրատնից և Թիֆլիսի ժողովարանից, այդ պատճառով էլ որպէս թէ հրամայուել է գնդակահարել այդ հաստատութիւնները: Այն ինչ հաստատուած իրողութիւն է, որ երկու ուումբ հենց այդ միջոցին պայթեց Բարոնսկի և Տրոյիցկի փողոցների անկիւնում անցնող մի իմերէլի ձեռքին, որից մեռաւ թէ ինքը իմերէլը և թէ մի քանի անցնողներ: Ուրեմն ուումբերի պատմութիւնը ճիշտ այնպիսի մի խայտառակ առասպել դուրս եկաւ, ինչպէս և Կ. Պօլսի ուումբերի՝ հայոց ձեռքով պատրաստուելը:

Հայոց պատգամաւորութիւնը Տ. Փոխարքայի մօտ. Հոկտեմբերի 24-ին մի քանի բարեմիտ անձինքների նախաձեռնութեամբ Թիֆլիսի Հայոց առաջնորդարան ժողովուեցան հայ լրագիրների խմբագիրներ և հասարակութեան ուրիշ անդամներ թուով մօտ 80 հոգի և խորհրդակցութիւն ունեցան իրերի ներկայ կացութեան մասին:

Ժողովը որոշեց 30 հոգուց մի պատգամաւորութիւն ուղարկել Տ. Փոխարքայի մօտ հայ ժողովրդի կողմից շնորհահակալութիւն յայտնելու հոկտ. 17-ի մանիֆէստի առիթով և խնդրելու որ հայ ժողովրդի հաւատարմութեան զգացմունքնե-

որը հաղորդուի Թագաւոր Կայսեր:— Նոյն օրը երեկոյեան 5 ժամին պատգամաւորութիւնը բաղկացած երկու եպիսկոպոսներէց, երկու վարդապետներէց, մի քանի հայ խմբագիրներէց և հասարակութեան այլ ներկայացուցիչներէց ներկայացաւ Փոխարքային և յայտնեց հայ ժողովրդի հաւատարմութեան զգացմունքները. միեւնոյն ժամանակ խնդրելով խիստ միջոցներ գործ դնել Բագուի հայկական կոտորածի առաջն առնելու:

Փոխարքան ընունելով նոցա՝ յայտնեց որ ինքը համոզուած է հայ ժողովրդի հաւատարմութեան մասին, խոստացաւ կարգադրութիւն անել Բագուի մասին, իսկ հայ ժողովրդի հաւատարմական զգացմունքները մատուցանել Թագաւոր Կայսեր:

Մի քանի օրից յետոյ փոխարքան ծանուցել է Թեմիս առաջնորդին Թագաւոր Կայսեր հեռագրով յայտնած շնորհակալութիւնը հայ ժողովրդին:

Կուսակցութիւնների երեւան գալը. Հոկտ. 17-ի մանիֆէստը հրապարակ հանեց այն բոլոր յեղափոխական կուսակցութիւնները, որոնք տիրող օրէնքի երկիւղից գործում էին գաղտնի կերպով և ներկայումս գրեթէ ամեն օր նոքա իւրաքանչիւնը միտինգներ են գումարում և առաջ մղում իրենց կուսակցութեան որոշումները:

Զինուորական դրութեան վերացնելը Թիֆլիսում. Կովկասի Փոխարքան հոկտ. 30-ի հրամանով վերացրեց զինուորական դրութիւնը Թիֆլիսում և Թիֆլիսի գաւառում, վերացնելով նաև ժամանակաւոր գէներալ գուբերնատօրի պաշտօնը: Սուրա հետ միասին վերացուեցաւ զօրեղացրած պաշտպանութիւնը, որով քաղաքս աղատոււմ է ի միջի այլոց նոր տեսակ ոստիկան գնահատաններից, որոնց սարսափը պակաս յուզմունքի մէջ չէր աչահում քաղաքս մի քանի տարի շարունակ:

Դպրոցական գործադուլ. Ընդհանուր գործադուլի հետ գործադուլ էին արել բոլոր դպրոցական կազմերը՝ ուսուցիչն ու աշակերտները: Այդ գործադուլը շարունակուեց մինչև նոյեմբերի 10ը, երբ արդէն որպէս թէ պիտի բացուին բոլոր ուսման տաճարները: Գիմնազիական միտինգներից աչքի է ընկնում III գիմնազիայի աշակերտների պահանջները, որոնց մէջ մտնում է և հայ-թուրքական կոտորածներին վերջ տալու առաջարկը:

Շիրոպական տէրութեանց սպառնալիքը: Կառավարչական բարձր շրջաններում լուր է պտտում, որ երոպական տէրութիւններ (Սեր. ռազ. ասելով՝ Անգլիան, Գերմանիան, Աւստրիան, Իտալիան, Շվեյցիան և Ֆրանսիան) հաւաքական ծանու-
լումայ

ցազիր են ուղարկել Կառավարութեան, որ աչքի առաջ ունենալով, որ Ռուսիային սպառնում է անիշխանութիւն և կառավարութիւնն անզօր է կռուել նորա դէմ, նոյնպէս և որովհետեւ կառավարութիւնը ցանկութիւն չունի քաղաքացիների պահանջները բաւարարել, պետութիւնները ստիպուած կլինին ուղարկել Կրօնշտադ միացեալ նաւատորմիդ և զօրքով զբաւել սահմանային ամրութիւնները, որովհետեւ Ռուսիայում շարունակուող անկարգութիւններից վնասում են օտարազգիք, նոյնպէս և օտար տէրութեանց զբաւազուլներ, որոնք տեղաւորուած են ռուսական ձեռնարկութեանց մէջ: (P. B.)

Հայ ազգի ջարդը: Հայ ազգի սիստեմատիքական ջարդի մասին աւագակ և վայրենի թուրքերի ձեռքով նոր ոչինչ չունենք աւելացնելու, քան ինչ որ Լուսայի անցեալ համարում ասել ենք և նկարագրել: Նոյն սպանութիւնները անմեղ մարդկանց, նոյն խմբական կոտորածը, նոյն կապուտ ու կողոպուտը անգէն հայ գիւղացիների ինչքի և սեպհականութեան թուրք հրոսակների և ծպտած կողակների կողմից, ոստիկանութեան նոյն ընթացքը, ինչպէս և առաջ, թուրքերին թողնել քաջագէն, իսկ թշուառ հայի ձեռքից վերջին ինքնապաշտպանութեան խղճուկ գէնքն էլ խելը, նոյն գունաւորուած գեկուցումները այս և այն պաշտօնէի, որոնցով թուրքերը պաշտպանուած են իսկ հայերը խռովարար և անբարիշտ հռչակուած, ռուսական հեռագրական գործակալութեան նոյն դիտաւորեալ խեղաթիւրուած հեռագիրները Ռուսիայի թերթերում, որոնց ետեից բազմաթիւ հերքումներ այդ տենդենցիօզ տեղեկութեանց, անաչառ քննութեանց բացակայութիւն և արդարադատութեան լռութիւն, Կովկասեան բարձր իշխանութեան բուն ցանկութիւն հայ թուրքական արդէն գազաթնակէտին հասած վայրենութեանց վախճան դնելու, սակայն այդ ցանկութեան կատարման արգելքներ ստորադրեալ իշխանաւորների կողմից...

Մենք քանիցս ասել ենք և դարձեալ նոյնն ենք կրկնում. բանի որ տասն ամսուայ դառն փորձը ցոյց տուեց, որ հայոց ջարդի առաջն առնել անկարելի է ոչ թափորներով և կոչերով, ոչ մասնաժողովներով և խորհրդածութիւններով, ոչ էլ սենատական քննութիւններով, անհրաժեշտ է թոյլ տալ իրան ժողովրդին, որ նա ինքը մտածէ իւր համար: Մենք տեսանք, որ ուր հայը զօրեղ կերպով դիմադրութիւն ցոյց տուեց թուրքերին և մի լաւ դաս տուաւ նոցա, այնտեղ նոքա յայտնի չափով զգաստացան և այլ ևս չյանդգնեցան գէթ ամաշկարայ մի վնաս հասցնել հայերին: Սա ամենալաւ ապացոյցն է, որ եթէ

ինքնապաշտպանութեան ընդարձակ միջոցներ տրուին հայերին, թուրքերի նախադարձակումները ինքնին կվերանան: Եւ յիրաւի գողը, աւազակը եթէ տեսնի, որ կարող է անպատիժ կերպով սպանել, կողոպտել, առևանգել, այրել, եթէ մանաւանդ նա գուրկ է բանականութիւնից, էլ ինչո՞ւ չանէ իւր շահատակութիւնները, ինչո՞ւ չօգտուի ուրիշի գոյքից և կարողութիւնից: Պատիժն է միայն, արգարագատութեան սուլած անողոք պատիժն է միայն վայրագ մարդուն բանական մարդ դարձնում:

Տուէք ուրեմն հային ինքնապաշտպանութեան ընդարձակ միջոցներ, պատժեցէք, անխնայ կերպով պատժեցէք յանցաւորներին և դուք մի երկու օրում վերջ տուած կլինիք թուրքական սրածութեան:

ՆԵՐՔԻՆ ԼՈՒՐԵՐ

■ Կովկասեան իշխան փոխարքան թոյլատրեց «Լոււմայ» ամսագրի ծրագիրը լրացնել քաղաքական բաժնով:

■ Պ. Հայկ Տէր Աստուածատրեանցին թոյլ է տրուած, «Մատենագէտ» անունով մի ամսագիր հրատարակել Թիֆլիսում: Թերթը լոյս կտեսնի առաջիկայ տարուայ յունուար ամսից: Ցանկանում ենք յաջողութիւն:

■ Մեզ հաղորդում են, որ Թիֆլիսի Յովնանեան օրիորդական դպրոցի տեսուչ ընտրուել է գիտնական պ. Կարապետ Կոստանեանը: Կարող ենք շնորհաւորել դպրոցի վարչութեան այդ օրինակելի և յաջող ընտրութեան համար: Պ. Կոստանեանը երկար տարիներ վարել է Ներսիսեան դպրոցի և էջմիածնի Ճեմարանի տեսչական պաշտօնները:

■ Վերջապէս Պ. Բուրգից ստացուել է հայոց վանական և եկեղեցական կալուածները հայ հոգևոր իշխանութեան յանձնելու ծրագիրը հաստատուած և այս օրերս տեղի կունենայ յանձնումը:

■ Խմբագրութեանս քարտուղար օր. Նուարդ Աղանեանցը առաջիկայ յունուարից բաց է անում գեղարուեստական արագատիպ տպարան, ուր տպուելու է և «Լոււմայ» ամսագիրը:

ՆԱՄԱԿ ԽՄԲԱԳՐՈՒԹԵԱՆ

Մեծարգոյ խմբագիր

Աւելի քան երկու տարի է, որ մեր ապաքաղդ հայրենիքը անօրինակ թշուառութիւնների ասպարէզ է դառնել: Նուրբ դիւանագիտութիւն, վայրագ բարբարոսութիւն, խորամանկ և նախանձու դրացիութիւն, արեան ու արցունքի անձրևով ոռոգե-

ցին Հայն ու Հայաստանը, աւերակներն աշխարհում նոր աւերակներ դիզելով:

Սիրտ չմնաց, որ չխորտակուէր, աչք չմնաց որ չարտաւուէր մեր սիրելի ազգի վերայ տեղացող տառապանքներին: Սակայն մորեկի կերածից յետոյ արտը նորից պէտք է մշակել որ իսպառ չխոպանանայ: Ամենայն հայ մարդու քաղցրագոյն պարտքն է չթողնել, որ անդաստանը խոպան մնայ. որ աւերակների թագաւորութիւնը տեական լինի: Նոցա տակից յարութեան ձայներ պէտք է լսուին, հին հին փառքեր նոր ընծիւղ տան, որով աւերուած դրախտը վերաշինուի:

Այս նպատակին հասնելու համար նահատակ հայ ժողովրդի թշուառ մնացորդին խնամել պէտք է:

Հայ մարդ ենք մենք և խորը խոցուած մեր ազգի թշուառութեամբ, կամեցանք մերովսանն օգտակար լինել մեր ազգի ցարքուցրիւ մնացորդին, մեր հրկիզեալ հայրենիքին: Ի՞նչ կարող էինք անել. առաքեալի խօսքն յիշեցինք. «Ոսկի և արծաթ չունիմ որ տամ, ինչ որ ունիմ՝ այն պիտի տամ». և մենք որոշեցինք առ այժմ մի մեծահատոր, շքեղ, պատկերազարդ ժողովածու հրատարակել «Արէլի արիւն» վերնագրով և նորա ամբողջ եկամուտը յատկացնել մեր ազգի վերջին աղէտներին: Թշուառացածներին:

Այդ առթիւ արդէն դիմում ենք արել բազմաթիւ գերմանացի, ֆրանսիացի, անգլիացի, ռուս և հայականաւոր պրօֆէսորներին և հրապարակախօսներին, ինչպէս և մեր ազգի ընտրելագոյն գրագէտներին, մասնակցելու իրանց գրաւոր վաստակներով ներկայ հրատարակութեան և բաղդաւոր ենք, որ արդէն նոցանից շատերի սիրայօժար պատրաստակամութիւնն ենք ընդունել:

Փանձած եկամուտը տնօրինելու է մեր կազմած մնայուն բիւրօն, տեղնուտեղը ուսումնասիրելով ժողովրդի դրութիւնը և բաժանելով նպաստը կարօտեալներին:

Մուտքի և ծախքի վաւերական հաշիւները տարէցտարի հրատարակուելու են առանձին տետրերով:

Այժէն իսկ բացուած է բաժանորդագրութիւն. իւրաքանչիւր հատորի բաժնէգինն է 10 ռուբլի կանխիկ վճարելի:

Այս նպատակով ընդունուած են նաև կամաւոր նուէրներ:

Մեր հրատարակչական մնայուն բիւրօի հասցէն է. Թիֆլիս, տպարան օր. Նուարդ Աղանեանցի Պօլիցէյսկայա, 7, խրաբագրութիւն «Արէլի արիւն»:

Ի դիմաց բիւրօի } Բենիկ վարդապետ
Գիւտ ա. ք. Աղանեան

ԱՅԼ ԵՒ ԱՅԼՔ

«Լուսնայի» խմբագրութեան

№ 206 «Մշակում» Հ. Առաքելեանը գետեղել է մի նամակ, որով յարձակուելով ոչ-մշակական գրողների բանակի դէմ և դրանց բոլորին անուանելով «մութ ոյժեր», տքնում է հաւատացնել «Մշակի» դժբաղդ ընթերցողներին, թէ միայն Առաքելեաններն են լուսաւոր ոյժեր, առանց որոնց Հայոց ազգը խարխափելու էր անթափանց խաւարի և տգիտութեան ճիւղաններում: Երանի Հայ ժողովրդին, որ Առաքելեանի նման հազուադիւս հայհոյաբաններ է ծնել. ինչ կըլինէր մեր ազգի վիճակը, եթէ Առաքելեանները չը հաճէին ամենակինտոյաբար ողողել մամուլի էջերը այդպիսի գոհարներով...

Ողորմելի ինքնագովութեան և զգուելի կինտոյաբանութեան այդ տողերն անշուշտ ուշադրութեան չէի արժանացնիլ եթէ չնկատէի, որ «Ժերունագարդ գործիչը» իմ պատճառով համարձակոււմ է հայհոյել «Լուսնայի» և «Տարազի» պատուարժան խմբագիրներին և նրանց աշխատակիցներին:

Ինչպէս ամեն բան, այդպէս և մարդկային անամօթութիւնը պէտք է ունենան իրենց չափն ու սահմանը: Բայց Հ. Առաքելեանը ցոյց է տալիս, որ ինքն այդպիսի չափ և սահման չի ճանաչում...

Չարմանալի մարդ է մեր կարճահասակ Առաքելեանը. նա խեղաթիւրում է արի-աշկարայ իրողութիւնները, սեին սպիտակ և սպիտակին սև ներկայացնում. գողանում է ուրիշի սեփականութիւնը, տիրանում այլոց արդար իրաւունքներին, խարում է նոյն իսկ օտարազգի հաստատութիւնները և դեռ այս ամենից յետոյ սաստիկ էլ նեղանում է, երբ իրա զոհերից մէկն ու մէկը համարձակութիւն է ստանում հրապարակաւ ճշմարտութիւնն ասելու: Ցաւալի է, որ մարդոց լեզուի ներքև պատուհասող ոսկոր չկայ, ապա թէ ոչ Առաքելեանները չէին յանդգնիլ մարդկանց բարոյական զգացմունքները վիրաւորելու կամ գաղտագողի քարեր շարտելու սրա կամ նրա հասցէին: Տեսնելով Առաքելեանի ընթացքը, ես յակամայիցս յիշում եմ պատմական ենիչերիներին, որոնք լրբաբար ոտնատակ էին տալիս թշուառ ռայիաների սրբութիւնները, խոզի նման լափ-լփում էին, ուտում-խմում, կոտորում-թափում, գողանում, ծե-

ժուժ անմեղ մարդկանց և յետոյ էլ վեր կենում խստիւ արգելում էին իրենց զոհերին ձայն-ծալուտ հանել:

Առաքելեանը անիրաւաբար տիրացաւ իմ աշխատութեան և տուեց օտարազգի ընկերութեան և յետոյ էլ ենիչէրիաբար ուղղում է «դալպ պէշլիկը հէլվաճիին ետթողումիշ անել», ինչպէս ասում են Կ. Պօլսեցիք: Ըստ Առաքելեանի բարոյական հասկացողութեան՝ Շուտները պարտաւոր են լռել, իրողութիւնները չըհրապարակել, եթէ նոյն իսկ նկատեն, որ Առաքելեանները գողանում են իրենց իրաւունքը:

Բայց որովհետեւ առանց որոշ շարժառիթների ոչինչ չիկատարւում աշխարհումս, ուստի իմ և Առաքելեանի հակառակութիւններն էլ անշուշտ ծնունդ են մեկին շարժառիթների ու քանի որ դրանք հասարակական բնաւորութիւն ունեն, թոյլ տուէք առաջ բերել նրանցից մի քանիսը: Ահա.—

Առաջին. Համբարձում Առաքելեանն 1902 թուին ոչ-բարով հրատարակեց մի գրքոյի, որը ծայրէ-իծայր լիքն է անլուր հայհոյութիւններով (այդ նրա փեշակն է) ու պառաւական ասէ-կօսէներով: Իմ խօսքը վերաբերում է «Հասարակաց դատաստանին. բողոք առ հասարակական խղճմտանքն» վերնագիրը կրող բրօշիւրին, տպուած Փարիզի հայկական ապարանում:

Ով դժբախտութիւն է ունեցել կարգալու այդ գրական տականքը, նա անշուշտ գաղափար կազմած կլինի Առաքելեանի, որպէս գրական-հասարակական գործչի (?) անբարեխղճութեան մասին: Առաքելեանն այդ գրքոյով ցոյց է տալիս, իմիջի այլոց, որ ընդունակութիւն ունի մատնիչ անգամ լինելու: Մենք պատրաստ ենք անհերքելի փաստերով ապացուցելու այդ բանը, եթէ Առաքելեանին հաճելի լինի մի այդպիսի անհաճոյ բայց ոչ-անտեղի գործ... Իրա ժամանակին, ի հարկէ, Առաքելեանի յիշեալ գրքոյին անպատասխան չմնաց: Այսպէս, օրինակ, «Հնչակ»-ում երևաց մի հակիրճ յօդուած «Մի ինսինւացիայի առիթով» վերնագրով. դա մի անողոր ապտակ էր Առաքելեանի երեսին, եթէ դա «ամերիկական պաթօշ» չէ և մազաչափ ամաչելու ընդունակ: Այնուհետև Ռուշուկում հրատարակուող «Վերածնութիւն» շաբաթաթերթի էջերում հրապարակ դուրս եկաւ պ. Աւ. Նազարբէկը և «Չարախօս թղուկը» վերնագրով մի շարք յօդուածներով փաստացի կերպով մերկացրեց Առաքելեանի զգուհի դէմքը: Նոյն անողոր մերկացումը տեղի ունեցաւ և «Երիտասարդ Հայաստան» թերթի մէջ, որի Թաւրիզի աշխատակիցը լուրջ փաստերով ապացուցեց Առաքելեանի տգեղ աչքակապութիւնները: Հէնց այդ բրօշիւրն էլ եղել է, այսպէս ասած, մեր մէջի կռուախնձորը և անա թէ ինչպէս.—1902 թ., երբ Առաքելեանն ընտանիքով եկել էր Անապա ամառն անցկացնելու, նա կամեցաւ ինձ էլ դասել այն արարածների կարգը, որոնք ազգասիրութիւն են համարում շարունակ սրա-նրա միսը կրծոտելը: Եւ նա յիշեալ բրօշիւրից մի օրինակ տուեց ինձ կարգալու, երևի համոզուած լինելով որ ես էլ դրա բովանդակութիւնը կընդունեմ հալած իւղի տեղ:

Բայց սխալուեց պարոնը: Բրօշիւրը կարդալուց յիտոյ, համա-
կուած բուն զգուանքով, դիմեցի Առաքելեանին և բացատրու-
թիւն պահանջեցի նրանից՝ այդ սինլքոր տողերով մի ամբողջ
կուսակցութեան պատիւը շօշափած լինելուն համար...

Ի վերջոյ բանն այնտեղ հասաւ, որ Առաքելեանն իսկոյն
զրեց մեղայական նամակ, որին իսկոյն էլ ուղարկեցի կուսակ-
ցութեան պարագլուխներին: Այդ եղելութեան վկայ են պ. պ.
Ծատուրեան, Ներսիսեան, Էփրանոսեանց, Կարամաթոսեան և
այլք: Այդ օրից սկսած՝ Հ. Առաքելեանը ոչ մի առիթ ձեռքից
չի փախցրել ինձ դէմ ոտնձգութիւններ յարուցանելու համար:
Յաւօք սրտի պէտք է նկատեմ, որ «Մշակի» խմբագրութիւնն
էլ քանիցս ենթարկուել է նրա մեքենայութիւններին՝ տեղ չտա-
լով «Մշակում» իմ մի քանի անմեղ լայտարարութիւններին,
մի քանիսն էլ երկար ժամանակ պահելուց յետոյ միայն տպա-
գրելով, որով բազմաթիւ թիւրիմացութիւնների տեղիք է տրուել:
Նրկորող. Նոյն ամառը Առաքելեանն ստացաւ ինձանից
Տաճկա-Հայաստանի քրդերի ազգագրութեան մի մասը Համ-
բուրգում գումարդուելիք Արեւելագէտների ժողովում կարդալու
«որպէս Շուտի աշխատութիւնը»: Ի դէպ Առաքելեանը «Մշա-
կում» գետեղած (№ 206) իւր նամակում փորձում է հաւատաց-
նել ընթերցողներին, թէ «Շուտը թերու է» և անկարող ազ-
գագրական մի նիւթ դասաւորելու ինչպէս հարկն է, և իբր թէ
ինքն է եղել ինձ ծրագիր և ուղղութիւն տուողը. քիչ է մնում
Առաքելեանն Հայ գրականութեան ջոշը դառնայ և բոլոր հայ
գրագէտների էլ՝ առաջնորդը, բայց այդ չի խանգարիլ ինձ ճշ-
մարտութիւնն ասել, որ ես երբէք չէի և չեմ կարող ստորանալ
այնքան, որպէս զի թոյլ տայի ինձ Առաքելեանի նման փաս-
տալից ծրագիր մուրալու... Ինչեւիցէ: Առաքելեանը կարդալով
իմ ձեռագիրը, հակառակ իւր մեծամտութեան, խիստ հաւանեց
և իսկոյն էլ խոստացաւ «Օրիէնտալիստների ժողովում կարդա-
լուց յետոյ ձեռագիրը ներկայացնել Ռուսաց Կայսերական Աշ-
խարհագրական Ընկերութեան», խնդրելով վերջինից, որ դրա-
մական միջոցներ տրուին ինձ քրդերի մանրամասն ազգագրու-
թիւնը կազմելու համար: Անցաւ 1902 թուականը, անցաւ և
1903-ը. քանիցս բացատրութիւն եմ պահանջում Առաքելեանից
իրա խոստմազանցութեան առթիւ, բայց միշտ էլ առաձգական
պատասխաններ եմ ստանում... Իսկ մի ասիլ, որ Առաքելեանն
«իրա գլխից բարձր ապուր ուտելու» կպատրաստուի եղբր,
ինչպէս ասում են տաճկահայերը: 1904 թ. աշնան, վերջապէս,
ստանում եմ մի մեծագիր գրքոյ՝ «Курды въ Персїи» վերնա-
գրով: (отдѣльный оттискъ изъ № 1-го XVP тома «Извѣстій»
Кавказскаго отдѣла Императорскаго Русскаго Географическа-
го О-ва Тифлисъ, типогр. К. П. Козловскаго 1904 г.) և
տեսնում եմ, որ Առաքելեանն առանց կարմրելու ստորագրել է
գրքին որպէս հեղինակ:

Կարդում եմ փրբը և ահա թէ ինչ եմ տեսնում.

1. Առաջին երեսները նուիրուած են Առաքելեանի ինչ-որ
ձանապարհորդութեան և առանձին կապ չունին բուն քրդական

ազգագրութեան հետ. և եթէ տեղ-տեղ Առաքելեանը կամենում էլ է մի բան ասել քրդ. ազգ. վերաբերմամբ, իսկոյն ընկնում է հակասութիւնների և անհանդուրժելի սխալների մէջ, ուստի և «ИЗВѢСТ.»-ի խմբագրութիւնը ստիպուած է լինում ընդարձակ ծանօթութիւններով ջրել նրա ասածները: Ասենք, այլ կերպ չէր էլ կարող լինել, որովհետեւ երբ մի մարդ ձեռնարկում է իրան անմիջապէս ծանօթ չեղող որևէ նիւթի ուսումնասիրութեան, նա անշուշտ կարգին մի բան դուրս չի բերիլ: Առաքելեանն ինքն անծանօթ լինելով քրդերի լեզուին, վարք ու բարքին, իրաւաբանական սովորութիւններին և առտնին նիստ ու կացին,—բնականաբար տեղի պիտի տար հրատարակիչների լուրջ և փաստացի դիտողութիւններին: Մինչդեռ քիչ յետոյ, երբ Առաքելեանն սկսում է «օգտուել» իմ ձեռագրից (իմա ծայրէիծայր, բառացի կերպով թարգմանել նրան) այդտեղ արդէն դադարում են Ընկ. նկատողութիւնները:

II. Թէ առաքելեանն այս կամ այն ժողովում, իրօք, կարդացել է քրդերի մասին «գիկուցումներ» —այդ իմ գործը չէ-ես այսքանը գիտեմ, որ «Курды въ Персии»-ի մէջ զետեղուած ըուն ազգագրական նիւթերը իմ սեպհական աշխատութիւնն են և ոչ Առաքելեանի: Այդ բանում կրհամոզուի իւրաքանչիւր ոք, երբ աչքի առաջ ունենայ իմ ձեռագիրը (այժմ առանձին գրքով լոյս տեսած՝ «Քրդերը Տաճկաց-Հայաստանում վերնագրով) և «Курды въ Персии» գիրքը: Մօտիկ յառաջիկայում, երբ միջնորդ դատարանը կըքննէ այդ երկու աշխատութիւնները, այն ժամանակ հրապարակաւ կըյայտնուի ճշմարտութիւնը և մեղաւորը կստանայ հասարակութիւնից իրա արժանաւոր պատիժը:

III. Բայց որ Առաքելեանը գիտակցաբար գողանում է իմ խօսքերը և Կ. Աշխ. Ընկ. ներկայացնում որպէս իրա ինքնուրոյն աշխատութիւնը, դա երևում է, իմիջի այլոց, և նրանից, որ «Курды въ Персии» գրքի 30 երեսում Առաքելեանն ասում է. «На мой вопросъ, почему такъ безусловно вѣрять жениху и не производить разслѣдованія курдовъ отъотмину мнѣ, что и т. д.», իբր թէ Առաքելեանն ինքն է հարցրել քրդերին և նրանք պատասխանել են ուղղակի իրան. ... Օ, պոչաւոր, փաթենթաւոր սուտ, որ Առաքելեանների բերանումը ոսկէգօծւում էս և յաճախ կուլ գնում մտաւոր հիւանդների կողորդն իվայր: Բանը նրանումն է, որ յիշեալ հատուածը նա դուրս է բերել իմ ձեռագրից, որտեղ այսպէս է տպուած. «Ձեր հարցին, թէ ինչպէս կարելի է առանց անհերքելի ապացոյցների հաւատալ միմիայն փեսի լոկ երկու խօսքին ու կընտը այդ դրութեանը հասցնել, քիւրդը կրպատասխանէ»... («Քրդերը Տաճկաց-Հայաստանում» էջ 217—218-ը): Կարծում եմ, որ մարդ այդքան առաջ գնալու համար պէտք է ոտքից մինչև ականջները կարմրի...

IV. Որպէսզի ցոյց տանք «Լուսայի» ընթերցողներին, որ Հ. Առաքելեանն արդարև հնարաւորութիւն չունի ինքնուրոյնաբար կազմելու քրդերի ազգագրութիւնը՝ արժէ յիշել և այն որ իմ ձեռագիրը ներկայացնելով քրդ. ազգագրութեան առա-

ջին մասը—ա. Աշխարհագրական և Պատմական Տեղեկութիւններ—բ. Մարդաբանական Տեղ.—գ. Քրդու Բնակարանը և Նրա Պարագանքը—դ. Քրդու Հացը, Օձախի շուրջը, Լուսաւորութեան առարկաներ և Ամաններ—ե. Երկրագործութիւն և Գործիք—զ. Որսորդութիւն—է. Զոհաստ և Զարդ—ը. Զէնքեր և Նրանց Պարագանքը—թ. Ուտելիք և Խմելիք—ժ. Հարսանիք,—Առաքելեանն էլ «իւր ուսումնասիրութիւնը» (?) սահմանափակում է միայն այդ նիւթերով: Նա գիրքը վերջացնում է հետեւեալ տողերով. «Для полноты моего очерка мнѣ нужно было бы описать еще обряды похоронъ траура по убитому или умершему, но я боюсь злоупотребить вашимъ вниманіемъ и, даканчивая мой очеркъ, надѣюсь, что успѣлъ дать вамъ если неполное, то, по крайней мѣрѣ, болѣе или менѣе конкретное понятіе о курдахъ»... (էջ 31):

Դա լոկ գոգադիպութեան կամ պատահականութեան արգասիք չէ. երբէք. պարոնն ուրախութեամբ կը շարունակէր «իւր ուսումնասիրութիւնը», եթէ... եթէ «թերուս» Շուտը տուած լինէր նրան քրդ. ազգագրութեան Բ. և Գ. մասերն էլ:

Բայց, ի հարկէ, բաւական է, որքան շահագործել է վստահութիւնն ուրիշների և նրանց քրտնաջան աշխատութեամբ դափնինքը քաղիլ այս ու այն կողմից. այժմ յայտնի է մեզ Առաքելեանի իսկական դէմքը, ուստի և այսուհետեւ չխաբուելու չափ անխոհեմութիւն ունենալը բարւոք կը համարենք:

Երրորդ. Առաքելեանն իւր նամակում («Մշակ» № 206) կամենալով ցոյց տալ, որ Շուտներն յետին մտքերով են յարձակուում նրա վրայ, խորհրդաւոր եղանակով ասում է. «Նսայասեղ չեմ բաց անում վարագոյրը, թէ ինչից, ինչ գծում հաշիւներից դրդուած, Շուտը յարձակուում է իմ դէմ...»:

Ինչո՞ւ չէք բաց անում «վարագոյրը», պ. Առաքելեան, ինչիցն էք քաշուում, քանի որ ձեզ համար ոչ մի սրբութիւն գոյութիւն չունի, բացի ուրիշի իրաւունքով փորներդ հաստացնելու հոգիից: Աւելի լաւ կանէք, եթէ բաց անէք վարագոյրը և ցոյց տաք մարդկանց ձեր ողորմելի դէմքը... բայց դուք փորացաւունք, գիտեմ: Եթէ մի բոպէ ձեր նեղիկ շրջանակից դուրս նայէք, պիտի տեսնէք, որ ամենուրեք գիտեն ձեզ, սակայն ոչ ձեր կարծածին պէս:

Ազնիւ մարդը երբէք չի ծածծմիլ իւր խօսքերը, մթին, փողոցային միջոցների չի դիմիլ իւր արարքները քողարկելու համար, փրփրած բերանով չի լարձակուիլ մի ամբողջ կուսակցութեան վրայ, որի շարքերը բռնող գաղափարական զինուորները մասնութեան և զողութեան միջոցով ձեռք բերուած աժանագին դափնինքի կարիք չեն զգում... Դուք գործ ունիք մի անհատի հետ, որը մեղադրում է ձեզ գրական գեղձման մէջ, հետեւաբար դուք էլ պէտք է ձեր բացատրութիւններն ու ասելիքներն ուղղէք այդ անհատին դէմ. այո, դուք չպէտք է, ձեր առջև լայն-լայն բացուած մամուլի էջերին վրայ յենուելով, համարձակուիք հայհոյիլ այս կամ այն կուսակցութեանը, որ-

քան էլ և այդ կուսակցութեան սկզբունքներն ու տակտիկան հակասեն ձեր սահմանափակ աշխարհայեացքներին: Այլապէս հասարակական յնուորը բայց և անաչառ դատաստանը կը տայ իւր աքացին ձեր կրծքին և դուք կը գահալիժէք ձեր անարժան դիրքից. Դիմեցէք միայն և միայն ազնիւ գէնքերի, եթէ ուզում էք ծառայել մամուլին և հասարակութեանը: Բոլորովին համաձայն եմ միջնորդ դատարանի միջոցաւ հասարակութեան առաջ դնելու անաչառ քննութեան արդիւնքը:»

Մ. Տ. ՇԻՈՏ

Նոյեմբերի 2 1905

Անապա

Տաճիկ ոստիկանութեան դաւադրութիւնը Օսմանեան հայերի դէմ: Կ. Պօլսից նոյեմբերի 4-ին հեռագրուած են Russia B. Ե. Լրագրին հետեւեալ նշանաւոր տեղեկութիւնը.

«Սուլթանը ապացոյցներ ստացաւ, որ այն բռնիքի ու դինամիտների մեծագոյն մասը, որոնք կարծուած էին թէ հայերի ձեռքով են տարւում Տաճկաստան, ձեռք են բերուած տաճիկ իշխանաւորների ձեռքով, որոնց յանձնուած էր քննութիւն կատարել հայերին վերագրած դաւադրութիւնների մասին և որոնք այս գործիքները տարածել են ամեն կողմ: Սուլթանը սարսափելի կերպով զայրացած է և միտք ունի արտաքսել բոլոր յանցաւորներին»:

Մեր պատասխանը Հ. Առաքելեանի հայհոյանքներին միւս անգամ:

Շուշի. Յ. Խանլարեան.—«Որոացած ազգը ինչպէս տեսնում էք այս համարում չկայ: Եթէ չենք սխալում, այս 6-րդ բանաստեղծութիւնն է ձերը, որ... չի տպւում: Այսուհետեւ տեսնենք:

Նախիջեան. Լևոն Խանգազէ.—«Աւետարանի հղբայրները» վէպը ստացանք և կտպուի:

Թիֆլիս. Հ. Տ.—Ասում էք՝ «Բազմավէպ» պապական թերթը մեզ հայհոյել է և թէ ինչո՞ւ չենք պատասխանում: Մենք այդ թերթը չենք ստանում. կարիք էլ չկայ ստանալ մի կեղտոտ թերթ, որ միայն հայհոյել գիտէ: Բայց միթիթաւեանների դիմակը պատուեց արդէն հայութեան առջև. ամբողջ տարի է հայկական աշխարհը արեան դաշտ է դառել թուրք հրոսակների ձեռքով, բայց նոքա իրանց հրկու օրգաններով ոչ մի տող, ոչ մի կարեկցութեան նշոյլ ցոյց չտուին, նոքա նստած Եւրոպայի կրծքում «քաղաքականութեամբ կպարապեն կոր, ինչպէս կլլայ եղեր, որ մեր մեծ ֆազիշահը դիտնալ, թէ հայ կաթողիկ պատերները կզրեն կոր թուրքերուն գէմ, ան ասեն իրենց թերթերուն մուտքը կարգելուի կոր Տաճկաստան, կը հասկնամք իշտէ».— Մի հատիկ խօսք էլ. Տաճկաստանում հայ ժողովրդի արեան գետեր հոսեցին. Ռուսաստանում ազգային ալիտը մաշեց մեր ժողովրդին. բանտ, տարազրուծիւն, նահատակութիւն, հուր ու սուր մեծ հոռնձ վործեցին մեր տառապեալ ժողովրդի մէջ: Երեւկայեցէք ոչ այնտեղ, ոչ այստեղ Վենետիկի հայ պատերների դաստիարակ զաւակների քիթն էլ չզղլեցաւ. և զեռ համարձակում են հայ անուն կրել իրանց վրայ: Հասկացա՞ք:

Ուրմիա. Գ. Իսք.—«Արեան հայրենիք» բանաստեղծութիւնը ստացանք: Կաշխատենք տպել:

Թիֆլիս. Հ. Տ. Ա. Վրացերէնից Թարգմանած բանաստեղծութիւնը ստացանք:

Թիֆլիս. Յ. Տէր Ման.—Միայն Դուք չէք. շատ շատերը Ձեզ նման այդ խնդրի առթիւ դիմել են մեզ նամակներով և անձամբ. Ձեզ մեր տալիք պատասխանը թող կարդան և նոքա: Հարցնում էք՝ ինչու մեր շնորհալի քարոզիչ Տ. Բենիկ վարդապետը չի քարոզում վանաց մայր եկեղեղեցում, քանի որ ժողովրդի ցանկութեամբ վեհ. կաթողիկոսն ու առաջնորդը նորան այդ պաշտօնին հրաւիրել են զեռ զարուհից: Այդ մասին առաջարկում ենք իմանալ կամ պ. երեցփոխից, կամ առաջնորդարանից և կամ նոյն իսկ Հ. Բենիկից: Մենք ձեռնպահ ենք այդ խնդրը շօշափելուց և խնդրում ենք էլ չդիմել մեզ այդ հարցով:

Ախալցխա. Ս. Վ.—Նախորդ յօդուածը մենք չենք ստացել. այս վերջինը ստացանք Լումայի լոյս տեսնելու նախօրը: Կոնօրինենք:

ՅԱՅՏԱՐԱՐՈՒԹԻՒՆՆԵՐ

„ՆՈՐ-ԴԱՐԻ“

բաժանորդագրութիւն

Թերթի վարչութիւնը որոշել է «Նոր-Դար»-ի սոյն տարուայ վերջին (հոկտ., նոյեմբ. և դեկտեմբ.) ամիսների համարները ՁՐԻ ուղարկել նրանց, որոնք ցանկանում են «Նոր-Դար»-ին բաժանորդ գրուել առաջիկայ 1906 թուականին հետևեալ պայմաններով.

1) Այժմէն 1906 թ. համար բաժանորդ գրուողը վճարում է 10 ռուբլի բաժանորդագինը և այս տարուայ համարների էքսպեդիցիայի համար 50 կոպէկ և ստանում է բաժանորդ գրուելուց յետոյ այս վերջին երեք ամիսուայ ընթացքում լոյս տեսնող համարները ՁՐԻ:

2) Նրանք որոնք չեն կարող միանուագ վճարել տարեկան բաժանորդագինը, կարող են բաժանորդ գրուելով ուղարկել 5 ռուբլի և 50 կոպ., իսկ դեկտ. վերջում ր մնացորդ 5 ռուբլին և կըստանան այս վերջին երեք ամիսուայ ընթացքում լոյս տեսնող համարները ՁՐԻ և առաջիկայ 1906 թուականի համարները մինչև տարուայ վերջը:

Հասցէն՝ Тифлисъ, редакция „Норъ-Даръ“.

1906 թ. Յունուարից

Աշխատակցութեամբ նոր և յայտնի գրագէտների կսկսուի պատկերազարդ

2 ը. „ՄԱՏԵՆԱԳԷՏ“ 2 ը.

Նոր ամսագրի հրատարակութիւնը, որի նպատակն է ծառայել հասարակութեան որպէս գրական ինքնակրթութեան աղբիւր: Համարը կունենայ 48-64 էջ:

Մինչև դեկտեմբերի 10-ը բաժանորդ գրուողը կստանայ «Բառարան Հայ կենսագրութեանց» գիրքը, որ առանձին արժէ 70 կոպ. իսկ եթէ բաժանորդների թիւը հասաւ 1200-ի, ամեն մի բաժանորդ կըստանայ «Հայոց պատմութեան նոր շրջանը» գիրքը, որ կարժեհայ առանձին 1 ը. 25 կոպ.

Բաժանորդագինը միմիայն 2 ռուբլի տարեկան, Պարսկաստան 2 ը. 50 կ. արտասահ. 8 ֆր.

Հասցէն Тифлисъ, Ред. жур. «Матенагетъ» Պանասեիչա փող. № 1 (կուկիա): Բաժանորդ կարելի է գրուել նաև Զ. Գրիգորեանցի և «Գուտտէներգ» գրափաճառանոցներում:

Տասը բաժանորդ գտնողը ինքը ծրի կը ստանայ: Խմբագիր-հրատարակիչ՝ Հայկ Տէր-Աստուածատրեանց

ԲԱՑՈՒԱԾ Է ԲԱԺԱՆՈՐԴԱԳՐՈՒԹԻՒՆ

„Ա Ր Ե Ա Լ Ո Յ Ս“

գրական, հասարակական, քաղաքական, տնտեսագիտական
պատկերազարդ օրաթերթի

որ լոյս է տեսնում օգոստոս ամսի վերջերից՝ ռուսաց «Русскія
Вѣдомости» օրաթերթի մեծութեամբ (տարեկան բաժանորդա-
գինը 7 ռ.):

«Արշալոյսի» նպատակն է լինելու ընթերցանութեան՝
թարմ և օգտակար նիւթ մատակարարել հայ ընթերցողներին՝
արծարծելով առաջադիմական լուսամիտ գաղափարներ, բացա-
տրելով ընթացիկ կեանքի երևոյթները, հասարակական պէս-
պէս հոսանքներն ու հրատապ հարցերը և այդ բոլորի միջոցով
նպաստել հայ ազգի զարգացմանն ու քաղաքակրթութեանը:
Աշխատակցելու հրաւիրուած են յայտնի հեղինակներ ու մաս-
նագէտներ: Բացի դրանից խմբագրութիւնը լայն ասպարէզ է
բանալու հայ երիտասարդութեան առաջ, առանձնապէս աշխա-
տելով տեղ տալ թարմ ու օգտակար ոյժերին և գործադրելով
գրական աշխատանքի վարձատրութեան սկզբունքը:

Բաժանորդագրութեան պայմանները

Թիֆլիսի եւ Ռուսաստանի համար
4 ամիսը (սեպ.—յուն.) 2 ռ. 50 կ.

3 »

2 »

2 »

1 » 50 »

1 »

» » 75 »

Արտասահմանի համար

4 ամիսը 4 ռ.==9 մարկ

= 11 ֆրանկ==9 շիլլին

= 2 ղօլլար

Խմբագիր-Հրատարակիչ՝ Գ. ՄԵԼԻԲ-ԿԱՐԱԳԵՕԶԵԱՆ

1906 ՏԱՄԱՆԵՒԹԻԿԵՐՈՐԴ ՏԱՐԻ 1906

Բացում է բաժանորդագրութիւն

Լ Ո Ւ Մ Ա Յ

Գրական, բաղաձայն, պատմական եւ համըային

Ա Մ Ս Ա Գ Ր Ի

ԼՈՒՄԱՆ ՅՈՒՆՈՒՍՐԻՅ ԿԶՐԱՏԱՐԱԿՈՒԻ ՀՅՏԵՒԵԱԼ

ԼԻԱԿԱՏԱՐ ԾՐԱԳՐՈՎ

1. Ինքնուրոյն եւ ռուսերէնից ու օտար լեզուներից թարգմանուած վէպեր, պատմուածքներ եւ ոտանաւորներ. այլ եւ կենսագրութիւններ:

2. Կովկասագիտութեան վերաբերեալ ամեն տեսակ պատմական վաւերագրեր եւ յօդուածներ:

3. Հանապարհորդութիւններ եւ ժողովրդի կենցաղի նկարագիրներ:

4. Բարոյագիտական յօդուածներ:

5. Մասենախօսութիւն եւ կրիտիկա գրական երկերի:

6. Ներքին տեսութիւն:

7. Բաղաքական տեսութիւն.

8. Այլ եւ այլք. տեղեկութիւններ գիտութիւնից եւ արուեստից:

9. Խմբագրութեան պատասխաններ:

10. Ցայտարարութիւններ:

«ԼՈՒՄԱՆ»-ին կաշխատակցեն մեր հետեւեալ աշխատակիցները.—Օր նուարդ Աղանեան, ռ. ռ. Հապէլ Զիլինկարեան, Տիրուհի Կոստանեան, պ. պ. Ասրպէս, Արշակ Զիլինկարեան, Արշակ Չոպանեան, Բենիկ վարդապէս, Գար. Ենգիբաւեան, Իրիգոր Վանցեան, Երուանդ Հաւազիզ, Իսահակ Յարութիւնեան, Իւրիկ Վեսելովսկի Կարապէս Կոստանեան, Միլան Բերբերեան, թմ. Մ. Մամեան, Միխայիլ Թամաշեան, Մկրտիչ Բարխուդարեան, Մկրտիչ Դազարեան, Մուրացան, Մուշէ Վ., ՄԱՐՏ, Մ. Շովրեան, Յովհաննէս Յովհաննիսեան. ն. Յարոյ, Նիկ. Բարաւեան, Հիւլանգադէ, Պերճ Պոշեան, Սարգիս Մանասեան, Ստեփան Դարբիշեան, Վրդանէս Փափազեան, Տ. Վ., Բաշքերուհի, Քենասուր, ** եւ այլն եւ այլն:

Տարեկան բաժանորդագրինն է Ռուսաստանում 8 ռուբլի, կէս տարուանը՝ 5 ռուբլի. իւրաքանչիւր համարը՝ մի ռուբլի, Արսասահմանում 27 Շրակ:

Բաժանորդագրութիւնն ընդունւում է Թիֆլիսում «Լումարի խմբագրատանը Պօլիցէյսկի 7, եւ Կենտրոնական գրափաշառանոցում. իսկ գաւառներում մեր գործակալներին մօտ.

Ցայտարարութիւններին տողը արժէ 10 կոպէկ:

Ապառիկ բաժանորդագրութիւն չէ ընդունւում:

Խմբագրութեան հասցէն. Тифлисъ, Редакция е-
жемѣсячнаго журнала „ЛУМА“, արտասահմանից՝
Tiflis, Rédaction du journal arménien „LOUMA“.

Խմբագիր Հրատարակիչ ԴԻԻՏ Ա. ԳԱՀ. ԱՂԱՆԵԱՆՆ